

«ՈՐՈՎՂԵՏԵՒ ԱՄԵՆԱՅՆ ՊԱՏԵՐԱԶՄ
ՈՒ ԱՄԲՈՒԱՅԻՆ ԽՈՈՎՈՒԹՅՈՒՆՆԵՐ
ՆՄԱՆ ԻՄԱՍՏՈՒԹՅՈՒՆՆԵՐԻ ՊԱԿԱՍԻ
ՊԱՏՃԱՌՈՎ ԵՆ ԼԻՆՈՒՄ»:

ՔԱՍԱՍԱՆ ԱԳԻՐՔ



«Եթե տիմար մեկը
կարգա՝ կուսուցանվի
եւ եթե ամենա-կատար ու
իմաստուն մեկը՝ այս
մատյանով իր թերին կլցնի»:

Երևան - 2001

ՄԽԻԹԱՐ ԳՈՇ

ՏԵՐՈՒՆԱԿԱՆ ԱՂՈԹՔ

«Եվ Քրիստոսն ասաց՝ դատաստան անելու համար եկա այս աշխարհ, եւ թե՛ Հայրը ոչ մեկին չի դատում, այլ ամեն տեսակի դատաստաններ անելը տվել է իր Որդուն»:

Հա՛յր մեր, որ երկնքում ես, սուրբ թող լինի Քո՛ անունը, Քո՛ արքայությունը թող գա, Քո՛ Կամքը թող լինի երկրի վրա, ինչպես որ երկնքում է: Մեր հանապազօրյա հացը մե՛զ տուր այսօր եւ թող մեզ մե՛ր պարտքերը, ինչպես մենք ենք թողնում մե՛ր պարտապաններին եւ մեզ փորձության մի՛ տանիր, այլ փրկի՛ր մեզ չարից, քանի որ Քո՛նն է արքայությունը եւ զորությունը եւ փառքը՝ հավիտենական. ամե՛ն Ա:

ԴԱՏԱՍՏԱՆԱԳԻՐՔ

Գ խմբագրություն



ՀԱՅՐ ՄԵՐ, ՈՐ ՅԵՐԿԻՆՍ ԵՍ, ՍՈՒՐԲ ԵՂԻՑԻ ԱՆՈՒՆ ՔՈ,
ԵԿԵՍՅԷ ԱՐՔԱՅՈՒԹԻՒՆ ՔՈ, ԵՂԻՑԻՆ ԿԱՄՔ ՔՈ, ՈՐՊԵՍ
ՅԵՐԿԻՆՍ ԵՒ ՅԵՐԿՐԻ, ԶՀԱՅ ՄԵՐ ՀԱՆԱՊԱԶՈՐԴ ՏՈՒՐ ՄԵԶ
ԱՅՍՕՐ, ԵՒ ԹՈ՛Ղ ՄԵԶ ԶՊԱՐՏԻՍ ՄԵՐ, ՈՐՊԵՍ ԵՒ ՄԵՔ
ԹՈՂՈՒՄՔ ՄԵՐՈՅ ՊԱՐՏԱՊԱՆԱՅ, ԵՒ ՄԻ՛ ՏԱՆԻՐ
ԶՄԵԶ Ի ՓՈՐՁՈՒԹԻՒՆ, ԱՅԼ ՓՐԿԵԱ՛ ԶՄԵԶ Ի ՉԱՐԷՆ, ԶԻ ՔՈ Է
ԱՐՔԱՅՈՒԹԻՒՆ ԵՒ ԶՈՐՈՒԹԻՒՆ ԵՒ ՓԱ՛ՌՔ ՅԱՎԻՏԵԱՆՍ.
ԱՄԷՆ:

- Եվ արդ, նախ այս մասին խոսենք, որ պարտավորություն է, որպեսզի դատավորները գովեստ ու պարզելներ ստանան թագավորներից, որպեսզի չլինի թե ձանձրանան դատ վարելուց, նույնը լինի եկեղեցու դատավորների համար, որ են եպիսկոպոսները. նրանք մեծամեծ պարզելներ ստանան կաթողիկոսից, եւ լիությամբ, որպեսզի չլինի թե աղքատության պատճառով Աստծո ուղիղ դատաստանը թյուրեն:

- Որովհետեւ ի սկզբանե ոչ թե ամենայն արվեստի գործ մեկ սկսողի կողմից ավարտվեց, այլ բազում ժառանգորդ այրերի ձեռքով, որովհետեւ մասնավոր գտնվածները հավաքվելով գոյացրեցին արհեստը, ըստ ոստայնագործների առակի: Նաեւ պատշաճ է իմ վարքի համար էլ՝ համարձակություն ստանալ սրանով, եթե ատյան եմ մտնելու անկաշառ եւ անմեղադրելի, քանի որ իմ ձեռքով իսկ եմ գրում ապագա եկողների համար այս նշանակը:

- Եվ որովհետեւ արդարների վրա կանոնական սահմանների օրենքներ չկան, ուստի դատաստաններ չկան նաեւ կենցաղում ուղիղ ընթացողների համար: Եվ որովհետեւ արդարամիտ այրը չի զարհուրում երկնավոր դատավորից, նաեւ երկրավորից չի զարհուրում:

- Խնդրում ենք մի երկրորդ բան եւս ի մտի առնել, որ մեզ ոչ քիչ չափով է օգուտ, քանզի ամենքի համար են այս գովածքները՝ զուգընթաց նրանց զորությամբ՝ չափի մեջ դնելով մարդկանց: Որովհետեւ սրանց դիտավորությունը մեղքերը կրճատելը եւ դրանով չարին վերջ տալն է: Եվ հետեւանքը ոչ այլ ինչ է լինում, եթե ոչ այն, որ դարձնում է մեզ համամիտ եւ համակարծիք, որոնցից եւ սերն է հաստատվում, որ գլուխն է բոլոր պատվիրանների:

- Չափավոր այս գլուխներով, իմաստությամբ վարվելով՝ տվեցինք տեսակները, որոնցով դիտել ենք տալիս, թե սրանց հետեւելով որքան օգուտ ու շահ կլինի հասարակությանը, որովհետեւ ամենայն պատերազմ եւ ամբոխային խռովություններ նման իմաստությունների պակասության պատճառով են լինում: Եվ սրանք, այս օրենքները, հաստատվելով եկեղեցու կողմից, լինում են պատճառ խաղաղության եւ բազմաթիվ բարեկարգությունների: Քանի որ աստվածային շնորհներից մեկը, որ տրված է եկեղեցուն՝ եւ Յնով/կտակարանով/, եւ Նորով/կտակարանով/, այս իսկ է:

ՄԽԻԹԱՐ ԳՈՇԻ

Մխիթար Գոշի կենսագիրը պատմիչ Կիրակոս Գանձակեցին է: Գոշը ծնվել է ԺԲ դարի 20-30 -ական թվականներին: Մահացել է 1213 թվականին՝ ապրելով 80-90 տարի: Ծնողները քրիստոնյաներ էին եւ նրան տվեցին սուրբ գրքերն ուսանելու: Եւ երբ Մխիթարը չափահաս դարձավ, ձեռնադրվեց կուսակրոն քահանա: Սակայն ստացած ուսմամբ չբավարարվեց եւ հանդիպելով Հովհաննես Տավուշեցի վարդապետին, որ «երեւելի էր գիտուլթյամբ», երկար տարիներ աշակերտեց նրան եւ այլ վարդապետների էլ, այդպես, ինքն էլ քննություն բռնելով, արժանացավ գիտուլթյունների ամենաբարձր՝ «վարդապետ» կոչմանը: Սակայն այս ուսումնառուլթյամբ Մխիթարը չբավարարվեց, այլ՝ ելավ՝ գնաց Կիլիկիա՝ Սեւ Լեռան նշանավոր վանքերը, ուր թաքցնելով, թե ինքն արդեն վարդապետ է, ավելի եւս խորացավ աստվածաբանուլթյան եւ իմաստուն այլ գիտուլթյունների մեջ: Այդպես, երկրորդ անգամ արժանանալով վարդապետի ամենաբարձր կոչմանը, վերադարձավ հայրենիք: Այստեղ Աղվանից Ստեփանոս կաթողիկոսի եւ Մխիթարի հարաբերուլթյունները, խորն ու սկզբունքային տարածայնուլթյունների պատճառով, լարվեցին այնքան, որ կաթողիկոսը մեծ այրին վնաս պատճառելու համար անգամ դիմեց մահմեդական իշխողների օգնուլթյանը: Այս անտանելի հալածանքների պատճառով Մխիթարը ստիպված էր տեղափոխվել Հաթերքի իշխան Վախթանգի մոտ: Սակայն, երբ Քուրդ անունով հայագգի իշխանը, որ Մխիթարին հարազատ հոր նման էր սիրում, վերահաստատվեց իր Կայեն գավառում, Մխիթարը տեղափոխվեց նրա գավառը եւ բնակվեց Գետիկ վանքում: Երբ երկրաշարժի հետեւանքով Գետիկը կործանվեց, Մխիթարը իր բարեկամ իշխաններ՝ Ջաքարիայի, Իվանեի, Վախթանգի, Քուրդի եւ այլոց օգնուլթյամբ կառուցեց Նոր Գետիկ վանքը, ուր եւ բնակվեց մինչեւ խոր ծերուլթյուն: Մխիթարը Հայաստանի մեծագոր, ինքնիշխան տիրակալ Ջաքարիայի խոստովանահայրն էր, եւ տիրակալը Մխիթարի կարծիքն ավելին էր համարում, քան եկեղեցական մի ողջ ժողովի: Այս վկայուլթյունը մեզ համար եւս զարմանալի չի մնում, երբ ծանոթանում ենք սուրբ այր Մխիթար Գոշի իմաստուն մշակուլթյան պտուղներին՝ Դատաստանագրքին եւ առակներին: Եւ

Թող օրհնյա՛լ լինի Աստվա՛ծ, Մայր Հայաստանին նման օրհնություն զավակներ պարգեւելու համար եւ թող բազում լինեն նրանք իրենց քաղցրաբառ պտուղներով, որոնցով հավատարմեցնում են մեզ ձշմարտության եւ Լույսի գիտություններին: Ամե՛ն եւ Ամե՛ն:

ԿԻՐԱԿՈՍ ԳԱՆՁԱԿԵՑԻՆ ՍՈՒՐԲ ՄԽԻԹԱՐ ԳՈՇԻ ՄԱՍԻՆ

Այնպես պատահեց մի անգամ, որ նրա սպասավորները վանքի պետքերի համար գինի բարձած գալիս էին: Բասիլա անունով մի ոմն վրացի եկավ ու կամենում էր բռնի կերպով նրանցից գինի առնել, որովհետեւ Իվանեի գործակալն էր անտառի վրա ու պահում էր նրա իջեւանատեղը: Սպասավորները ասում են նրան. «Մեզ նեղություն մի տա, որովհետեւ մենք Գոշի մարդիկն ենք»: Մականունով այսպես՝ Գոշ էին կոչում նրան, որովհետեւ շատ քիչ էին նրա մազերը: Իսկ այդ թշվառականը հայհոյելով անարգեց նրանց ու Գոշին: Երբ հասավ հայհոյության այն տեղը, ուր Գոշի անունը պետք է անարգանքով հիշատակեր, անմիջապես համրացավ եւ կապվեց լեզուն, ծովեցին նրա շրթունքները, եւ այդպես մնաց շատ օրեր, մինչեւ որ հառաչանքներով թողություն խնդրեց: Եւ ամեն ոք, ով տեսնում էր այդ պատժված մարդուն, գովում էր Աստծու ծառա Գոշին: Մխիթար Գոշը թողեց իբրեւ հիշատակ ու շիրմաքար՝ բազմաթիվ իմաստասուհ գրքեր:



Մխիթար Գոշի Դատաստանագիրքը քանի որ Հին եւ Նոր Կտակարանների որդին է, ուստի եւ, աներկբայելի է, որ դրանով կարելի է կազմավորել ու կարգավորել այնպիսի արդարակյաց, Աստվածարյալ թագավորություն, որն իր կատարելության տեսակետից՝ նմանը չի ունենա ողջ մարդկության մեջ, եւ հասունանալով կդառնա մշտապես եւ՛ խաղաղ, եւ՛ ամուր եւ՛ հաղթական, եւ՛ իմաստուն պետություն, որտեղ առատորեն կարող են բազմաթիվ մեծամեծ, լուսավոր այրեր ծնվել եւ Տիրոջ լույսով հաստատել մեր աշխարհը:

Այսօր, երբ, փա՛ռք Աստծո, Հայաստան աշխարհն առանձին մի պետականություն է, ժամանակն է, որ նախ ինքն իր եռամեծար որդիներից հռչակավոր Մխիթարի այս «Աշխարհալույս» մատյանի ոսկին, որպես օրինական ժառանգորդ՝ պետականորեն օգտագործի՝ մեր բարօրության համար: Իսկ այն ժողովուրդները, որոնք կթարգմանեն եւ կգործադրեն Մխիթարի կազմած Դատաստանագիրքը՝ գրքի իմաստության լույսից մեծապես պիտի շահեն եւ օրհնվեն: Մոտ երկու տարի առաջ, իրավաբան բարեկամներիցս մեկը մի շարք հանցանքներ նշելով, խնդրեց դրանց դատավարության մասին Սուրբ Գրքից եւ սուրբ Հայրերի տեսակետներից գործածական մի գրքույկ պատրաստել՝ դատավորների համար: Ես անցա գործի, հասցնելով միայն բնագրային համարները նշելու սեւ աշխատանքն անել: Այդժամ էր, որ, գործի բերումով ծանոթացա Մխիթար Գոշի Դատաստանագրքին եւ զարմանալով այդ վիթխարի մարդու Աստվածարյալ մշակությանը, մի շարք հոգվածներ փոխադրեցի, որոնք տպագրվեցին իրավաբանական երկու հանդեսում եւ հաղորդվեցին ռադիոյով: Ստացածս արձագանքներն այնքան լուրջ էին, քաջալերող, անգամ պարտադրող, որ չսպասելով արդեն որեւէ հովանավորի հայտնվելուն, մանավանդ որ մեծ ու ձգձգվող դատավարություններ էին ընթանում մեր երկրում եւ սոցիալական պայմանների վատթարանալուց՝ հանցանքներն էին ավելացել, այս ամենը պատճառ դարձան, որ իմ սակավ ուժերը լարելով, Աստծո օգնությամբ, գործի լրջությունը գնահատող՝ ծանոթ-բարեկամներիս (մանավանդ «Լրատու» իրավաբանական թերթի խմբագիր՝ Սասուն Մամյանի եւ կրոնի ուսուցչուհի՝ Անահիտ Գեւորգյանի) քաջալերությամբ, փոխադրությունը կարճ ժամանակում ավարտեի:

Զարմանալի էր, բայց, ցավոք, փաստ, որ Մխիթար Գոշի հանրահռչակ այս մատյանը մինչեւ այսօր ժամանակակից հայերենով չկար հրատարակված: Մատյանը հայտնի է երեք հիմնական խմբագրություններով. 3-րդ խմբագրությունը առաջինի համառոտագրված տարբերակն է, ըստ երեւույթին, գիրքը

աշխարհիկ դատավորների կողմից գործածությունների դրվելով, հողավածների մի մասից հանվել են հոգեւոր որոշ պարբերություններ, նախագաստություններ: Իսկ երկրորդ խմբագրությունը ավելի է տարբերվում այս երկուսից էլ: Փոխադրություն համար նախընտրեցի Յ-րդ՝ համառոտագրված տարբերակը, Ա եւ Բ խմբագրության թարգմանությունը ակնկալելով, որ մեր Եկեղեցին կիրականացնի կամ Ակադեմիական թարգմանություն կատարողների մի խումբ, քանի որ բազմաթիվ ծանոթագրությունները, ուսումնասիրման աշխատանքները, համեմատությունները Աստվածաշնչին եւ սուրբ Հայրերի կանոններին, հղումների առատությունը՝ օգնող ձեռք եւ արժանի ժամանակ էին պահանջում: Սակայն երբեմն կրճատումները Յ-րդում այնքան մեծ էին, պատահում էր նաեւ անհասկանալի կամ անհարկի, որ նման պարագաներում, անհրաժեշտաբար, դիմել եմ Ա խմբագրության օգնությանը: Երբեմն ինքս էլ եմ ստիպված եղել այս կամ այն պարբերությունը, նախագաստությունը, հատվածը համառոտել՝ Հարցի արդեն պարզության կամ այդ պահին ինձ խրթին թվալու պատճառով, համառոտությունների ժամանակ դնելով բազմակետ, որ եթե ընթերցողին բաց թողնվածը հարկավորվի կամ հետաքրքրի՝ հետադարձաբար գտնի բնագրում: Այսպես, ասածս այս վկայություններով, վերջապես պատրաստ է համամարդկային գլուխգործոցներից մեկի՝ Դատաստանագրքի Գ խմբագրության փոխադրության երախայրին: «Ներողամիտ եղեք, քանի որ մեր կարողությունն այդքանն էր», - ասում էին մեր Հայրերը, խոսք, որ այժմ ինձ էլ է հարմար եւ ինձ համար էլ թող հնչի որպես մի ինքնուրույն, որովհետեւ միշտ էլ ավելի կատարյալն ենք կամենում, քան կարողանում ենք իրագործել: Այս մատյանը հարկ է, որ սեղանի Գիրք լինի հոգեւոր իշխանավորների, քահանաների, թագավորների, իշխանավորների եւ բոլոր դատավորների համար: Առհասարակ, նաեւ յուրաքանչյուր մարդու, որ ունի հավատ, ըմբռնում, եւ ինչպես Գոշը կասեր. «Իմաստանալու» կամ «Իր թերին լցնելու» կարիք:

Ամենայն Բարին այս մատյանի միջոցով էլ Հայոց ժողովրդի մեջ, մեր ամենքի ջանադրությամբ իրականանա: Ամեն: Մեր շնորհակալությունը քույր Ազգանուշին՝ սրբագրությանն աջակցելու համար, «Ռեյտինգ» շաբաթաթերթի գլխավոր խմբագիր Սամվել Մուրադյանին՝ վերջնական, նվիրած եւ սիրով սրբագրության, տպագրությունն ու բաշխումն իրականացնելու համար, մեր հոգեւոր մշակության համաշխարհային արժեքները գնահատող եղբայր Ներսեսին՝ հովանավոր գտնելու համար եւ բոլոր նրանց, ովքեր այս կամ այն կերպ աջակցեցին այս գրքի լույս ընծայմանը: Խնդրում ենք Աստծո օրհնությունը նրանց՝ ամենքի համար էլ: Ամեն:

Մաքսիմ Անդրանիկի Ոսկանյան

ՄԱՏՅԱՆԻ ԳՈՐԾԱԾՄԱՆ ԲԱՆԱԼԻՆ

«Ես չեկա օրենքը կամ մարգարեներին ջնջելու, այլ նրանց լրացնելու», - ասում է Հիսուսը: Ըստ Քրիստոսի այս պատգամ- խոսքի, Գոշը յուրաքանչյուր գլխում առանձին հանցանքի համար նախ բերում է օրենքի խիստ պատժի դրույթը, ապա՝ Ավետարանի ողորմածություն խոսքը, որով մահապատիժը մեղմվում է խրատով /մարմնական մասնակի պատիժ/, դրամական տուգանքով եւ ապաշխարություն: Դատաստանի ժամանակ Ավետարանական ողորմածությունը վերաբերվում է միայն քրիստոնյաներին: Քրիստոսին հակառակողները, իրավամբ, կոչվում են այլազգիներ եւ պատժվում են օրենքի խստությամբ, ընդհուպ մինչեւ մահապատիժ: Քանի որ. «Նրանք ի բնե /չարասիրությամբ/ ուրախանում են քրիստոնյաներիս կորստի համար», - մեկնաբանում է Գոշը: Որոշ հողավածների ավելի արդարացի վճռի բանալին՝ այլ հողավածների մեջ են գտնվում, ուստի Դատաստանագրքի լիարժեք իմացությունը գերծ կպահի սխալ գործելուց եւ ավելի լիարժեք կղարձնի դատաստանը: Առավել լավ կլինի նաեւ Հին կտակարանի օրենքների եւ Նոր կտակարանի կանոնների քաջատեղյակությունը՝ առավել Աստվածահաճ դատաստան անելու համար: Այնուամենայնիվ, քրիստոնյաներիս համար Փրկչի այն խոսքը վերհիշենք, որ ասում է ինքնադատաստանի մասին. «Եթե քո աջ ձեռքը կամ աջքը քեզ գայթակղեցնում է, կտրի՛ր /Հանի՛ր/ այն, որովհետեւ ավելի լավ է քո անդամներից մեկը կորչի, քան ողջ մարմնով ընկնես գեհեն» /Լեռան Քարոզ/: Որովհետեւ այդքամ հանցանքը նախապես է արգելվում եւ գայթակղությունը դեռեւս հանցանքի չվերաճած՝ ավարտվում է ինքնադատաստանով, որ մեղավորի համար փրկություն է լինում նախ՝ օրենքի դատաստանից, ապա՝ գեհենից: Նեղ դռնով ապաշխարություն, որ կյանքի վարդապետության ամենակատարյալ ուղին է, Աստծո վախի եւ իմաստնության ուղին:

Դրամական մոտավոր փոխարժեքները՝ դատաստանագրքում

/Մեկ դահեկանը հաշվվել է մոտ 9 գրամ ոսկու արժեքով, մեկ դրամը՝ որպես կես դահեկան՝ 4,5 գրամ ոսկու: Ոսկե դահեկանը վեց դանգ է, պողպատինը, որ դրամն է՝ երեք, թասուն դանգի մեկ քառորդն է: 2 դահեկանով կարելի էր արտ գնել/:

Մեսիթ-ԱՐ ԳՈՇ

ՆԱԽԱԴՐՈՒԹՅՈՒՆ ԴԱՏԱՍՏԱՆԻ ԳՐՎԱԾՔՆԵՐԻ

ԳԼՈՒԽ Ա

ՈՐՏԵՂ ՊԱՏԱՍԽԱՆ Է ՏՐՎԱԾ ՆՐԱՆՑ, ՈՎՔԵՐ ԲԱՄԲԱՍՈՒՄ ԵՆ ՄԵԶ, ԹԵ, ԻԲՐ ԴԱՏԱՍՏԱՆ ՉԿԱ

Նախնիները դատաստան անելու համար գրուծյուններ թողեցին, բայց ինչպես որ պատշաճ է, նախ ընդդիմադրելով Տիրոջ օրենքները պարսավողներին, ովքեր ասում են, թե իբր, դատաստան չկա: Իսկ նման մտածողության պատճառն այն է, որ քիչ է նրանց մասին խոսվում, որոնց գործն ու բանը եղավ պատվել այլազգիներին էլ՝ իրավացի դատաստաններ անելով: Եվ դատաստան չկա ասելով՝ նմանները իրենք իսկ գայթակղվելով, բազմաթիվ պարզամիտների էլ են նույն խոսքերով գայթակղեցնում, որոնց եւ այս ամենն ենք նախ ասում՝ թե՛ ի սկզբանե բնութայունից դրդված է մեզ համար ընտրելն իրավացին, ըստ որի եւ հեթանոսների միջից իմաստունները աստվածանարգներին մահվամբ էին դատում, իսկ հայրատանջներ ձեռքերը հատում էին եւ այլ, այսպիսի բազում ուղիղ դատաստաններ էին անում: Իսկ անօրեններն էլ առավելությամբ են նման պարագայում վարվում՝ եւ ըստ բնության օրենքի հայրանարգին մահվամբ են պատժում, եւ այլ հանցանքների դեպքում նմանապես:

Այլ է Ավետարանը մեր Փրկչի, որ լրումն է ամենայնի՝ Հնի եւ նորի, որի համար էլ հրամայում է՝ նախնիներին ասվեց այս ինչ բանը, բայց ես ձեզ այս բանն եմ ասում: Որովհետեւ ինչպես որ օրենքն ու Ավետարանը հրամայել են, մարդիկ, մոռանալով բնության օրենքները՝ այդպես են կատարում, սակայն իշխանական կամքը չեն վերացնում, որով առաջիններին էլ է ասվում՝ սիրիւ ընկերոջը քո, ինչպես անձը քո, որովհետեւ բնութայունից է, որ քո անձը սիրո մեջ լինի: Եվ երկրորդը, մանավանդ առաջինը՝ կամքի մեջ է աշխատությամբ ապաստան գտնում՝ այլ ուղղության մեջ մտնելով: Եվ սրանցով հաստատում է մեզ՝ ամենքի հետ վարվելու մեջ իրավացի լինելու ընթացքը, որի պատճառով էլ Ավետարանը լրումը լինելով՝ ի սկզբանե գրով չավանդվեց:

Եվ երկրորդով է, որ կատարյալ օրենքները կատարյալներին տվեց եւ չկամեցավ օրենքները կատարյալ գրի միջոցով դատաստան անելու

ավանդ թողնել: Ըստ որի խրատում էր՝ ճանապարհին հաշտվել ոսոխի հետ, այդպիսով դատավորի կողմից դատաստանի չենթարկվել: Եվ երբ անիրավ դատավորի առակով հայտնի ցույց տվեց, թե ամեն ինչ խղճի մտքը պետք է հատուցել, եւ սրան դատավոր կոչեց, նմանապես եւ սրանով՝ դատաստանի իրողությունները հաստատեց: Նույն բանն արտահայտեց նաեւ տնտեսի առակում, որ թեպետ սկզբում անիրավ էր, սակայն հետո՝ գովելի էր իր զղջմամբ, որով չմտավ դատաստանի ատյան, այլ փոխարենը հաշիվ տվեց: Եվ երբ նրան ասացին, թե՛ տուր քո տնտեսության հաշիվը, ցույց տվեց դրանով, որ նա արժանի էր դատաստանի: Սակայն հետո գովեց տնտեսին, որովհետեւ հնար ունեւ, եւ հնարն այդ, իմաստնությամբ գործադրելով՝ ազատվեց դատաստանից: Այս սկզբունքից ելնելով փրկիչը հրաժարվեց դատաստան անել, երբ մեկն իր եղբոր դեմ հայց ներկայացրեց, ասելով՝ ասա իմ եղբորը, որ ինձ հետ ժառանգությունը բաժանի, սրանով իբրեւ ասած լինեւ հայցվորին, թե՛ կրկնապատիկ պատճառ ունեք /ըստ Հնի եւ նորի/ ձեզանից իրավացին ընտրելու, ինչու՞ եք ուրիշներից դատաստան ակնկալում: Այս խոսքից ուսուցանվեց առաքյալն ասելով՝ մի՞թե ձեր մեջ դատաստան անող չկա՞, հապա ինչպե՞ս է, որ ոչ թե դուք եք զրկվում ու նեղվում, այլ ինքներդ եք զրկվում ու նեղվում եւ այդ անում եք նաեւ եղբայրների նկատմամբ: Եվ երրորդ՝ Քրիստոսն այսպես կամեցավ, որ չլինի թե պարտադրված միմյանց հանդեպ իրավունքներ կարգենք դատաստանի գրով, այլ՝ սիրով եւ վշտակցությամբ եւ զանազան ժամանակների անգիր օրենքներով արդարությունը պահենք: Չորրորդ՝ բավական համարեց Մովսեսի օրենքների խոսքերը, դրանք իբրեւ սերմ դիտելով իր Ավետարանի եւ մեր հոգու համար, նրանցով վարելու արժանին դատաստանների:

Հինգերորդ՝ որ նման չեն իրողությունները, ըստ օրենքների կամ ըստ մարգարեների դատաստան անելուն կամ ըստ Ավետարանի անշարժության, այլ որովհետեւ ըստ ազգի եւ աշխարհների դատաստանները հարկավորաբար փոփոխվում են, եւ այդպես, իրավացիության որոշումը թողնում, որ դատաստանների մեջ հմտագույնները փորձեն դատ անել, ըստ պատահման: Վեցերորդ՝ գրված է, երբ երգմամբ է հաստատվում դատաստանը, /երգում/, որ Տերն արգելեց, ապա այդպիսով բոլոր հավատացյալներին հանձնեց մեզ:

ԳԼՈՒԽ Բ

ԱՅՆ ՄԱՍԻՆ, ԹԵ ԱՅՍ ԱՄԵՆԸ ԻՆՉՈ՞Ւ ԳՐԵՑԻՆՔ ԿԱՄ Ո՞ՒՄ ԿՈՂՄԻՅ ՀԱՆՁՆԱՌՈՒԹՅՈՒՆ ԱՌԱՆՔ

Որովհետեւ թեպետ ասվեց, թե Տիրոջից Հարկավոր գրով մեզ դատաստան անելու ավանդ չկա, սակայն այժմ այդ կամեցանք մենք անել, որովհետեւ բազմաթիվ անգամներ պարսավանքներ լսեցինք ոչ միայն այլահավատներից, այլ նաեւ քրիստոնյաներից, որ ասում են, թե, իբր ըստ Ավետարանի բնավ դատաստան չկա, այդպես անգիտանալով աստվածային կամքին, որ իրենց ներսում է: Եվ նրանց այդպիսի կարծիքի պատճառով երկու անգամ ի հայտ է գալիս չարի խտրը, առաջինը, որ իբր օրինադիրը անիմաստություն է վարվել, երկրորդը, որ՝ չի կամեցել զուգահեռաբար կենցաղավարել մարդկային ազգերին:

Եվ երկրորդ, որ իր հույսով մեր մեջ օրենքներով չարությունը հանգցրեց եւ կատարելություն տվեց անկատարությունն հոգու եւ տվեց վշտակցությունը սիրո՝ ատելության փոխարեն:

Երրորդ. որովհետեւ հեղգություն պատճառով անվարժներ կան օրենքներին եւ մարգարեներին եւ Ավետարանին, որոնց զորությունից հեռու մնալով, հեղգությունը ապրողները անկարող եղան ընտրել դատաստանի գիրը, որ արժանի վարքերով ապրելու ժամանակ, իբրեւ քնից կարթնացներ նրանց՝ դատաստանի գրվածքների ձեռքով:

Չորրորդ՝ որովհետեւ նվազեց հմտությունն ու փորձառությունը ըստ ժամանակի եւ ազգերի եւ աշխարհները փոփոխվեցին ըստ պատահմունքների եւ չմնացին անշարժ՝ ըստ օրենքների, մարգարեների եւ Ավետարանի:

Հինգերորդ՝ որովհետեւ /այդ պատճառներով/ այժմ չի ներգործում Հոգին Սուրբ, ինչպես որ ժամանակին Դանիելի եւ Սողոմոնի վրա էր ներգործում եւ կամ, ինչպես Կորնթոսի Հավատացյալների ու այլոց՝ Սուրբ Հոգով ճշմարիտ դատաստան անելու համար: Նրանք Հոգին առաջնորդ ունենալով՝ անկարող էին օրենքների գրվածքներին, որովհետեւ Հոգու շնորհիվ օրենքները նրանց սրտերում էր, ինչպես որ մարգարեի միջոցով էր խոստացվել: Ըստ որի առաքյալներն եւս նախապես չէին կամենում գրի միջոցով Ավետարանը քարոզել, մինչեւ այն ժամանակ, երբ գրով տալու կարիքն զգացվեց: Ըստ այդմ էլ գրով

դատաստան չավանդեցին, քանզի այնժամ քարոզչությունը փութաջանորեն հետամուտ էին ամենահարկավոր, ամենահարժեշտ բաներին: Թողեցին նրանք բնություն օրենքներով եւ քաղաքական կրթությունը ընթանան, եւ այլոք էլ նախնիների ասածներով էին դատաստանները քննում: Իսկ գրեթե այժմ պատճառ ունի, որ ամեն կողմից եղած վրիպություններն են դատաստանների հարցերում, որպեսզի այդ վրիպությունները շտկվեն:

Վեցերորդ՝ որովհետեւ դատաստանի իրողությունները երգման են հանգեցնում, մի բան, որ Տիրոջ կողմից թույլ չտրվեց, սակայն որն այժմ հաճախ, գործ ընդ գործի ետեւից եւ վայրապար վարվող դատաստանների ժամանակ կամ առանց դատաստանի հավատացյալները չարաչափում են: Նման իրողություններից ելնելով կամեցանք, ոչ թե Տիրոջ հրամանը լուծանել, այլ խնդիրները լուծելու համար դատաստանի օրենքներն ու կանոններն հաստատել, ըստ հարկավորությունների նաեւ՝ ներել դատաստանի ժամանակ:

Յոթերորդ՝ որովհետեւ գրով դատաստան չլինելու պատճառով, քրիստոնյաները գնում, դիմում են այլահավատներին, ըստ մարգարեի հետեւյալ հանդիմանությունից՝ մի՞թե Իսրայելի մեջ Աստված չկա, որ գնում հարցնում են ճանճիկին: Այս մասին առաքյալն եւս հանդիմանում է, ասելով՝ եւ եղբայրն է եղբոր դեմ դատ բացում, այն էլ անհավատների մեջ:

Ութերորդ՝ այժմ էլ տեսնում ենք՝ բազմաթիվ են եւ եպիսկոպոսներից, եւ վարդապետներից, եւ քահանաներից, եւ գլխավոր աշխարհականներից, որ երեսանց, կաշառքի համար եւ տգիտությունը թյուրում են ճշմարիտ դատաստանները: Եվ այս ամենի համար հոժարեցինք գրել գիրքը դատաստանների:

Իններորդ՝ որովհետեւ մարդու բնությունից ելնելով, որքան էլ շատ հոգով կամ տարբեր զբաղմունքների մարդկանցով կամ ցնորներով եթե կամենանք ուղիղ դատաստան անել՝ չենք կարողանա՝ մոռացությունից, ու եթե այդպես վարվեինք, հետո պիտի փոշմանած ետ դառնայինք, ասելով, ուղի՞ղ դատաստան արեցինք, թե՞ ոչ: Այլ. որպեսզի այսպիսի բաներ մեզանում չլինեն, այս էլ էր պատճառ, որ գրեցինք այս գիրքը դատաստանների, որպեսզի կարծիքներով դատաստան չանենք եւ ոչ էլ դիմենք այլազգիներին՝ մեզ համար դատաստաններ

անելու, այլ ընդհակառակը, նրանց բերանը կփակենք, որպեսզի դարձյալ մեզ հերձվածներ չխոսեն, նաեւ չբամբասեն, թե՛ իբր իրավունքների գիր չունենք: Եվ նրանք, այլազգիները /ոչ քրիստոնյաները/, որ մեր մեջ են ուսանել եւ գրել սովորել, մեր բարվոք գրվածքները չարաչար աղավաղելով են ընթերցում:

Տասներորդ` քանի որ, երբ Տեր Աստված ստեղծեց Ադամին, օր օրի շնորհները Սուրբ Հոգու գորանում էին մեզ վրա: Իսկ սատանան ասաց, թե Աստծո Հոգին էլ մարդկանց վրա չմնաց, նրանց մեղքերի պատճառով, երբ մեղանչեցին Աստծո դրախտում: Եվ այս պատճառով Քրիստոսը մարմնացավ կույսից եւ առաքյալների ձեռքով գրեց մեզ համար Ավետարանը փրկության եւ կանոններ գրեց ձեռքով մեր Սուրբ Հայրերի, ովքեր Սուրբ Հոգով գիտեցան մարմնի կրքերն ու բծերը եւ գրեցին հոգեւոր դեղերը:

Տասնմեկերորդ` որովհետեւ դատավորները միշտ երկնչում են Աստծուց, նրանք գիտեն, որ կանգնելու են երկնավոր դատավորի առջեւ, ուստի եւ ճշմարիտ եւ ուղիղ գրով թող կատարեն դատաստան մարդկանց համար:

Տասներկուերորդ` եւ մարդիկ, որ գան դատավորի առջեւ, երկյուղեն Աստծուց եւ դատավորներին չկաշառեն եւ թյուրել չտան ճշմարիտ դատաստանը, քանզի ծածկագետ Աստված տեսնում է նրանց գործերը եւ Նրա առջեւ ամենքս էլ կանգնելու ենք դատաստանի: Եվ ովքեր, որ այժմ թյուրում են դատաստանները` կաշառելով դատավորներին եւ դատաստանի եկածներին, Քրիստոսի առջեւ են կանգնելու եւ Նա կսեւացնի երեսը նրանց, ովքեր թյուրեն Աստծո գրվածքների դատաստանները:

Այս տասներկու գլուխները պարունակում էին այն պատճառները, որ եղան դատաստանի այս գիրքը գրելու համար: Որովհետեւ որ տասներկուսը բաղկացած է երկու վեցից եւ վեցը կատարյալ թիվ է: Եվ թե ինչո՞ւ է վեցը կատարյալ թիվ:

Առաջին` որովհետեւ երկու երեքից է կազմված եւ ամենայն թիվ դար է, հազարամյակ:

Երկրորդ` որովհետեւ ժամանակն է արարչության:

Երրորդ` որովհետեւ չափն է մարմնի շարժման:

Չորրորդ` որովհետեւ թիվն է մարմնի վրա ներգործելու:

Հինգերորդ` որովհետեւ ծնում է այլ չափում:

Վեցերորդ` որովհետեւ իր երկու կողմերից բացվելով եւ կրկնվելով ծնում է տասներկու թիվը եւ տասներկուսը ինքն իր կողմերից գուգորդվելով` ծնում է տասնվեց թիվը` երկու կատարյալը եւ տասն ու վեցը: Եվ խորհուրդն է նաեւ տասներկու առաքյալների` աշխարհի դատավորների, որովհետեւ նրանցից ծնվեցին դատավորներն եկեղեցու: Ինչպես որ դարն ունի վեցյակ եւ կրճատ, որ է եւ ներգործական եւ կրավորական: Եվ դատավորներին է հատկանշվում եւ՝ ներգործելը, եւ՝ կրելը դատելու:

Այս թիվը նաեւ թիվն է Քրիստոսի` երկնավոր դատավորի գալստյան, որն եւ վեց վշտերից փրկեց արդարներին եւ նույն թիվով տանջողներին ուղարկեց Իսրայելը կտրելու:

Այսքանն այս մասին բավական լինի, որովհետեւ ոչ թե խնդիր դրեցինք թվի բնությունը քննել, այլ վկայել, թե վայրապար չէր տասներկու գլուխներում ավարտել պատճառները Դատաստանագիրքը գրելու:

Իսկ այժմ, թե ո՞ւմ հորդորներով հանձն առանք գրել:

Երկար ժամանակ այս ամենի մասին տարակուսանքով խորհրդածում էի` խոցոտվելով այն նախատիքներից, որ տալիս էին մեզ եւ՝ մերոնք, եւ՝ այլազգիները: Սակայն այս գործն սկսել չէի համարձակվում, քանի որ գիտեի իմ անձի տկարության մասին: Իսկ մի այր, որ Պողոս էր անվանվում եւ հմուտ էր աստվածային օրենքների իմացության մեջ, լսեց այս խորհուրդն ինձնից եւ նա առավել եւս սկսեց հորդորել այս գործն սկսել եւ հորդորում էր մեզ Սուրբ Գրքերի խոսքերով: Եվ ես ոչ այդ բաներից դրդված կամեցա ձեռնամուխ լինել սույն գործին, այլ սկսեցի այլոց աղաչել, նրանց, որ կարող եւ գիտակ էին Աստծո օրենքներին, որովհետեւ բազմաթիվ էին նրանք, որ այսպիսի խորհրդից գլուխ կհանեին: Բայց որովհետեւ իմ ազգի անընդունելությունը գիտեի եւ տեսնելով, որ ոչ ոք հանձն չի առնում, այլեւս էլ որեւէ մեկին չկամեցա աղերսել եւ այնուհետեւ ինքս էլ լռեցի: Եվ զարմացած էի այս բաների մասին խորհելիս, թե ինչպե՞ս է, որ մեր առաջին հայրերը այս խնդիրը չեն կարգավորել: Եվ պատճառն իմացա, թե ինչո՞ւ առաքյալներին Տերն այս աշխատանքը չտվեց անել եւ կամ ինչո՞ւ ոչ մեկին չկանչեց այդ գործը գործադրելու եւ անձամբ ոչ ոքի վրա ինքն եւս իշխանություն չգործադրեց ոչ պարսավանքների եւ

ԱՅՍ ԱՇԽԱՏՈՒԹՅՈՒՆԸ ՍՏԱՆՁՆԵԼՈՒ ՀԱՄԱՐ
ՁՈՐՈՒԹՅՈՒՆ ՍՏԱՆԱԼՈՒ ԽՈՐՀՐԴԱՆՇԱՆ՝ ՀԱՆԴԵՐՁ
ՆՈՐ ԱՂԵՐՍԱԲԱՆՈՒԹՅԱՄԲ
ԱՌ ԱՂՎԱՆՆԵՐԻ ԿԱԹՈՂԻԿՈՍ ՏԵՐ ՍՏԵՓԱՆՈՍԻՆ

զարհուրանքների եւ ոչ էլ հալածանքների ժամանակում եւ կամ այն ժամանակ, երբ այլոց՝ ընկած ազգերի տերությունների դատաստաններով վարվեցին իրենները: Եվ թեպետ այս ամենն եղավ իմ ժամանակ, բայց նույնն էր պատճառը, որպես մեր հայրերի օրերին, այն որ՝ բացի Ավետարանից դատաստանները գրով չէր ավանդվում, եւ առաքյալների ժամանակից չտրվեց մեզ, սակայն դրանք մեզ համար գրելը հարկավոր էր, որպես վերնագույն մի ցուցակ /որ դրանք արդեն կային գրվածքներում, սակայն առանձին եւ համահավաք գործելու համար Սուրբ Գրքից դուրս չէին ներկայացվել/: Եվ այս աշխատությունս սկիզբն այսպես եղավ:

Հանգիպեցինք եւ տեր Ստեփանոսին, որ Աղվանից կաթողիկոսն էր եւ նույն բաների հիշատակումը նրա առջեւ արեցինք: Եվ նա հորդորեց մեզ, ասելով, թե՛ այդ գործը գլուխ բերելուն ինքն էլ է փափագում: Եվ նրան եւս ասացինք մեր անկարողության մասին: Սակայն նրա հորդորելու եւ քաջալերելու ժամանակ՝ Աստծո Սուրբ Հոգու խորհուրդն եղավ մեր մեջ, որ արժան է Իր հոգեւոր հրամանին անսալ, որովհետեւ Աստծու համար է լինելու կատարումն աշխատության, որ խորհում ենք իրագործել: Նույնն եւ սկզբի համար, ապա թե ոչ՝ պատճառ կլինի ոմանց համար այս բաները կատարելուն: Որովհետեւ ի սկզբանե ոչ թե ամենայն արվեստի գործ մեկ սկսողի կողմից ավարտվեց, այլ բազում ժառանգորդ այրերի ձեռքով, որովհետեւ մասնավոր գտնվածները հավաքվելով գոյացրեցին արհեստը, ըստ ոստայնագործների առակի: Նաեւ պատշաճ է իմ վարքի համար էլ՝ համարձակություն ստանալ սրանով, եթե ատյան եմ մտնելու անկաշառ եւ անմեղադրելի, քանի որ իմ ձեռքով իսկ եմ գրում ապագա եկողների համար այս նշանակը:

Եվ արդ, որեւէ մեկը թող ասածներս պարսականքներով չդիտի, որովհետեւ եթե տխմար մեկը կարգա՝ կուսուցանվի, եւ եթե ամենափառար ու իմաստուն մեկը՝ այս մատյանով իր թերին կլցնի: Յուրաքանչյուրի համար պատրաստ ենք սիրով ընդառաջ ելնել:

Քանզի հարկավոր է այս ամենից ելնելով փոքր- ինչ ցուցանել զորությունը առաջիկա մեր գործի, որի համար եւ աղաչում ենք քեզ, ով պատվական գլուխ Աղվանների տան սուրբ Եկեղեցու, մի համարեք ցաքուցիր այն հոգեւոր պարտականությունը, որ դրվեց մեզ վրա, որովհետեւ կանոնական սահմանները կան դատաստանի գրվածքների, որոնք պարտավորվում ենք դասակարգել, այդպիսով հայտնի կլինի չափն ամբողջի:

Եվ արդ, այսպես ենք համեմատում: Կանոնական սահմանները հոգու համար են ուղղիչ, իսկ սա՝ հոգին, ուղղիչ է մարմնի համար: Եվ թեպետ սրանք միմյանցից բաժանված են, սակայն բազում դեպքերում են միավորվում՝ որպես բնությունը հոգի եւ մարմին, երկու անչիթ խառնմամբ մեկ լինելով եւ բազմաթիվ անգամներ միասին մեկ կամքով են դրսևորվում: Այս բանի համար, թեպետ պատահում է, որ մի սահմանումով են ղեկավարվում, սակայն միմյանց չեն լուծարում: Եվ օրինակ, այն, որ հմտագույնն է առաջիկա իրողությունները քննելիս, նույն բանն է եւ այստեղ: Եվ ինչպես որ հանցանքների պատիժն է մեղավորների, ըստ իրողությունների զանազանության, նույնպես է եւ այս պարագայում: Եվ որպես որ հանդգնողներին են բանտ ու կապանքներ լինում, նույնպես էլ բանտ ու կապանք են լինում այս պարագայում: Եվ որովհետեւ արդարների վրա կանոնական սահմանների օրենքներ չկան, ուստի դատաստաններ չկան նաեւ կենցաղում ուղիղ ընթացողների համար: Եվ որովհետեւ արդարամիտ այրը չի զարհուրում երկնավոր դատավորից, նաեւ երկրավորից չի զարհուրում:

Խնդրում ենք մի երկրորդ բան եւս ի մտի առնել, որ մեզ ոչ քիչ չափով է օգուտ, քանզի ամենքի համար են այս գրվածքները՝ զուգընթաց նրանց գորությամբ՝ չափի մեջ դնելով մարդկանց: Որովհետեւ սրանց դիտավորությունը մեղքերը կրճատելը եւ դրանով չարին վերջ տալն է: Եվ հետեւանքը ոչ այլ ինչ է լինում, եթե ոչ այն, որ դարձ-

նում է մեզ համամիտ եւ համակարծիք, որոնցից եւ սերն է հաստատվում, որ գլուխն է բոլոր պատվիրանների:

Իսկ չորրորդ՝ առաքինութեանը համեմատած, հավասար է լինում արդարութեան, քանի որ իր վրա երեք մասերն է կրում եւ այդ, ըստ երրորդ խոսքի է:

Իսկ արվեստավորների աշխատանքն այստեղ նման է ոսկեգործների աշխատանքին, որոնց ոսկին նյութերի մեջ առաջնագույնն է, որ գործավորին անհայտ կերպով կա եւ դժվարութեամբ է գտնվում գործի մեջ դրվելու համար. եւ այս այսպես է, ըստ չորրորդ բանի:

Հինգերորդ՝ քերթողը գորությունն /իշխանությունն/ ունի դասդասելով քերթել /հանել/ բոլոր ավելորդությունները:

Չափավոր այս գլուխներով, իմաստութեամբ վարվելով՝ տվեցինք տեսակները, որոնցով դիտել ենք տալիս, թե սրանց հետեւելով որքան օգուտ ու շահ կլինի հասարակութեանը, որովհետեւ ամենայն պատերազմ եւ ամբոխային խռովություններ նման իմաստությունների պակասութեան պատճառով են լինում: Եվ սրանք, այս օրենքները, հաստատվելով եկեղեցու կողմից, լինում են պատճառ խաղաղութեան եւ բազմաթիվ բարեկարգությունների: Քանի որ աստվածային շնորհներից մեկը, որ տրված է եկեղեցուն՝ եւ Հնով /կտակարանով/, եւ Նորով /կտակարանով/, այս իսկ է:

ԳԼՈՒԽ Դ

ԴԱՏԱՍՏԱՆՆԵՐԻ ՄԱՍԻՆ, ԵՒ ԹԵ ՈՎՔԵՐ ԵՆ ԴԱՏԱՎՈՐՆԵՐԸ

Առաջին, ամենքի դատավորը Ինքն՝ Աստվածն է, ըստ այն խոսքի, թե՛ Տերն է դատում իր ժողովրդին /Բ Օրենք, ԼԳ-36/: Եվ Եսային մի այլ տեղ ասում է՝ Տերն է մեր դատավորը /Եսայի, ԼԳ-22/, եւ Աստված է քննում սրտերն ու երեկամները /Սաղմոս, Է-10/: Եվ դարձյալ թե՛ ե՛կ, Աստված եւ դատի՛ր Քո դատաստանները /Սաղմոս, ՀԳ-22/: Եվ որ՝ Աստված է արդար դատավորը /Սաղմոս, Է-12/, եւ այլ՝ այսպիսի, նախապես ծրագրված դատաստանի տնօրենութեան հաստատումներ, որոնցով հայտնի է, թե դատաստան կա մարդկանց: Եվ թեպետ գրեց Աստված Մովսեսի ձեռքով, թե այն անասունը, որ մեկ այլ անասունի սպանի, սպանվածի փոխարենը սպանող անասունը սպանվի. եւ անա-

սունների մասին այս խոսքը՝ խրատ էր մարդկանց համար: Եվ դեւերին եւս դատաստան եղավ, քանզի նրանք երբ ամբարտավանեցին, սատանայի հետ վար նետվեցին երկնքից: Նույնն է լինելու Քրիստոսի երկրորդ գալուստի ժամանակ (եւ երկնքից վար նետված սատանան, այժմ էլ այստեղ է դատվելու, եւ նետվելու է կրկին վար, այժմ արդեն՝ դժոխք): Եվ այս բաների, եւ մարդկանց լինելիութեան համար, բնութեամբ է, որ Տերը կոչվում է դատավոր:

Իսկ Քրիստոսն ասաց՝ դատաստան անելու համար եկա այս աշխարհ եւ թե՛ Հայրը ոչ մեկին չի դատում, այլ ամեն տեսակի դատաստաններ անելը տվել է իր Որդուն /Հովհ. Ե-22/: Եվ այս իսկ է դատաստանը, թե՛ լույսն աշխարհ եկավ, սակայն մարդիկ խավարը սիրեցին /Հովհ. Գ-19/. Եւ բազում են նման վկայությունների հաստատումները: ...Սակայն դժվար չէ ցույց տալ դատելու հատկությունը Հոր եւ Հոգու, ըստ այնմ թե՛ դա՛տ արա ինձ, Աստված եւ դատի՛ր նրանց, Տե՛ր, ովքեր դատում են ինձ /Սաղմոս Է-9, ԽԲ-1/, բան, որ Հորն է պատշաճ դատել: Եվ Հոգին, որ եկավ աշխարհն հանդիմանելու մեղքերի համար եւ հանուն արդարութեան եւ դատաստանի համար, եւ այլ բազում խոսքեր կան սրանց նման:

Երկրորդ. քանի որ Աստված դատելու իր անունը տվեց մարդկանց, ըստ այն խոսքի, թե՛ դատ արեք որբի եւ այրու համար: Դատ արեք՝ հասարակութեանն ասելով խոսքերը թագավորների, քահանաների, իշխանների եւ ժողովրդի ձեռքերի: Այս մասին տես Սողոմոնի օրինակում: Բաներ, որ անապատում Մովսեսը կարգադրեց, նույնն արեց եւ Դանիելը, ասելով՝ քահանանե՛ր, հսկող եղեք արյան դատաստանի համար: Եվ հասարակութեանը հրամաններ տվեց, եւ սրանք մեկ են, թե՛ շնորհներով Նորի եւ թե՛ ըստ Հնի:

Առաջին՝ որովհետեւ դատարկությունից մի վերցրու դատավորին որպես մերձ գործընկեր, դրանից անիրավություններով վնասներ կլինեն:

Երկրորդ՝ թեպետեւ քաղաքի դատավորը մեկը լինի, բայց բոլոր պատվավոր մարդկանցից պատիվ պիտի ստանա: Իսկ Քրիստոսն ասաց իր առաքյալներին՝ կնստեք տասներկու աթոռներին եւ կդատեք Իսրայելի տասներկու ցեղերին /Մատթեոս, ԺԹ-28/. մի բան, որ ունեն քրիստոնյաները մինչեւ այսօր. տասներկու դատավորներ են նստեցնում իրենց դատարաններում:

Իսկ Աստված ամեն մեկին՝ ինքն իր անձի Հանդեպ դրեց դատավոր՝ անիրավ դատավորի առակի միջոցով /Ղուկաս, ԺԸ-Չ/, որպեսզի այս խորհուրդը մեզ վրա վերցնելով, ամեն մեկս ինքն իր դատավորը լինի իր մտքում եւ հոգեւոր դատաստանների մեջ թյուրություն չանի:

ԳԼՈՒԽ Ե

ԱՅՆ ՄԱՍԻՆ, ԹԵ Ի՞ՆՉ Է ԴԱՏԱՍՏԱՆԸ. ՈՒՄԻ՞Ց ԵՎ
ԹԵ ՈՒ՞Մ Է ԱՎԱՆԴՎԵԼ ԴԱՏԱՍՏԱՆ ԳՈՐԾԵԼԸ

Դատաստարանը թարգմանվում է՝ դատել, որ է քննելը, իսկ աստանը այն տեղն է, որտեղ քննում են, որ է՝ դատարանը կամ քննարանը, որովհետեւ քննելով է, որ իմաստուն դատավորները պատասխանատվության են ենթարկում անուղղելի մարդկանց: Եվ արդ ցույց տանք, թե ովքեր են դատավորները: Զի դատը երեք կերպ են մարդիկ վարում՝ բարի, չար եւ միջակ: Եվ պարտավոր է, որ դատավորները քննեն ոչ չարի հորդորներով, այլ՝ իմաստությամբ: Որպես որ Սողոմոնը երկու կանանց դատաստանն արեց, իմաստությամբ քննելով կարծեցյալ իրողությունները եւ Դանիելը, որ Հայտնի արեց ծերերի ստույթյամբ ասածները, այդպես էլ Քրիստոսը, երկրորդ իր Գալստյան ժամանակ արդարներին ասելու է. «Եկե՛ք, իմ Հո՛ր օրհնյալներ», իսկ մեղավորներին ասելու է. «Հեռացե՛ք ինձանից, անիծյալներ»: Այս բանից Հայտնի է դառնում, որ միջակների համար է լինում դատաստան: Եվ այստեղ միջակները ապաշխարողներն են, որոնց ապաշխարության գործերը կշռվում են մեղքերի համեմատ, եւ ծանր կշռողն է վճիռը շահում: Երկուսն էլ ծայր առնելով, ցույց են տալիս ոմանց արժանավորությունը՝ առանց դատաստանի, քանի որ նրանց գործերն են գովաբանությամբ հիշատակվում եւ ոմանց էլ պարսավելի գործերը մերժվում են, որոնցից ուսուցանվում ենք, թե ծայրահեղներին եւ միջակներին է դատաստան լինում:

Եվ արդ, այս ամենից ելնելով, հույժ կարեւոր է, որ դատավորները լինեն իմաստուններ՝ ուսման եւ հանճարի մեջ, որպեսզի Աստծո կամքը կատարողներ լինեն ե՛ւ հոգեւորների, ե՛ւ մարմնավորների համար, որպեսզի դատաստանները ճշմարիտ կատարեն, նաեւ լինեն բարեմիտներ, որ ո՛չ երես առնեն եւ ո՛չ էլ հարկ համարեն ամաչել:

Եվ ո՞ւմ է ավանդվում դատաստան անել: Քանզի, ըստ օրենքի Հատուկ են դատավորները եւ ըստ պատահմունքի էին թագավորները, մարգարեները եւ քահանաները նաեւ լինում դատավորներ, ինչպես նախապես ասվել էր: Այլ, քանի որ մեր մեջ այսպիսի կարգ է առաջացել, թե դատաստանի գրվածքները հարկ է ավանդել եպիսկոպոսների ձեռքով, որովհետեւ մեզ՝ դրսիներից ոչ մեկը իմաստության չի վարժել: Եվ որովհետեւ այժմ եպիսկոպոսներին է հանձնված հոգ տանել թե կեղեցականներին, թե աշխարհականներին եւ եպիսկոպոսների հետ, ըստ պատահմունքի /դատավորներ/ լինեն իշխանները եւ ժողովրդի գլխավորները, նաեւ՝ քահանաներից ու վարդապետներից իմաստունները, սակայն այս բաների ավանդապահները եպիսկոպոսները լինեն: Բայց երբեք այն եպիսկոպոսները, որ տգետ են եւ արծաթասեր, այլ՝ գիտունները, որոնք ըստ Հիսուսի Խոսքի՝ ճշմարիտ օրենքների եւ պատվիրանների մեջ են վարժված: Եվ եթե այս բաներում հանդիպեն տխմար եպիսկոպոսներ, այդժամ վարդապետներով, քահանաներով եւ աշխարհականներով այս գրքի իմաստություններով լցվեն ուսմամբ աստվածային, որ հերձվածողներից ամենեւին չբամբասվեն:

ԳԼՈՒԽ Զ

ԱՅՆ ՄԱՍԻՆ, ԹԵ ՈՐՊԵ՞Ս Է ԱՐԺԱՆ, ՈՐ ԴԱՏԱՎՈՐՆԵՐԸ
ԼԻՆԵՆ ԱՄԲԱՍՏԱՆՅԱԼՆԵՐԻ ԵՎ ԴԱՏԱԽԱԶՆԵՐԻ ՀԱՄԱՐ

Արժանը այն է, որ դատավորները լինեն անկաշառ, որովհետեւ կաշառքը կուրացնում է իմաստունի աչքերը, ինչպես որ գրված է, թե՛ իրավունք հաստատելու համար նա կաշառք չառնի, եւ ով այդպես կանի, նա հավիտյան չի սասանվելու: Եվ Քրիստոսը հրամայում է, թե՛ աշառություն մի՛ արեք, այլ ուղի՛ղ եւ իմաստո՛ւն դատաստան կատարեք:

Եվ արդ, չի կարելի թյուրել արդար դատաստանը հանուն կաշառքի, թող տխմարները չգայթակղվեն եւ չհլնեն գնան այլազգիների մոտ դատաստանի, այլ համարձակ լինեն ասելու, ինչպես Քրիստոսն է ասել՝ թեպետ եւ դատեմ էլ, բայց իմ դատաստանը արդար է:

Եվ չի կարելի անձի օգուտը խնդրել, որպեսզի շատ շատերը հավատան նրան /դատավորին/ եւ ուղիղ դատաստան անեն: Եվ թեպետ

պարտավորությունն է ամենայն ողորմությունն հիշել, բայց դատաստանի ժամանակ ոչ միայն աղքատներին, այլ ամենքին միապես վերաբերվեն, ըստ այն խոսքի, թե՛ մի՛ ողորմիր որբին եւ այրուն դատաստանի ժամանակ, որպեսզի գայթակղություն որեւէ պատճառ չլինի: Ասվել է՝ որբի համար էլ դատ արեք եւ այրու իրավունքը պահեցեք դատաստանի ժամանակ: Եվ թեպետ դատավորների կողմից այս պահպանվելու է, սակայն յուրաքանչյուրին եւ ուսուցանում՝ առանց դարմանման միմյանց չթողնել, այլ կարողություն սահմաններում խոնարհվել՝ անկարողների հանդեպ ողորմածություն դրսևերելով:

Միայն ամբաստանողի կամ միայն դատախազի խոսքերը չլինի, թե լսեն, եւ եթե լսեն, դրանից ուսուցում առնեն, այլեւ մեկ վճիռ կայացնեն միայն այն ժամանակ, երբ միասին քննեն հարցը կատարելապես:

Վճիռ կայացնել երկու կամ երեք հավատարիմ վկաների միջոցով, ինչպես որ օրենքներն են թելադրում: Եվ թե ի՞նչ է հավատարմությունը եւ ինչու՞ երկու- երեք վկա, այդ մասին ասենք մյուս ճառում, որ պիտի գրենք:

Իսկ ում համար որ վկա չլինի, մյուս կողմի երդմամբ վճիռը կայացնել: Եվ երդում չենք հրամայում, ըստ սովորությունների, որ ունեն անօրենները, այլ հրամայում ենք կանոնապահություն եւ ապաշխարություն: Իսկ թե ինչպես է լինում երդումը եւ ովքեր պիտի երդվեն, կասեմ համապատասխան ճառում, այն էլ ոչ թե երդումը օրենսդրելով, այլ խրատելով:

Դատավորների համար պարտավորությունն եւ պատշաճությունն է՝ իրենց կողքին երկու կամ երեք փորձառու այր ունենալ, որոնք հավատարիմ լինեն Աստծո ամենայն գրվածքներին, որոնք նաեւ վստահեցված եւ վկայված լինեն բոլոր բնակիչների կողմից, եւ վկաների խոսքերից ելնելով, թե ոսոխների համար լինեն հավատարմատար եւ թե դատավորների եւ դատաստանը լինի այս այրերի վկայությունը:

Հռոմեացիք սովորույթ ունենին քննություն կատարելու համար յոթանասուներկու այրեր ընտրել որպես դատավորներ, եւ յոթանասուներկու այրերին ընտրում էին յոթանասուներկու ազգերից եւ լեզուներից, կարծելով թե, այդպես բոլոր ազգերի իմաստությունը նրանցով կունենան: Իսկ այժմ քննություն անելու համար ընտրվում են թվով տասներկու այրեր՝ տասներկու առաքյալների օրինակով, օգնա-

կաններ դատավորին եւ կարող են ոչ միայն ընտրել իրավացին՝ անսխալ պահելով արդարին, այլեւ բազում վկայություններ ճշգրտել ատյանը դատաստանի: Իսկ հույները երեք դատավորներ են կարգում, նույնպես եւ վրացիները, որ սովորել են նրանցից, եւ այս անում են Երրորդություն թվի համեմատ եւ կամ ըստ վկաների թվի: Նույնը մենք էլ ենք վկայում եւ պատվիրում մեր դատավորներին եւ եպիսկոպոսներին, որ միշտ իրենց կողքին պահեն երկու կամ երեք հավատարիմ քահանաներ, ոչ միայն որպես վկաներ դատի ժամանակ, այլեւ նրանց միջոցով կրթելու եւ կրթվելու, հմտանալու եւ հմտացնելու աստվածային գրքերի իմացությունը եւ գրվածքներով դատաստանի ու իմաստություն, այլ նաեւ որ, նրանք ժամանակին կարողանան որսալ խոսքերը այլ ազգերի իմաստունների: Եվ դատավորները իմաստություններ ասելու եւ լսելու մեջ լինեն մշտապես՝ թե՛ դատելու ժամանակ, թե՛ վճիռ հաստատելիս, ճանապարհին լինեն, թե տանը:

Դատաստանի ժամանակ /դատավորները/ երկայնամիտ լինեն, աննախանձ, անոխակալ, անհիշաչար, նման Աստծո կողմից նշանակված դատավորի եւ պարտավոր են Աստծու նմանությունը մարդասիրությունն բերել ամեն ժամանակ եւ առավել՝ դատաստանի ընթացքում:

Դատավորները լինեն երկայնամիտ եւ ներող, որովհետեւ բազում անգամներ անհայտ դիպվածներ են լինում, ուստի կարճամիտ ձեռով չլուծեն խնդիրը, այլ պահեստավորելով պահեն /փաստերը/ եւ պարապելով տեսնեն /իրողությունը/ եւ վերստին լուծեն ատյանի միջոցով, որքան էլ որ անհրաժեշտ լինի՝ նույն հարցին անդրադառնալով:

Ատյանի ժամանակ ոսոխների բանակությունը թող սաստե՛ն, որպեսզի թե ամբոխված խռովություն չլինի եւ պատճառ չլինի դատաստանի խափանման:

Դատախազները թող իմանան, թե վիճելու համար չէ, որ պիտի գան ատյան, այլ վշտակցաբար արժանի վճիռ հանելու:

Խոսեն ըստ կարգի, երկու կողմերից էլ լուրջամբ լսելով խոսողին, խոսք տան նախ մեկ կողմին, ապա մյուսին առանձին, որպեսզի ճշմարիտն երեւա:

Դատավորները իրենց սպասավորների համար զգուշ լինեն, որպեսզի հանկարծ թե նրանք վարձ չվերցնեն ու թյուրիս խոսեն, ինչպես որ սովորություն ունեն նրանք, որ գալիս են դատաստանի, քանի որ վար-

ձուլ առնուժ են դատավորի սպասավորներին, որպեսզի իրենց մասին ոչ ճշմարիտը վկայեն /դատավորի առաջ/: Արդ, պարտավորութուն է դատավորի համար ճշմարիտը լսել եւ թող երես չառնի իր սպասավորների խոսքերից խաբւելով եւ արդար դատաստան չանելով, քանզի երկնային դատաստանը, որ է աստվածային, որեւէ մեկից պատրանքների մեջ չի ընկնում եւ չի ամաչում, քանզի արդար է: Իսկ երկրավոր դատավորները պարտավոր են երկնայինի նման լինել, իսկ ովքեր որ չլինեն, այդժամ Աստծո դատաստանը պիտի մնա նրանց վրա:

Դատավորները մարդկանց վրա չհպարտանան, քանզի մեկն է Դատավորը ամենքի էլ, որն է ամենքի Աստված, որպես որ գրված է, թե դատավորներից որեւէ մեկը եթե մտքով հպարտանա, թող իր մտքով անցկացնի Ամբակում մարգարեի խոսքերը, որ կոչեց Աստծուն՝ վրեժխնդիր լինել անիրավ դատավորներից:

Պարտավորութուն է, որ դատավորները բանտ ունենան՝ դրանով անիրավներին խրատելու համար, որովհետեւ Քրիստոսն է հրամայում, թե՛ դահիճը նետում է բանտ: Նույնպես եւ դատախազներին է Քրիստոսը խրատ տալիս՝ ճանապարհին տալ հաշիվը եւ հաշտեցնել միմյանց, որպեսզի թե հակառակ այլ բան չպատահի:

Քրիստոսի աշակերտներին վայել չէ սուտ խոսել, որովհետեւ ստախոսի հայրը սատանան է, ասաց Քրիստոսը, որովհետեւ երբ սուտ է խոսում, ինքն իրենից է խոսում, քանի որ նրա հայրը սուտ է՝ սատանան, եւ նաեւ թե՛ կորցնում է Տերը նրանց, ովքեր սուտ են խոսում. այս Դավիթ /մարգարեն/ է ասում՝ մի՛ ստեք միմյանց, այլ յուրաքանչյուր ոք թող իր ընկերոջը ճշմարտութունն ասի: Եվ արդ, եթե ստախոսի հայրը սատանան է, արժան չէ թողնել Աստծո հայրութունն ու լինել որդի սատանայի, որովհետեւ Աստծո օրենքով չէ սուտ խոսքերով որոգայթներ դնել ընկերոջ դիմաց դատավորների առաջ, դրանով ջանալով իրավացի դուրս բերել շեղ դատաստաններն իրենց: Որովհետեւ իմաստուն Սողոմոնի միջոցով է գրվել. թե՛ ով ընկերոջ դեմ որոգայթ է դնում, իր անձով պիտի լցնի այն: Եվ Դավիթ մարգարեն էլ նույնն է ասում՝ այն փոսը, ով փորեց ու լայնացրեց, պիտի ընկնի նա ինքը, ով որ փոսը փորեց:

Չլինի, որ դատավորները անիրավութուն սիրեն եւ չլինի թե հավատացյալները սիրեն անիրավ հաղթանակներ տանելը դատավոր-

ների առջեւ, որովհետեւ եթե հաղթի՝ անձ է գրկելու, եւ եթե հաղթի սուտ խոսքերով՝ ամոթանք պիտի կրի մարդկանցից: Սուտ վկաներին տեղ մի՛ տվեք, որովհետեւ իրենց ընկերոջ ինչքերն են հափշտակում, երբ Աստծո օրենքներում գրված է, թե՛ ընկերոջը ինչքերին մի՛ ցանկանար: Արդ, եթե ցանկանալն է պիղծ, ապա, որքան առավել եւս՝ հափշտակելը:

Դատաստանի ժամանակ մի՛ վարձեք ճարտասանների եւ ճարտարախոսների, որովհետեւ չարը նրանցով է գլուխ բարձրացնում:

Ատյանի ժամանակ մի՛ կռվեք եւ մի նախատեք միմյանց:

Մի՛ կաշառեք դատավորներին, հափշտակելով ձեր ընկերների ինչքերը, ակտավորվելով արծաթասիրությամբ, որն է արմատը բոլոր չարիքների: Լսեցե՛ք խոսքը Պողոս առաքյալի, որ ասում է՝ ինչու՞ դուք չեք գրկվում եւ նեղվում, այլ գրկում ու նեղում եք անգամ ձեր եղբայրներին: Արդ զարհուրեցե՛ք առաքելական կանոնների հրամանից, որ Տիրոջ խոսքն է վկայում, թե՛ ավելի լավ է նա, ով տալիս է, քան թե նա, ով վերցնում է, եւ ավելի լավ է բամբասվողը, քան նա, ով բամբասեց:

Ատյանում մի՛ թուլատրեք վայրապար երդումները եւ թող չերդվեն, եթե դատավորը երդվել չի հրամայում, որովհետեւ Աստված չի հրամայել երդվել, այլ որ գիտենան Տիրոջ ասած խոսքերը եւ թե՛ յուրաքանչյուր խոսած դատարկ խոսքի համար հաշիվ է պահանջվելու Տերունական դատաստանի օրը: Եվ թե նման բաների համար Աստված քեզ դատաստանի կկանչի: Խորհեցե՛ք նաեւ այս, որ լավ է ինչքերի հափշտակության դատն այստեղ խնդությամբ ընդունել, խնդիրն այստեղ լուծել եւ արդեն ուղղված մտնել ատյանը ասեղ երկնավոր դատավորի: Դատավորները նաեւ խրատվեն այս բանում, որպեսզի նախ Տիրոջից աղոթքներով օգնականութուն հայցեն, ապա նոր միայն մտնեն դատաստանի ատյան: Եվ երբ իրավացի դատաստանը ի բարին ավարտվի, այն Աստծունը համարվի, քանզի նա տվեց բերան եւ իմաստութուն: Սակայն, եթե Տիրոջ իրողութունների մեջ հանցանք գործվի եւ արդար անիրավվի, այդժամ գոհությամբ համբերեցեք, որովհետեւ այդպես լավագույն հատուցմանը կհասնեք՝ վրեժխնդրության նախանձը Տիրոջը թողնելով, քանզի Աստված է վրեժխնդիրը:

ԳԼՈՒԽ Է
ՎԿԱՆԵՐԻ ՄԱՍԻՆ, ԹԵ ԻՆՉՈՒՄՆ Է ԿԱՅԱՆՈՒՄ
ՆՐԱՆՑ ՀԱՎԱՏԱՐՄՈՒԹՅՈՒՆԸ ԵՎ ԿԱՄ ԻՆՉՈՒՄ՞ ԵՆ
ԵՐԿՈՒ ԿԱՄ ԵՐԵՔ ԶՈԳԻ ԸՆՏՐՎՈՒՄ

Հարկավորությունից ելնելով դատաստանի ժամանակ վկաներ են պետք, որպեսզի դատախազներին հակառակելու ժամանակ դատավորը նրանց միջոցով կարողանա խնդիրը լուծել, որովհետեւ անհավատալի չափերի է հասնում դատաստանավորներին դատավորների ձեռքը մատնելը եւ եթե հնար ունենային նրանց հրի էլ կմատնեին: Նաեւ ոստիաները նրանցով /վկաներով/ առավել, քան դատավորներով, սկսում են զիջել, երբ վկաները կաշառքով վարձված չեն լինում եւ դատավորը նրանց ավելի հավատարիմ է գտնում:

Վկաների հավատարմությունը որոշեն նրանց վարքերից, որովհետեւ անհրաժեշտ է, որ նրանք ճշմարտախոս եւ անկաշառ լինեն եւ այդպես գան ատյան: Նրանք չլինեն դատախազի ազգականները, իսկ թե ազգականներն են դատախազի, այդժամ բազում մարդկանց վկայությունը նախ թող հաստատվի նրանց հավատարմությունը: Ընտրվեն երկու-երեք վկաներ, այնպես, ինչպես արեգակն ու լուսինն են երկնքի կառուցված լինելու մասին վկաներ:

Երկրորդ, վկաները երբ ծերունիներ են, նրանց առավել պատիվ է տրվում: Բայց պարտավորություն է ցույց տալ, թե քանի տարեկանն է լավ վկայի տարիքի համար: Երեք տարեկան տղան նոր է խոսում, յոթ տարեկանին ուսման են տալիս, տասնչորս տարեկանին /արտ/ սերմնացանելու, քսան տարեկանին՝ զինվորություն, քսանհինգ տարեկանին ձեռնադրում են քահանա: Արդ, պարտավորություն է քսանհինգ տարեկանին ընտրել վկայության համար, որովհետեւ թե Աստծու առջեւ է հավատարիմ գտնվում եւ ի զորու է վկա լինել մարդկանց համար բարու եւ չարի հարցերում եւ նաեւ առավել հավատարիմ է լինում դատավորների առջեւ:

Իսկ քսան տարեկանը, որ հասակ է որդեծնություն, հավատարիմ է լինում առեւտրի, վաճառքի մեջ, որովհետեւ իր անձն ու սերմը վաճառում է կնոջը եւ այդպես է գնում իր կնոջը եւ ամուսնություն մեջ հավատարիմ է: Այս տարիքը հավատարիմ է գնել ու վաճառելու մեջ:

Իսկ երբ պատահի, որ վկաներից մեկը քսանհինգ տարեկան լինի, իսկ մյուսը ծեր եւ երկուսն էլ լինեն հավատարիմներ. երիտասարդը ծերի կողքին՝ ուղիղ կլինի ճանապարհը նրա: Իսկ թե վկաներից երկուսը կամ երեքը քսանհինգ տարեկան են, ընդունելի է:

Իսկ ըստ ազգերի կրոնների պարտավորություն չէ, որ անհավատները վկաներ լինեն քրիստոնյաների վրա, թեպետեւ արդարներ լինեն եւ թվով շատ, որովհետեւ դեւերին չընդունեց Քրիստոսը եւ նրանց չլսեց, թեպետեւ արդար վկայեցին, որովհետեւ նրանց ճշմարտությունը խառնակ է եւ սուտ: Այս նաեւ Պողոս /առաքյալն/ էլ չընդունեց, որ նրանց հետ մեկ միաբանություն չկարծվի: Նաեւ հերձվածողներին եւս /քրիստոնյաների վրա վկա չընդունել/, որովհետեւ երբ Տիրոջ համար ճշմարիտ վկաներ չեն, ինչպե՞ս պիտի կարողանան մեզ համար լինել: Բայց նրանց, միմյանց վրա վկա լինելն ընդունելի է, եթե հարկ լինի:

Իսկ կանանց վկայությունը ընդունելի չէ, բացի վկայության լրաբերներից, ինչպես որ Տիրոջ հարություն լուրը չորս կանայք բերեցին երկու առաքյալներին, եւ նրանք հաստատեցին Տիրոջ հարությունը, վկաներ լինելով ճշմարիտ հարությունը Տիրոջ:

Այսպես էլ, եթե այնպիսի դեպք պատահի, որ կանայք են վկաները եւ այդ կանայք ճշմարիտ վարք ունենան, ապա թող հավատարիմ այրերին պատմեն եղելությունը եւ հավատարիմ ճանաչվի վկայությունը այս կանանց այդ այրերի միջնորդությամբ:

Բայց ատյանի առջեւ չկանգնեն կանայք, այնպես, ինչպես որ իշխանություն չէ տրված նրանց ո՛չ քահանայելու, ո՛չ նվիրելու, ո՛չ հնձան գործելու, ո՛չ խանութում նստելու եւ ո՛չ էլ այրական հազուստ հազնելու, ըստ կանոնների, այդպես էլ իշխանություն չէ նրանց ո՛չ դատելը եւ ո՛չ վկայություն տալը, բացի միայն այնքանը, որ նախօրոք նշեցինք: ...Կանանց դյուրագրգռության պատճառով նրանց /վկա լինելը/ երկբայելի է: Սակայն արժան է, երբ կանայք են վկայություն տալիս կանանց վրա, քանի որ բազմաթիվ են այն դիպվածները, որ նրանց մերձ ու ըմբռնելի են, իսկ այրերի համար՝ ո՛չ: Եվ այս դեպքում էլ վկաները պարտավոր են լինել ամեն կողմի համար երկու հոգի:

Ամեն հասակում՝ լինի ծեր, երիտասարդ, թե մանուկ, որ վկայում են Աստծուն՝ ընդունելի է, ինչպես որ Բեթղեհեմի մանուկներն էին վկայում, վկայում էր սուրբ Կիրակոսը, Ստեփանոս նախավկան եւ

բազում այլոք: Բայց մարդկային վկայության առուժով ավելի լավ է քսանհինգ տարեկանի եւ ծերերի վկայությունները, որովհետեւ Աստված սրտերին է նայում, իսկ մարդը՝ երեսին ու տեսքին: Իսկ թե ինչո՞ւ են երկու կամ երեք հոգի վկաներ ընտրում, ոչ թե ավելի շատն ենք խոտելի կոչում, այլ որպես ամենապակաս թիվ նրանց համար, ինչպես որ գրված է՝ երկու կամ երեք վկաների միջոցով հաստատվի ամենայն բան: Որովհետեւ դյուրին է մեկ ախտակիր վկայի համար սուտ խոսելը, իսկ երկու կամ երեքի դեպքում՝ ո՛չ:

Եվ որպեսզի դատավորն էլ իմանա, որ եթե երկու վկաների միջոցով է բանն հաստատվում, այդտեղից ճշմարտությունը քաղի:

Բայց պարտավորություն է վկաների համար տեսնելն ու լսելը, ապա վկայելը, որովհետեւ լավ է տեսնելը, քան լսելը եւ ճշմարիտը վկայել մարդկանց առաջ եւ Աստծուց իրենց պարզեւն ստանալ:

ԳԼՈՒԽ Ը

ԵՐԴՄԱՆ ՄԱՍԻՆ, ԹԵ ՈՐՊԵՍ Է ԼԻՆՈՒՄ ԵՎ

ՈՎՔԵՐ ԵՆ ԻՐԱՎԱՍՈՒ ՉԵՐԴՎԵԼ

Արդ, մեծ եւ տերունական հրամանն ու պատվիրանն ենք տեսնում, որ այժմ ոտքի կոխան է եղել մարդկանցից, քանի որ Քրիստոսից չունենք երգվելու հրաման: Իսկ այժմ ոչինչ բաների համար անհրաժեշտություն են կարծում հանուն Աստծու երգվել մարդիկ՝ թե ժողովների մեջ, թե շուկաներում, թե տներում: Եվ երգվում են ծերերն ու երիտասարդները, քահանաներն ու ժողովուրդները, գիտնականներն ու անգետները: Եվ նույն մարդիկ, եթե պատահում է, որ ոմանց դատաստան է լինում եւ դատավորն հրամայում է երգվել, նրանք Քրիստոսի շատ պատվերների ու չղջնելով, այդժամ հակառակում են ու ասում, թե՝ Քրիստոսն ասել է՝ ամենեւին չերգվել.../Մ.Թ. Ինչպես գիտենք, երգվելը, ըստ օրենքի էր, Հնի, իսկ չերգվելը, միայն այո՛ւ՝ այո՛ եւ ոչը՝ ո՛չ հաստատելը, ըստ շնորհի է՝ Նորի, սակայն Գոչը իմաստությամբ հաստատում է այնպիսի կարգ, օրենքից վեր՝ շնորհի՛ կարգ, որով, ինչպես այս գլխում կտեսնենք, շատեր, մեծ մասամբ իրավունք են ունենում վեր մնալ երգումից/։ Իսկ եթե մեկն ասի թե անհնարին է երգվելը, ապա հայտնի է, որ Աբրահամին երգվեց Աստված՝ խոսելով

հրեշտակի միջոցով՝ իմ անձով եմ երգվում, ասում է Տերը եւ Աբրահամ ծառային երգումը տվեց, եւ դարձյալ, Տերը երգվեց Դավիթ մարգարեին եւ թագավորները երգվում եւ երգվեցնում են միմյանց, որ երգմամբ խաղաղությունն բերեն աշխարհին: Նույնպես եւ իշխաններն են երգվում: Արդ, եթե սրանք երգվում են, պարտավոր է ուրեմն /որոշ մարդկանց/ երգվել արդար դատաստանների ժամանակ:

Եվ արդ, /դատարանում/ այսպես են երգվում, ձեռքը դնում են Ավետարանին եւ ասում. Գիտի Աստված եւ վկա են իմ սրտին Խաչն ու Ավետարանը, որ այսպես է, ինչպես ասում եմ ու չեմ ստում: Եվ կամ ասում են /Խաչն ու Ավետարանը ի նկատի առնելով/. Փա՛ռք սրանց եւ զորությունն, որովհետեւ ճշմարիտ է, ինչ որ ասում եմ եւ չեմ ստում: Արդ այսպիսի խոսքերը խոստովանություն են Աստծուն, նրա սրտագետ լինելը դիտել տալով՝ Խաչով, որ Քրիստոսի Հաղթության նշանն է, Ավետարանով, որ Բանն է Աստծո եւ եկեղեցիով, որ Տունն է Աստծո: Եվ եթե պատահի, որ քրիստոնյաները անօրեն կամ այլացեղ դատավորների հանդիպեն, պարտավոր են քրիստոնեական երգում տալ, եւ եթե քո Խաչն ու Ավետարանը նման դատավորները ուրանում են, թող քրիստոնյաները հանձնառու չլինեն նմանների առջեւ, եթե անգամ մահվան հանդիպեն: Դատավորները ամենեւին չչտապեն երգվեցնել, այլ ջանք անեն առանց երգվեցնելու խնդիր լուծել, ապա, երբ այլ հնար չլինի, այդժամ միայն թող երգվեցնեն:

Եվ երգման կարգը գրված է կանոններում, թե որքան պիտի ապաշխարեն... /Մ.Թ. Քանի որ երգվելը Ավետարանի խոսքով արգելված է քրիստոնյային, ապա եւ երգվելուց հետո հարկ է նրան այդ բանի համար ապաշխարել, մաքրել ինքն իրեն/։ Իսկ եթե հարկ կա, որ կրոնավորը երգվի, նրան բնավ մի՛ երգվեցնեք: Այժմ այն մասին, թե ովքե՞ր են պարտավոր երգում տալ: Նրանք, ովքեր վկա չունեն կամ վկաների կողմից տրված վկայագիր, երգում են տալիս: ...Նաեւ եթե տեսնեն դատավորները, որ ազնվական սիրտ ունեցող մեկն է երգում տալու, նրան չերգվեցնեն, այլ ճշմարտությամբ խոսեն նրա հետ եւ երբ տեսնեն, թե վախենալով, Աստծուց երկնչում ու /Քրիստոսի խոսքի համար/ չի երգվում, թող որ դատաստանը կատարվի առանց նրա երգման: Եվ եթե բռնեն մեկին գողության կամ բողոքյան մեջ եւ բռնողները չունենան վկա, իրենք երգվեն, ովքեր որ բռնեցին, որովհետեւ չարագործների

երդուժն ընդունելի չէ: Իսկ եթե դատավորները իմանան, թե զրպարտուծոյամբ են բռնել, եւ ստուծոյուն է բռնողներ խոսքը, ապա բռնված «գողերին» եւ «չնացողներին» չարգելել երդում տալ:

Եվ պարտավորուծոյուն չէ ամեն տարիքի մարդկանց երդվել, այլ քսանհինգ եւ ավելի բարձր տարիքի մարդիկ են իրավասու երդվել:

Պարտավորուծոյուն չէ՝ հիվանդներին երդվեցնել, նրանք կարող են չերդվել, քանի որ մահվան կասկած ունեն, գուցե եւ /երդման ապաշխարուծոյունը չհասցնեն իրագործել/ եւ անապաշխար մեռնեն:

Երեսաներին չերդվեցնել՝ նրանց խակուծոյան պատճառով: Ապաշխարողներին չերդվեցնել. չլինի թե մի մեղք եւս իրենց մեղքերի վրա ավելացնեն: Մաքսավորների, հարբեցողների եւ նման այդպիսի մարդկանց երդումը պիտանի չէ: Եվ արդ, այս երդման գիրը գրեցինք, որպեսզի ամեն մարդ թեթեւոտն չլինի եւ չչտապի երդվել կամ սուտ չերդվի, որպեսզի չլինի թե Աստծո դատաստանի ժամանակ դատաստան կրեն:

Իսկ այս սակավը, որ գրեցինք /ոչ թե երդվելը գովելու կամ հաստատելու համար/, այլ չարուծոյան ժամանակի պատճառով, որովհետեւ անօրենները բազմացան մեզ վրա եւ նրանք հեշտուծոյամբ են երդվում: Այդ բանի համար մեր ճառով ուսուցանեցինք ձեզ, թե որպե՞ս է պարտավոր երդվել /ովքեր կարող են երդվել կամ ոչ/,... որպեսզի չգատվեք Աստծոց:

ԳԼՈՒԽ Թ

ԱՅՆ ՄԱՍԻՆ, ՈՐ ՊԱՐՏԱՎՈՐ ՁԵՆ ՔՐԻՍՏՈՍԻՆ ՀԱՎԱՏԱՑՈՂՆԵՐԸ ԳՆԱԼ ԱՏՅԱՆԸ ՔՐԻՍՏՈՍԻՆ ՉՀԱՎԱՏԱՑՈՂՆԵՐԻ

Ամենքին է հայտնի, որ հեռու են իրարից հավատացյալներն ու անհավատները, առաքյալի ասածի համաձայն՝ ի՞նչ միաբանուծոյուն ունի լույսը խավարի հետ, կամ ի՞նչ /ընդհանուր/ բաժին պիտի ունենան հավատացյալները եւ անհավատները: Եվ Տերն է ասում, թե՛ ով չհավատա Աստծո Որդուն, Աստծո բարկուծոյունը պիտի մնա նրա վրա, եւ նաեւ թե՛ ով չծնվի ջրից եւ Հոգուց, չի տեսնի Աստծո արքայուծոյունը: Եվ Հովհաննէս առաքյալն է ասում, ով չխոստովանի Աստծո Որդուն մարմնով աշխարհ եկած, նա իսկ է նեւր: Եվ բոլոր մարգարեները ուրացողներ են ասում ուղիղ ճանապարհից հեռացած-

ներին: Եվ թեպետ եւ այժմ էլ մահմեդականները Աստծուն խոստովանում են որպես Հայր, սակայն Որդուն եւ Հոգուն ուրանում են, եւ այս մեծ ուրացուծոյուն է:

Եվ արդ, եթե աստվածապաշտուծոյանը մեզ ընկերակից չեն, ուստի, պարտավորուծոյուն չէ նրանց հետ դատաստանի գնալ... եւ ինչպես առաքյալն է գրում կորնթացիներին, ասելով. «Մի՞թե ձեր մեջ այնքան իմաստուն մեկը չկա, որ կարողանա երկու եղբոր մեջ իրավունք հաստատել, այլ եղբայրը եղբորը դատաստանի է տանում անհավատների մեջ եւ այդպես, անարգին եք եկեղեցու դատավոր նստեցնում»: Որովհետեւ նրանք, ըստ իրենց կրոնի համեմատ են դատաստան անում, որովհետեւ ինչպիսին որ նրանց գործերն ու հավատն են, այդպիսին է նաեւ նրանց դատաստանը: Թեպետ օրենքի սկզբից Մովսեսին ունեին, որին այլայլում են եւ ըստ իրենց չար մտքերի խորհուրդներով են առաջնորդվում: Սուտ վկաների վկայուծոյամբ են առաջնորդվում եւ կեղծավոր ատյանով եւ զրպարտող ճարտարուծոյամբ եւ անգեղջ երդմամբ: Մեռելների ժառանգուծոյունը վերցնում եւ պատճառաբանում են, թե նրա որբերի համար են պահելու... բայց իրենք են յուրացնում: Եվ այս իրենց անիրավ արարքից էլ հավատում են, թե Աստված բարին չի կամենում մեռյալներին: Ե՛վ որբերին, եւ՛ այրիներին ամբողջուծոյամբ են գրկում, քանի որ իրերն ու գանձերը վերցնում են, թե պահում ենք եւ երբ որբերը մեծանան, այդժամ կտանք նրանց եւ հետո սուտ են հանում իրենց իսկ այդ խոստումները:

Վարձու կանայք են պահում եւ երբ իրենց չար գործերն են հիշում, գնում են վարձու կանանց մոտ՝ իրենց որդիներին թողնելով:

Անխնա եւ անասաման են նրանց գործած չարիքները, որ նրանց մեջ է լինում: Եվ զգացմունքները մարմնի սրբուծոյան հոգուց են համարում, պատվում են մարմնի հեշտուծոյունը եւ իրենց չարուծոյուններից ոչ մեկից ետ չեն դառնում:

Արքայուծոյունն Աստծո՝ կին առնելով է, ասում են, իսկ դրախտը՝ ցանկալի պոռնկանոց են կոչում:

Աստծո սիրելի են ասում իրենց մոլորեցուցիչ առաջնորդին, նրան, որ պոռնկուծոյուն, արվամոլուծոյուն եւ անասնապղծուծոյուն քարոզեց:

Ասում են Աստծուն ենք պաշտում, բայց նրա խոսքերը ուրանում են: Խոստովանում են հարուծոյունը, բայց հոգուն բաժին չեն տալիս:

Ասուժ են՝ Հատուցումը ըստ գործերի է, սակայն ամենայն մեղք գործում են եւ միայն գերեզմաններն են դեղագործում: Գինին հարամ է, ասուժ են, բայց ամենքով հարբում են եւ չերկարացնեմ նրանց չարիքները: Եվ արդ, երբ այսպիսի օտարութիւն կա մեր եւ նրանց հավատի եւ գործերի միջեւ, ինչո՞ւ մեր ճշմարիտ օրենքներն ունենալով նրանց դատաստանի տակ մտնենք:

Եվ Քրիստոսին ուղիղ հավատացյալներին համար պարտավորութիւն չէ նրանց դատաստանով ընթանալ, քանզի մենք խոստովանում ենք Սուրբ Երրորդութիւնը միակ Աստվածութեամբ, որին փառք հաւիտյանս. ամե՛ն:

ԳԼՈՒԽ Ժ

ԱՅՆ ՄԱՍԻՆ, ԹԵ ՈՐՈՆՅ ԳՐՎԱԾՔՆԵՐԻՅ ՀԱՎԱՔԵՑԻՆՔ ԵՎ ԳՐԵՑԻՆՔ ԴԱՏԱՍՏԱՆԱԳԻՐՔԸ ԵՎ ԿԱՄ ՈՐ ԱԶԳԵՐԻՅ ՔԱՂԵՑԻՆՔ: ՓՈՔՐԻԿ ՀԻՇԱՏԱԿԱՐԱՆ

Նախեւառջ հավաքեցինք Աստծո օրենքներից, որ տրվեց Մովսէսին՝ ԱՌԱՋԻՆ - ԵԼԻՅ, ԵՐԿՐՈՐԴ - ՕՐԻՆԱՅ եւ այլ գլուխներից, երկրորդ՝ հավաքեցինք սուրբ հայրերի կանոններից եւ Ավետարանից, երրորդ՝ ամենայն սուրբ հիմնավորումներից, թե հներից եւ թե նորերից:

Եվ արդ, թեպէտ համարձակվեցինք եւ գիրքը գրեցինք, սակայն եթե հանդիպի իմաստուն մեկը եւ թերութիւն գտնի, աղաչում ենք, պակասը լրացնի, քանզի ամենայն գիրք ոչ թե մեկ ժամանակի մեջ է գրվում, այլ տարբեր ժամանակներից հավաքած պտուղներով: Նույնպէս եւ այս /գիրքը/, որ սկիզբ լինի իմաստունների համար, եւ մեր մասին բարին հիշվի:

ԴԱՏԱՍՏԱՆԵՐԻ ՍԿԻԶԲԸ՝ ԿԱՄՔՈՎ ՀՈՐ, ՆՐԱ ՈՐԴՈՒ՝ ՀԻՍՈՒՍ ՔՐԻՍՏՈՍԻ ԵՎ ԶՈՐՈՒԹՅԱՄԲ ՍՈՒՐԲ ՀՈԳՈՒ

ԳԼՈՒԽ Ա

ԴԱՏԱՎՈՐՆԵՐԻ ՎԻՃԱԿԻ ՄԱՍԻՆ

Եկեք այժմ դատաստանի գործերը դիտարկենք, այնպէս, ինչպէս Մովսէսն էր հրամայում լինել քաղաքների դատավորներին եւ դպիր-

ներին, որոնցից հայտնի է, թե դատաստանի ամենայն իրողութիւնները Մովսէսը չափանդեց, այլ ափանդեց դրանց սակավ տեսակները, դատավորների մեջ պահպանելով զանազան իրողութիւններ:

Եվ այդ բանի համար դպիրներ կարգեց, որպէսզի դրված դատաստանները նրանք գրով պահպանեն: Ըստ այս բանի մեզ համար էլ նույնը լինի:

Եվ արդ, նախ այս մասին խոսենք, որ պարտավորութիւն է, որպէսզի դատավորները գովեստ ու պարգեւներ ստանան թաղավորներից, որպէսզի չլինի թե ձանձրանան դատ վարելուց, նույնը լինի եկեղեցու դատավորների համար, որ են եպիսկոպոսները. նրանք մեծամեծ պարգեւներ ստանան կաթողիկոսից, եւ լիութեամբ, որպէսզի չլինի թե աղքատութեան պատճառով Աստծո ուղիղ դատաստանը թշուրեն:

Եվ արդ, այսպէս լինի: Եթե մի այր մեռնի եւ ոչ ուստր ունենա, ոչ դուստր, եւ ոչ էլ իր հայրերի ցեղից որեւէ մեկը, նրա ժառանգութիւնը եպիսկոպոսներինը լինի: Նաեւ այսպէս լինի: Եթե նույն օրինակի համաձայն կաթողիկոսը վախճանվի՝ ժառանգութիւնը նոր հայրապետինը լինի: Իսկ թե եպիսկոպոս վախճանվի նույն օրինակով, ապա նրա ժառանգութիւնը երեք մասի բաժանեն, մեկ մասը կաթողիկոսին, երկրորդ մասը՝ եպիսկոպոսին, երրորդը՝ քահանաներին: Իսկ աշխարհական դատավորներին մաս չտան, քանի որ եկեղեցու դատավորները հայրեր են հոգիների եւ մարմինների եւ պարտավոր են, որ նրանք ննջեցյալներից հատուցում առնեն: Սակայն հանուն սիրո, դատաստան անելու համար, ինչ որ մաս տան մարմնավոր դատավորներին, ոչ թե օրենքներով, այլ ըստ պատահմունքի:

Իսկ եթե վանքում կրոնավոր վախճանվի, նրա ինչքերը այն մարդուն տրվի, ում ընկերակիցն էր, իսկ եթե աշակերտ ունի՝ նա ժառանգի, իսկ եթե վարդապետ՝ նա, սակայն երբեք մարմնավոր ազգակիցները՝ եղբայրը կամ հայրը կամ ազգականներից, այլ հոգեւորները /չժառանգեն/: Եվ որպէս հասանելիք վանահօրը տան՝ մատանիներն ու հանդերձը, որովհետեւ վանականները նրա կողմից են ձեռնադրվում: Իսկ թե մահացած կրոնավորը չունի աշակերտ կամ վարդապետ, վանահայրն է նրա ինչքերը ժառանգում: Այստեղից նույնպէս մարմնավոր դատավորները չունեն մաս:

Իսկ հավատավոր կանայք. թե կինը աշխարհական քահանայից է

ձեռնադրվել եւ նրա մոտ վախճանվել՝ նա ժառանգի ինչքերը նրա: Իսկ եթե վանքում է ձեռնադրվել եւ նրանց /վանականների/ մոտ վախճանվել, նրանք էլ լինեն ժառանգորդ եւ ոչ եպիսկոպոսը:

Իսկ թե օրհնված երեց է արեղան, որ վախճանվել է եւ վարդապետ ու աշակերտ չունի, որ միաբան էին նրան նրա կենդանություն ժամանակ, նրա ունեցվածքը եպիսկոպոսը ժառանգի՝ մատանիները /նշանները/ ու հանդերձը թողնելով վանքին: Իսկ թե հոգեւոր ժառանգ ունենա, ինչքերը նրան տան, իսկ մատանիները /նշանները/ ու հանդերձը՝ եպիսկոպոսին:

Այս դատաստանը հաստատուն մնա եւ տուն ունեցողների համար, իսկ մենակյացները իրենց միաբանությունը իրենց իրենք ժառանգեն: Բայց եթե երեց կամ արեղա հանդիպի նրանց մեջ, հանդերձն ու մատանիները նաեւ նշանները՝ եպիսկոպոսին տան, իսկ այլ ստացվածքները /հոգեւոր/ եղբայրների մեջ հավասար բաժանեն:

Նույնպես եւ, եթե եպիսկոպոսը մահվամբ վերափոխվի առ Քրիստոս եւ աշակերտ ժառանգ ունենա կամ հոգեւոր եղբայր, սրանցից որին որ ինքը կամենա, նա էլ լինի նրա ինչքերին ժառանգորդ, իսկ հանդերձը, գավազանը եւ մյուսոնք եւ այլ ընծաները տան կաթողիկոսին, որովհետեւ նա է նրան եւ՝ ձեռնադրողը, եւ՝ դատավորը, մատանիները տան /նոր/ եպիսկոպոսին:

Իսկ եթե կաթողիկոսը վախճանվի, նրա ամենայն ստացվածքն ու գանձերը եկեղեցուն մնա, իսկ գոհարեությունները եւ այլ հոգեւոր ընծաները եկեղեցականների վրա բաժանեն, ըստ արժանվույն:

Այս լինի իրավունքը եկեղեցու դատաստանների, եւ ոչ մեկը իր ընկերոջ իրավունքի վրա չբարձրանա, որպեսզի չմնա մեր անաչառ դատավորի՝ Հիսուս Քրիստոսի դատաստանի ներքո:

ԳԼՈՒԽ Բ

ԹԱԳԱՎՈՐՆԵՐԻ ԴԱՏԱՍՏԱՆՆԵՐԻ ՄԱՍԻՆ ԵՎ
ԹԵ ԻՆՉ ԲԱՆԵՐ ԵՆ ՆՐԱՆՑ ՁԵՌՔՈՎ ԼԻՆՈՒՄ

Նախ շարադրեցինք վիճակն ու դատաստանները եպիսկոպոսների, որովհետեւ առաջինը լինելու պատիվը նրանցն է: Իսկ երկրորդը թագավորների դատաստաններն են:

Բայց դիտելի է, որ թագավորը Աստծով տնօրենություն ունի, իսկ մարդիկ՝ Տիրոջ անվամբ միայն:

Արդ, եթե պատահի, որ թագավորը մեռնի եւ ուստեր ու դուստրեր ունենա, պարտավորություն է նրա ինչքերը հավասար բաժանել եւ գավակներից անդրանիկին տալ թագավորությունը, սակայն եթե որդիներին մեկը ավելի առաջադեմ եւ իմաստուն լինի՝ նրան գահին նստեցնել:

Իսկ եթե թագավորը եղբայրներ ունենա, թող նրանք նստեն գահին, քանզի իրավացի չի լինի, երբ մինչ եղբայրները կենդանի լինեն, որդիները նստեն գահին, այլ, որդիները գահին նստեն՝ եղբայրների մահից հետո միայն: Իսկ եթե արքան դուստր ունենա, նա կես եղբոր մաս վերցնի:

Իսկ եթե մեռնեն թագավորներն ու նրանց որդիները եւ թագավորի որդին որդիներ ունենա եւ դուստրն էլ որդիներ ունենա, ապա որդու որդիները աթոռ ժառանգեն եւ ոչ թե դստեր որդիները եւ որքան ծննդյամբ որդիներ ունենա կամ որդու որդիներ, դստեր գավակներից արքա չվերցնել, իսկ եթե վերցնեն՝ վերցրածները օտար թող համարվեն, եւ ոչ իսկական ժառանգորդ: Նույն բանը մեծն արքա Աբգարիոսը Պարսից տան թագավորության համար կարգադրեց... Սակայն որդիների մեջ անդրանիկները պատվելու են՝ ընտիր վիճակ ստանալով, որ օրենքներն են հրամայում տալ...

Իսկ եթե թագավորը որդի չունենա, այլ դուստր, թագն իր դստերը թողնի ժառանգություն: Եվ օրենքներից հաստատուն վկայություններ ունենք, որ երբ մեռնողը որդի չի ունենում, իր դստերն է թողնում ժառանգությունը: Բայց դստեր մահից հետո, նրա ծնունդները օտար են համարվում եւ ժառանգություն չեն ստանում...

Իսկ եթե կտակ գրի արքան, ապա որքան ժամանակ որ կենդանի լինի, իշխանություն ունի իր կտակը փոփոխել, ըստ արժանվույն, քանի որ կտակը ետմահու է հաստատվում, ըստ առաքյալի հրամանի. այդպես վարվեց Կոստանդինոս արքան՝ կտակով թագավորեցնելով իր որդիներին, սահմանները հաստատելով լեռներով ու գետերով...

Եվ եթե ցեղի մեջ բնավ ժառանգ չլինի՝ հայրերից սկսած մինչեւ չորրորդ գարմը, այդժամ իշխանություն լինի թագը տալ օտարի, որը կրոնի կողմից օտար չէ... Բայց թագավորեցնելը առանց հայրապետի հրամանի չլինի:

Եվ եթե թագավորը կառուցելու լինի քաղաք կամ բերդ, կամ աշխարհագիր կատարելու լինի եւ կամ դրամ հատի, այդ ամենը ինքնիշխան կամքով կատարի, ըստ դատաստանի օրենքների:

Այլ իշխաններ պարտավոր չեն դահեկան կամ դրամ հատել եւ եթե նրանցից մեկը հատի, այդ թագավորի կամքով լինի:

Նույնպես եւ, մեծամեծ գետերի վրա կամուրջներ շինելը՝ թագավորների պարտավորությունն է կամ եթե որեւէ իշխան կառուցի, ըստ թագավորի կամքի լինի:

Իշխանները թագավորական զգեստներ չհագնեն, մինչեւ որ թագավորները չհրամայեն կամ պարգեւեն:

Արքայի առջեւ մեծամեծ իշխաններն էլ չնստեն, մինչեւ որ նա չհրամայի:

Արքայի սեղանին բացի հայրապետից ոչ ոք չնստի՝ առանց արքայի հրամանի:

Արքայի արքունիքում բացի հայրապետից ոչ ոք չնստի, իսկ արքան հայրապետի տանը չնստի՝ առանց հայրապետի հրամանի:

Չլինի թե քրիստոնյա թագավորը հարձեր պահի, որպես որ անօրեն արքաներն են անում, որովհետեւ արքան իշխանություն ունի հայրապետի հետ եկեղեցու բեմը բարձրանալ՝ Աստծո առաջ:

Արքան ամենայն իրողություն եւ գործ դատաստաններով վարի:

Եթե հարկադրաբար պատերազմի ելնի այլազգիների դեմ եւ պատերազմն ավարտվի, այդժամ սուրը /սպանդը/ վերանա, հրաման չտա այլ սպանդների, բացի հակառակորդ այլազգիների դեմ եղած հարկադրված պարագաներից:

Եվ եթե պաշարի այլազգիների քաղաքը, նախ նրանց մեկ անգամ, երկու անգամ, երեք անգամ խաղաղություն կոչ անի, եւ եթե չկամենան խաղաղությունն ընդունել, բռնություն թող վերցնի քաղաքը, եւ նրանց, ովքեր քաղաքում չէին կամենում խաղաղություն՝ սրով սպանել տա, իսկ մյուսները վրա հարկ սահմանի, իսկ եթե սրանք էլ հակառակեն հարկ տալ, նրանց էլ սպանել տա:

Արքայի կողմից քաղաքը պաշարելու ժամանակ պարտավորություն չէ պտղաբեր ծառեր կտրելը:

Նրանք, ովքեր եթե առաջ, քան չարի գլուխ ելնելը, քաղաքի կամ բերդի իրավիճակը հայտնի դարձնեն թշնամուն, մատնվեն մահվան,

իսկ եթե նման մեկը գնով գնի իր անձը, փրկվի, սակայն նրա աչքերը հանեն, իսկ նրա կնոջն ու որդիներին վերցնեն որպես ծառաներ արքունիքին, իսկ մատնիչին արտաքսեն այլ աշխարհ՝ մերկ եւ անաչք: Իսկ եթե չարի հետ գլուխ ելնի, առանց ողորմության թող սպանվի. այս դատաստանները այլազգիների համար են, եթե /նման իրավիճակներ/ հանդիպեն:

Իսկ եթե քրիստոնյա լինի քաղաքը կամ բերդը անօրենների կամ քրիստոնյաների ձեռքը մատնողը, նույն դատաստանն անեն. կնոջը, որդիներին եւ ստացվածքը վերցնեն նրանից եւ նրա աչքերը խրատելով /հանելով/ նրան այլ աշխարհ ուղարկեն, սակայն չսպանեն նրան՝ հանուն Քրիստոսի մարդասիրության:

Եվ նա, ով տերունի գանձերը գողանա, եթե այլազգի լինի, հանեն նրա աչքերը կամ ձեռքը կտրեն, եւ նրա կնոջն ու որդիներին եւ ինչքերը նրա վերցնեն արքունիքի համար: Իսկ քրիստոնյա գողից վերցնեն գողացվածը եւ նրա տունն ու ինչքերը, որ ունի՝ իր անձի հետ ծախեն եւ գինը վերցնեն, սակայն նրա որդիներին ու կնոջը ազատ արձակեն:

Իսկ եթե այլազգիներից իր կամքով քրիստոնյայի սպանի, փոխարենը ինքն սպանվի, իսկ եթե ակամա սպանի, ապա կտրեն նրա աջ ձեռքը եւ սպանվածի գինն առնեն նրանից:

Իսկ մարդու գնի համար արժանվույն գին չկա, քանի որ Աստծո պատկերն ու գործն է Աստծո, եւ մեռելներին հարություն տալը միայն Աստծո կարողությունն է լինում: Բայց չլինի թե որեւէ մեկը այս գինն համարի Հովսեփյան /Հովսեփին եղբայրները վաճառեցին՝ նախանձից դրված. Ծ.Թ./ կամ գինը՝ Քրիստոսի /Հուդան Քրիստոսին մատնեց երեսուն արծաթով/ քսան կամ երեսուն, որովհետեւ այս վաճառողներն իրենք իսկ գողեր էին: Այլ գինը մարդու տարվա օրերի թվի համեմատ՝ երեք հարյուր վաթսուհինգ դահեկան ոսկի լինի, /Ծ.Թ. Մեկ դահեկանը, ըստ ուսումնասիրողների՝ հավասար է 9 գրամ ոսկու, իսկ երեք հարյուր վաթսուհինգ դահեկանը հավասար է այսօրվա մոտ 16.000 ԱՄՆ դոլարին, իսկ, ըստ այն ժամանակվա ոսկու հանույթի դժվարություն, հաշվվում է մոտ՝ 21.000 դոլար/:

Այս գինը լինի ըստ մարդու բանական շնորհի. օրինակ, /սպանված/ քրիստոնյայի համար կրկնակին լինի եւ ըստ նրա աստիճանի ավելաց-

վի, իսկ այլազգիների համար՝ երեք մասից մեկը լինի, հարյուր քսան եւ երկու դահեկան եւ երկու քարտեզ, քանզի այլազգիները չունեն չնորհը մկրտության ավագանի: Ապա, եթե սպանողը կարողութիւն չունենա հատուցել, այդժամ վաճառեն հենց սպանողին եւ գինն արյան տիրոջը տան, իսկ սպանողի տունն ավար տրվի արքունիքին:

Եթե քրիստոնյան իր կամքով այլազգիի սպանի, արյան գինն առնեն նրանից՝ հարյուր քսան եւ երկու դահեկան, եւ եթե սպանութիւնը ակամա է եղել, ապա՝ վաթսուս եւ մեկ դահեկան, եւ գինը արքունիքը վերցնի, բայց երեք մասից մեկը տա սպանվածի յուրայիններին:

Իսկ եթե քրիստոնյան իր կամքով քրիստոնյայի սպանի, գինը արյան տիրոջը տան եւ արքայի տուգանքն իր հերթին, ըստ սպանողի կարողութիւն անեն: Եվ թեպետ սպանողն, ըստ օրենքների մահվան է արժանի, այլ թող նրա ձեռքն հատելով՝ նրան ապաշխարութիւն մեջ դնեն, իսկ եթե աղքատ է, յուրայիններով վաճառվի իր ազգին եւ հատուցում անի: Բայց երբ ակամա լինի սպանութիւնը, ապա սպանողից կես գին առնեն եւ տան արյան տիրոջը եւ արքային էլ, ըստ կարելիութեան տուգանք վճարեն, սակայն սպանողի ձեռքը չհատեն: Այսպիսի բաներում թագավորն անի դատաստան, իսկ այլ դատաստանները թողնի դատավորներին, իսկ ծածուկ մեղքերի դատաստանները թողնի բոլոր հոգեւոր առաջնորդներին:

Չլինի թե իշխանները սպանողին սպանեն, առանց թագավորի հրամանի, իսկ գողերին /պատժով/ խրատելը իշխանների իրավունքն է:

Ազատները առանց իշխանների հրամանի իշխանութիւն չունենան գողերին խրատել:

Եթե պատահի, որ թագավորն իր զորքով ավար առնի, ապա, երբ ավարն առնելով դառնան, գտնված ոսկին արքայինը լինի: Բայց երգամամբ չէ, որ ոսկին վերցնեն, այլ ժողովում քարոզ կարգալով, իսկ եթե որեւէ մեկն հետո գտնվի, որ թաքուն պահել եւ չի տվել, ապա, մեկի փոխարեն՝ յոթնապատիկը պիտի տուժի: Բայց թագավորն այս ստացվածքներից տասից մեկը կաթողիկոսին տա:

Գերիների եւ ավարի կեսը արքայինը լինի, իսկ մյուս կեսը՝ զորքերին: Իշխաններից յուրաքանչյուրը նույն բաժինն անեն եւ տասանորդը թող տան եկեղեցուն:

Իսկ եթե զորքերի հետ արքան չլինի, այլ միայն իշխանները լինեն

իրենց զորքերով, ապա ոսկին կրկին արքային տրվի եւ գերիների եւ մնացած ավարի տասանորդը նույնպես արքայինը լինի, իսկ եկեղեցուն հիսունից մեկը տրվի, ըստ օրենքների /ԹՎԵՐ, ԼԱ-30/:

Փողերը եւ դրոշները պարտավորութիւն է գավառի եւ բերդի վրա իշխող իշխանին տալ:

Վայել չէ թագավորի եւ իշխանի համար գողեր եւ ավագանիներ ունենալ, այլ միայն լրտեսներ, որ հետախույզներն են:

Զորքերն ու իշխանները, եթե թշնամիների մեջ արքայի հրամանով ավարելու ելնեն, անկասկած, ըստ պատահման ավարի, ապա ավարի եւ գերիների կեսն արքայինը լինի, իսկ կեսը զորքերինը: Սակայն եթե առանց արքայի հրամանի երթան եւ ավարեն, ապա երկու բաժինը գնացողինը լինի, որովհետեւ իրենց կամքով ի մահ գնացին: Այս, ըստ սովորութիւնների ենք ասում եւ ոչ գրվածքների հրամանով, որովհետեւ, երբ պատերազմի մեջ զորականը մեռնում է, անպարտ է նրան պատերազմի առաքողը: Իսկ եթե գողին առաքեն ավարի եւ սա մեռնի, ապա արյան պարտապանը առաքողը լինի: Իսկ եթե գողն իր կամքով, որպես թե ավարի՝ գնա գողութիւն եւ մեռնի, նրա արյունը նրա գլխին մնա: Եվ եթե արքան կամ իշխանը որեւէ մեկին ուղարկեն եւ սա բռնվի, ապա նրան փրկագնի նա, ով նրան ուղարկեց: Իսկ եթե իր կամքով, առանց հրամանի է գնացել ու բռնվել, ապա ինքն էլ իրեն թող փրկագնի:

Զորականը եթե պատերազմի ժամանակ որեւէ մեկին բռնի, ապա գերյալի զգեստը, զենքը եւ ձին՝ նրանը լինի, իսկ զրահը՝ թագավորինը:

Ոսկի, ակունք եւ կերպաս՝ ամենայն ձեւ ու տեսակներով, որ ավար է առնվել՝ թագավորների բաժինն է, իսկ արծաթն ու մարգարիտը՝ իշխանների, նույնն եւ ասրեղներ պատվական, իսկ անարգ ասրեղներ եւ՝ կտավը, եւ՝ պղինձը, եւ՝ երկաթը, եւ այլ այսպիսի բաները՝ զորքերինը լինեն:

Իսկ գավառների ու ազգերի հարկերը թագավորները եւ իշխանները արդարութեամբ վերցնեն եւ ոչ ավելի, քան առաջինների սովորութիւնն էր, որովհետեւ այդ ամենի համար հաշիվ են տալու Աստուծուն, որովհետեւ իրենք Աստուծոց կարգվեցին՝ աշխարհի պահպանութիւն եւ փրկութիւն եւ ոչ կործանման համար:

Եվ արդ, այսպես լինի: Անդաստաններից հինգերորդ մասն առնեն, որպես որ օրենսդրվեց Եգիպտոսի համար, որ մինչև այսօր կոչվում է հնգյակ, որովհետեւ այն ժամանակ, երբ փարավոնի երկիրը պտուղ տվեց, այդժամ էլ հինգերորդականը կարգվեց: Հայտնի է, որ առաջ հնգյակ էր, այլ՝ Հայրենի կտուր եւ հաշվով արծաթ սակավ ունեին: Սուլյակես եւ այժմ լինի, որովհետեւ արծաթագին անդաստանից, եւ այգուց եւ դրախտից, սրանցից հնգյակ չեն առնում, նմանապես եւ ջրաղացներից եւ տներից եւ խանութներից: Այլ, եթե բնակիչները արվեստավորներ են, իրավամբ այն լինի, որ ինչ պարտավոր են, այդքանը տան: Սակայն գլխահարկը քրիստոնյաների համար չէ, այլ՝ միայն այլազգիներին:

Ջրարբի արոտավայրերը, ըստ հնգյակի լինեն, իսկ դրախտներից՝ տասանորդ առնվի, որովհետեւ հողն է միայն թագավորինն ու իշխանինը եւ ոչ ջուրը: Սուլյակես լինեն այգիները եւ ծառաստանները:

Այսպես եւ՝ չաբաթվա յոթ օրերից մեկը՝ թագավորների եւ իշխանների համար շինականները աշխատեն:

Առանձին այլ հարկ թագավորի կամ իշխանի կողմից չգրվի, բացի հնգյակից:

Մեկ կովի համար մեկ լիտր յուղ հարկվի:

Ոչխարները եւ գառները՝ տասանորդեն:

Ձիերի, ջորիների եւ էշերի համար հարկ չլինի եւ միայն պատահմամբ սրանք ծառայության դրվեն տերունական գործերում:

Ի տարեմուտս ըստ կարողության ծառայության անեն թագավորի եւ իշխանի համար, եւ նաեւ տոներից առաջ: Ծանր պարտավորություններ մի դրեք քրիստոնյաների վրա, որովհետեւ բազում սահմաններ ու կարգեր անիրավ սովորությունների հետեւանք են:

Առանց դատաստանի եւ բազում քննություններ կատարելու չտուգանվեն նրանք, ովքեր տերունի հարցերում հանցավոր են դուրս բերվել: Իսկ այլոց ճշմարիտ հանցավորության չափը՝ դատավորները վճռեն:

Երբ թագավորը իշխանին գավառ է տվել եւ իշխանը այնտեղ բերդ չի ունի թագավորի հրամանով, կամ գյուղ, կամ ագարակ, կամ հոգետուն եւ կամ այլ, ինչ նոր կառույց որ շինի, նրա ժառանգությունը համարվի՝ ազգե-ազգ: Սուլյնի պես եւ իշխանների ձեռքով տրվածով՝ ազատները լինեն, եւ ազատների ձեռքով՝ շինականները, երբ ավերակները

վերակառուցեն կամ հողից մայրիներ հատեն, ստացվածքները նրանցը եւ ետմահու էլ՝ նրանց որդիներինը լինի:

Նոր շինված տեղերում ազատություն լինի, մինչև որ ամենայն բանով հաստատվեն: Երբ քաղաք ու բերդ է կառուցվում, եթե արքունի գանձը պակասի, կառույցն ավարտելու համար՝ առհասարակ ամենքը օգնեն, թե գյուղացիները, թե քաղաքացիները:

Քաղաքացիները առավել պատվեն, քան գյուղացիները եւ գյուղացիներն առավել, քան ագարակցիները: Սուլյնի պես լինի բերդերի եւ ավանների համար:

Հարկավոր եւ օգտակար արվեստներն են՝ հողագործությունը, դարբնությունը եւ հյուսնությունը. եւ հողագործելը շատերի արվեստն է: Առավել են պատվվում երկաթագործն ու փայտակոփը: Իսկ առավել՝ բժիշկներն են պատվվում: Իսկ գերագույն պատիվը թագավորների եւ ամենքի կողմից՝ վարդապետներին տրվի, որովհետեւ բժիշկ են եւ հայր հոգիների:

ԳԼՈՒԽ Գ

ՎԱՆԱՀԱՅՐԵՐԻ ԵՎ ԱՆԱՊԱՏԱԿԱՆՆԵՐԻ ՄԱՍԻՆ

Կարգերը ոգիների դատաստանների եւ հրահանգները՝ դրված են բարոության հայրերի եւ եղբայրների՝ սուրբ Սահակի, սուրբ Բարսեղի կողմից: Բայց մանավանդ մարմնատեսակ դատաստանների օրենքների վրա, որ նրանք դրեցին, որոշ չափով հավելում ենք անում՝ անհրաժեշտությունից ելնելով...

Եվ արդ, այսպես սկսենք: Որովհետեւ թագավորների եւ իշխանների եւ ամենայն հավատացյալների համար վանք շինելը ոչ թե մարմնավոր, այլ հոգեւոր հույսի համար է, ուստի եւ, այդ պատճառով պարտավոր չէ, որ նրանց որպես ժառանգություն մնա...

Եթե վանքին հայրապետ է նշանակվում, ապա վանքում եղած ամենայն ինչ գրով հաստատված՝ նրան տան, նույնպես եւ հայրապետը այդ ցուցակին իր նվիրատվություններն էլ ավելացնի, որպեսզի եթե պատահի, որ վանքից դուրս գա, ապա ինչ որ հանուն եկեղեցու է տվել, այնտեղ թողնի:

Իսկ հայրերի մահվան պարագայում, նրանք չլինի թե հայրապե-

տուլթյունը ժառանգուլթյուն դարձնեն իրենց ազգ ու տոհմին, միայն եթե նրանց մեջ լինի, բարի վարքով մեկը եւ այդժամ, Հաճուլթյամբ հոգեւոր եղբայրների, նստի այդ պաշտոնում... Ապա, եթե վանահոր ազգուտոհմի մեջ չլինեն արժանավորներ, հոգեւոր իմաստուն եղբայրների միջից վանահայր ընտրվի:

Չլինի թե իշխանները կաշառք վերցնելով վանահայր կարգեն առանց հոգեւոր եղբայրակցուլթյան կամքի: Եվ եպիսկոպոսները լինեն նրանց կարգողները եւ կարգեն իրավունքներով, ոչ թե կաշառքներով:

Եվ քանզի վանքում տարբեր գործեր կան եւ գործեր էլ, որ ավելի են աշխատուլթյամբ, սակայն հայտնի է, ամենքի հույսն ու հատուցանողը Քրիստոսն է: Բայց եթե գործավորների մեջ կարճամիտ մեկը հանդիպի, նրան ավելի վարձ տրվի՝ իր գործի ծանրուլթյան համար, որպեսզի այդ պատճառով եղբայրների մեջ նվազուլթյուն չլինի: Սակայն եթե այդ պատճառով տրտունջ լինի, դատաստան արվի եւ տրտնջացողը այդ գործը կատարի: Եվ այս, արտաքին կանոնը սուրբ Բարսեղի կողմից եղավ՝ կարճամիտների պատճառով:

Բայց գործավորները եթե վայրապարուլթյամբ որեւէ անոթի վնաս հասցնեն, իրենք էլ վնասը վճարեն, իսկ եթե պատահուլթյամբ եղավ՝ չվճարեն:

ԳԼՈՒԽ Դ ՎԱՐԴԱՊԵՏՆԵՐԻ ՄԱՍԻՆ

Եվ վարդապետները լինեն նախապես Հին եւ Նոր կտակարանների իրավունքների եւ կանոնական հրամանների մեջ կրթված: Երկուերեք վարդապետներ նույն տեղում կոչվեն՝ ի պատիվ հրամանի, եթե անգամ պատահի, որ միեւնույն վարդապետին աշակերտած լինեն: Եվ եպիսկոպոսի, եւ առավել՝ հայրապետի կամքով միմյանց հետ հաշտ լինեն, նաեւ իշխանի հետ եւ բարիով գործեր կատարեն, եթե՝ ոչ, ապա, ըստ օրենքների, երկու կամ երեք վկաներով այդ բանն հաստատվի եւ մեղավորին խրատեն կամ եթե հարկ է՝ լուցնեն: Իսկ օրենքներով կարգված վարդապետին պատվել, որովհետեւ առաքելական աշխատուլթյամբ եղածն է հաղորդում եւ շնորհները մարգարեների, ուստիեւ, այս բանի համար՝ ընտրյալ է կոչվում:

Իսկ նախապես մեկ վարդապետից կրթվածները, որ ամբարտավա-

նել էին, իրավունք լինի դատաստանի՝ նրանից ուսուցանվածներին երկրորդելով, եւ կամ վերջիններս, երբ զղջալով արժանավոր ապաշխարուլթյամբ ետ դառնան, այդժամ իրենց վարդապետի հրամանով վերստին վերականգնվեն:

Եվ նա, ով առանց իր վարդապետի կամքի է այդ պաշտոնին կոչվել, իր չզղջալու համար, պատիժներով էլ հատուցումն ստանա եւ զղջա, ի դեպ՝ ապաշխարներով՝ թողուլթյուն առնելով նրանից, առանց որի կամքի, ինքնակամ առաջ էր գնացել:

Եվ եթե պատահի, որ վարդապետը Աստծո խոսքերով կապել է /կապել՝ հավատով եւ աղոթքով արված խափանման միջոց, որ հոգեւորականները Տիրոջ տված իշխանուլթյամբ՝ իրավունք ունեն միաբանուլթյամբ կիրառել Ծ.Թ./ աշխարհականներին կամ վանականներին կամ եկեղեցականներին, մեկ այլ վարդապետ նրա դրած կապը չլուծարի, իսկ թե ախտավորուլթյամբ կամ տգիտուլթյամբ է այդ կապն արվել, ապա միջնորդ լինել, որ ուղղվի, հաստատելով իրավացին, առանց հակառակելու եւ եթե չանսա, կապելու փոխան՝ ինքը կապվի, մինչեւ որ զղջա: Ապա եթե իրավացի լինի եւ այլ մեկի միջնորդուլթյունը չանսա, այդժամ դատաստան լինի եւ նա կապվելու արժանիին, որ տգիտուլթյամբ էր վարվել կամ ամբարտավանուլթյամբ՝ կապի, մինչեւ նրա զղջալը, եւ վկաների առջեւ կապելու պատճառները ցույց տա եւ նրան պատասխան տալու պարտապանուլթյան մեջ թողնելով, ինքն անպարսավանք մնա:

Եթե պատահի, որ միեւնույն եղբայրանոցի մեջ երկու կամ ավելի վարդապետ լինեն, նրանցից ով որ առաջադեմ լինի, ըստ առաջնորդների հրամանի՝ նրան կոչեն գլուխ եւ ավագ, որով բարեկարգուլթյուն կլինի նրանց մեջ եւ գայթակղուլթյան պատճառ չի լինի... եւ եթե մեկն ընդվզի սահմանված կարգի դեմ, եղբայրների միաբանուլթյամբ դատաստան լինի եւ ընդվզողը նրանց միջից հեռանա:

Իսկ վարդապետները միմյանցից աշակերտներ, առանց գրի եւ իրենց կամքի չվերցնեն, ապա եթե քամահրելով մեկն ուրիշի աշակերտին առանց այս կարգի վերցնի, դատաստան լինի/ աշակերտը դարձվի իր վարդապետին/, եւ որքան որ նրանից ուսուցանված լինի, այդքան վերստին նստի եւ ուսուցանվի եւ կամ զղջալով՝ նրա կամքով մնա եւ նա ընդունի:

Ավագ վարդապետի ծառայողական վիճակը կաթողիկոսի եւ եպիսկոպոսի կամքով լինի... Եպիսկոպոսն ինքը վարդապետի միաբանությամբ ամեն մի կարգ գործի: Եվ այս եթե որեւէ վարդապետ չանսա, դատաստան լինի նրան՝ եպիսկոպոսի կամ ավագ վարդապետի կողմից, նրանց միաբանությամբ:

Եվ նրանցից, ովքեր արդեն հրամանով աստիճանակարգի են կոչվել, արժան է պահանջել տեղեկություն նրա ուսման մասին, թե որտե՞ղ, ե՞րբ եւ ո՞ւմ առաջնորդությամբ ուսանեց: Եվ այս այն բաների համար է, որովհետեւ շատերն են շրջում անգիտանալով ուսման հարցում, որովհետեւ չլինի թե պատրանքով անկատարներին պատիվ տրվի, որոնք իրենց խակություն պատճառով բազում վնասներ են գործում: Այդ իրենց իրավունքն է թեպետ, սակայն ուշադրությամբ ընտրությունը կատարվի: Ձլինի թե իրենց կամքով առաջ գան, այլ իրենց առաջադիմություն, երկյուղով, իրենց հոգիները բարություն կառուցելով եւ այլոցից պիտանի ընդօրինակումներ վերցնելով, հոգով շարժվելով, այդպես՝ մաքուր խղճմտանքի մտքերով կոչվեն Բանին ի սպասավորություն:

Եվ շտապողների համար իրավունք լինի եւ այս, որ այլոց աղաչեն, որպեսզի իրենց փոխարեն Բանի առջեւ ծառայություն ելնելու պատիվն անեն, իսկ իրենք լռեն, մինչեւ իրենց ախտերից նախ բժշկվեն, որպեսզի չլինի թե իրենց հիվանդ հոգիներով շատերին ախտավորեն. եւ այս նկատի առնել նրանց դատաստաններն անելիս: Եվ իրավացի է լինի, որ նրանց վիճակվի ամեն տեղ ուղարկել, այլ եթե իրենց գավառները կամենան գնալ, թող գնան, իսկ թե այլոց էլ վիճակվի պանդխտանալ, ապա եպիսկոպոսների միաբանություն հրամանով այդ լինի, եւ այս առաքվածները շրջելով՝ բարեկարգողներ եւ վկայողներ լինեն: Իսկ անգործունյա շրջողները, վարձի ետեւից ընկածները եւ նրանք, ովքեր ցանկանում են ամեն մեկի վրա իրենց անձերը գիտուն ցույց տալ, սրանք եղան մշակներ որովայնի եւ այլ ախտերի, եղան բանավաճառներ եւ ճամարիտ վկայողներին պարսավանքով դիտողներ. այնպիսիներին թող լռեցնեն իրավացի դատաստաններով, նրանցից վերցնելով հովվական գավազանը՝ տան ցուպը թափառաշրջիկի:

Եվ եթե պատահի, որ վարդապետը հյուր լինի մեկ այլ վայրում, ուր վարդապետ կա, չլինի թե առանց տեղի վարդապետի մեծարանքի եւ

թույլտվության խոսք ասի, այլ, ըստ տեղի սովորություն, նախ թող տեղի վարդապետը խոսի եղբայրների հետ, ապա, ըստ ամենքի կամքի կամ պահանջի՝ հյուրը խոսի: Եվ եթե վկայված մեկը հյուր լինի, եւ բնական է, որ նախ նրա կամքով լինի, նրա կամքով խոսեն, սակայն իր կամքով չչըջի՝ իրեն շրջեցնողին ամաչեցնելով, կամ յուրայիններին նրա առջեւ քամահրել տալով: Բայց եթե այս սահմանները լուծարի եւ հանդգնություն, առանց իրեն խնդրանք ուղղելու խոսի, դատաստան լինի եւ նրան իր անպատվություն համեմատ հարկ է դուրս հանել եւ ետ դարձնել:

ԳԼՈՒԽ Ե

ՔԱՀԱՆԱՆԵՐԻ ԴԱՏԱՍՏԱՆԵՐԻ ՄԱՍԻՆ

Եվ չլինի թե քահանաները ժառանգություն վերցնեն Քրիստոսի ժողովրդին, որպես տեսնում ենք, որովհետեւ դուստրերին ժառանգություն բաժինը տալիս են Քրիստոսի արյան գնով: Պարտավորություն է եպիսկոպոսին՝ այդպիսի ձեռքից վերցնել Քրիստոսի հոտը եւ տալ նրանց ձեռքը, որ Տիրոջով են տերունականը հովվում եւ պատասխանել նրանց նաեւ իրավունքներով, թե. «Որոնց որ քո սրով գերեցիր եւ գնով քո գնեցիր, նրանց էլ վերցնես քո ժառանգության մեջ, Տե՛ր»: Եվ չլինի թե Քրիստոսի չարչարանքներով գնվածներին ու փրկվածներին որեւէ մեկն իրեն ժառանգություն համարի, իսկ եթե հանդգնի՝ լռեցնել նրան եւ քահանայությունից հեռացնել:

Եվ եթե ժողովրդի մեջ ոմանց պատահի, որ տեղափոխվեն այլ թաղերում բնակություն, տեղափոխվողն այն առաջնորդի ծուխը դառնա, որ թաղում որ բնակության տեղափոխվեց եւ ոչ թե առաջինի, քանի որ ուղղափառների հովվությունը ամեն տեղ էլ մեկ ու միաբան են:

Քահանաների ազգակիցների մեջ աշխարհականներ կան, որ երբ երեցը մեռնում է, յուրայինները շարունակում են նրա ծխից ուտել կամ իրենց յուրայիններից մեկին են երեց նշանակում, որ մեծ անիրավություն է: Արդ, այդպիսիների համար պարտավոր է, եթե սարկավազներ են՝ քահանաներ դառնալ, իսկ եթե աշխարհականներ են, նրանց ծխից ուտելը խափանվի, իսկ եթե հանդգնեն, ապա եպիսկոպոսի կողմից նգովվեն, մինչեւ որ գղջան: Իսկ վանքերի քահանաներին պատշաճ է ծուխերից ուտող երեցներից մաս առնել:

Աշխարհականներից եթե որեւէ մեկը մատաղ անի, իր քահանայի բաժինը տա՝ գլուխը եւ... նաեւ մորթին եւ չլինի թե չարություն անելով՝ այլ քահանայի տա, ապա եթե այդպես անել Հանդգնի, եպիսկոպոսը կրկին նրանից վերցնի եւ տա նրա քահանային: Եվ եթե ժողովրդականներից որեւէ մեկը նախատի քահանային կամ հարվածի նրան, ապա արժան է նրա ձեռքը կտրել, որով հարվածեց, եւ կամ հարվածողը իր ձեռքը չկտրելու համաձայնությունը գնի եպիսկոպոսից, սակայն բազում ապաշխարություններով միայն թողություն լինի նմանին:

Քահանան, երբ իր անձնական վրեժից դրդված բանադրի որեւէ մեկին, ինչ էլ պատճառը եղած լինի, թող որ ինքն իր անձը դատապարտի եւ զղջա, ապա պարտավոր է եպիսկոպոսի խրատով ապաշխարել: Եթե մեկը /վրեժից դրդված/ իր կապածը չարձակի, նրան եպիսկոպոսը կապի, մինչեւ որ նա զղջա եւ արձակի նրան, ում կապեց: Սակայն նա, ով կապվեց, թե իր կապվածությունը իրավացի լինի, թե՛ անիրավ, կապված է մնում, մինչեւ որ կապողը արձակի:

/Ծ.Թ. Կապելը՝ Աստծո խոսքով եւ Տիրոջ իշխանությունամբ տրված եկեղեցու շնորհներից մեկն է, որ կապվածին /որի վիճակը հոգեւոր առումով համահավասար է «խափանման միջոցի» կամ՝ բանտարկյալի կարգավիճակին/ դարձնում է Տիրոջ Խոսքերին հատուցման պարտապան: Ուստի եւ, կապելու իշխանությունը, հանիրավի տանջանքների տեղիք չտալու համար, հարկ է միայն կատարյալ արդարությունամբ գործադրել: Տես գլուխ Դ-ն եւ Առաքելական կանոններ, գլուխ ԻԳ/:

ԳԼՈՒԽ Զ

ԱՅՐ ԵՎ ԿՆՈՋ ԱՆԿԱՐՈՂՈՒԹՅԱՆ ՄԱՍԻՆ,
ԵՐԲ ԱՅՐԸ ԱՆԿԱՐՈՂ Է ԼԻՆՈՒՄ ԿՆՈՋԸ ԿՈՒՍՈՒԹՅՈՒՆՆԵՐԻ
ՀԱՆԵԼ, ԱՅՍ Է ԴԱՏԱՍՏԱՆԸ

Այր եւ կնոջ համատեղ ապրելու մասին ժամանակին արդեն ցույց է տրվել ամենայն պատշաճությամբ, թե որպես որ ստեղծման ժամանակից նախաստեղծը սահմանեց, թող ամեն բանի մեջ այրն իշխան լինի կնոջ վրա, ինչպես այլեւայլ բաներում, նաեւ ամուսնություն պարագայում:

Եվ եթե պատահի, որ այրը չկարողանա իր կնոջը կուսությունից

հանել, եթե կինը կամենա, որ միասին ապրեն, թող միասին ապրեն, իսկ եթե ոչ, թող բաժանվեն եւ կինն իր բոլոր ունեցածները հավաքելով հեռանա եւ իր համար նոր այր առնի, ում որ ինքը կկամենա: Բայց չլինի թե այս բաների համար այր մարդուց տուգանք վերցվի, որովհետեւ ախտն իր կամքով չի եղել եւ /բաժանվելիս/ ամենայն ինչ տալիս է կնոջը, բացի այն հանդերձից, որ պատրաստել էր մինչեւ հարսանիքը՝ իրենց երկուսի համար: Եվ եթե կինն իր հետ անասուններ բերած լինի, ապա որքան գլուխ որ բերել է, այդքանը եւ աճ տվածի կեսը վերցնի, իսկ կեսը այրին թողնի՝ աշխատություն ու ծախելու համար:

Եվ օժիտն ու ծախսերը, որ միմյանց համար արել են երկու կողմերի ազգականները, թող չհիշվեն եւ չհիշվի նաեւ ծախսը հարսանիքի:

Սակայն այրն իր հավանությունամբ նոր կին թող առնի, կին, որ այլ մի այր արդեն ունեցել է եւ որի այրը մեռել է: Նմանին առնի:

ԳԼՈՒԽ Է

ԱՅՐ ԵՎ ԿՆՈՋ ՀԵՏ ԿԱՊՎԱԾ ԶԱՆԱԶԱՆ
ՊԱՏԱՀԱՐՆԵՐԻ ՄԱՍԻՆ

Եթե պատահի, որ այրն իր կնոջը տեսնի դիվահարություն հիվանդություն մեջ, արժանի է, որ քննություն կատարվի, թե արդյո՞ք մինչեւ պսակը նման հիվանդություն չունեն, որ ծածկվել էր կնոջ ծնողների խաբեությունամբ: Նման պարագայում ծնողները կնոջը տանեն իրենց տուն, մինչեւ բժշկվի եւ բոլոր տեսակի ծախսերն իրենք վճարեն, մինչեւ որ բժշկվի, ապա ետ գա իր այրի մոտ, եթե այրն ինքը կամենա: Իսկ եթե այրը չկամենա, իշխանություն ունենա կնոջն արձակել եւ այլ կին առնել: Եվ եթե երեխաներ լինեն, ապա թող, որ երեխաները հոր մոտ մնան, իսկ կինը հեռանա իր ինչքերով, իսկ այրը հրամանով կնոջ՝ նոր կին առնի, բայց ըստ իր կարողության հոգա նաեւ նախկին կնոջ հոգսերը /եթե դիվահարությունը այրի տանն է եղել/: Իսկ եթե կինը ծնողների տանն է դիվահարվել, ապա այրը առանց կնոջ հրամանի նոր կին առնի, առանց յոթ տարիների կանոնական սպասումը լրացնելու: Այս դեպքում կինն հեռանա իր բոլոր ինչքերը տանելով, իսկ հարսանիքի ժամանակ միասին կատարված ծախսերը, հանդերձանքները թող որ չհիշեն: Նույն դատաստանը լինի, եթե այրն

ունենա կին դողէրոցքով կամ ծաղկախտով հիվանդ եւ այդ հիվանդութիւնը պսակից առաջ եղած լինի, որ թաքցվել է կնոջ ծնողների կողմից:

Նույնպես եւ, եթե այրն այդպիսի հիվանդութիւններ ունի, կինը իշխանութիւն ունենա թողնել իր այրին եւ այլ այրի կին լինել: Իսկ եթե պսակից հետո են այսպիսի ախտեր հանդիպում, պարտավորութիւն է չէ միասին քնել եւ թող այր ու կին հոգան միմյանց մասին եւ դիմեն հոգեւոր ու մարմնավոր բժիշկներին՝ բժշկվելու եւ համբերեն, իսկ եթե այդպես չանեն, այրն ու կնոջը բաժանեն: Եվ նրանցից, ով որ առողջ է, ուրիշի հետ ամուսնանա, սակայն մինչեւ մահ հոգան միմյանց կյանքի ապահովութեան համար: Եվ եթե պատահի այրի կամ կնոջ համար երկարատեւ, անբժշկելի հիվանդութիւն, իրավունք չունենան միմյանց արձակել, եւ միայն միմյանց խղճալով կարող են միմյանց արձակել, եւ նրանցից, ով որ առողջ է, կարող է ամուսնանալ ինչքերը հիվանդին տալով եւ մինչեւ մահ հոգան միմյանց, բայց միմյանց ծնողների տանը եւ ոչ թե երկուսով մի տան մեջ մնալով:

ԳԼՈՒԽ Ը

ԱՅՐ ԵՎ ԿՆՈՋ ԳԵՐԵՎԱՐՎԵԼՈՒ ԴԵՊԲՈՒՄ

Եթե տղամարդու տնից կնոջը գերեվարեն, ապա այրն իր կնոջը ետ գնի: Եվ եթե կինը խռովելով իր ծնողների տուն գնացած լինի եւ այնտեղից նրան գերեվարած լինեն, նրա այրն ու կնոջ ծնողները թող միասին ետ գնեն նրան: Նույնը լինի նաեւ այրի համար, եթե նրան գերեվարեն: Եվ երբ նրանցից մեկը գերեվարված լինի, թող որոնեն նրան յոթ տարիներ, եւ երբ այդ ժամանակում չգտնեն, թող որ նա, ով ազատ է մնացել՝ ամուսնանա՝ գերվածի ծնողների հրամանով: Եվ եթե իրեր են մնացել, երկու մասի բաժանելով, գերյալի մասը տա նրա ծնողներին:

ԳԼՈՒԽ Թ

ԱՅՐ ԵՎ ԿՆՈՋ ԱՏԵԼՈՒԹՅԱՆ ՄԱՍԻՆ

Կան դեպքեր, երբ այրն ու կինը ախտավոր մի ատելութեամբ ատում են միմյանց՝ առանց պոռնկութեան պատճառի: Եթե պսակից առաջ էր ատելութիւնը եւ այրն ատելով կնոջը՝ կամենա նրանից

բաժանվել, եպիսկոպոսը բաժանի՝ բազմաթիվ խրատներ տալով եւ սրանց բաժինքը այնպես լինի, որպես որ դիվահարների համար է կարգվել: Եվ ըստ դատաստանի կանոնների, այրը իշխանութիւն չունի կին առնել, իսկ կինն իր համար այր առնի, սակայն ինչքերի երեքից մեկն, ըստ հարկ վճարելու կարգի՝ տուգանք տա, քանի որ օրհնութեան /առաջին/ պսակն անարգեց:

Նույն դատաստանը նաեւ կնոջ համար լինի /եթե կինն է բաժանվում/, ապա իշխանութիւն չունենա այր առնել, սակայն եթե զղջալով այր ու կին միմյանց թողութիւն տան, ապա իրավունք ունենան ամուսնանալ: Բայց ամեն ինչ եպիսկոպոսի հրամանով լինի: Իսկ նման պարագայում տուգանք գանձելու եւ ապաշխարութիւն իրագործելու մասին գրված են սուրբ կանոններում: Իսկ եթե պսակից հետո ատեն միմյանց եւ արդեն որդի ունենան, ապա խրատներով, տանջանքներով եւ մեծ ժամանակամիջոցում բաժանվեն: Եթե պատճառը կնոջից է, նրա ինչքերի կեսը որպես տուգանք տրվի այրին, իսկ եթե պատճառն այրից է՝ նույն կերպ վարվեն եւ երկուսն էլ իշխանութիւն չունենան ամուսնանալ, բացի միմյանց այդ մասին հրաման տալուց հետո միայն:

ԳԼՈՒԽ Ժ

ՇՆԱՅՈՂ ԱՅՐ ԵՎ ԿՆՈՋ ՄԱՍԻՆ

Եթե մեկի կինը շնանա, նրա այրը թող նրան արձակի եւ այլ կին առնի: Սակայն եթե ամուսնուն հաճո լինի, թող միասին բնակվեն, այս է բարին, քանի որ պարտավոր է իր կնոջ համար:

Եվ ինչքերը վերադարձնի համաձայն իններորդ կանոնի, որպես որ գրեցինք՝ ատելութեան պատճառով:

ԳԼՈՒԽ ԺԱ

ԱՄՈՒԼ ԱՅՐ ԵՎ ԿՆՈՋ ՄԱՍԻՆ

Ամուլ կնոջն իր այրից մի՛ բաժանիր, քանի որ որդի տալն Աստուծոց է կախված: Իսկ եթե հիվանդութիւններն են պատճառ, բժիշկների միջոցով թող առողջանա: Իսկ թե ժառանգորդ չունենալու պատճառով կինն իր ամուսնուն տրտում գտնի, ինչպես Աբրահամի եւ Սառա-

յի օրինակում, բաժանությունը կինն առաջարկի: /Ամուսինը նոր կին առնի/, բայց չլինի այնպես, որ ամուլին ու ծննդկանին ամուսինը միասին պահի կնության: Նույնպես, եթե այրից լինի ամուլթյունը, վարվիր ըստ նույն այս կարգի. սպասման ժամանակի սահմանը յոթ տարի լինի, եթե պսակված աղջիկը տասնհինգ տարեկան է, իսկ կտրիճիները՝ տասնութ: Սակայն եթե տարիքներն ավելի պակաս են, ապա համբերության տարիների թիվն ավելանա:

Իսկ եթե կինը այլ այր չկամենա առնել, նրա այրը նրան այլ տան մեջ պահի /առանց նրան մերձենալու/ եւ հոգա նրա մասին՝ մինչեւ նրա մահը եւ իր ինչքից կնոջը տա՝ նյութապես լիացնելով նրան, եւ ինքն այլ կին առնի՝ իր կնոջ հրամանով: Բայց եթե առաջուց գիտեր կնոջ ամուլթյան մասին եւ տուփանքից են միմյանց առել, նրանց բաժանություն չլինի, մինչեւ մահ:

ԳԼՈՒԽ ԺԲ

**ԹԵ ԿԻՆԸ ԻՆՉ ՊԱՏՃԱՌՆԵՐԻՑ ԵԼՆԵԼՈՎ
ԿԱՐՈՂ Է ԻՐ ԱՅՐԻՑ ՀԵՌԱՆԱԼ**

Այն ժամանակ, երբ կինը տեսնի, թե իր այրը արվագիտության կամ անասնապղծության մեջ է կամ անօրինաբար պղծում է կամ պղծվում, կամ մարդասպանության մեջ է, այս պատճառներից ելնելով կինը կարող է թողնել իր այրին եւ ուրիշի կինը լինել: Եվ ինչքերի կեսը կինը վերցնի, եթե ամուսնուց հեռանա:

ԳԼՈՒԽ ԺԳ

**ԱՏԵԼՈՒԹՅԱՆ ՊԱՏՃԱՌՈՎ ԱՅՐ ԵՎ ԿՆՈՋ
ՄԻՄՅԱՆՑ ԹՈՂՆԵԼՈՒ ԵՎ ՎԵՐՍՏԻՆ ՄԻԱՆԱԼՈՒ ՄԱՍԻՆ
/Գ խմբագրությունում կրճատումը մեծ լինելու
պատճառով՝ օգտվում ենք Ա խմբագրությունից/**

Եթե կինը ատելությամբ իր այրից հեռանա եւ այլ մեկին կին լինի, եւ պատահի, որ իր առած այրը մեռնի, ապա դառնա իր առաջին այրի մոտ, եթե վերջինս այլ կին առած չլինի եւ զղջալով՝ նրա մոտ մնա: Թեպետ այրն իշխանություն ունի նրան չառնել, բայց նրա ոգին շա-

հելու համար՝ առնի: Նույնը լինի, երբ այրն առնի այլ կին եւ կինը մեռնի, իսկ իր առաջին կինը այլ այր չուենա, ապա այրի ապաշխարությամբ ընդունի: Իսկ եթե բաժանվելով երկուսն էլ ամուսնացած լինեն եւ իրենց առածները մեռնեն, ապա կրկին, հարկավորաբար, միմյանց դառնան եւ ինչ որ բաժանման պատճառն էր, այդ ապաշխարելով, միավորվեն:

ԳԼՈՒԽ ԺԴ

**ԵՐԲ ԱՅՐԸ ՎԱՃԱՌԱԿԱՆՈՒԹՅԱՄԲ ԿԱՄ ՄԵԿ ԱՅԼ ՊԱՏՃԱՌՈՎ
ՃԱՆԱՊԱՐՀՈՐԴ Է ԵՎ ԵՐԲ ԵՏ Է ԴԱՌՆՈՒՄ
ԿԻՆ ԱՅԼ ԱՅՐ Է ԱՌԱՄ ԼԻՆՈՒՄ**

Այն ժամանակ, երբ այրը ճանապարհորդության մեջ լինի՝ տարիներով, կինը պարտավոր է համբերել: Ապա եթե նրա ստույգ մահվան մասին լսի, թող մինչեւ յոթ տարի այր չառնի, ինչպես որ գերյալների մասին սահմաններում է կարգադրված: Իսկ եթե առանց այս սահմանների կինն այլ այր առած լինի եւ երբ իր բուն այրը ետ դառնա, իշխանություն ունի իր կնոջը առնել, եթե անգամ երկրորդ այրից որդիներ էլ ծնված լինեն, քանի որ երկրորդ այրին պսակ չի հասնում: Իսկ եթե երկրորդին պսակ հասնի եւ այլ պսակ հասնի ճանապարհորդ այրին, ապա ճանապարհորդի հրամանին է մնում՝ թողնելու իր կնոջը կամ ոչ:

Ապա եթե յոթ տարի հետո եւ մահվան լուրը սուտ դուրս գալուց հետո այրը դառնա, իր կնոջն այլեւս չառնի, որն արդեն այր էր առել... Ապա, եթե այս սահմանները չանսան, թող որ կինը երկու այրերից որին որ կամենա՝ նրանը լինի:

Իսկ եթե մարդն այլ, հեռավոր մի աշխարհ գնա եւ այնտեղ կին առնի, ապա կինը ուրիշին չառնի մինչեւ յոթ տարի, որովհետեւ գուցե իր մարդը զղջացած ետ դառնա: Ապա, եթե այդ ժամկետից հետո այրը ետ չգա, եւ կինն օրենքներով ստուգի ետ չգալու պատճառները, ապա իր համար ըստ օրենքների՝ այր առնի: Իսկ եթե յոթ տարի հետո այրը դառնա եւ կինն ըստ օրենքների այր առած լինի, չի կարող արդեն իր կնոջն առնել, քանի որ ինքն անարգել է պսակն օրհնության:

ԳԼՈՒԽ ԺԵ

ԵՐԲ ԱՅՐԸ ԿՈՎՈՒՄ Է ԿՆՈՋ ՀԵՏ ԵՎ ՎՆԱՍՈՒՄ Է ՆՐԱՆ


Եթե այրն իր կնոջը անընդհատ, հետեւողականորեն անարգի, եթե խորթ կա նրանց միջեւ եւ այդ բանի համար են իրար անարգում, ապա դատաստան լինի եւ պարտ է, որ այրն համբերի, իսկ եթե ոչ, ապա խորթն ուղարկվի կնոջ ազգին:

Իսկ եթե առանց երկյուղ ունենալու այրն իր կնոջը հարկադրի՝ ձեռքը կոտրի կամ աչքը հանի կամ ատամը կամ ոտքը կոտրի, նրանից վերցնեն 2000 դրամ արծաթ, սակայն այս բանից հետո էլ, եթե ինչպես օտարի՝ բռնադատի կնոջը, քանզի օտարը եթե այդպիսի վնաս տա՝ հազար դրամ տուգանք է վճարում՝ ձեռքի, ոտքի, ատամի կամ աչքերի համար: Այս չորս անդամները եւ մարդու մարմնի գինը միաչափ են եւ մարդու արյան գինն է, երբ սրանք միմյանց սպանեն, գին, որ չորս հազար դրամ արծաթ է:

Եվ երբ կնոջ մարմնի անդամներից մեկն հաշմված լինի եւ տուգանված, կնոջը կրկին այրին տան, որ նա բժիշկների միջոցով առողջացնի կամ հոգ տանի նրան: Եվ եթե կինը կամենա իր այրի մոտ մնալ եւ այրը զղջա իր արածի համար, տուգանքն այդժամ կնոջը տան: Իսկ եթե այրը կրկին աներկյուղ նույն կերպ կամենա վարվել իր կնոջ հետ, ապա բաժանել նրանց, որպեսզի թե սպանություն չլինի:

Եվ Տերն իսկ ասաց՝ Մովսեսը Ձեր խստասրտության համար էր, որ ասաց ձեր կանանց թողնելու մասին: Եվ ասաց, միայն պոռնկության պատճառով կարող եք թողնել ձեր կանանց, եւ Մովսեսը մարդկանց խստասրտության պատճառով պատվիրեց կանանց արձակումը, որովհետեւ խստասրտության պատճառով բազում չարիքներ են գործվում, եւ որպեսզի այդ չարիքները չգործվեն, հարկ է լինում կնոջն ու այրին բաժանել, քան թե թողնել, որ միմյանց սպանեն: Եվ Քրիստոսն էլ նույնն ասաց:

Իսկ բաժանվելիս ինչքերի բաժանման կարգը գրված է «Միմյանց ատելու մասին» գլխում:



ԳԼՈՒԽ ԺԶ

ԱՅՐ ԵՎ ԿՆՈՋ ՄԱՍԻՆ, ՈՐ ՀԻՄԱՐՈՒԹՅԱՄԲ ԹՈՂՆՈՒՄ ԵՆ ՄԻՄՅԱՆՑ

Եթե այրն առանց պատճառի իր կնոջը հիմարություններ թողնի, եւ կինը յոթ տարի համբերի եւ բազում անգամներ այրին հանդիմանեն կնոջ ազգակիցներն ու դատավորները եւ չլսի եւ չամաչի, այդժամ բերեն կնոջն ու այրին իրար մոտ եւ այրի բերանով ստուգեն՝ վերստին իր կնոջը առնելու մասին, ապա թե ոչ, թող հրաման տա իր կնոջը՝ նոր այր առնել: Իսկ այրը կին չառնի, քանի որ կենդանի է իր կինը. եւ այրի ապաշխարությունը լինի կնաթողների կարգով: ...Իսկ եթե կինը իր այրին խղճալով հրաման տա, որ նա վերստին ամուսնանա, ապա նույնն է, թե կինն էր իր այրին թողել եւ ոչ հակառակը:

ԳԼՈՒԽ ԺԷ

ՈՒՐԱՑՈՂ ԱՅՐԵՐԻ ԵՎ ԿԱՆԱՆՑ ՄԱՍԻՆ

Եթե այրը նեղության կամ տուգանքների պատճառով ուրանա Քրիստոսին, նրա կինը թող նրա հետ չբնակվի, որպեսզի նրա կողմից մոլորության չենթարկվի: Իսկ եթե այրը զղջա եւ կնոջն ասի, թե՛ եկ գնանք այլ երկիր եւ դարձյալ դավանենք Քրիստոսին, կինը պարտավոր է գնալ եւ իր այրին շահել Քրիստոսի համար: Նույն կերպ վարվի եւ այրը, երբ այդ ուրացությունը եւ դարձը կնոջ կողմից լինի:

ԳԼՈՒԽ ԺԸ

ԵՐԲ ԱՅՐԸ ՈՒ ԿԻՆԸ ՄԻՄՅԱՆՑ ՀԵՏ ԿՈՎՈՒՄ ԵՆ ԵՎ ՈՒՐԱՆՈՒՄ ՔՐԻՍՏՈՍԻՆ ԵՎ ՀԱՎԱՏՔԸ

Իսկ եթե այրը իր կնոջը քինախնդիր լինելու համար ուրանա Քրիստոսին, կինն այդ բանում մեղք ունի, եթե կնոջից է պատճառը: Իսկ եթե Քրիստոսին իր կամքով է ուրացել, ինքը թող Աստծո պատասխանը տա: Ապա, եթե կնոջից է պատճառը եւ եթե այրը վերստին դարձ չապրի եւ փորձանքի գայթակղվելով ինքնասպան լինի, նրա արյունը իր կնոջից խնդրվի իրավական գնով՝ հանդերձ ապաչ-

խարուժյամբ, եւ նրա դատաստանը Տիրոջից լինի: Նույն բանը լինի, եթե կինն ընկնի իր այրի պատճառով նման պարագայի մեջ:

Եվ եթե այրը կամ կինը ինքնակամ գնան եւ կամ գետն ընկնեն ու խեղդվեն կամ պարանով կախվեն կամ բարձր տեղից վայր ընկնելով մեռնեն, ապա, ումից որ կորստյան պատճառն եղավ, նա էլ թող արյան գինը վճարի: Ըստ դատաստանի կանոնների, կարծում եմ, երկրորդ ամուսնուժյուկը, նման պարագայում, հարկ է խափանել:

ԳԼՈՒԽ ԺԹ

ԱՅՐ ԵՎ ԿԵՆՁ ՄԱՍԻՆ, ՈՐ ՍՊԱՆՈՒՄ ԵՆ ՄԻՄՅԱՆՑ

Եթե այրն իր կնոջն սպանում է պոռնկուժյան համար, արյան դատաստան լինի նրան՝ լրիվուժյամբ, քանզի նման պարագայում Աստված պատվիրեց արձակել կնոջը եւ ոչ թե սպանել: Եվ եթե կինն է սպանում իր այրին ղեղերով կամ այլ ցավերով, նույն դատաստանը լինի:

ԳԼՈՒԽ Ի

ԱՅՆ ԻՇԽԱՆՆԵՐԻ ՄԱՍԻՆ, ՈՐ ԻՐԵՆՑ ԹԱԳԱՎՈՐԻ ԵՎ ԱՅԼՈՑ ԱՌՋԵՎ ՀԱՆՑԱՎՈՐ ԵՆ

Եթե իշխաններից եւ կամ թագավորական տնից նրանք, ովքեր թագավորի առջեւ կամ այլ մի իշխանի՝ հանցավորներ գտնվեն, ապա իրենք տան իրենց անձերի պատասխանները եւ ոչ թե նրանց որդիները: Այլեւ, հոր ժառանգուժյուկը թողնեն որդիներին եւ չլինի թե հայրերի պատճառով որդիները զրկվեն, որովհետեւ յուրաքանչյուրն իր մեղքերի պատճառով է մեռնում, ըստ օրենքների / Բ Օրենքներ, ԻԴ 16, Դ Թագավորների, ԺԴ 6/... Իսկ թե համախոհներ լինեն /հանցավորների/ եղբայրներն ու որդիները, այդժամ նրանց հետ էլ դատվեն:

ԳԼՈՒԽ ԻԱ

ՇԻՆԱԿԱՆՆԵՐԻ ՄԱՍԻՆ

Ազատ արարչից եղան մարդկային բնուժյուկները, որպեսզի ծառայեն տերերին՝ հողից եւ ջրից պիտանի արդյուկնք ստանալու համար:

Եվ նրանք, որ հող ու ջուր չունեն, նրանք ազատ են եւ ուր որ կամենում են, այնտեղ էլ կարող են գնալ, բնակվել: Եվ թագավորներին կամ իշխաններին իրավունք չի տրված որեւէ մեկին բռնադատել մնալու մի գյուղում կամ երկրում:

ԳԼՈՒԽ ԻԲ

ՄԱՆԿԱՆՑ ՍՊԱՆՈՒԹՅԱՆ ՄԱՍԻՆ

Եթե մանկանց մեջ սպանուժյուկն լինի եւ տեսնեն, թե սպանողը տասներկու տարեկանից վեր է, ապա նրա համար արյան դատաստան լինի եւ սպանողն այդպես տուժի. իսկ եթե տասնմեկ տարեկան է կամ տասը եւ կես, ապա՝ կես չափով տուժի:

Իսկ եթե տասը տարեկանից վար է, երեքից մեկ չափով լինի արյան դատաստանը:

Եվ թեպետ այլ մեղքերի համար տասնհինգ տարեկանն է հիշատակվում, սակայն այստեղ հիշատակեցինք արյան դատաստանի մասին:

ԳԼՈՒԽ ԻԳ

ԱՅՆ ՄԱՆՈՒԿՆԵՐԻ ՄԱՍԻՆ, ՈՐՈՆՔ ԽԱՂԻ ԺԱՄԱՆԱԿ ՎՆԱՍՈՒՄ ԵՆ ՄԻՄՅԱՆՑ

Այն ժամանակ, երբ մանուկները խաղի ժամանակ վնասում են միմյանց՝ թե պատահամբ, թե բարկուժյամբ կոտրելով կամ վնասելով մարմնի որեւէ անդամ, ապա պարտավոր են բժիշկների վարձը տալ: Եվ եթե չբժշկվի եւ մեռնի, ապա պիտի արյան գինը տան:

Հարկ է հաշվի առնելով տարիքն սպանողի՝ քննուժյուկը կատարել: Այդ մասին գրված է ԻԲ / 22-րդ/ գլխում:

ԳԼՈՒԽ ԻԴ

ԱՅՆ ՄԱՆԿԱՆՑ ՄԱՍԻՆ, ՈՎՔԵՐ ՋՐՈՒՄ ԽԵՂԴՈՒՄ ԵՆ ՄԻՄՅԱՆՑ

Եթե մանուկները ջրի մեջ լողալիս միմյանց խեղդեն, եթե այդ եղել է պարզամտուժյամբ՝ խաղի մեջ կամ եղել է բարկուժյան քինախնդ-

ըուծյամբ՝ արյան գին լինի: Սակայն ակամայի դեպքում՝ կես արյան գին: Իսկ տարիքը հաշվի առնվի՝ ըստ խեղդողի տարիքի քննությունը որ գրված է ԻԲ / 22-րդ/ գլխում:

ԳԼՈՒԽ ԻԵ
ԱՅՆ ՄԱՐԳԿԱՆՑ ՄԱՍԻՆ, ՈՐ ԳՐԱՎԻ
ՊԱՏՃԱՌՈՎ ՍՊԱՆՈՒՄ ԵՆ ՄԻՄՅԱՆՑ

Եթե մանուկները գրավ դնեն միմյանց վրա՝ թե վազելով մրցելու կամ մեկ այլ դժվար բան իրականացնելու մեջ՝ ձյունի վրայով վար սահելու եւ այլն, եւ այդպիսի բաներում եթե մահ պատահի, գրավ դնողի տարիքը քննեն եւ կես /արյան դատաստանի/ տուգանք լինի նրա վրա, եթե վնասվածը իր տարիքով ավելի է, քան գրավ դնողը, իսկ եթե պակաս է՝ տուգանքի կեսի կեսը լինի, ասենք՝ տասը տարեկանի եւ ավելի պակասի դեպքում:

ԳԼՈՒԽ ԻԶ
ԱՅՆ ԵՐԻՏԱՍԱՐԴՆԵՐԻ ՄԱՍԻՆ, ՈՎՔԵՐ ՎԱՅՐԱՊԱՐ ԳՐԱՎ ԵՆ ԴՆՈՒՄ

Երիտասարդներից ոմանք սովոր են միմյանց վայրապար վերաբերվել, քարերով եւ նման բաներով վնասել միմյանց: Եվ եթե միմյանց վրա գրավ բռնելով նրանցից մեկը վնասվի, ապա արյան դատաստանի կեսը լինի գրավ դնողին, որի պատճառով որ վնասն եղավ: Մանավանդ, երբ վնասվածը ամոքման կարիք ունենա, ապա մեղավորը նաեւ տուժի բժշկության համար վարձահատույց լինելով: Եվ այսպես լինի, որպեսզի ոմանք վայրապար միմյանց մահվան պատճառ չդառնան:

ԳԼՈՒԽ ԻԷ
ԳԻՆԻՈՎ ՀԱՐԲԵՑՈՂՆԵՐԻ ԵՎ ՆՐԱՆՑ ՎՆԱՍՆԵՐԻ ՄԱՍԻՆ
/Գ խմբագրությունում կրճատումը մեծ լինելու պատճառով՝
օգտվում ենք Ա խմբագրությունից/

Գինարբուքի ժամանակ ինչ վնաս որ լինի, ըստ հոգեւոր օրենքների՝ չլինի թե ներվի, որովհետեւ նախ Հարբեցողությունն իսկ առանձին դա-

տաստանի է ենթակա: Իսկ եթե Հարբեցողության ժամանակ ընկերները մարտնչեն եւ միմյանց խեղեն, հավաստի դատ լինի եւ բժշկության համար էլ վնասողը հատուցի: Իսկ եթե մահ լինի, քննվի պատահմունքը՝ դիտումնավոր էր, թե վրիպելու հետեւանք եւ կամ երկու՞ կողմերից դրված եղավ, թե՞ առավել՝ մեկ կողմի, եւ ըստ այդ ամենի դատաստանը կայացվի եւ արյան գին հատուցվի եւ գինարբուքի մասնակիցներին եւս դատ լինի եւ նրանք էլ տուժեն, այդ ամենին ըստ նրանց մասնակցության չափով: Բայց երբ այս ամենի համար բուն մեղավորներն ըստ օրենքների մահվամբ էին հատուցում, այլ թող Նորով, նրանց ձեռքը խրատեն /հատեն/ եւ նրանք ըստ Ավետարանի ապրեն՝ տույժով եւ ապաշխարությունով:

ԳԼՈՒԽ ԻԸ
ՇՆԱՅՈՂՆԵՐԻ ԵՎ ԱՅԼ ԶԱՐԱԳՈՐԾՆԵՐԻ ՄԱՍԻՆ

Երբ որեւէ մեկը շնանա մի կնոջ հետ, որն այր ունի, եթե կնոջ կամքով էր կամ տղամարդու լրբությունը, ըստ օրենքների՝ մահվան են արժանի: Եվ դատավորներից ոմանք այսպիսիների ձեռքը եւ մարմնի ծածուկն են հատում:

Իսկ կարգն արվագետների եւ անասնապիղծերի այս է. երբ դատաստան լինի, նրանք նաեւ տուգանքներ տան, այսինքն բավական չհամարել խրատներն ու հանդիմանությունները: /Մ.Թ. Խրատելնշանակում է՝ մահապատժի փոխարեն հատել հանցավորի մարմնի այս կամ այն անդամը, ինչպես Հիսուս է պատվիրում Լեռան Քարոզում. «...եթե քո աջ ձեռքը քեզ գայթակղեցնում է՝ կտրի՛ր այն ու դեն գցի՛ր քեզնից, որովհետեւ ավելի լավ է քո անդամներից մեկը կորչի, քան թե ամբողջ մարմնով ընկնես գեհեն...»: Այս դեպքում, հանցավորը ոչ թե ինքնադատաստանով է այդ անում, ինչպես կանեին մեր Տիրոջ՝ Քրիստոսի հետեւորդները, այլ կատարվում է սուրբգրայինը որպես արդեն արդար դատաստան իրականացնելով/:

Եթե այլազգի հանդիպի այս գործերով, որ գործել է քրիստոնյա կնոջ հետ, հատեն նրա մարմնի ծածուկը եւ կնոջն էլ խրատեն՝ կտրելով նրա քիթը:

Իսկ եթե քրիստոնյա տղամարդը այրի կնոջը խաբի եւ նրան պղծի,

ապա կամ նրան կին առնի, երբ շնացող մարդը այլ կին չունենա /իսկ թե ունի/, կնոջը տա հարյուր դրամ արծաթ: Իսկ եթե խաբող այրը մեծատուն լինի եւ կինն էլ, տուգանքն ավելացվի:

ԳԼՈՒԽ ԻԹ
ԱՅՆ ԿՈՒՅՍԵՐԻ ԴԱՏԱՍՏԱՆԻ ՄԱՍԻՆ,
ՈՐՈՆՑԻՑ ԽՈՍՔ ՉԻ ԱՌՆՎԵԼ

Կույս աղջիկը, որ այրի համար խոսք առնված լինի եւ այլ որեւէ մեկը գա ու պղծի նրան, առնակնոջ դատաստան արվի:

Ապա եթե կույս աղջիկ լինի, որ այրի կողմից խոսացված չլինի եւ որեւէ մեկը բռնաբարելով ննջի նրա հետ, այրը, որ նրա հետ ննջեց, աղջկա հորը տա հարյուր դրամ արծաթ եւ կինը իրենը լինի եւ չհամարձակվի նրան թողնել:

Այդ ըստ օրենքների է, նույնը եւ մեզ համար լինի, որ կնոջն առնի, ապա, եթե չկամենա առնել, ըստ արժանվույն եւ տույժը լինի:

ԳԼՈՒԽ Լ
ՆՐԱՆՑ ՄԱՍԻՆ, ՈՎՔԵՐ ԲԱՄԲԱՍՈՒՄ ԵՆ ԻՐԵՆՑ ԿԱՆԱՆՑ,
ԹԵ ԿՈՒՅՍ ՉԵՆ ԳՏԵԼ

Եթե մեկը կին առնի եւ նրան ատի, ստույթյամբ բամբասելով, թե կույս էր աղջիկը, թող կանանց ձեռքով քննույթյուն անեն. եւ եթե այրը ստույթ է, խրատեն նրան՝ գանելով նրանից եւ տուգանքն նրան 100 դրամ արծաթով, ըստ օրենքների /Բ օրենքներ, 13-19/:

Մենք էլ նույնն ենք կարգադրում եւ նրան մնա իր կինը, մի՛ բաժանիր: Իսկ եթե ճշմարիտ լինի տղամարդը, աղջիկն ըստ օրենքների մահվան է արժան /Բ օրենքներ ԻԲ, 20-21/: Իսկ մենք տալիս ենք այդպիսի համար հետեւյալ կարգադրությունը՝ նմանին բաժանիր տղամարդուց, սակայն եթե կամենան, թող միասին բնակվեն, որովհետեւ բազում վրիպույթյունների հետ է կապված կույսերի գործերը: ...Եվ քանի որ տղամարդու տանը չէ, որ եղել է այդ անարգությունը, այրը թե արձակի նմանին, թող ամուսնանա այլ կնոջ հետ եւ կինն էլ այլ տղամարդ առնի, քանի որ իր ամուսնու օրենքի մեջ չէր, երբ շնացավ:

Եվ եթե այրը չկամենա ուրիշին առնել, ապա նրա ստերի եւ բամբասանքների պատճառով, տուգանք դնեն նրա վրա, որպես որ կա գրվածքներում, որ թե տղամարդկանց համար են, թե կանանց:

ԳԼՈՒԽ ԼԱ
ԳԱՎԱՌՆԵՐԻ, ԳՅՈՒՂԵՐԻ ԵՎ
ՆՐԱՆՑ ՈՒՆԵՑՎԱԾՔԻ ՄԱՍԻՆ

Ամեն մի երկրում, որտեղ ոսկի ելնի, իրավունքը թագավորներինն է, իսկ եթե արծաթ թագուհիներին: Իսկ թե իշխանների երկրում ոսկի կամ արծաթ գտնվի, ապա իշխանը կամենա գտնվածից մաս տալ թագավորին: Իսկ եթե չկամենա, գտնվածը իրեն մնա ամբողջությամբ:

Պղինձը, երկաթը, կլայեկը եւ այդպիսի այլ մետաղները թագավորի պարգևներով, թող մեծամեծ իշխաններինը լինեն, նույնպես էլ աղը, բորակը, նավթը, կուպրը եւ նման այդպիսի հանածոները՝ իշխաններինը լինեն: Իսկ ակն ու մարգարիտը՝ արքունիքինն են, նույնպես էլ այլ պատվավոր ինչքերը:

Իսկ ճյուղը եւ խունկը եւ դեղին խունկը եւ մագտաքին եւ գխտորը... եւ այլ այսպիսի ինչքերը, որոնք վաճառում ու շահ են ստանում, իշխանները դրանցից տասանորդ վերցնեն: Իսկ ամենայն պտուղներ, որ գտնվում են անտառներում՝ շինականներինը լինեն՝ յուրաքանչյուր սահմաններում: Իրավացի է դատաստանով տասանորդ վերցնել օտարներից, նրանց հավաքած պտուղների համեմատ, որովհետեւ գալիս ու քաղում են եւ վարձ էլ պիտի տան՝ տասից մեկը. եւ այս այն գյուղի կամքով լինի, որինն է պտղատու տարածքը: Նույնպես, տասանորդով լինի, թե շինափայտը, թե արոտի խոտը, թե հունձը եւ թե հողը վարելը:

Նաեւ գետերը, որտեղ որ գետերի ակունքն է՝ գետը նրանցն է եւ ոչ նրանցը, ուր որ գետն է հասնում: Վայրի որսերը ով որսա՝ նրանը լինի: Իսկ երբ ուրիշի հանդում են որսում, ամեն տասից մեկը գյուղի /տեղավայրի/ տիրոջը տան: Իսկ ով անտառներում որս անի, ամեն տասից մեկը նրան տա, ում սահմաններում, որսն արեց: Նույնպես եւ ծովի որսը տասանորդությամբ տան, ում սահմաններում որ որսն արվի:

ԳԼՈՒԽ ԼԲ
ԳԱՆՁ ԳՏՆԵԼՈՒ ԴԱՏԱՍՏԱՆՆԵՐԻ ՄԱՍԻՆ

Եթե մեկը տուն սարքի կամ արտ վարի կամ հողը փոքի եւ գանձ գտնի կարասով կամ այլ փոքր ամանով, այն թագավորներին հանձնելն է իրավունք եւ տասից մեկը գտնողինն է, երբ իրենը չլինի այն տեղը, երբ գանձը գտավ, իսկ եթե գանձը գտնի իր տան տեղում, իր այգում, իր արտում, ապա հինգից մեկը գտնողինն է, որովհետեւ իր սահմանումն է: Բայց եթե իմացվի, թե գանձն իր ազգինն է, իր հայրերինը, ապա տասից մեկը բաժին տա արքային: Իսկ եթե գանձ գտնողը վարձված մարդ է, չեմ կարծում, թե իրավացի լինի տասանորդ տալ, այլ տասանորդականից միայն մաս տալ նրան:

ԳԼՈՒԽ ԼԳ
ՆՐԱՆՑ ՄԱՍԻՆ, ՈՎՔԵՐ ԿՌՎՈՒՄ ԵՎ ՄԻՄՅԱՆՑ ՄՈՐՈՒՔ ԵՆ ՓԵՏՈՒՄ

Եթե երկու այրեր կռվեն եւ մեկը անկատար մարդ լինի, մյուսը կատարյալ եւ անկատարը ձգելով պոկի կատարյալի մորուքը, դատաստան լինի, որ կտրեն անկատարի մազերը կրկնակի, քանի որ կատարյալի մորուքն է պոկել. եւ հավելյալ, անկատարի թիկունքին յոթ փայտ հարված տան: Ապա, եթե ավագ այրն էր կռվի պատճառն եղել, այդժամ վրեժի կեսը լինի փոքրին, հանգամանքներ, որոնց մասին վերում խոսել ենք, որպեսզի այլոք այդպիսի բաներ չգործեն:

ԳԼՈՒԽ ԼԴ
ՍԵՐՄԱՅՈՒ ՊԱՀՎՈՂ ՀՈՐԵՐԻ ՄԱՍԻՆ

Եթե մեկը ցորենի կամ այլ սերմերի հորը բանա, յուրայիններից կամ օտարներից մեկին հորի մեջ իջեցնի, եւ իջեցվածը մեռնի, նրա արյունը իջեցնողի ձեռքից խնդրվի, իսկ եթե հիվանդանա՝ դեղերի գինը կամ անաչխատունակ դառնալու գինը վճարի, որովհետեւ պարտավոր էր զգուշանալ, մինչեւ որ հորի հոտը դուրս գար, ապա նոր դեպի ներս պարանով մարդ իջեցնել: Իսկ եթե մարդուն վարձել էր եւ առաջուց նրան ասել էր,

թե խիստ է հորի հոտը, եւ նա այնուամենայնիվ իջել է հորը հանուն իր վարձի, ապա նրա արյունը իր /իջնողի/ գլխին լինի:

ԳԼՈՒԽ ԼԵ
ՏԵՐԵՐԻ ԿՈՂՄԻՑ ՇԻՆԱԿԱՆՆԵՐԻ ՎՆԱՍՎԵԼՈՒ ՄԱՍԻՆ

Իշխանները եւ այլոք, եթե ավելի դատեն նրանց, ովքեր իրենց ձեռքի տակ են եւ եթե լինի այնպես, որ պատժվողը մեռնի, ապա արյան գին առնեն իշխաններից եւ տան մեռնողի հարազատներին կամ ազգակիցներին: Եվ եթե պատժվողի ձեռքը կամ ոտքը կտրվի եւ կամ ատամը կամ աչքը տեղից հանեն, ապա տան գինը, իսկ եթե բժշկելի լինի՝ նաեւ բժշկի վարձերը վճարեն եւ վճարեն մարմնի անդամը խեղելու գինաց:

ԳԼՈՒԽ ԼԶ
ՍՈՒՏ ՔԱՀԱՆԱՆՆԵՐԻ ԵՎ ՆՐԱՆՑ ԱՆԻՐԱՎ ԳՈՐԾԵՐԻ ՄԱՍԻՆ

Կարգեցին առաքյալները եւ դրեցին հաստատությունը, թե մարդկանցից ոչ մեկը, որ քահանայական օծում չի ընդունել, չհանդգնի իշխանություն մեկը որեւէ ինչ, իբրեւ քահանա: Կամ քահանան աչառություն անելով չգործի որեւէ բան, առանց օրենքների եւ իրավունքների, այլ արդարություն անակնառությամբ: /Առաքելական կանոններ, Իդ/:

Եվ, որպեսզի լուծվեն չար սովորությունները, առաքելական կանոնների այս հրամանը, առաջնորդները այսպես են պարտավոր դատել: Աշխարհականներն առնում են արք ու կանայք եւ ապա դառնալով վերականգնվող Աստծո եկեղեցու, մուտք արվող արդյունքներն ու պտուղներն են ուտում:

Արդ, պարտավորություն է ասել, որպեսզի լուծվեն նման չար սովորությունները: Նույն կերպ էլ եպիսկոպոսը դատի այն քահանաներին, ովքեր անկարգ ու անուղղելի են, ուտողներ եւ հարբեցողներ: Սրանց թող /եպիսկոպոսները խրատեն/, որպեսզի այլեւս այդպիսի անկարգ վարքով չապրեն, այլ՝ սրբություն մեկը եւ առաքինություն: Իսկ նմանները, ովքեր որ չմնան Քրիստոսի օրենքի խրատի համաձայն, քահանայություն կարգից հեռացվեն:

ԳԼՈՒԽ ԼԵ
ՆՐԱՆՑ ՄԱՍԻՆ, ՈՎՔԵՐ ՔԱՀԱՆԱՆԵՐԻՆ ԵՆ
ԱՆԱՐԳՈՒՄ

Կարգեցին առաքյալները եւ դրեցին հաստատութեանը, թե ոչ ոք երբեք չանարգի, չանգոսնի եւ չարհամարհի քահանային: Նա, ով քահանային է անարգում, իմանա, որ Աստուծոն է անարգում, որովհետեւ քահանան սպասավոր է ձեզ բարու համար եւ հաշիվ է տալու ձեր հոգիների փոխարեն, չէ՞ որ գրված է. «Քո ժողովրդի իշխանին մի՛ բամբասիր» /Առաքելական կանոններ, Իե/:

...Այժմ առաքելական կանոններով ցույց տանք քահանաներին անարգողների հանցանքի մեծութունը, որովհետեւ նրանց դատը կրկնակի է, քանի որ՝ աստվածանարգ են նաեւ, իրավացի այն դատաստանով, որ ասվել է. «Ով ձեզ է անարգում, ինձ է անարգում» /Ղուկաս, Ժ 16/: Իսկ նրանք, ովքեր ճշմարիտ քահանաներ չեն, նրանց մասին արդեն ցույց տրվեց նախորդ գլխում:

ԳԼՈՒԽ ԼԸ
ԴԱՏԱՎՈՐՆԵՐԻ ՄԱՍԻՆ

Կարգեցին առաքյալները եւ դրեցին հաստատութեանը, թե նրանք, ովքեր դատավորի աստիճան ունեն եւ դատաստան անելու իրավունք, եթե թերանան իրենց պարտավորութիւնների մեջ եւ երեսանց աչառութիւն անելով պարտավորեցնեն արդարին, իսկ պարտավորին արդարացնեն, այլեւս չթողնվեն դատավորութեան կարգի մեջ եւ պատուհասի տրվելով, կշտամբվեն, որովհետեւ Մովսեսի Աստվածային ձեռքով գրված օրենքները չիմացան, որ ասում է. «Դատաստանի իրավունքը մի՛ շեղիր» եւ «Իրավունք պահելու համար կաշառք մի՛ վերցրու» / Առաքելական կանոններ, Իգ/: Դատավորների դատաստանից եւ կանոնական հրամաններից ուսուցանվեցինք, թե ովքեր եկեղեցական դատավորներ են, չլինի թե ոմանց մյուսներից ավելի պատվեն դատաստանի ժամանակ, այլ եթե իշխանը դատաստանի գնա եւ նրա հետ աղքատ ոմն, երկուսին միասին կանգնեցնեն եւ Աստծո օրենքով դատ անեն նրանց միջեւ, եւ արծաթ չառնեն եւ չթյուրեն ճշմարիտ

դատաստանը, քանզի Աստված վրեժխնդիր է դատավորներից՝ իր օրենքների համեմատ:

ԳԼՈՒԽ ԼԹ
ԵԿԵՂԵՑԻՆԵՐԻ ԵՎ ԵՊԻՍԿՈՊՈՍԻ ԻՆՉՔԵՐԻ ՄԱՍԻՆ

Եպիսկոպոսը, որ որեւէ քաղաքում նոր եպիսկոպոսութեան աթոռ դա, գրով եւ թղթով հայտնի այն ինչքերի մասին, որ ունի: Նույնպես եւ եկեղեցուն գրով տեղեկացնի, որպեսզի, երբ մեռնի, իրեն պատկանող ինչքերը նախապես կամ կտակով ում որ կամենա, նրան տա, եւ իր իշխանութիւնը միայն իր ինչքերի վրա լինի, իսկ ինչ եկեղեցունն է, այդ ինչքերը իրավունք չունենա որեւէ մեկին տալ...

Ահավասիկ հանդիմանում էին բամբասողները, թե եկեղեցին դատաստաններ չունի, որովհետեւ այս իրավունքը դատաստան անելու՝ առաքյալներից է կարգվել, որովհետեւ դատավորներն եւս հրամայում են դատել անիրավիներին եւ առաքյալները եկեղեցիների եւ եպիսկոպոսի ինչքերի մասին իրավունքներ նշանակեցին /տես «Առաքելական կանոններ»/:

ԳԼՈՒԽ Խ
ԵԿԵՂԵՑԱԿԱՆ ԻՐԵՐԻ ՎՐԱ ԵՊԻՍԿՈՊՈՍԻ
ԻՇԽԱՆՈՒԹՅՈՒՆ ՈՒՆԵՆԱԼՈՒ ՄԱՍԻՆ

Հրամայում ենք, որ եպիսկոպոսը իշխանութիւն ունենա եկեղեցական իրերի տնօրենութեան մեջ, քանզի եթե մարդկային պատվական հոգիներն են նրան վստահվել, ապա առավել եւս՝ իրերի տնօրենութիւնը, որպեսզի նրա իշխանութեամբ խնամք տարվի կարոտյալներին եւ երեցների ու սարկավազների ձեռքով այդ խնամակալութիւնն իրագործվի Աստծո եկեղեցում, եւ իրենք իսկ ամենայն զգուշութեամբ վերցնեն այն ամենից, եթե որեւէ ինչքի կարիքն ունեն, եւ օտար եղբայրներին եւս անհրաժեշտ պիտանին տան, իսկ նախ իրենք չլինի թե որեւէ ինչքի պակասութիւն կրեն, քանի որ Աստծո օրենքները հրամայում են, թե ովքեր Տիրոջ սեղանի պաշտոնյաններն են, այդ իսկ սեղանից էլ կերակրվեն, ըստ այդմ էլ, զինվորը իր թոշակով չէ, որ պատերազմի համար զենք է առնում: Եվ ինչպես վերում ասացինք,

եկեղեցու ինչքերի մասին Հայտնի լինի եպիսկոպոսին, եւ եթե բաշխման պատճառներն ավելանան էլ, չկարծվի թե եպիսկոպոսը չի իշխելու եկեղեցական ինչքերի տնօրենութեան մեջ: Յուլյց տրվեց եպիսկոպոսի իշխանութունը, սակայն կարգ եւ սահման նաեւ դրվեց այդ իշխանութեան համար էլ, որպեսզի վայրապար որեւէ ինչ չգործի, որն իրավացիորեն եկեղեցու դատաստանին կլինի ենթակա:

ԳԼՈՒԽ ԽԱ

ԱՅՆ ԵՊԻՍԿՈՊՈՍՆԵՐԻ ԵՎ ՔԱՀԱՆԱՆԵՐԻ ՄԱՍԻՆ, ՈՎՔԵՐ ԺԱՌԱՆԳԱՎՈՐՆԵՐԻՆ ԱՆՀՐԱԺԵՇՏ ԲԱՆԵՐԸ ՉԵՆ ՏԱԼԻՍ

Եթե որեւէ եպիսկոպոս կամ երեց ժառանգավորներից նրանց, որ կարողալին են, չտա անհրաժեշտ պիտանին, այդժամ նրա համար որոշվի որպես իր եղբորն սպանողի դատաստան: /Կանոններ Կղեմա, ԾԴ/:

Եվ հայրերի միաբանութեամբ լսեն կանոնական դատաստանները, որովհետեւ անգուլթ բարքերը սպանողների դատաստանների օրենքով են դատվում եւ այս տեսակ դատաստանի համար բազում են լինում վկաները:

ԳԼՈՒԽ ԽԲ

ԱՅՆ ԺԱՌԱՆԳԱՎՈՐՆԵՐԻ ՄԱՍԻՆ, ՈՐ ԿՈՎԼԻ ՄԵՋ ՍՊԱՆՈՒՄ ԵՆ ԿԱՄ ՎՆԱՍՈՒՄ

Եթե ժառանգավորներից մեկը կռվի մեջ որեւէ մեկին հարվածի եւ նրա հարվածից մարդը մեռնի, իր հանդգնութեան համեմատ լուծումը լինի, իսկ եթե ժողովրդականներից լինի, որոշում հանվի: /Կանոններ Կղեմա, ԿԱ/: Եվ այս կանոնական հրամանը ըստ օրենքների է, որովհետեւ եթե չմեռնի, այլ մահճում պառկելով առողջանա՝ հարվածողը անպարտ լինի, չլուծարվի, եւ ժառանգավոր լինի, թե աշխարհական, դատաստան լինի ուղղութեան եւ ապաշխարութեան:

ԳԼՈՒԽ ԽԳ

ԵՐԿՐՈՐԴ ԱՆԳԱՄ ՁԵՌՆԱԴՐՎԵԼՈՒ ՄԱՍԻՆ

Եպիսկոպոսը կամ երեցը կամ սարկավազը, եթե որեւէ մեկից երկրորդ անգամ ձեռնադրութուն ընդունի, լուծարվի եւ նաեւ լուծարվի նա, ով

որ ձեռնադրեց, բայց չլուծարվի այն դեպքում, եթե ցույց տա, որ ձեռնադրվողի թերահավատութեան պատճառով վերստին ձեռնադրեց, քանի որ այսպիսիների համար նման հանգամանքներ՝ արդեն մկրտված եւ ձեռնադրված ոչ հավատացյալների եւ ոչ ժառանգավորների մեջ, հնար է, որ լինեն: /Կանոններ Կղեմա, ԿԳ/:

Դատաստանի կանոններով հայտնի է, որ ով ձեռնադրում է նրան, որ լուծարված չէ հայրապետից կամ ժողովի կողմից եւ դեռ աստիճանակարգի մեջ է, այդպիսին ախտացյալ ամբարտավանութեամբ է գործում, նմանապես, եւ նրանք, որ ձեռնադրվեցին, ուստի իրավունք է լուծանել նրանց իրավամբ:

ԳԼՈՒԽ ԽԴ

ԵԿԵՂԵՑՈՒՑ ԳՈՂԱՅՈՂՆԵՐԻ ՄԱՍԻՆ

Եթե ժառանգավորներից կամ ժողովրդականներից մեկը գողանա եկեղեցուց մոմեղեն, կամ ձեթ, որոշումն այսպես է՝ հնգապատիկը պիտի տուժի... Եվ չլինի որեւէ մեկը, որ կարիքի համար անգամ՝ գողանա, որովհետեւ գողութիւնը օրինազանցութիւն է եւ եթե մեկը բռնվի՝ պատուհասված պիտի դատվի:

ԳԼՈՒԽ ԽԵ

ԱՄԲԱՍՏԱՆՎԱԾ ԵՊԻՍԿՈՊՈՍՆԵՐԻ ՄԱՍԻՆ

Եպիսկոպոսը, որ ամբաստանվել է հավատարիմների ոմանց կամ հավատացյալների առաջ, նրան հրավիրել, որ գա եպիսկոպոսների առաջ: Եթե գա եւ խոստովանի, հանդիմանութիւն ստանա եւ նրա համար իր հասանելիք պատուհասը սահմանվի:

Իսկ եթե հրավերը չնդունի եւ չգա, երկրորդ անգամ կանչեն՝ նրա մոտ առաքելով երկու եպիսկոպոսներ: Ապա, եթե այս անգամ էլ չլսի, հրավիրեն երրորդ անգամ, դարձյալ երկու եպիսկոպոսներ ուղարկելով նրա մոտ: Ապա եթե կրկին արհամարհելով չգա ժողովին, վճիռ հանվի, այն, ինչ արժան թվա...:

Ամբաստանվածների հետ ճշմարիտ է այս իրավունքով վարվել: Վճիռն այնպես ընտրեն, որ ստուգագույն պատճառը դիտելուց հետո միայն որոշումն ընդունվի:

**ԳԼՈՒԽ ԽԶ
ԵՊԻՍԿՈՊՈՍՆԵՐԻ ՎԿԱՆԵՐԻ ՄԱՍԻՆ**

Վկայության համար թերահավատ որեւէ մեկին չընդունեն եւ ոչ էլ մեկ հավատացյալի, քանի որ, ըստ օրենքների՝ երկու կամ երեք վկայների միջոցով պիտի հաստատվի ամեն բան:

**ԳԼՈՒԽ ԽԷ
ԱՅՆ ՄԱՍԻՆ, ՈՐ ԵՊԻՍԿՈՊՈՍՆԵՐԸ ԻՐԵՆՑ ՅՈՒՐԱՅԻՆՆԵՐԻՆ
ՉՁԵՌՆԱԴԻՐԵՆ ԱՌԱՆՑ ԵԿԵՂԵՑԱԿԱՆՆԵՐԻ ԿԱՄՔԻ**

Պարտավորությունն է, որ եպիսկոպոսը իր եղբորը կամ որդուն կամ մեկ այլ ազգականի եպիսկոպոսության պատիվ շնորհի, որպես կարող է ինքը կամենալ եւ իրենից հետո իր ժառանգավորը ձեռնադրել: Արժան է նման պաշտոն շնորհել մարդկային սիրուց դրդված, քանզի եւ Քրիստոսի եկեղեցին ժառանգությունը չէ որեւէ մեկի: Իսկ եթե որեւէ մեկն այդ անի, չհաստատվի նրա ձեռնադրությունը եւ ձեռնադրողը դատաստանի ենթարկվի:

Այս հարցի կանոնական իրավունքն այսպիսին է, որպեսզի ոչ ոք չհամարձակվի նման ձեռնադրությունն յուրայիններին տալ եւ ոչ էլ եկեղեցին դարձնել իր համար ժառանգություն: Ապա եթե մեկն հանդգնի այդ անել, հոգեւոր դատաստան լինի, իսկ եթե բազմությանը հաճո լինի, միայն այդ դեպքում մասնավոր օրհնությամբ ձեռնադրությունը հաստատել, ապա թե ոչ, անհաստատ մնա, եւ դատաստան լինի, մինչեւ մեղավորի արժանավոր ապաշխարությունն իրականանա:

**ԳԼՈՒԽ ԽԸ
ԱՅՆ ԵՊԻՍԿՈՊՈՍՆԵՐԻ ՄԱՍԻՆ, ՈՐ ԻՐ ԱՆՁԸ ԳՅՈՒՄ Է
ԵՐԿՐԱՎՈՐ ՀՈԳՍԵՐԻ ՄԵՁ**

Պատշաճ չէ, որ եպիսկոպոսն ինքն իրեն երկրավոր հոգսի մեջ գցի, այլ, որ միայն զբաղվի եկեղեցական պետքերի խնդրով, ապա թե ոչ, դուրս ելնի, քանի որ ոչ ոք չի կարող երկու տերերի ծառայել, ինչպես

որ Տերունական խոսքն է հայտնել:

Եվ այս ոչ միայն իշխաններին հոգ տանելու համար ենք պարտավոր իմանալ, այլ որ, ըստ պայմանի, նմանը այլազգիի վիճակի մեջ է համարվում, բան, որ այժմ գործում են եպիսկոպոսներից եւ քահանաներից շատերը, որոնց որ Տերունական խոսքն է արժանավորապես բերում դատաստանի, ասելով՝ ոչ ոք չի կարող երկու տերերի ծառայել: Հայտնի է, որ չզղջացողներին հրաման է լուծարել իրենց կարգից:

**ԳԼՈՒԽ ԽԹ
ԵՐԵՅՆԵՐԻ ԿԱՄ ՍԱՐԿԱՎԱԳՆԵՐԻ ԿՈՂՄԻՑ
ԾԱՌԱՆԵՐԻՆ ՕՐՀՆԵԼՈՒ ՄԱՍԻՆ**

Ծառաներին ժառանգավորությունն ընձեռելը առանց նրանց տերերի կամքի՝ չենք հրամայում, քանզի նման դեպքում տան մեջ կործանում է գործում: Ապա, եթե ծառան ձեռնադրության աստիճանի արժանի երեւա, որպես որ Ոնեսիմոսն արժանի երեւաց /Կող. Դ, 9/, եւ թույլ տան նրա տերերը եւ ազատ լինի նրանց տնից եւ պատվով ազատ արձակեն, այդժամ ձեռնադրությունը կայանա:

Կանոնների դատաստանները հրամայում են նման դեպքերում անգայթակղելի պահել եկեղեցին, որպեսզի բարեպաշտության պատճառով վնասներ չգործվեն եւ տեղի չտան մեր մեջ չարախոսությունների:

**ԳԼՈՒԽ Ծ
ԹԱԳԱՎՈՐՆԵՐԻՆ ԵՎ ԻՇԽԱՆՆԵՐԻՆ ԱՆԱՐԳՈՂՆԵՐԻ ՄԱՍԻՆ**

Եթե որեւէ մեկը անիրավաբար թշնամանա թագավորի կամ իշխանների հետ, պատուհաս կրի. եթե ժառանգավորներից է՝ լուծարվի, իսկ եթե ժողովրդական է՝ դատաստանի որոշում հանվի:

Եվ այս դատաստանը հարկ է դատեն եպիսկոպոսներն ու վարդապետները, որովհետեւ նրանք պատկերն են Աստծո եւ թագավորներ են եւ իշխաններ: Եթե անարգողը ժառանգավոր է, իրավացի է լուծարել, եթե աշխարհական մեկն է՝ դատաստան որոշել, մինչեւ որ զղջա:

ԳԼՈՒԽ ԾԱ
ԱՅՆ ԿԱՆԱՆՑ ՄԱՍԻՆ, ՈՐ ԵՐԵԽԱ ԵՆ ԿՈՐՑՆՈՒՄ

Եթե մեկն իր երեխային խեղդի, որպես խեղ կամ շնության պտուղ, եթե իր կամքով է արել, փոխարենը ինքը մեռցվի, որովհետեւ ինչպես որ հնար չէ սպանվածին վեր կացնելը, նույնպես եւ ապաշխարելը:

Եվ որովհետեւ ըստ օրենքների հանցավորների համար սարքված ապաստարան քաղաքներում թե՛ կամավոր եւ թե՛ ակամա հանցանք գործողները իրավունք էին ստանում այնտեղ փախչելով ապրել, իսկ օրենքներն էլ հավատացյալ հրեաներին տրվածով է ամենքին, ապա եւ հետո, ըստ այդմ էլ, Տերը ապաշխարություն տվեց: Եվ նման պարագայում, կամավոր խոստովանողներին ապաշխարություն լինի, ըստ Տիրոջ, իսկ նրանք, ովքեր չեն զղջում իրենց արածի համար, նրանց համար արյան դատաստան լինի:

ԳԼՈՒԽ ԾԲ
ԳՈՂԵՐԻ ԵՎ ՆՐԱՆՑ ՀԱՐՈՂՆԵՐԻ ՄԱՍԻՆ

Գողերը եւ նրանց հարողները, ըստ եկեղեցու կամքի մահվան են արժանի, որովհետեւ հնից անտի՛ ավազակներն ու նրանց պնակալեզուները մահվան էին դատապարտվում: Եվ դատավորը պարտավոր է այս բանին հետեւել: Եվ այս մարդագողերի եւ ավազակների մասին է ասում եւ ըստ օրենքների հրամայում է մահվան դատապարտել նաեւ նրանց կամակիցներին, եւ եկեղեցու օրենքներում նույնն է կարգել:

Բայց, ըստ Ավետարանի եւ այս մատյանի կանոնների դատաստան անելն այս մասին եւս ցույց է տրված:

ԳԼՈՒԽ ԾԳ
ԱՂՋԿՆԵՐԻՆ ԱՌԵՎԱՆԳԵԼՈՎ ՆՐԱՆՑ
ՀԵՏ ՊՍԱԿՎՈՂՆԵՐԻ ՄԱՍԻՆ

Առեւանգված աղջիկը, եթե որդի ծնի եւ հայրն ու մայրը եւ աղջիկը չկամենան, ապա մանկանը վերադարձնեն առեւանգողին: Հայտնի է, որ թե՛ պսակված, թե՛ անպսակ, բռնի ամուսնությունը, ըստ կամքի

չէ: Եթե ձեռնահաս լինեն, ապա անխղճմտանք կլինի աղջկան առեւանգողի մոտից ետ դարձնելը, այլ իրենց կամքով պսակվեն: Իսկ եթե հետո կամեցան պսակվել, ապաշխարություն կարգվի, որպես որ ցույց է տրված կանոններում:

Եվ այդ ճշմարիտ դատաստան անել է եկեղեցու կողմից:

ԳԼՈՒԽ ԾԴ
ԾԱՌԱՆԵՐԻՆ ԸՍՏ ՕՐԵՆՔԻ ԱԶԱՏԵԼՈՒ ՄԱՍԻՆ

Եթե պատահի, որ քրիստոնյան քրիստոնյա ծառա գնի, ըստ օրենքների, թող ծառան վեց տարի ծառայի, իսկ յոթերորդ տարում՝ ազատվի: Մեզ համար եւս այդպես լինի, այն ժամանակ, երբ իր գնի համեմատ ծառայի, ազատ դառնա: Եթե միայն ինքը ծառայություն մտած լինի՝ ինքը միայն ազատվի, եթե իր կնոջ հետ միասին ծառայություն մտած լինի՝ իր կնոջ հետ միասին էլ ազատվի:

Իսկ եթե տերը նրան կին տված լինի, որ նրան տղաներ ու աղջիկներ ծնած լինի, ապա կինն ու որդիները տիրոջը լինեն եւ նա միայն ազատվի: Ապա, եթե ծառան պատասխան տալով ասի՝ սիրեցի իմ տիրոջը եւ իմ կնոջը եւ իմ որդիներին, այդ պատճառով չեմ ուզում հեռանալով ազատ լինել, այդքամ տերը թող նրան տանի եկեղեցի՝ քահանաների մոտ, Աստծո առջեւ եւ հավատարիմ վկաներով եւ գրի հաստատմամբ նրան մշտական ծառա վերցնի: Եվ նման ծառան հոգս չանի, թե կարող է ազատ լինել, որովհետեւ, ինչպես առաքյալն է ասում՝ Տիրոջով ծառան Տիրոջ ազատն է:

ԳԼՈՒԽ ԾԵ
ԴՍՏԵՐՆ ԱՂԱԽՆՈՒԹՅԱՆ ՎԱՃԱՌՈՂԻ ՄԱՍԻՆ

Իսկ եթե պատահի, որ որեւէ մեկն իր դստերը վաճառի, ինչ պատճառով էլ այդ լինի եւ վաճառած լինի հավատացյալ այրի, չլինի թե վաճառի որպես աղախնի, որպեսզի, եթե իր տիրոջն հաճելի չլինի, ապա հայրը փրկի նրան: Բայց իր տերն իշխանություն չունենա նրան օտարին վաճառել, որովհետեւ նրան անարգեց. իսկ եթե իր որդու հետ ամուսնացնի, ապա ըստ օրենքների դուստր կլինի նրան: Իսկ եթե ոչ իրեն եւ

ոչ էլ որդուն կնուխան չհասնի, ծառաների ծառայութեան տարիները լրանալուն պես, ճրիորեն, առանց փրկագնի՝ ազատ լինի: Իսկ եթե հայրը կանխավ կարողանա փրկագնով ազատել, թող ազատի նրան:

ԳԼՈՒԽ ԾԶ

ԱՅԼԱԶԳԻ ԾԱՌԱՆԵՐԻ ԵՎ ԱՂԱԽԻՆՆԵՐԻ ՄԱՍԻՆ

Եթե մեկն այլազգի ծառա կամ աղախին գնի, եթե նրանք հանձն առնեն մկրտվել՝ փրկութեան տակ կլինեն, եւ ծառայութեան տարիները լրանալուն պես՝ ազատ լինեն, ապա եթե իրենք /մկրտվել/ չկամենան՝ նրանց վաճառելու իշխանութիւնը լինի: Այլ չլինի թե ծառայութեանից ազատվելու համար հեղգութեամբ մկրտվեն: Իսկ մկրտվածների ազատվելը կամ ծառայութեան մեջ մնալը լինի այնպես, ինչպես քրիստոնյաների համար է կարգված, նույնը լինի եւ այս աղախիներին եւ ծառաների համար:

ԳԼՈՒԽ ԾԷ

ԻՐԵՆՑ ՀՈՐՆ ՈՒ ՄՈՐԸ ԱՆԱՐԳՈՂՆԵՐԻ ՄԱՍԻՆ

Եթե որեւէ մեկն անարգվի իր որդու կողմից եւ կամ թե այլ անօրեննութիւն գործեն որդիները օտարների առաջ, օրենքները անարգանքների համար հրաման են տալիս, որ հայրն իշխանութիւն ունի իր որդուն տանել դատավորների առաջ: Եվ, եթե որդին հանձն առնի իր մեղքերը եւ խոստանա, որ այլեւս նման բան չի անի, ապա խրատեն նրան ու արձակեն, ապա թե ոչ, պատժվի, որովհետեւ, ըստ հին օրենքների հայր եւ մայր անարգողներին երկճյուղ փայտից էին կախում:

Իսկ օտարների նկատմամբ չար գործ անող որդիներին օրենքները հրաման չեն տալիս դատավորներին առջեւ բերելով՝ բողոքարկել:

ԳԼՈՒԽ ԾԸ

ՏՂԱՆԵՐ ԳՈՂԱՅՈՂՆԵՐԻ ՄԱՍԻՆ

Ով գողանա Իսրայելի որդիներին եւ վաճառի նրանց, եւ կամ ում մոտ գտնեն նրանց՝ մահվան դատապարտվի: /Ելք, ԻԱ 16/:

Իսկ մեզ համար այս դատաստանը լրացվելով փոխված լինի այս-

պես. եթե քրիստոնյան քրիստոնյայի գողանա եւ վաճառի այլազգի, եւ չար գործն այդ հայտնի դառնա, ապա շխարհութիւնը հասնելու պատճառով մահվան չղատվի, այլ բանտ դրվի եւ երաշխավորների միջոցով վերցրած գինը վերադարձնի եւ վաճառվածին եւ դարձնի, իսկ եթե հնար չլինի, գողացվածի գինը գողացվածի տիրոջը տան, եւ գողի աչքերը խրատելով /հանելով/՝ արձակեն եւ կամ նշան դնեն նրա վրա, որ չգղջացողներին խրատ լինի:

ԳԼՈՒԽ ԾԹ

ԻՐԵՆՑ ՀՈՐՆ ՈՒ ՄՈՐԸ ԲԱՄԲԱՍՈՂՆԵՐԻ ՄԱՍԻՆ

Ով բամբասի իր հորը կամ մորը՝ մահվան ենթարկվի /Ելք, ԻԱ- 17/: Ծնողներին բամբասողների կամ նրանց հանցանքներն հրապարակողների մահվան ենթարկվելու մասին է ասոււմ, իսկ ըստ մեր դատաստանների, ծնողների հետ բռնութեամբ, անարգութեամբ վարվողների կարգով դատվեն, ինչպես որ ցույց է տրված ԾԷ հոդվածում:

ԳԼՈՒԽ Կ

ԿԱՏԱԿՈՎ ՄԻՄՅԱՆՑ ՎՆԱՍՈՂՆԵՐԻ ՄԱՍԻՆ

Եթե երկու այրեր կռվեն եւ մեկն իր ընկերոջը քարով կամ բուռնցքով հարվածի եւ ընկերը չմեռնի, այլ ընկնի մահիճ, եթե առողջանա եւ հենակով շրջի, խփողը անպարտ լինի, բայց անդամի խափանման տուգանքն ու բժշկութեան գինը վճարի, իսկ եթե մեռնի, արյան գինն առնեն: Այս դատաստանը օրենքներում ասվեց եւ մեզ ամբողջութեամբ պահելն արժան է:

ԳԼՈՒԽ ԿԱ

ԱՅՆ ՏԵՐԵՐԻ ՄԱՍԻՆ, ՈՎՔԵՐ ԻՐԵՆՑ ԾԱՌԱՆԵՐԻ ԵՆ ՍՊԱՆՈՒՄ

Եթե մեկն իր ծառային կամ աղախինն գավազանով հարվածի եւ նա մեռնի, ապա նման տերերին դատաստանի վրեժխնդրութիւնը լինի:

Տերն ասել է, թե՛ գավազանի դատաստանը, թե՛ սրի, եւ նման դատաստանները ապստամբութեան պատճառով են լինում: Սպանողը այ-

լազգի լինի, թե քրիստոնյա, ըստ այդմ, արյան գինը տալով տուժի:

Բայց եթե հարվածի ենթարկվածը մեկ կամ երկու օր ապրի, վրեժ չփնտրել, քանի որ ծառային իր արձաթով է գնել, սակայն տուժքը, ըստ համապատասխան կանոնների /տուգանքով/ եւ ապաշխարութեամբ լինի:

ԳԼՈՒԽ ԿԲ

**ԱՅՐԵՐԻ ԿՌՎԵԼՈՒ ԺԱՄԱՆԱԿ
ՀՂԻ ԿԱՆԱՆՅ ՀԱՐՎԱԾԻ ԵՆԹԱՐԿՎԵԼՈՒ ՄԱՍԻՆ**

Եթե երկու այրեր կռվեն եւ հարված կպնի հղի կնոջը եւ հարվածից դեռ չձեւավորված սաղմը դուրս գա, ապա վնասի կես չափով տուժ լինի, որչափ որ կնոջ ամուսինը պահանջի եւ մեղավորը իր տուգանքը աղաչելով տա:

Իսկ եթե սաղմն արդեն ձեւավորված էր, ապա տուգանքը լինի՝ անձի դիմաց-անձ օրենքով: /Ելք, ԻԱ 21-22/:

Հայտնի են եւ դատաստանները աստվածային սահմանումներին... Օրենքները սաղմի անձ ձեւավորված լինելու դեպքում՝ անձի փոխարեն էլ՝ անձ են պահանջում, սակայն այս դատաստանն ըստ Ավետարանի ներման միջնորդութեան փոխվել է եւ քրիստոնյաները տուգանքով եւ ապաշխարութեամբ են վճարում, բան, որի մասին հայտնել ենք թագավորների դատաստաններում:

ԳԼՈՒԽ ԿԳ

ՀԱՐՎԱԾՆԵՐԻ ՄԱՍԻՆ

Ա՛չք՝ աչքի տեղ, ատամ՝ ատամի տեղ, ձե՛ռք՝ ձեռքի փոխարեն, ո՛տք՝ ոտքի տեղ, խարա՛ն՝ խարանի տեղ, վե՛րք՝ վերքի փոխարեն, հարվա՛ծ՝ հարվածի տեղ: /Ելք, ԻԱ- 24-25/:

Եվ այս դատաստանը Ավետարանի շնորհներով /Մատթ. Ե 38-41/ տուգանքներով է վճարվում՝ համեմատած արյան բանական գնին: Սակայն առավել կամ նվազ գինը՝ քննութեան առնվի, ըստ անդամների եւ նրանց կատարած գործերի, յուրաքանչյուր անդամին բաժին հասնի քսանեւեց դահեկան եւ կես դանդ:

ԳԼՈՒԽ ԿԴ

ՏԵՐԵՐԻ ԿՈՂՄԻՑ ՀԱՐՎԱԾԻ ԵՆԹԱՐԿՎԱԾ ԾԱՌԱՆԵՐԻ ՄԱՍԻՆ

Եթե մեկն հարվածած լինի իր ծառայի կամ աղախնի աչքին եւ կուրացնի, փոխան նրա աչքի՝ նրան ազատի եւ նա լինի ազատ: Եվ ատամն հարվածով հանելու դեպքում՝ նույնն անի, ատամի փոխան ազատելով նրան եւ նա լինի ազատ: /Ելք, ԻԱ 26-27/:

Թերեւս աստվածային այլ օրենքներ եւ զգայութեան /անդամները/ եւ ատամները միահավասար է դիտում, նույնպես եւ հրամայում է, որ ծառաներն ու աղախիները ծառայութեանից փրկվեն նրանց ատամն հանելու դեպքում: Եվ այս դատաստանը անփոփոխ մնա քրիստոնյա հավատացյալներին համար էլ: Իսկ եթե ծառան կամ աղախինը քրիստոնյա չլինի, ապա տուգանք վճարվի ըստ այդմ եւ կամ գնի կեսը: Եվ ըստ այդմ էլ լինեն դատաստանի իրավունքները:

ԳԼՈՒԽ ԿԵ

ԵՐԲ ՅՈՒԼՆ ՀԱՐՎԱԾԻ ՏՂԱՄԱՐԴՈՒ ԿԱՄ ԿՆՈՋ

ա /Եթե ցուլը հարվածի տղամարդու կամ կնոջ եւ եթե նրանք մեռնեն, ապա ցուլը քարկոծ արվի եւ ցլի տերը անպարտ մնա: /Ելք, ԻԱ-28/:

Եվ ըստ օրենքների այս դատաստանը մեզ համար հաստատուն մնա: Քարկոծելու փոխարեն ցուլը մորթել եւ միսը վաճառել այլազգիներին, /որ քրիստոնյա չեն/, իսկ գինը տան աղքատներին, եւ հաստատուն լրացմամբ ասվեց, որ ցլի տերը անպարտ մնա:

բ /Իսկ եթե ցուլն հարձակվող էր եւ բողոքել էին նրա տիրոջը եւ նա անփուլթ էր վերաբերվել այդ բողոքներին եւ սպանել է որեւէ մեկին, ապա ցուլը քարկոծվի եւ ցլի տերը մեռցվի: Իսկ եթե փրկանք սահմանեն նրա համար, ապա իր անձի փոխան փրկանքը տա, որքան որ սահմանվի եւ ցլի տերը փրկվի: Եվ եթե որդիների կամ դուստրերի ցուլն հարվածի, ըստ նույն օրինակի վարվեն: /Ելք, ԻԱ 29-31/:

Եվ այս օրենսդրական իրավունքները փրկութեան գին տալով ազատվելն են մեզ համար սահմանում եւ ոչ թե մահվան վճիռ կայացնելը, որովհետեւ Քրիստոսով ողորմութեանն այդպես է արտահայտվում: ...Եվ փրկանքի արյան գինը ցույց է տրված թագավորների դատաստաններում:

գ /Եվ եթե ծառայի կամ աղախնի ցույն հարվածի, ապա երեսուն կրկնակի սատեր արծաթ տրվի տիրոջը եւ ցուլը քարկոծվի /Ելք, ԻԱ 32/:

Սակայն դատաստանի ժամանակ քրիստոնյաների եւ այլազգիների համար ընտրություն լինի:

Իսկ եթե հարվածի ենթարկվածի զգացողությունը վնասվի կամ խափանվի եւ ցլի տերը ցլի հարվածող լինելու մասին չգիտեր, նրա տերը անպարտ լինի: Իսկ եթե բողոքած լինեն եւ տերը ցլին մեղսեղից չի վերացրել, ապա տուժի՝ բժշկության ծախսերը եւ խափանված անդամների համար վճարը տալով: Եվ այս ամենը կայանա դատի միջոցով:

ԳԼՈՒԽ ԿԶ

ԵՐԲ ՑՈՒԼՆ Է ՑՈՒԼԻՆ ՀԱՐՎԱԾՈՒՄ

Իսկ եթե ցուլն է ցուլին հարվածում եւ հարվածի ենթարկվածը մեռնի, ապա կենդանի մնացած ցուլին վաճառեն եւ գինը բաժանեն ցուլերի տերերի մեջ: Իսկ սպանված ցլի միսը վաճառեն եւ բաժանեն աղքատներին:

Իսկ եթե հարվածող ցլի տերը նախապես գիտեր, որ իր ցուլը հարվածող է եւ այդ մասին արդեն բողոքել էին եւ նա ոչինչ չէր ձեռնարկել, ապա ցլի դիմաց ամբողջ ցլով տույժը լինի:

Եվ կենդանի մնացած ցուլը տան տուժողին, իսկ մեռած ցուլը սպանողի տիրոջը տան:

ԳԼՈՒԽ ԿԷ

**ՀՈՐԵՐԻ ԵՎ ԶՐՀՈՐՆԵՐԻ ՄԱՍԻՆ,
ԵՐԲ ՆՐԱՆՑ ՄԵՋ ԿԵՆԴԱՆԻ ԸՆԿՆԻ**

Եթե մեկը, որ հոր կամ ջրհոր բանա եւ չծածկի եւ այնտեղ անասուններ ընկնեն, հորի տերը արծաթով տուժի, որ տա անասունների տիրոջը եւ մեռած անասունը նույնպես նրանը լինի: /Ելք, ԻԱ 33-34/: Այս դատաստանը իրավամբ պարտավոր ենք պահել...:



ԳԼՈՒԽ ԿԸ
**ՀՈՐԵՐԻ ԵՎ ԶՐՀՈՐՆԵՐԻ ՄԱՍԻՆ,
ԵՐԲ ՆՐԱՆՑ ՄԵՋ ՄԱՐԴ ԸՆԿՆԻ**

Եթե բաց հորի կամ ջրհորի մեջ տղամարդ կամ կին ընկնի եւ մեռնի, թե ցերեկով էր, հորի տերը կես արյան գնով տուժվի, իսկ եթե գիշերով էր, բովանդակ արյան գնով տուժի: Նույն դատը լինի, երբ ընկնեն կանայք, ծառաներն ու աղախիները: Դատվի թե քրիստոնյան, թե այլազգին: Ըստ գիշերով հորն ընկածի դատ լինի կույրի, հարբածի եւ մանկան համար:

ԳԼՈՒԽ ԿԹ

ԵԹԵ ՑՈՒԼՆ ԱՆԱՍՈՒՆՆԵՐԻ Է ՀԱՐՎԱԾՈՒՄ

Եթե ցուլն հարվածի կովի, ոչխարի կամ այլ, այսպիսի ընտանի կենդանիների եւ սպանի, եթե տերը չգիտեր, թե ցուլն հարձակվող է, ապա կես արյան գնով տույժ լինի, եւ սպանված փոքր կենդանին իր տիրոջը լինի, իսկ մեծը, երբ փոքրի կրկնակի գինն ունենա, բաժանվի եւ կրկնակի գնով վաճառվի ցուլի տիրոջը: Իսկ եթե նախապես բողոքած լինեն, թե ցուլն հարձակվող է, ապա ամբողջական տույժ լինի: Նույնը լինի նաեւ անսուրբ կենդանիների, այսինքն, բեռնակիրների դեպքում:

ԳԼՈՒԽ Հ

**ԳՐԱՍՏՆԵՐԻ ՄԱՍԻՆ,
ՈՐ ՄԻՄՅԱՆՑ ՀԱՐՎԱԾՈՒՄ ԵՆ**

Եթե ձին կամ էջը կամ ջորին ոտքով հարվածելով միմյանց սպանեն կամ մի այլ վնաս տան միմյանց, ապա, եթե անասունի հարվածող լինելու մասին տերը գիտեր եւ չէր զգուշացնում, ամբողջական տույժ լինի նրան, ապա թե անասունի տիրոջ անգիտությամբ էր՝ վնասի կեսն հատուցի: Նույնը լինի, եթե անասունը այլ կենդանիների վնասի կամ սպանի:

ԳԼՈՒԽ ՀԱ

ԱՅՆ ԳՐԱՍՏՆԵՐԻ ՄԱՍԻՆ, ՈՐ ՀԱՐՎԱԾՈՒՄ ԵՎ ՎՆԱՍՈՒՄ ԵՆ ՄԱՐԴՈՒՆ

Եթե գրաստն հարվածում է մարդու եւ վնաս է հասցնում, եթե տերը գիտեր անասունի հարվածող լինելու մասին եւ չէր զգուշացրել, ապա ամբողջական տույժ լինի, իսկ եթե պատահականորեն կամ տիրոջ զգուշացվելուց հետո եղավ, ապա կես վնասի չափով գրաստի տերը տուժի: Այդպես լինի նաեւ, երբ անասունի հարվածից մարդը մեռնի: Իսկ եթե մարդը շատ չի վնասվել եւ ոչ էլ մեռել, գրաստի տերը խափանված անդամների համար վճարելով ու բժշկութեան ծախսերի չափով տուժի: Գիտենալով գրաստի հարվածող լինելու մասին եւ չզգուշացնելով, այդ-ժամ՝ ամբողջական է տույժը, հակառակ պարագայում՝ կեսն է: Իսկ ապաշխարութեան կերպը վարդապետները քննելով որոշեն:

ԳԼՈՒԽ ՀԲ

ԱՅՆ ԳՐԱՍՏՆԵՐԻ ՄԱՍԻՆ, ՈՐ ՆՐԱ ՏԻՐՈՋ ՅՈՒՐԱՅԻՆՆԵՐԻՑ ՈՐԵՎԷ ՄԵԿԻՆ ՀԱՐՎԱԾՈՒՄ ԵՆ

Եվ եթե գրաստն հարվածելով կամ ծառային կամ կնոջը կամ աղախին կամ տղային կամ աղջկան եւ կամ այլ մեկի սպանի կամ վնասի, թե անասունի հարվածող լինելու մասին տիրոջ անգիտութեամբ լինի եւ կամ տիրոջ կողմից զգուշացնելուց հետո, ապա տերն անպարտ լինի դատաստանի: Իսկ եթե յուրայինները բողոքել էին եւ նա գրաստին չվերացրեց եւ կամ չպատվիրեց՝ այդ գրաստից զգուշ մնալ, ապա վարդապետների կողմից դատաստան լինի եւ նաեւ ապաշխարութեան սահմանվի, ըստ դեպքի կամավոր կամ ակամա լինելու:

ԳԼՈՒԽ ՀԳ

ԱՅՆ ԳՈՂԵՐԻ ՄԱՍԻՆ, ՈՎՔԵՐ ՈՉԽԱՐՆԵՐ ԵՎ ԱՅԼ ԱՆԱՍՈՒՆՆԵՐ ԵՆ ԳՈՂԱՆՈՒՄ

Եթե մեկը արջառ կամ ոչխար գողանա եւ սպանի կամ վաճառի, պարտ է հինգ արջառ հատուցել մեկ արջառի փոխարեն եւ չորս ոչխար՝ մեկ ոչխարի փոխարեն... Իսկ եթե ոչխարը /չի մորթել կամ վաճառել/ տույժը լինի մեկի կրկնակին:

ԳԼՈՒԽ ՀԴ

ԱՅՆ ԳՈՂԵՐԻ ՄԱՍԻՆ, ՈՎՔԵՐ ՏՈՒՆ ԵՆ ԿՏՐՈՒՄ

Իսկ եթե գիշերով գողը բռնվի ու մեռցվի, այդ սպանութեան չի լինի: Սակայն եթե արեւը ծագի եւ այդժամ մեռցվի, ապա սպանողը մահապարտ է եւ սպանելու փոխարեն՝ մեռցվի: /Ելք, Իբ 2,3/: Որովհետեւ խավար գիշերվա անգիտութեան մեջ, ըստ օրենքի, մեղք չի համարվում /գողին սպանելը/, սակայն, երբ լույսը ծագի, այդժամ իբրեւ կամավոր սպանող /սպանողը/ պիտի իրավամբ դատվի: Որովհետեւ մարդագողերին հրամայվեց սպանել, իսկ մեզ էլ հրամայվեց /հանցանքի/ կամավոր եւ ակաման դիտելուց հետո՝ ապաշխարութեան սահմանել եւ փրկանքը լինի, որպես ցույց է տրվել: Կորուսյալ գողոնի համար՝ չորս անգամ ավել հատուցվի: Չկորսված գողոնի համար՝ հատուցվի գողոնի կրկնակին:

ԳԼՈՒԽ ՀԵ

ԵԿԵՂԵՑՈՒՑ ԳՈՂԱՑՈՂՆԵՐԻ ՄԱՍԻՆ

Երբ եկեղեցուց գողացվածը կորել է կամ վաճառվել, եւ չի լինում ետ վերադարձնել, մեկի փոխարեն հինգը հատուցվի, իսկ եթե կորած չլինի, մեկի՝ կրկնակին: Եվ ապաշխարութեանը ցույց է տրված կանոններում:

ԳԼՈՒԽ ՀԶ

ՆՐԱՆՑ ՄԱՍԻՆ, ՈՎՔԵՐ ԱՐՏԵՐՈՒՄ ՈՒ ԱՅԳԻՆԵՐՈՒՄ ԵՆ ԱՆԱՍՈՒՆՆԵՐ ԱՐԱԾԵՑՆՈՒՄ

Եթե մեկն արտերում ու այգիներում իր խաշինքն է արածեցնում, ըստ բերքատվութեան արդյունքի չափով՝ իր անդաստանից տույժը լինի: Իսկ եթե ողջ անդաստանով մեկ արածեցնի, ապա տույժը իր այգու ընտիր կողմը տալով լինի:

ԳԼՈՒԽ ՀԷ

ՆՐԱՆՑ ՄԱՍԻՆ, ՈՎՔԵՐ ՀՐԴԵՀԵԼՈՎ ՎԱՍՏԱԿՆԵՐ ԵՆ ԱՅՐՈՒՄ

Եվ եթե մեկը կրակ վառի փուշն այրելու եւ դրանից այրվի նաեւ վաստակը կամ կալը կամ անդաստանը եւ այլն. տուժելով՝ տուժի նա, ով կրակը արեց: /Ելք, Իբ 6/:

ԳԼՈՒԽ ՀԸ

ԵՐԲ ԻՐ ԵՆ ՊԱՀ ՏԱԼԻՍ ՄԱՐԴՈՒՆ, ԻՍԿ ՆԱ ԿՈՐՑՆՈՒՄ Է ԿԱՄ ԳՈՂԱՆԱԼ Է ՏԱԼԻՍ

Եթե մեկն ընկերոջն ավանդ տա արծաթ կամ կարասիներ եւ ավանդ վերցնողի տնից եթե ավանդը գողացվի եւ գողը գտնվի, ապա, թող կրկնակի հատուցի, իսկ եթե գողը չգտնվի, Աստծո տան մեջ ավանդառուն երգվի, թե իր ընկերոջ ավանդ տրվածի հետ նենգությամբ չի վարվել, ինքը չի յուրացրել:

Արջառի, էջի, ոչխարի եւ հագուստի եւ այլ բաների կորուստների դեպքում, երկուսով Աստծո առջեւ դատաստանի դան, եւ նրանցից ով Աստծո ձեռքով բռնվի, նա էլ կրկնակին հատուցի ընկերոջը: /Ելք, ԻԲ 7-9/:

Անփոփոխ պահել այս դատաստանը: Գողը երբ գտնվի՝ կրկնակին հատուցի: Իսկ երգմամբ օրինակ է տրվել, որ երգվյալը, երբ անմեղ լինի՝ չտուժի:

Ով Աստծո ձեռքով բռնվի՝ կրկնակի տուժի, կամ եթե սուտ երգում է Կովել եւ հայտնի է դարձել, կամ չեղվելով ցույց տվեց, թե ստույգ է, իսկ մյուսը, երբ զրպարտող լինի, կրկնակի տուժ լինի:

ԳԼՈՒԽ ՀԹ

ՉՈՐՔՈՏԱՆԻՆԵՐԻՆ ՊԱՀԵԼՈՒ ՄԱՍԻՆ

Եթե մեկն իր ընկերոջը էջ, եզ, ոչխար կամ այլ անասուն ի պահ տա եւ բեկում լինի կամ մեռնի, կամ գերի տարվի եւ ոչ ոք չիմանա ուր լինելը, ապա երկուսի միջեւ Աստծո երգումով հարցը լուծվի: Եթե նենգություն չկա ընկերոջ ունեցվածքի հանդեպ, տուժ չլինի:

Իսկ եթե գողանա ընկերոջ պահ տվածը, տուժ լինի: Իսկ եթե գազաններից հոշոտված լինի, հոշոտվածի մնացուկները տիրոջը ներկայացնի, եւ կրկին չլինի տուժ:

Իրավամբ է այս դատաստանը կարգել, քանի որ անասունները ի պահ տալը՝ վարձով է, որի համար չորքոտանիներին գողանալու դեպքում հարկ է վարձով հանձն առնողը տուժի:

ԳԼՈՒԽ Զ

ՆՐԱ ՄԱՍԻՆ, ՈՐ ՈՐԵՎԷ ԲԱՆ, ՈՐԵՎԷ ԻՆՁՔ ՎԵՐՑՆԵԼՈՎ՝ ՎՆԱՍՈՒՄ Է

Եթե որեւէ մեկը իր ընկերոջից անոթ կամ անասուն կամ որեւէ իր խնդրի եւ վնասի, կամ սատկեն, կամ հափշտակեն, իսկ տերը այդտեղ ներկա չլինի, ապա ավանդ վերցնողը վնասն հատուցի, իսկ եթե ներկա լինի, ավանդ վերցնողը՝ չհատուցի: Եթե վարձով է դրանք փոխ առել՝ վարձով էլ թող հատուցի:

ԳԼՈՒԽ ԶԱ

ԽՈՍՔ ԱՌՆՎԱԾ ԿՈՒՅՍԻՆ ԽԱՐՈՂԻ ՄԱՍԻՆ

Եթե մեկը խոսացված կույսին խաբի եւ նրա հետ քնի, ապա թող նրան կնության առնի, խոսացված լինելու դիմաց տուգանք, գլխագին տալով: Իսկ եթե աղջկա հայրը չհամաձայնվի նրան կնության տալ, ապա աղջկա հորը վճարի այնքան, որքան որ գլխագին է սահմանված կույսերի համար: /Ելք, ԻԲ 16-17/: Հայտնի է նաեւ այս դատաստանը, որ խաբողը, երբ հանձն է առել կնության առնել, ըստ օրենքների մահվան չի դատվել, թեպետ եւ կույսը խոսված էր, եւ նա, ով բռնաբարեց, գլխագին տալով կնության է վերցնում, իսկ եթե աղջկա հայրը չկամենա, այդժամ տուժ լինի, ըստ խաբելու պարագայի:

...Ապա, եթե երիտասարդը կամ նրա յուրայինները չկամենան աղջկան կնության վերցնել, այդժամ կրկնակի տուժ լինի, ըստ օրենքների:

ԳԼՈՒԽ ԶԲ

ՆՐԱՆՑ ՄԱՍԻՆ, ՈՐ ԻՐԵՐ ԵՆ ՓՈՈՏ ՏԱԼԻՍ

Եթե քո եղբորը արծաթ ես փոխ տալիս եւ նա քեզանից աղքատ լինի, մի՛ շտապիր նրա մոտ եւ մի պահանջիր նրանից տոկոսներով:

Հին կտակարանները եւ նորերը այս մասին միաբանվելով՝ դուրս են հանել վաշխն ու տոկոսները: /Ելք, Իբ 25, Ղուկաս, Զ 34-35 եւ այլուր/: Գիտեցողների համար ավելորդ է կրկնել, թե երբ օրենքը շտապել չի հրամայում, որչա՞փ եւս շնորհը /Նոր Կտակը/: Եվ երբ փոխ ասվեց, նույնչափով հատուցվի: ...Եվ որդիները հայրերի մահվանից

Հետո, չլինի թե վաշխ հատուցեն, այլ միայն՝ փոխ տվածը, այլ կերպ, ըստ իրավունքների չի լինի: Եվ այդ եւ օրենսդրություն է եւ միեւնույն ժամանակ՝ դատաստան:

**ԳԼՈՒԽ ԶԳ
ԳՐԱՎՆԵՐԻ ՄԱՍԻՆ**

Եթե մեկը գրավ վերցնի մեկից տուն կամ այգի, կամ հող, եւ այսպիսի այլ ինչքեր, այսպես հաշվեն. ամբողջական հաշիվը անվաշխ լինի եւ ամբողջական հաշիվը հատուցի: Եվ եթե ամբողջականից ավելին է կերել՝ այդ եւս հատուցի: Եվ ինչ որ գրավից ծախսած լինի՝ հավելյալ հաշիվը տա, եւ եթե ծախսվածը գրավի տիրոջ անձեռնհասությունից չի գալիս, կամ թե ծախսվել է գրավը վերանորոգելու համար՝ այդ հաշիվ առնվի: Նույնի նման լինի՝ ինչ որ կենդանիներին է վերաբերում: Եթե հանդերձանք եւ սրանց նմաններն են գրավ դրվել, եւ մաշվել են, ամբողջական հաշիվից մաշվածություն չափ պակասել է:

Եվ եթե ոսկեղեն կամ սրանց նմանները գողացվել են կամ կորել, եթե կորուստը նենգված չէ, երգամբ այդ հաստատել, եւ տիրոջ կորուստն է, իսկ եթե նենգված է, քառապատիկ տույժը լինի: Իսկ եթե ձեռքին է եւ ստում է՝ կրկնակի տույժը լինի: Իսկ եթե ավարի տարված՝ կորուստը տիրոջը լինի: Եթե հատված ծառ կա, այրված այգի կամ ցանք, տունը կամ այլ ինչքեր՝ գրավի ժամանակ վնասվել են, ապա թե, տիրոջ պատճառով եղած լինեն, վնասը տիրոջը լինի, իսկ եթե գրավառուի պատճառով է եղել՝ վնասը նրանը լինի: Վայրապար վնասները, բեկումն անասնոց՝ գրավառուն հատուցի, իսկ ընդհանուր համաճարակների պատճառով վնասները՝ տիրոջ վրա լինեն: Եթե օրենքը թույլ չի տալիս, աղքատի գրավը / Ելք, ԻԲ 26, Բ Օրենք, ԻԴ 13/ մինչեւ մուլթն ընկնելը պահել, ապա որչափ եւս հրաժարեցրել է վաշխով գրավից:

**ԳԼՈՒԽ ԶԴ
ՏՈՒՆ ԱՅՐՈՂՆԵՐԻ ՄԱՍԻՆ**

Եթե մեկն իր կամքով տուն վառի եւ եթե կրակից մարդ մեռնի, վառող ձեռքը խրատել /կտրել/, թեպետ, ըստ օրենքների մահվան է ար-

ժանի, թերեւս խրատով ապաշխարություն հասնի: Եվ տույժ լինի, եւ եթե կարող լինի՝ նրանից արյան բովանդակ գին պահանջվի, ապա, եթե՝ ոչ, այնքան, որքան կարող լինի: Տույժի դեպքում խրատը /ձեռքը կտրելու պատիժը/ չի կիրառվում ոչ այս եւ ոչ այլ դեպքերում, միայն անառակներին է խրատը /ձեռքի կտրելը/, որոնց նկատմամբ տուգանքի տույժ չի կիրառվում, այլ, ըստ արժանվույն խրատը կիրառեն: Իսկ եթե անասուններից են վառվել, ապա փոխարենը քառապատիկ հատուցի: Իսկ եթե ամբարված խոտ, ապա կրկնակի չափով տույժը լինի: Նույնը լինի ցանքսերի եւ նման բաների համար:

**ԳԼՈՒԽ ԶԵ
ՏՆԿԻՆԵՐ ՀԱՏՈՂՆԵՐԻ ՄԱՍԻՆ**

Եթե մեկը սատանայի ցասմամբ շարժվելով տնկիներ հատի եւ ճշտություն հայտնի դառնա, այդժամ տունի կտրողի համար դատաստան լինի: Եվ իր տնկիների տարիների չափով, որքան որ դրանք անպտուղ լինեն, այդքան տուժի: Իսկ եթե հատողը տնկիներ չունի, այդժամ տույժը ըստ հատված տնկիի գնի լինի: Որովհետեւ օրենքները / Բ Օր. Ի 19-20/ հրամայում են անգամ գրաված երկրների տնկիները չկտրել:

**ԳԼՈՒԽ ԶԶ
ԱՎԱՆԴՆԵՐԻ ԴԱՏԱՍՏԱՆԵՐԻ ՄԱՍԻՆ**

Եվ Տերը խոսեց Մովսեսին ու ասաց. «Ով մեղք գործի եւ ով արհամարհի խախտելով Տիրոջ պատվիրանները եւ մերձավորին խաբելով իրեն պահ տված ավանդի կամ որեւէ իրի համար կամ որեւէ այլ մի վնաս հասցնի իր մերձավորին եւ կամ կորած մի բան գտնի, բայց ուրանա, որ գտել է, եւ դրա համար սուտ երդում տա, այսինքն անի այն ամենը, որով մեղք գործած է լինում, բայց գիտակցի, որ մեղանչել եւ հանցանք է գործել, նա պիտի հատուցի իր հասցրած վնասի համար, իրեն պահ տված ավանդը կորցնելու համար, կորած բանը գտնելով՝ ուրանալու եւ սուտ երդում տալու համար: Իր հասցրած ամեն վնաս նա պետք է հատուցի ամբողջությամբ, դրան ավելացրած վնասված իրի արժեքի մեկ հինգերորդը: Նա թող Տիրոջը հատուցի հենց իր մեղքը

գիտակցած օրը: /Ղեւտ. 2 1-5/: Աստվածախոս այս դատաստանը Հաստատուն մնա նաեւ եկեղեցում, քանի որ նույն Տիրոջից է: Բայց խոյի քավութեամբ /Ղեւտ. 2 -6/ ցույց տրվեց, որ նրանք, ովքեր մի անգամ դատաստանի են ենթարկվել, ապա անհրաժեշտ է, որ ապաշխարեն: Քանի որ կանոններն ու դատաստանները միմյանցից այն բանի համար են բաժանվում, որ ծածուկ եղած հանցանքները, որոնց որ պետք է տույժ լինի, կանոններով հրամայում է ողորմութեան տակ առնել: Իսկ դատաստանը, որով տույժ է լինում, այդ չի վերացնում ապաշխարութեանը: Սակայն իմաստուններին, որոնք ունեն ներումներ եւ փորձառութիւն, այդ ապահով պատճառով ապաշխարութեան դատաստան անելու յուրաքանչյուր իրականացում՝ կանոններով թողեցինք նրանց:

ԳԼՈՒԽ ԶԷ

**ԵԿԵՂԵՑՈՒՅ ՊՏՈՒՂՆ ԱՐԳԵԼՈՂՆԵՐԻ ԿԱՄ
ԵԿԵՂԵՑՈՒՆ ՊՏՈՒՂ ՉՏՎՈՂՆԵՐԻ ՄԱՍԻՆ**

Եթե մեկն անգիտութեամբ ուտի սրբութիւններից, այդժամ, թող որ իր կերածի արժեքի վրա ավելացնի մեկ հինգերորդը եւ վերադարձնի քահանային: Թող նրանք չպղծեն սրբութիւնների սրբութիւնը, որ Իսրայելի որդիներն առանձնացրել են Տիրոջ համար: Եվ իրենց վրա անօրենութեան հանցանքներ չկուտակեն, որովհետեւ ես եմ Տերը, որ /այդ սրբութիւնով/ սրբագործում եմ նրանց: /Ղեւտ. ԻԲ 14-16/: Աստվածային այս նշանակված դատաստանը անփոփոխ մնա սուրբ եկեղեցու համար:

ԳԼՈՒԽ ԶԸ

ՀԱՅՀՈՅԱՆՔ ՏՎՈՂՆԵՐԻ ՄԱՍԻՆ

Իսրայելցիների մեջ մի մարդ էր ապրում, որը որդին էր եգիպտացի մի տղամարդու, բայց մայրը իսրայելցի էր: Բանակատեղում կռիվ արեցին իսրայելցի կնոջից ծնված այս մարդն ու մի իսրայելցի: Իսրայելցի կնոջ որդին տվեց Տիրոջ անունն ու Հայհոյեց. նրան բերեցին Մովսեսի մոտ: Նրա մոր անունը Սալամիթ էր: Նա ցեղից Դաբբիի դուստրն էր: Այդ մարդուն հսկողութեան տակ պահեցին, որ Աստծո հրամանով դատեն նրան: Եվ Տերը խոսեց Մովսեսի հետ ու ասաց. «Հայհոյող այդ մարդուն հանեցեք բանակատեղիից դուրս, եւ նրանք,

ովքեր լսել են այդ Հայհոյանքը, որպես վկա թող ձեռքերը դնեն նրա գլխին եւ ամբողջ ժողովուրդը թող քարկոծի նրան: Իսկ դու կխոսես Իսրայելի որդիների հետ եւ կասես. «Ով որ կհայոյի Աստծուն՝ իր մեղքի պատիժը կկրի: Իսկ ով որ Հայհոյի Տիրոջ անվանը, թող մահապատժի ենթարկվի եւ ամբողջ ժողովուրդը թող քարկոծի նրան: Աստծուն Հայհոյողը օտարական լինի, թե տեղաբնակ, մահապատժի թող ենթարկվի: Եվ հանեցին Հայհոյին բանակից դուրս եւ ժողովրդով քարկոծեցին: Եվ Իսրայելի որդիներն այնպես արեցին, որպես որ Տերը Մովսեսին պատվիրեց: /Ղեւտ. ԻԴ 10-16,23/:

Իրավացի է այս դատաստանը վերափոխել այսպես. եթե որեւէ մեկը կռիվի մեջ սատանայից շարժվելով Հայհոյեց անունը Քրիստոսի, կամ խաչը կամ եկեղեցին կամ քահանային եւ կամ մկրտութիւնը, եթե կռվողներից մեկն օտարազգի է, ինչպես որ Մովսեսի ժամանակ պատահեց, եւ քարկոծելը եւ սպանելը արժան է: Իսկ եթե քրիստոնյան է Հայհոյի՝ պատահմունքը քննելով՝ մահվան դատաստան լինի:

Մ.Թ. Ինչպես տեսնում ենք, այս հոգվածը քրիստոնեական դատավճռով չի վերջանում: Եթե ոչ՝ անտեսված կլինեն Հայհոյողին էլ, թեկուզ մասնակի փրկելու առումով Քրիստոսի Փրկիչ լինելը, որ ըստ Ավետարանի Հայհոյողին էլ է մասնակիորեն փրկում մահվան դատաստանից, տալով նրան ապաշխարութեան հնարավորութիւն՝ իր հանցանքն ապաշխարելու: Որովհետեւ Տերն ասաց. «Ով որ Հայհոյի Հորը եւ Որդուն, պիտի ներվի, իսկ ով որ Հայհոյի Սուրբ Հոգուն, նա պիտի չնքսվի՝ ոչ այս աշխարհում եւ ոչ այն»:

Այսինքն, այս հոգվածի դատաստանը ստուգապես՝ Սուրբ Հոգուն Հայհոյողներին է վերաբերվում, որ հարկ է մանրամասն ու անաչառ քննութեան առնելով բացահայտել, պարզել:

ԳԼՈՒԽ ԶԹ

ԱՆԱՍՈՒՆՆԵՐԻՆ ՍՊԱՆՈՂՆԵՐԻ ՄԱՍԻՆ

Եվ ով որ անասուն սպանի, անասունի տիրոջը հատուցի նույնպիսի անասունով /Ղեւտ. ԻԴ 18/: Եվ այս հայտնի տեսութեամբ մեզ եւս լինի աստվածային դատաստան անել այս հարցում: Սակայն դատաստանից առաջ քննութեան առնվի անասունի սպանելու դրդումը:

ԳԼՈՒԽ Ղ
ՀՈՂԸ ՎԱՃԱՌՈՂՆԵՐԻ ԵՎ ԳՆՈՂՆԵՐԻ ՄԱՍԻՆ

Եթե քո եղբայրը, որ քեզ մոտ է ապրում, աղքատանա եւ վաճառի իր կալվածքներից, ապա նրա մերձավորը կարող է գալ եւ իր եղբոր վաճառածը ետ գնել, փրկել: Իսկ եթե արտ վաճառողը ունեւոր ազգականներ չունենա եւ հետո ինքն ի վիճակի լինի ետ գնել, ապա կարող է իր կալվածքը ետ գնելով փրկել:

Նա պետք է հաշվի եւ հանի վաճառքից անցած տարիները եւ ապա մնացածը վճարի եւ իր կալվածքը նորից կպատկանի իրեն: Իսկ եթե նրա ձեռքում հարկավոր գումարը չլինի հատուցում անելու, ապա վաճառվածը կմնա նրան, ով գնել էր, մինչեւ որ թողութայն տարին լրանա: Իսկ երբ լինի թողութայն տարին, այդժամ նրա կալվածքը իրեն վերադարձվի: /Ղեւտ. ԻՆ 25-28/:

Ըստ Ավետարանի հրամանների Տիրոջից առավելութուններ հրամայվեց ամենայն ինչում, նույնպես եւ դատաստաններ անելու մեջ: /Մատթ. Ե 21-22, է, 2: Հովհ. է 24/:

Եվ որովհետեւ այժմ ոչ առավելությամբ եւ ոչ էլ հավասարությամբ ենք վարվում, պարտավորություն է մեզ համար ետ գնելով փրկելու իրավունքը պահել: Եվ եթե աղքատության պատճառով է կալվածքը վաճառվել, թող նրա ազգուտոհմը իրավունք ունենա ետ գնել մինչեւ յոթ տարի ժամանակում: Իսկ եթե չկարողանա փրկել յոթ տարում, ապա, այդժամ միայն վաճառքը հաստատվի:

ԳԼՈՒԽ ՂԱ
ՏՈՒՆ ՎԱՃԱՌՈՂՆԵՐԻ ԵՎ ԳՆՈՂՆԵՐԻ ՄԱՍԻՆ

Եթե մեկը պարսպավոր քաղաքում տուն վաճառի, իր տունը կարող է ետ գնել մեկ տարվա ընթացքում, հաշված վաճառքի օրվանից: Իսկ եթե մեկ տարվա ընթացքում ետ գնել չկարողանա, տունն հաստատվի գնողի անվանը եւ նրա ազգին: Եվ դա արդեն ետ գնելու ենթակա չէ, անգամ ազատագրման տարում: /Ղեւտ. ԻՆ 29-30/:

...Սակայն պարիսպ չունեցող քաղաքների տները եւ ավանների տները թող ազարակներ համարվեն եւ դրանք միշտ ենթակա են ետգնման, իսկ ազատագրման տարում նման տունն ազատվում է եւ տունն առած բնակիչ-

ները տնից պիտի դուրս գան: /Ղեւտ. ԻՆ 31/: Եվ թեպետ թողութայն տարի մեզանում առայժմ չկա, սակայն մեկ տարում ետ գնելը հաստատուն մնա:

ԳԼՈՒԽ ՂԲ
ՏՈՒՆ ԳՆՈՂ ՈՒ ՎԱՃԱՌՈՂ ՔԱՀԱՆԱՆԵՐԻ ՄԱՍԻՆ

Ղեւտացիների քաղաքների տները, որոնք որ հենց իրենց կալվածքներն են այդ քաղաքներում, վաճառված տները կարող են միշտ ետ գնվել Ղեւտացիներից: Իսկ եթե մեկը Ղեւտացուց տուն գնի, ապա թողութայն տարում տնից դուրս գա, որովհետեւ այդ կալվածքները Ղեւտացիներինն են: Իսկ քաղաքամերձ ազարակները վաճառքի ենթակա չեն, քանի որ դրանք նրանց հավիտենական կալվածքներն են /Ղեւտ. ԻՆ 32-34/:

Հարկ է այս դատաստանը այսպես իմանալ, որովհետեւ քահանաները իրենց տները կարող են վաճառել միայն քահանաներին եւ միշտ փրկանքով ետ գնելու առավելութունն ունեն, քան աշխարհականների վաճառքներն են: Եվ ազարակները եւ այլ ստացվածքները, որ եկեղեցիների մերձակայքում են, չվաճառվեն, քանի որ նրանց հավիտենական կալվածքներն են: Այս իրավունքն էլ այսպես լինի, թեպետ թողութայն տարի մեզանում առայժմ չկա: Նաեւ բոլոր դատաստանները ծախքն ստացողին ցույց տրվի փրկագնելու ժամանակ:

ԳԼՈՒԽ ՂԳ
ՋՐԱՂԱՑՆԵՐԻ ՄԱՍԻՆ

Եվ եթե աղքատության պատճառով է ջրաղացը վաճառվել, ապա մեկ տարի ետ գնելու փրկության իրավունքի մեջ լինի նրա եւ նրա ազգականների համար: Իսկ այլազգիների /ոչ քրիստոնյաների/ համար, նույն տարում վաճառքն հաստատվի:

ԳԼՈՒԽ ՂԴ
ԱՆԱՍՈՒՆ ԳՆՈՂ ԵՎ ԾԱԽՈՂՆԵՐԻ ՄԱՍԻՆ

Եվ եթե մեկը չորքոտանի է վաճառում, ապա երեք վկանների կողմից հաստատի, թե՛ գողացված չէ, կամ հիվանդ չէ եւ կամ ոտքով հարվածող չէ: Մեկ տարում վաճառողն իրավունք ունի ետ գնել, գնից հանե-

լով, ըստ արժանավույն: Իսկ եթե գողոն լինի, ամեն ժամ իրավունք է ետ դարձնել եւ գինն էլ վաճառողից վերցնել: Ըստ արտաքին այլ պատճառների, գնվածը մինչեւ յոթ օր փորձվի, ապա նոր վճիռ կայացվի եւ եթե վաճառքը ետ չդարձվի, ապա Հաստատվի: Իսկ վաճառողի Համար սահմանված է, ըստ արժանավույն վաճառել: Եվ վաճառքի սահմանը Հարկ է պահել որպես վաճառողի, նույնպես էլ գնորդի Համար:

**ԳԼՈՒԽ ՂԵ
ԵԶՆԵՐ ԾԱԽՈՂՆԵՐԻ ՄԱՍԻՆ**

Եվ երեք վկաներով Հաստատեն, Հերկում փորձված լինելու, նաեւ կալում եւ որ՝ տարբեր Հիվանդութուններ չունի, որ՝ Հարվածող է, թե՛ ոչ եւ որ՝ գողոն չէ: Մինչեւ մի տարի փորձվի նման բաների ճշտութունը, ետ դարձնել լինի այդ ժամանակում, իսկ գողոն լինելու դեպքում ամեն ժամ ետ դարձնել, իսկ այլ պարագաներ ճշտելու Համար՝ յոթ օր փորձվի: Եվ այլ անբավարարութուններ ունենալիս՝ ետ դարձվի, բացի լծի, Հերկի մեջ, սայլին եւ կալում աշխատանքից, որոնց պատասխանը փորձելով արդեն Հայտնի է լինում: տես նաեւ հոդված ՂԴ/:

**ԳԼՈՒԽ ՂԶ
ԿՈՎ ԾԱԽՈՂՆԵՐԻ ՄԱՍԻՆ**

Նույնպես եւ կով վաճառելիս վկաների միջոցով Հաստատվի /ինչ որ վերում խոսվեց/ նաեւ, որ յուրաքանչյուր տարի ծնում է: Այս ամենից բացի, մեկ տարվա ընթացքում կարելի է ետ դարձնել, ըստ արժանավույն գինը Հաստատելով: Եվ այլ պարագաների Համար յոթ օր փորձվի:

**ԳԼՈՒԽ ՂԷ
ՓԵԹԱԿՈՎ ՄԵՂՈՒՆԵՐ ԾԱԽՈՂՆԵՐԻ ՄԱՍԻՆ**

Մեղուները վաճառել աշնանը, ըստ մեղրատվության չափի լինի գինը, վաճառվի սերմի հետ: Ըստ պիտանություն կարելի է անկշիռ եւ կամ կշռով վաճառել՝ փեթակներով, եւ եթե վաճառքից հետո պարզվի, որ կշիռը պակաս էր, լրացվի վաճառողի կողմից, եթե ոչ, ապա նման պատիր վաճառքը չկայացվի: Իսկ եթե կշիռից ավել է եւ խաբեություն

չէ, ետ չվերադարձվի, որովհետեւ դրա հույսով է գնում: Եվ գարնանը մեղուների դրած սերմերի վաճառքը տասից քսան օր փորձելուց հետո լինի եւ վճիռը վկաներով Հաստատվի, երբ մեղուների մտնելն ու ելնելը ուղիղ ցույց տրված լինի: Ապա թե օրերի թյուրությամբ վճիռը կայացվի, նման է լինում գողության եւ վերադարձվի վաճառողին:

Այդ օրերը ոչինչ Համարելը գնողին վնաս է բերում: Մնդի պատճառով սատկածները եւ այդ տարի անպտուղ մնացածները՝ գնողի վրա լինի:

**ԳԼՈՒԽ ՂԸ
ԿԱՐԱՍ ԿԱՄ ԱՅԼ ՏԵՍԱԿԻ ԱՆՈԹՆԵՐ
ԾԱԽՈՂՆԵՐԻ ՄԱՍԻՆ**

Եվ կարաս գնելու ու վաճառելու դեպքում, Հաստատել, որ երբ լցված է լինում, կարող է պահել ինը տարի: Ապա եթե կարծվի, որ նման արժեք չունի թրծման որակի պատճառով, ապա գինը կորցնի եւ կարաս գործածողն առնի՝ վնասի կեսի չափ տուժելով:

Իսկ եթե կարծր չլինելու պատճառով կոտրվի եւ թաղելու ժամանակ այդ լինի, վաճառողն անտույժ լինի: Իսկ եթե այդ նախապես երկբայելի է եղել, ապա միայն վաճառողը տուժի: Նույն կերպ լինի թե փոքր եւ թե մեծամեծ կարասների եւ ամանների Համար:

**ԳԼՈՒԽ ՂԹ
ԱՅԳԻ ԵՎ ԴՐԱՆՏ ԿԱՊԱԼՈՎ ՎԵՐՅՆՈՂՆԵՐԻ ՄԱՍԻՆ**

Շատերն են այգիներ գնում եւ վաճառում, տարվա պտղից հույսով շահելու Համար: Եվ եթե պատահի, որ պտուղը պակաս լինի, արժան է, որ վաճառողը ամբողջ գլխավոր գինը պահպանի, ոչ միայն հույսի Համար, այլ նաեւ այն աշխատություն, որ կատարել է այգում:

Եվ եթե գնորդը շահ ստանա, որ խաբեություն չլինի, իր ստացած շահը վաճառողին չլինի թե վերադարձնի, որովհետեւ հաջողություն կատարված վաճառքները բազմապատիկ շահ են տալիս: Այս վաճառքի կապակցությամբ փորձի օրերը տասն օր են՝ երեք վկաների ներկայությամբ. իսկ նման պարագաների դատաստանները ցույց են տրված ըստ իրավունքների:

ԳԼՈՒԽ Ծ
ՋՐԱՂԱՅՆԵՐ ՎԱՐՁԵԼՈՒ ՄԱՍԻՆ

Այսպիսի բաներ վարձով վերցնելիս՝ վկաների միջոցով հաստատումն անել: Շահ ստանալը վարձով տվողի համար առանց գեղջի լինի եւ շահի դիմաց չվճարի տուգանք: Եվ իր վրա լինի պակաս բաները պատրաստելը, եթե ոչ, ապա այդ պակասների պատճառով եղած վնասները նույնպես վարձի դինը որոշելիս՝ տվողի վրա լինի, իսկ անպատրաստութիւնից եղած վնասները՝ վերցնողին լինի՝ քարի, նավի, երկաթի եւ այլ բաներում, նաեւ գողացվածները:

Իսկ այրվածը, եթե տիրոջ պատճառով լինի՝ վնասը նրանը լինի, իսկ եթե վարձով վերցնողի պատճառով է՝ նրանը:

Ըստ այդմ դատաստան անել նաեւ նման այսպիսի հարցերում:

ԳԼՈՒԽ ԾԱ
ՀԱՅՐԱԿԱՆ ԺԱՌԱՆԳՈՒԹՅՈՒՆԸ ՈՐԴԻՆԵՐԻ
ՄԻՋԵՎ ԲԱԺԱՆՈՂՆԵՐԻ ՄԱՍԻՆ

Մովսեսի մոտ եկան Հովսեփի որդի Մանասեից սերված Մաքիթի որդի Գաաղաղի որդի Ոփերի որդի Սաղպաաղի դուստրերը, որոնց անուններն էին՝ Մաաղա, Նվա, Էգղա, Մեղքա եւ Թերսա: Նրանք կանգնելով Մովսեսի, Եղիազար քահանայի, իշխանների եւ ողջ ժողովրդի առաջ, վկայութեան խորանի դռանը, ասացին. «Մեր հայրը մեռավ անապատում: Նա Կորխի՝ Տիրոջ դեմ ընդվզած ամբոխի մեջ չէր: Նա մեռավ իր այլ մեղքի համար՝ առանց որդիներ ունենալու: Արդ թեպետ նա որդի չունեցավ, բայց մեր հոր անունը, թող չջնջվի մեր ցեղի միջից՝ այն բանի համար, որ որդի չունեցավ: Մեզ բաժին տվեք մեր հոր եղբայրներին հավասար»: Մովսեսը նրանց պահանջը ներկայացրեց Տիրոջ առաջ: Տերը խոսելով Մովսեսի հետ, ասաց. «Ճիշտ են ասում Սապաաղի դուստրերը: Նրանց նույնպես բաժին տուր իրենց հոր եղբայրներին հավասար: Իրենց հոր հասանելի բաժինը կհատկացնես նրանց եւ Իսրայելին բացատրելով, կասես. «Եթե մեռնող մարդը որդի չի ունենում, նրա ժառանգութիւնը պետք է անցնի իր դուստրերին: Եթե նա դուստր չունի, նրա ժառանգութիւնը տվեք իր եղբորը: Եթե

նա եղբայր էլ չունի, նրա ժառանգութիւնը տվեք իր հորեղբորը: Եվ եթե հորեղբայրներ էլ չունի, նրա ժառանգութիւնը տվեք մերձավոր ազգականին: Նրա ունեցածը իր ցեղից թող որեւէ մեկը ժառանգի: Դա Իսրայելի համար դատաստանական օրենք թող լինի, ինչպես Տերն է հրամայել Մովսեսին»: /Թվեր, Իէ 1-11: Այս հատվածի թարգմ. վերցրեցինք արեւելահայերեն Աստվածաշնչի 1994թ. հրատարակութիւնից/:

Անլուծանելի են այս իրավունքները բոլոր հավատացյալների համար էլ եւ լինեն հիմք նաեւ դատաստանի վճիռ կայացնելիս: Որովհետեւ հարկ է որդին ժառանգութիւնն ստանա, իսկ եթե որդի չլինի՝ դուստրը, այն, որ տանն է եւ անպսակ է դեռ: Իսկ պսակված աղջիկները, երկու քույրով մեկ որդու բաժին ստանան, բայց չեն կարող նրանք ժառանգ լինել: Եվ այս այն բանից է հայտնի, որ չթողեցին Սաղպաաղի դուստրերին օտար ցեղի տղամարդկանց կին լինել, որպեսզի չլինի թե ժառանգութիւնը օտարներինը լինի:

Իսկ երբ դուստր չլինի՝ եղբայրները ժառանգեն:

Իսկ եթե պսակված աղջիկը կամենա իր որդիներով եւ ամուսնու հետ գալ եւ հայրականը ժառանգել, նրանցը լինի եւ ոչ եղբորը, այն դեպքում, երբ եղբայրը որդի չունենա, իսկ եթե չկամենա գալ, առնի թող դուստր համար սահմանված բաժինը եւ ժառանգութիւնը /մեռնողի/ եղբորը լինի:

Իսկ երբ եղբայր էլ չլինի, հորեղբայրը ժառանգի:

Եվ թե հորեղբայր էլ չլինի, որ ժառանգի, այդժամ նրա հոր ցեղից ընտանի մի մերձավոր ժառանգի: Կարելիին մերձավոր լինի, որովհետեւ ընտանիքի հեռավորի համար չի հրամայվում, եւ հոր ցեղից ժառանգավորը լինի եւ ոչ մոր, եւ մինչեւ դուստրն է հրահանգ ժառանգ լինելը:

Իսկ երբ հորեղբորն է հրամայում ժառանգ լինել, հայտնի է, որ հայր պիտի լինի, որպեսզի հորեղբայրը ժառանգի, իսկ եթե մայր լինի, քույր կամ կին՝ սրանք չեն ժառանգում, այլ մասեր են ստանում, ինչպես որ ցույց է տրված՝ կնոջը դանդ, քրոջը՝ դանդ եւ կես, իսկ մորը՝ երեք թասու: /Ոսկի դահեկանը վեց դանդ է, պողպատինը՝ երեք, թասուն դանդի մեկ քառորդն է: 2 դահեկանով կարելի էր արտ գնել: Իսկ ծանոթագրութիւններից մեկում էլ ասվում է, թե մեկ դահեկանը՝ 9 գրամ ոսկու արժեք ունի/: Եվ ընտանի մերձավոր ենք համարում նրանց, որ ինչպես օրենքն է հրամայում, թե՛ մինչեւ չորրորդ զարմը մերձավորներից կին չառնել, ուստի, մինչեւ չորրորդ զարմն էլ՝ ընտանի մերձավոր-

ներն են այս դատաստանի ժամանակ: Իսկ չորրորդից հետո ժառանգներն են, այլ ժառանգավորության վիճակն այդ դեպքում մնում է, որ դատավորները որոշեն այնպես, ինչպես գրված է Ա հոդվածում:

Իսկ եղբայրը, եթե նույն մորից չէ, նրան կես դանդ պակաս է հասնում, սակայն նույն հորից եւ մորից ծնվածների հետ ժառանգորդ լինի: Այս նույն բանը Աբրահամ նահապետն էլ գործադրեց, որովհետեւ իր ամենայն ինչքերը Իսահակ իր որդուն տալու հետ մեկտեղ նաեւ իր հարճերի որդիներին էլ պարգեւելով՝ արձակեց նրանց /Ծննդոց ԻՆ 5-6/: Եվ եթե մեկն ասի, թե մի դեպքում օրհնության պսակ էր, մյուս դեպքում՝ Քետուրան նահապետի երկրորդ կինն էր, սակայն ժառանգությունը եղավ օրհնության պսակից ծնվածին, իսկ երկրորդ կնոջից ծնվածին նույնպես եղավ՝ սակավ պակասով, իսկ օրհնքը անդրանիկներին է տվել ավագության պատիվը, նույնպես եւ ժառանգության դեպքում է այդ պատիվը /Բ Օրենք, ԻԱ 16-17/: Ըստ այս օրինակի էլ հորեղբայրների համար լինի:

Աստվածային օրենքներով հանդիմանվում են մահմեդականների դատաստանները, որովհետեւ դուստրերին իրենց հայրերի համար ժառանգ չեն համարում, այլ որպես ընտանիքի են մասնավորում, կարգեր, որոնց պետք չէ հետեւել, այլ ընդունելին Աստվածային օրենքների դատաստաններն են, որոնցով վարվեն ամենայն իրավունքներով:

ԳԼՈՒԽ ԾԲ

ՈՐԴԻՆԵՐԻՆ ԵՎ ԴՈՒՍՏՐԵՐԻՆ /ԺԱՌԱՆԳՈՒԹՅԱՆ/ ԲԱԺԱՆՄԱՆ ՄԱՍԻՆ

Եվ նախ այս ասենք. եթե երկու դուստրեր, որ այրեր առած լինեն՝ երկուսով մեկ որդու բաժին առնեն /Ղեւտ. ԻՆ 1-5/: Եվ այս վկայված է թե կանոններում եւ թե նշանակված օրենքներում:

Խոսեց Տերը Մովսեսի հետ եւ ասաց. խոսիր Իսրայելի որդիների հետ ու ասա նրանց, որ ով ուխտ անի, որ անձի գինը իր Տիրոջը տա, արունների համար այդ լինի քսան տարեկանից մինչեւ վաթսուն տարեկանում եւ այդ լինի հիսուն երկրորդամյան արծաթ, ըստ սրբության սկզբի, իսկ էգի համար այդ գինը լինի երեսուն երկրորդամյան:

Իսկ եթե լինեն հինգից քսանամյան, ապա գինը լինի՝ արվի համար՝ քսան երկրորդամյան, իսկ էգի համար՝ տասը երկրորդամյան /Թվեր, ԻԷ 8/:

Նաեւ այս ասում է կազմվածքը էգի տեսնելով..., որ /Ադամի/ մեկ կողից վերցվեց, եւ անունն իսկ այդ մասին է ասում, որովհետեւ «կին» անունն իսկ մարմնի կեսի անվանում է:.. Այդ բանի համար էլ, ըստ կազմվածքի արվի գինը կրկնակիով ավելի է: Այստեղից էլ հաստատվում է երկու դստերը մեկ որդու չափով ժառանգություն տալը: Սակայն հարկ է դիտել, որ խոսքը ամուսնացած դուստրերի մասին է եւ ոչ տանը գտնվող, որ եղբորն հավասար բաժին է առնում... իսկ երբ որդի չլինի, դուստրն է դառնում ժառանգորդ: Եվ այս Տիրոջ հրամանով ցուցանվեց, որ երկու /ամուսնացած/ դստեր բաժնի չափ է մեկ եղբոր բաժինը, այն որդու, որ տանն է:

...Ինչպես եկեղեցու ավանդապահները այրերն են եւ ոչ թե կանայք, այդպես եւ քույրերը թեպետ ժառանգակիցներն են իրենց եղբայրների, սակայն ժառանգությունը պահպանելը եղբայրներն են:

...Դստեր որդին ժառանգություն չի ստանում եւ ոչ էլ մասն է ստանում, բայց ժառանգություն թողնողը, քանի դեռ կենդանի է, կարող է գրով ժառանգություն թողնել նրան. նույնը լինի նաեւ խորթերի համար: Ուրեմն իշխանություն ունի իր կենդանության օրերին ժառանգորդեցնել նրանց, եթե կամենա, իբրեւ օտարների: Եվ թե խորթը եւ դստեր որդին իր տանն աշխատած լինեն, իբրեւ վարձկան՝ վարձ առնեն եւ ոչ թե մաս ստանան, որովհետեւ առաքյալը որդիների կարգին չի համարում նրանց, ասելով՝ խորթ էիք եւ ոչ որդիներ /Եբրայեցի. ԺԲ 8/: ...Ով որ հոր սերմից չէ, ժառանգորդ չէ: Որովհետեւ երբ Աբրահամը ոչ իր բոլոր ծնունդ տվածներին արժանի արեց ժառանգորդ լինելու, ապա որչափ առավել օտար ծնունդների համար է լինում:

Նաեւ ժառանգորդներ չեն ոչ մոր եղբայրը, եւ ոչ էլ նրա որդին եւ ոչ էլ քրոջ որդին, եւ ոչ էլ մորաքույրը ու նրա որդին եւ կամ հորաքույրը, որ չեն ժառանգում եւ ոչ էլ մաս են ստանում, բացի այն բանից, երբ ժառանգություն կտակողը նրանց կանխավ, գրով չժառանգորդեցնի:

Իշխանություն ունի ծառաներին նույնպես ժառանգություն թողնել, եթե կամենա, այնպես, ինչպես որ կանոններում են ցուցանվել: Թերեւս ծառաները կարող են ստանալ այն ինչքերը, որ ժառանգորդները թողնեն:

Իսկ այնժամ, երբ տանը գտնվող դուստրը ժառանգի, այդժամ հո-
րեղբայրն ու նրա որդին չեն կարող ոչ ժառանգությունն եւ ոչ էլ մաս
ստանալ: Ապա թե դուստրը այր առնի, այդժամ հորեղբայրը մաս առ-
նի, սակայն ոչ հորեղբոր որդին...

Իսկ եթե տղաներ ու աղջիկներ չլինեն մինչեւ չորրորդ զարմ, որ հո-
րից ժառանգորդվեն, այրը ժառանգորդ չեն, ոչ էլ մոր տոհմակիցները:

ԳԼՈՒԽ ԾԳ

ԿԱՆԱՆՑ ԻՐԵՐԸ ՈՐԴԻՆԵՐԻ ՄԻՋԵՎ ԲԱԺԱՆԵԼՈՒ ՄԱՍԻՆ

Եվ կանանց մահվան ժամին նույնը լինի ժառանգության դատաս-
տանը, ինչպես որ այրերի համար էր տես հողավածներ ձԱ, ձԲ/: Եթե
որդիներ եւ դուստրեր չկան, թեկուզ եւ ծնած լինի որդիներ ու դուստ-
րեր եւ դրանք մեռած լինեն կամ թե ի բնե անժառանգ եթե լինի կամ
թե պսակից հետո վախճանվել է կուսությամբ. այդպիսի վիճակները
դատաստանով են քննվում:

Արդ, այրերի նմանությամբ, թե որդի լինի, նա է մոր ժառանգը,
ապա թե որդի եւ դուստր չունենա, այդժամ եղբայրն է, իսկ եթե եղ-
բայր էլ չունենա, այդժամ հորեղբայրն է, իսկ եթե հորեղբայր էլ չու-
նենա, այդժամ հոր ցեղից մինչեւ չորրորդ զարմը ժառանգորդեն: Իսկ
եթե հայրը լինի՝ հայրը ժառանգի... Իսկ եթե մորից ծնվածներ լինեն,
ամենայն ինչ նրանցն է, որպես որ հոր ժառանգությունն է: Իսկ երբ
մանուկը մեռնում է, ժառանգությունը հորն է լինում եւ չի դառնում
մորը, որպես ժառանգություն:

Ապա, եթե մայրն եւս մեռնի եւ մորը հայր լինի՝ երկուսինը լինի
ժառանգությունը՝ հոր մանկանը եւ հոր՝ մոր մանկանը, նախ պատշաճ
ոգի տալով՝ երկու մասի բաժանվի:

Իսկ եթե ի բնե անժառանգ լինի՝ ժառանգությունը հորը լինի, իսկ
եթե հայր չկա, այլ ժառանգավորներին լինի, որպես որ ցուցանվել է
տես հողաված ձԲ/: Իսկ ամուսնուն մեկ դանգ լինի՝ միասին կենակցու-
թյան համար: Իսկ եթե միավորված չլինեն, եւ կինը մեռնի, կնոջից ոչ
մի բան ամուսնուն ժառանգությունն չլինի: Որովհետեւ ինչպես որ չի
տիրել նրա մարմնին, նույնպես էլ չի տիրում նրա ինչքերին: Նույնը
լինի եւ կնոջ համար: Իսկ եթե ամուսնացած լինեն եւ ոչ սակավ ժամա-

նակ, նմանապես մեկ դանգ լինի ամուսնուն: Եվ որպես որ հորը
ժառանգորդելով որդին, մայրն այդժամ մի դանգ է առնում, նույնպես
եւ որդին մորը ժառանգորդելու դեպքում հայրն է մեկ դանգ առնում:

ԳԼՈՒԽ ԾԴ

ՄԵՏԱՔՍԸ ՏՂԱՆԵՐԻ ԵՎ ԴՈՒՍՏՐԵՐԻ

ՄԻՋԵՎ ԲԱԺԱՆԵԼՈՒ ՄԱՍԻՆ

Ըստ բաժանողական արվեստի, այս ժառանգությունը այսպես
ուղիղ բաժանես: Ամենայն ինչքերը մի հաշվի մինչեւ դահեկանը եւ
դահեկանը՝ վեց դանգ է: Եթե մեկ որդի լինի եւ մեկ դուստր, որ տանն
է, երկու դանգ եւ կես եղբորը եւ նույնը՝ քրոջը եւ մեկ դանգ՝ մորը:

Ապա եթե ամուսնացած քույրեր լինեն՝ երկուսին մեկ եղբոր բաժին
լինի եւ երկու դանգ եւ կես եղբորը տաս, երկու եւ կես՝ քույրերին եւ
մեկ դանգ՝ մորը:

Իսկ եթե մեկ եղբայր լինի եւ մեկ ամուսնացած քույր, կես դահե-
կան եւ չորս գարի եղբորը լինի, դանգ եւ կես եւ երկու գարի՝ քրոջը,
եւ մեկ դանգ՝ մորը: Իսկ եթե երկու եղբայր եւ մեկ քույր լինեն, որը
տանն է, ապա դանգ եւ կես եւ երկու գարի մեկ եղբորը լինի, նույն-
քան մյուս եղբորը, եւ նույնքան՝ քրոջը եւ մեկ դանգ՝ մորը: Իսկ եթե
ամուսնացած քույր լինի, ապա երկու դանգ մեկ եղբորը, նույնքան՝
մյուս եղբորը, մեկ դանգ քրոջը եւ մեկ դանգ՝ մորը:

Ապա եթե մայր չլինի, իրենց մեջ միայն բաշխվի՝ երկու դանգ եւ
չորս թասու եւ մեկ գարի եւ չորս դանգ գարուց եւ երեք թասու գա-
րուց՝ մեկ եղբորը լինի եւ նույնչափ մյուս եղբորը լինի, իսկ մեկ դանգ
եւ երկու գարի երկու դանգ գարուց, եւ կես դանգ գարուց՝ քրոջը
լինի: Կես թասու՝ գարուց, ավելի է լինում քրոջը: Եվ այս ցուցանե-
ցինք նախօրոք, որպեսզի դատաստանի ժամանակ արդարությունը եւ
իրավունքը պահվի:

Իսկ եթե երեք եղբայր եւ մեկ քույր լինեն, ապա դանգ եւ կես եւ
երկու գարի եւ կես՝ յուրաքանչյուր եղբորը եւ երեք թասու, գարի եւ
կես՝ քրոջը...

Ապա թե չորս եղբայր եւ մեկ քույր լինեն, մեկ դանգ եւ մեկ թասու
եւ մեկ գարի՝ յուրաքանչյուր եղբորը եւ կես դանգ եւ կես թասու եւ կես

ԳԼՈՒԽ ԾԶ

ԺՈՂՈՎՐԴԻ ԿՈՂՄԻՑ ՔԱՀԱՆԱՅԻՆ ՏՐՎՈՂ ՊՏՂԻ ՄԱՍԻՆ

գարի՝ քրոջը: Իսկ եթե հինգ եղբայր եւ մեկ քույր լինեն, ապա յուրաքանչյուր եղբորը մեկ դանգ լինի եւ մեկ գարի, իսկ քրոջը՝ կես դանգ եւ մեկ գարի: Կես գարի այստեղ ավելի է լինուն քրոջը: Իսկ եթե վեց եղբայր լինեն եւ մեկ քույր, ապա երեք թասու եւ մեկ գարի՝ յուրաքանչյուր եղբորը եւ կես դանգ՝ քրոջը:

Ըստ այդմ որքան էլ լինեն, բաժանես: Նմանապես եւ մորը ժառանգուեցողն բաժանես: Իսկ եթե վեց քույր եւ մեկ եղբայր լինեն, չորս բաժնի ժառանգուեցողն բաժանես՝ երեք եղբոր չափ վեց քույրերի համար լինի: Ըստ այդմ օրինակի էլ այլոք լինեն: Եվ եթե մայր լինի՝ ցույց տրվեց ինչպես անես եւ եթե չլինի՝ նույնպես ցույց տրվեց: Եթե տանը քույր լինի կամ քույր, որ ամուսնացած-գնացած լինի, ըստ այդ գանազանուեցողն էլ դատաստանը հաստատես: Ումից որ արժան է, նրանք գտնվեն եւ /նրանցից/ թերին լրացնեն, եւ չլինի պարսավանքի պատճառ, որովհետեւ ըստ մեր կարողութեան՝ այդքանը ծանուցվեց:

ԳԼՈՒԽ ԾԵ

ՔԱՀԱՆԱ ԿԱՄ ԴԱՏԱՎՈՐ ԱՆԱՐԳՈՂԻ ՄԱՍԻՆ

Եթե արյան դատաստան անելու ժամանակ որեւէ բան արդար վճռել չկարողանաս, ապա քո քաղաքից դնա այն վայրը, որ քո Տեր Աստվածն ընտրի եւ հայտնի իր անունը: Կգնաս այնտեղի դեւտացի քահանաների մոտ եւ այդ օրվա դատավորի մոտ եւ նրանք քո այդ գործը քննելով կհայտնեն վճիռը: Եվ այնպես անես, ինչպես որ նրանք պատվիրեն քեզ, այն տեղում, որ քո Տեր Աստվածն ընտրեց, ոչ աջ եւ ոչ ձախ չխոտորվես նրանց խոսքից, որ ասեն քեզ: Իսկ այն մարդը, որ գոռոզամտութեամբ լցված չլսի ու անտեսի Աստծու ծառայող քահանային կամ օրվա դատավորին, մահապատժի թող ենթարկվի: Դրանով դու չարը վերացրած կլինես քո ժողովրդի միջից.. /Բ Օրենք. Ժէ 8-12/:

Նրանց չանսալը, ում մոտ Տերն ուղարկեց՝ մահ է, այսինքն, նաեւ ոչ այլ ինչ է, եթե ոչ անհնազանդութիւն Աստծուն՝ որ առաջնորդեց արյան դատաստանը հայտնի անելու /Մ.Թ. Ըստ Դատաստանագրքի կանոնների, խոտորված դատավորի մահապատժի փոխվում է՝ պաշտոնից լուծարվելով եւ դարձի գալու ապաշխարութեան սահմանումով, խրատով, մարմնական պատժով եւ տուգանքներով/:

Ժողովուրդը, երբ զոհեր անի, ապա քահանային պիտի մատուցի զոհի մարմնի հետեւյալ մասերը. եթե զոհը արջառ կամ ոչխար լինի, ապա քահանային պիտի տալ՝ աջ ոտքերը, ծնոտներն ու փորը: Քահանային պիտի տաս նաեւ քո ցորենի, գինու եւ յուղի առաջին բերքը, քո ոչխարների առաջին խուզից ստացած բուրդը, որովհետեւ նրանց /քահանաներին/ քո ցեղերի միջից է քո Տեր Աստվածն ընտրել, որպեսզի նա ու նրա որդիները հավիտյան կանգնեն ձեր Տեր Աստծու առջեւ, ծառայեն նրան եւ օրհնութիւն տան նրա անվամբ: /Բ Օրենք. ԺԸ 3-5 /:

Այս իրավունքը այժմ հավատացյալները չեն պահում, իրավունք, որ հարկավոր է առավելացնել, քան օրենքներում է, որովհետեւ հասարակութեան զոհագործութիւնների օրինակի հետ օրենսդրվել են նաեւ այլեւայլ պտուղներ, այսինքն, թե խոսքը ընծայվող զոհերի մասին չէ:

Եվ այս կարգը դրեցինք, որպես դատաստան անելու համար իրավունք, եւ քրիստոնյաները այդ բաները տալով եւս քահանաներին պատվեն:

ԳԼՈՒԽ ԾԷ

ՍԱՀՄԱՆՆԵՐԻ ՄԱՍԻՆ, ԹԵ ՈՐՊԵՍ Է ԴՐՎՈՒՄ

Ընկերոջդ հետ ունեցած այն սահմանները, որ քո հայրերը հաստատեցին, դու մի փոխիր քո ժառանգութեան մեջ, որ ժառանգութիւն պիտի ստանաս այն երկրում, որ քո Տեր Աստվածը պիտի տա: /Բ Օր. ԺԹ 14/:

Այս ճառն ասում է անդատանների եւ այլ բաների համար, եւ եղբայրների, ազգականների եւ օտարների միջեւ հրամայում է իրավացիորեն վարել:

Նա, ով հորից ժառանգութեան սահման ունի, իրավունք չունենա այդ սահմանը փոխել՝ ընկերոջից մաս հափշտակելով, բայց եթե արդեն այդպիսի զրկում է արել, հարկ է դատ վարել: Եվ ճշմարտութեամբ՝ հորից ստացած ժառանգութիւնը իրավացի չդիտել հոր մահից հետո այլ ժառանգակիցների կողմից փոփոխելը:

ԳԼՈՒԽ ԾԸ
ԴԱՏԱՍՏԱՆԻ ԺԱՄԱՆԱԿ ՍՈՒՏ ՎԿԱՅՈՒԹՅՈՒՆ
ՏՎՈՂՆԵՐԻ ՄԱՍԻՆ

...Երկու, երեք վկաների բերանով հաստատվի ամեն բան: Եվ եթե վկան սուտ վկայություն տա կամ չարախոսի... արեք նրա համար այսպես, համարելով, որ չարիք խորհեց իր եղբոր համար /դատաստան արեք նրա համար/ եւ հանեցեք չարը ձեր միջից /Բ օրենքներ, ԺԹ 15-19/: Օրենքների դատաստանը գեկուցվի այս մասին եւ երկու-երեք վկայի ձեռքով խոսքն հաստատվի: Եվ սուտ վկաներին, ըստ նրանց չար կամքի, հրաման տրվի տանջել...:

ԳԼՈՒԽ ԾԹ
ԱՅՆ ՄԱՍԻՆ, ԵՐԲ ՍՊԱՆՎԱԾ Է ԳՏՆՎՈՒՄ ԴԱՇՏԻ ՄԵՋ

Եվ եթե սպանված գտնվի դաշտի մեջ քո երկրում, որ քո Տեր Աստվածը քեզ տվեց որպես ժառանգություն եւ եթե չիմացվի, թե դաշտում ընկածին ո՞վ խոցեց, այդժամ թող ելնեն ձերերը եւ դատավորները քո եւ չափեն սպանվածի ընկած վայրից այն քաղաքների հեռավորությունը, որ գտնվում են շրջակայքում: Եվ այն քաղաքը, որ մոտ է գտնվում սպանվածին, այնտեղից ձերերը թող մի երինջ առնեն /Բ օրենքներ, ԻԱ 1-9/ եւ այդ մասին գրված սուրբգրային օրենքը կատարեն /երինջը գոհագործեն/: Այստեղից հայտնի է դառնում, որ ոչ տուգանք է լինում նման սպանման դեպքում եւ ոչ էլ արյան դատաստան, այլ՝ լինում է քաղաքի պատարագ այնտեղ, եւ այստեղ՝ ապաշխարություն: Այս բաներին հետամուտ են լինում դատավորները, երբ սպանողն անհայտ է, իսկ երբ հայտնի լինի՝ նրանից տուգանքներ վերցվեն եւ լինի նրան արյան դատաստան:

ԳԼՈՒԽ ԾԺ
ԳԵՐՎԱԾ ԿԱՆԱՆՑ ՄԱՍԻՆ

Եվ եթե պատերազմի ելնես քո թշնամիների դեմ եւ քո Տեր Աստվածը նրանց քո ձեռքը մատնի եւ ավարի առնես ունեցվածքը նրանց եւ

տեսնես, որ ավարի հետ տեսնող գեղեցիկ կին կա եւ եթե ցանկանաս նրան եւ նրան կնուցես առնես, ապա տանես նրան քո տուն, կածիլես նրա գլուխը, կկտրես նրա եղունգները, կհանես նրա գերություն հանդերձները: Նա թող նստի քո տանը եւ իր հոր եւ մոր համար թող լաց լինի մեկ ամիս: Դրանից հետո կմերձենաս նրան ու կապրես նրա հետ եւ նա քո կինը կլինի: Եվ եթե դու նրանից գոհ չլինես, ապա նրան ազատ կարձակես, սակայն նրան չվաճառես արծաթով, քանի որ լլկել ես նրան: / Բ Օր. ԻԱ 10-14/:

Եվ այս, ըստ օրենքների եղած պատվիրածները՝ լրացնելով ընդունվեն. ուստի եթե նման բան պատահի քրիստոնյայի հետ, ապա հարկ է, նախ կնոջը մկրտել, ապա կին առնել, ըստ եղած ամուսնության կարգի: Իսկ երբ չհաճի պահել կնոջը, առանց պոռնկության պատճառի, չարձակի:

ԳԼՈՒԽ ԾԺԱ
ՀԱՅՐԵՐԻ ԿՈՂՄԻՑ ՈՐԴԻՆԵՐԻ ԱՆԴՐԱՆԻԿՈՒԹՅՈՒՆԸ
ՅՈՒՅՑ ՏԱԼՈՒ ՄԱՍԻՆ

Եթե մի այր երկու կին ունենա եւ նրանցից մեկը սիրելի լինի եւ մեկն ատելի եւ նրա համար որդիներ ծնեն սիրելին եւ ատելին եւ անդրանիկ որդին ծնված լինի ատելիից, այդժամ, երբ օրը գա, որ իր ունեցվածքը իր որդիներին ժառանգություն կարգի, իշխանություն չունենա իր սիրելիի որդուն որպես անդրանիկ ժառանգություն տալ, զանց առնելով ճշմարիտ անդրանիկ որդուն, որ ատելիից է ծնվել, այլ նրան տա ամեն ինչից կրկնակի՝ ինչ որ ունի, որովհետեւ նա է սկիզբն իր որդիների եւ նրանն է անդրանիկությունը: /Բ Օրենք. ԻԱ 15-17/:

Արդ, այս դատաստանը մեզանում այսպես ենք իրականացնում: Որովհետեւ քրիստոնյաներիս մոտ ընդունված է միանգամից ունենալ երկու կանայք, սակայն երբ մի կնոջից ունեցել է որդի եւ երբ երկրորդ անգամ կին առնի եւ նրանից էլ որդի ունենա, չլինի թե սիրո պատճառով կրտսերին ուզենա անդրանիկացնել կամ աչառություն անել վերջին կնոջ որդուն: Այլ թող իր որդիներից առաջնածինն պատվի, ըստ որում Տերն է հրամայել առաջին ծննդին առավել ժառանգություն տալ, բայց եթե պատահի, որ առաջնեկը անպիտան է, այս օրենքը արժանի է կիրառել: /Ծ.Թ. Նմանատիպ պարագա էր, երբ Աստված

Եսավի, որ պիղծ էր, անդրանիկությունը տվեց կրտսերին՝ Հակոբին, թողնելով, որ վերջինս մոր խորհրդով հորն անգամ խաբի/:

**ԳԼՈՒԽ ԾԺԲ
ԱՆՁԳԱՄ ՈՐԴԻՆԵՐԻ ՄԱՍԻՆ**

Ովքեր լիրբ եւ անզգամ որդի ունեն, որ ոչ հորն է լսում եւ ոչ մորը եւ երբ խրատում են՝ անտեսում է, ապա նմանին նրա հայրն ու մայրը տանեն իրենց քաղաքի ծերերի մոտ... եւ ասեն, մեր այս որդին լիրբ է, անզգամ եւ հարեցող, մեր ձայնը չի լսում, բռնադատող է եւ հակառակ բարեսիրության: Եվ քարկոծեն նրան իրենց քաղաքի այրերը եւ թող այդպես մեռնի եւ ձեր միջից թող չարը վերանա: Եվ ուրիշներն այդ մասին լսելով, կվախենան իրենց անզգամ պահվածքից / Բ օրենքներ ԻԱ, 18-21/:

Նա, ով ծնողանարգ է, նրա դատաստանը երկկողմանի է լինում, որովհետեւ, ով ծնողներին է անարգում, նա դրանով անարգում է հասարակությանն Աստծո: Ուստի, երբ այն պատվիրանն է անարգում, թե. «Հարգի՛ր քո հորն ու մորը, որպեսզի երկար ապրես», անզգամ որդին երկու մահվան դատաստանի է ենթակա օրենքով՝ ծնողներին եւ Աստծո հասարակությանն անարգելու համար: Իսկ այժմ անզգամ որդին պարզորեն մեռցվում է միայն առ Աստված ունեցած հանցանքի համար, որովհետեւ ծնողանարգությունը՝ աստվածանարգություն է միաժամանակ: Եվ ինչպես որ հնում էր կիրառվում, երբ մահվան դատապարտելու փոխարեն՝ անզգամին հեռացնում էին ժառանգությունից, նույնը լինի այժմ էլ:

**ԳԼՈՒԽ ԾԺԳ
ՄԱՀԱՊԱՐՏ ՄԵՌԵԼՆԵՐԻ ՄԱՍԻՆ**

Եթե մեկին մահապարտություն հասնի եւ պիտի մեռնի, կախեցեք նրան փայտից եւ մի թողեք նրա մարմինը փայտի վրա, այլ թաղեցեք նրան միեւնույն օրը, որովհետեւ Աստծո առջեւ անիծյալ է ամեն ոք, որ կախված է փայտից /Օրենք/:

Որովհետեւ բոլոր օրենքները ոչ միայն ճառեր են, այլեւ բազում

պատճառների հետեւանքներ եւ մեզ հարկ է, որքան որ իրավացի դատաստան անելու համար է, այդքանը վերցնել օրենքներից: Եվ երբ խրայելիցիներին ասվեց, թե՛ թաղեք մարմինը, եւ մեր թագավորներին էլ հրաման չտրվեց սպանել, այլ միայն խրատել /մարմնական պատժով/: Իսկ թե այլազգի պատահի /ոչ քրիստոնյա եւ ընդդեմ մեր վարդապետությունը/ եւ մահապարտության ենթակա լինի, ապա թաղել տալու հրամանը լինի, երբ մեռնի եւ ուր որ լինի:

**ԳԼՈՒԽ ԾԺԴ
ԿՈՐՈՒՍՏԵՆԵՐԻ ՄԱՍԻՆ**

Գուցե ճանապարհիդ տեսնես քո եղբոր արջաուր կամ ոչխարը մոլորված, անտես մի՛ անիր, այլ դարձրու ետ եւ տար հասցրու քո եղբորը: Իսկ եթե եղբայրդ մոտակայքում չի ապրում կամ դու դեռ նրան չես ճանաչում, ապա հավաքես քո տան մեջ նրա մոլորվածներին, մինչեւ որ քո եղբայրը, որ փնտրում է կորածներին, հայտնվի եւ դու հանձնես նրան: Նույն բանն անես, եթե կորած լինի եղբորդ էջը, հագուստները կամ որեւէ այլ բան... / Բ օրենքներ, ԻԲ 1-3/:

Ճշմարտապես աստվածային է այս օրենքը եւ, բնականաբար, ոչ միայն ընտանի կենդանիներին է վերաբերվում, այլ սրանց օրինակով, խոսում է արդեն հոգեւոր սրբազան իրողությունների, ազնվական ժողովուրդ կազմավորվելու մասին: Գուցե եւ խնամք տածել ոչ միայն մերձավորների նկատմամբ, այլեւ Աստծո ժողովրդի ամենայն հեռավորների էլ, նրանց կորցրած բոլոր բաների հանդեպ լինել անվարձա-հատույց հավատարիմներ, որովհետեւ իրավունքներից դուրս է ընկելով կորցրածները վարձով վերադարձնելը:

**ԳԼՈՒԽ ԾԺԵ
ԸՆԿԱԾ ՁՈՐՔՈՏԱՆԻՆԵՐԻՆ ՎԵՐ ՀԱՆԵԼՈՒ ՄԱՍԻՆ**

Եթե պատահի, որ տեսնես քո եղբոր /ընկեր, բարեկամ, հիմնականում՝ դավանակից իմաստով/ էջը կամ եզր ընկած է ճանապարհին, ապա դրանց զանց չառնես, այլ հանես ոտի եւ հասցնես քո եղբորը: /Բ օրենքներ, ԻԲ- 4/:

Անվարձ այդ անես, այդ եւս հրամայվում է: Եվ թեպետ եւ այս օրենսդրութիւնն է, սակայն եւ թագավորների եւ դատավորների համար խրատ է, որ այս հաշվի առնելով մտնեն ատյան:

**ԳԼՈՒԽ ԾԺԶ
ՀԱԳՈՒՍՏՆԵՐԻ ՄԱՍԻՆ**

Ձլինի, որ տղամարդու հագուստը կնոջ հագուստով փոխարինվի: Կինը տղամարդու հագուստ չհագնի եւ ոչ էլ տղամարդը կնոջ, որովհետեւ նման կերպ հագնվելը պիղծ է քո Տեր Աստուծու առջեւ / Բ օրենքներ, ԻԲ 5/: Որովհետեւ դրանով բազում չար դեպքերի պատճառներ են լինում, որի համար էլ հրաժարվել արվեց մյուս սեռի հագուստ կրելը: Այս խոսքը խրատեն / ուսուցանեն / դատավորներն ու քարոզիչները:

**ԳԼՈՒԽ ԾԺԷ
ԹՌՁՈՒՆՆԵՐԻ ԲՆԵՐԻ ՄԱՍԻՆ**

Եթե հանդիպես թռչունների բների եւ դրանք գետնի վրա լինեն, թե ծառերի եւ լեցուն լինեն ձագերով, թե ձվերով, մորը ձագերի հետ չվերցնես, այլ մորը բաց թողնելով՝ ձագերին վերցնես քեզ, որովհետեւ այդ կլինի բարին քեզ համար եւ երկար օրերի կյանք կունենաս երկրի վրա / Բ օրենքներ, ԻԲ 6-7/: ...Փոքրագույն այս օրենսդրութեամբ այժմ տեսնես, որ մեծամեծներն էլ սրա նման կշռես: Եվ մեր օգուտի համար էր հրամայում, թողնենք մորը, որն անելու / վերստին ձու եւ ձագեր ունենալու պատճառն է / եւ ձագերն ու ձվերը վերցնենք: Եվ այս պատվերը կատարողներին է Աստված վարձ խոստանում, իսկ չկատարողներին, կյանքի պատճառը սակավեցնելու փոխարեն՝ ապրելու սակավութիւն: Եվ իրավացի է, երբ թագավորների կողմից տուգանք է դրված երկու տարեկան թռչունների ձագ տալու անը խափանողներից ստանալ:

**ԳԼՈՒԽ ԾԺԸ
ՆՈՐԱԿԱՌՈՒՅՅ ՏԱՆ ՄԱՍԻՆ**

Եթե նոր տուն կառուցես, ցանցով ցանկապատես տանիքի շուրջ եւ բազրիք շինես, որպեսզի չլինի թե մեկն այնտեղից ընկնի եւ այդպես

սպանութիւնը գործած կլինես քո տան մեջ / Բ օրենքներ, ԻԲ, 8/:

Կարծվում է, թե այս պատվիրանը նման է դաշտում սպանվածի մասին եղածին, երբ պատարագներով է հրամայվում քաղութիւն կատարել եւ ոչ թե դատաստանով՝ արյան դիմաց արյուն պահանջով... Պատվերն այս զգուշութիւնն է ուսուցանում, իսկ մեզ համար լինում է ապաշխարութիւն...:

**ԳԼՈՒԽ ԾԺԹ
ՓԱԽԱԾ ԾԱՌԱՆԵՐԻ ՄԱՍԻՆ**

Մի՛ մատնիր փախած ծառային իր նախկին տիրոջը, այլ թող բնակվի քեզ հետ եւ ուր էլ տեղափոխվես՝ քեզ հետ դա եւ նրան նեղութիւն մի պատճառիր: / Բ Օր. ԻԳ 15-16/:

Ոչ միայն այս օրենքը այլազգիների, այլեւ՝ եբրայեցի ծառաների մասին է, ծառան հանդգնելով չի կամեցել մինչեւ ծառայութեան յոթ տարին լրանալը մնալ տիրոջ մոտ, եւ եթե նախկին տիրոջն հանձնեն՝ վայրապար դատաստան է անում: Այս իրավունքը մեզ համար եւս պահելի է:

**ԳԼՈՒԽ ԾԻ
ՀՆՁԻ ԱՐՏ ՄՏՆՈՂՆԵՐԻ ՄԱՍԻՆ**

Իսկ եթե մտնես քո ընկերոջ հնձի արտը, քո ձեռքով հասկ քաղես, եւ մանգաղ չգործածես: / Բ Օր. ԻԳ-25/:

Որովհետեւ ողորմութիւնը վերցնողին է օրենքը կամենում եւ ոչ նրա կամքին, եւ եթե հանդգնի՝ դատաստան լինի եւ իբրեւ հափշտակողի տույժ վերցվի:

**ԳԼՈՒԽ ԾԻԱ
ԸՆԿԵՐՈՋ ԱՅԳԻՆ ՄՏՆՈՂՆԵՐԻ ՄԱՍԻՆ**

Եթե մտնես քո ընկերոջ այգին, կեր այնքան խաղող, մինչեւ որ հագնաս, բայց ամանի մեջ խաղող մի լցրու հետո տանելու համար / Բ Օրենքներ, ԻԳ 24/:

Չափ ու օրենք է դրվում այս ողորմություն վրա, որպեսզի չլինի թե ուետելը վերածվի թալանի: Նման թալանողին տույժ է հասնում:

ԳԼՈՒԽ ԾԻԲ
ԿԱՆԱՆՑ ԱՐՁԱԿՈՂՆԵՐԻ ՄԱՍԻՆ

Եթե մեկը կին առնի եւ մերձենա նրան, բայց նրա մեջ անարգություն բան նկատի, թող նրան ապահարգանի թուղթ գրի եւ տա եւ արձակի նրան իր տնից: Եթե այս կինն ամուսնանա մեկ այլ մարդու հետ եւ այս մարդն էլ նրան ատի, ապա սա էլ բաժանման թուղթ տա նրան եւ արձակի իր տնից: Իսկ թե մեռնի նրան կնություն առած վերջին ամուսինը, ապա նրա առաջին մարդը, որ նրան արձակեց, այլևս իշխանություն չունենա նրան, նրա պղծվելուց հետո վերստին կնություն առնել, որովհետեւ այդ պղծություն է քո Աստծո առջեւ եւ մի պղծեք այն երկիրը, որ ձեր Տեր Աստվածը տվեց ձեզ ժառանգություն: / Բ Ծրենք. ԻԴ 1-4/:

Այս նկատի ունենալով է, որ հրեաները պատասխան տվեցին Տիրոջն, ասելով. «Մովսեսը հրամայեց կանանց արձակելու գիր գրել»: Եվ Տերը ցույց տվեց հրեաներին այն պատճառը, որով Մովսեսը պատվիրել էր արձակման թուղթ տալ: «Մովսեսը ձեր խստասրտության համար այդպես պատվիրեց»: Եվ որպեսզի վայրապարորեն չթողնեն կանանց, օրենքով ասաց, որ անարգվածին չառնեն: Որովհետեւ այն ժամանակ ազատ էր առնել այլ մեկի եւ միանգամից տանն երկու կին ունենալ եւ այդ պողոտանություն չէր համարվում: Սակայն, որովհետեւ նոր Կատարյալով /Ավետարանով/ մեզ համար այս մերժված է, եւ մեզանում, եթե պատահի, որ մեկը կնոջը թողնի եւ մահու չափ զղջա, որ ատելությունը են բաժանվել, ապա ապաշխարություն միանան: Բայց այս դեպքում էլ գուցե պատահի նաեւ, որ միավորելը արժան չի լինում:

ԳԼՈՒԽ ԾԻԳ
ԱՅՆ ՄԱՍԻՆ, ՈՐ ՆՈՐ ԿԻՆ ԱՌՆՈՂԸ
ՊԱՐՏԱՎՈՐ ՁԷ ՊԱՏԵՐԱԶՄ ԳՆԱԼ

Եթե մեկը նոր է ամուսնացել, ապա թող պատերազմի մեջ չմտնի եւ այս մասին նրանից պարտավորություն չպահանջեն, այլ թող ա-

զատ մնա իր տան մեջ եւ իր կնոջն ուրախացնի /Բ. Օրենքներ, ԻԴ 5/:

Մարդասեր է Աստված եւ կամենում է, որ չլինի թե պատերազմի մեջ մարդն ընկնի եւ սուգ լինի տարածամ. այս բանի համար սրանք՝ պատերազմին չմասնակցող նոր ամուսնացողները անմեղադրելի են միանգամայն եւ ճշմարիտ չէ ճակատ տալ կամ երկբայել այս պատվերը: Այս իրավունքը հարկ է պահել գորավարներին իրենց բոլոր գորքերում:

/Ծ. Թ. - Մակաբայեցիների գրքում կա այս պատվերի կատարման պատմական օրինակը, երբ պատերազմի մեջ մտնելուց առաջ գորավարները նորապսակներին առանձնացնելով ուղարկում են տուն, ապա նոր են մտնում մարտի մեջ եւ տանում են սքանչելի հաղթանակ: Աստված սիրում է իր պատվերները պահողներին/:

ԳԼՈՒԽ ԾԻԴ
ՆՐԱՆՑ ՄԱՍԻՆ, ՈՎՔԵՐ ԳՐԱՎ ԵՆ ԴՆՈՒՄ
ԿԱՄ ԳՐԱՎ ԵՆ ՎԵՐՅՆՈՒՄ ԱՂՈՐԻՔԸ

Աղորիքի ոչ վերին, ոչ ներքին մասը գրավ մի վերցնի, որովհետեւ այդպիսով նրա տիրոջ հոգին եւ գրավ վերցնում / Բ օրենքներ, ԻԴ 6/:

Այս սպասավորությունն իրականացնելիս հոգուն չես վնասի, հոգին գրավ չես վերցնի: Այս օրինակ է մեզ պահելու համար, որ այն ինչքերը եւ ամեն բան, որ վերջին կարիքները հոգալուն են վերաբերվում, գրավ չվերցվի, իսկ ով դատավորներից հանդգնի այդ անել, նրանից վրեժ լինի առնել:

ԳԼՈՒԽ ԾԻԵ
ՊԱՐՏՔԵՐԻ ԵՎ ԳՐԱՎՆԵՐԻ ՄԱՍԻՆ

Եթե քո ընկերը ինչ որ բան է պարտք քեզ, ապա նրա տուն ինչ որ բան գրավ վերցնելու համար չմտնես, այլ կանգնես դրսում եւ պարտք ունեցող մարդը թող ինքը գրավը դուրս հանի: Եվ եթե աղքատ է այդ մարդը, ապա նրա գրավ դրած զգեստը, թող գիշերը քեզ մոտ չմնա, այլ արեւը մայր մտնելու ժամանակ նրա գրավը կվերադարձնես: Նա թող պառկի իր զգեստով եւ օրհնի քեզ եւ այդ քո Տեր Աստծո առջեւ քո կատարած բարությունն ու ողորմածությունը պիտի համարվի: /Բ Ծրենք. ԻԴ 10-13/:

Թույլ չի տալիս ներս մտնել եւ գրավ առնել, որպեսզի բռնութիւն չլինի, այլ իր կամքով դուրս հանի, դարձյալ, որ գրավը գոյատեւման առաջին անհրաժեշտութեան բան չլինի: Իսկ թե աղքատութեան պատճառով գոյատեւման համար անհրաժեշտութեան բան է գրավը, հրամայում է մայրամուտից առաջ վերադարձնել, այս կերպ կամենում է, որ մարդը ողորմածութիւն գրսեւորի: Այս վարմունքի կատարումն էլ մեզ համար եւս ընտրելին է դատաստանի ժամանակ:

**ԳԼՈՒԽ ԾԻԶ
ՎԱՐՁԿԱՆՆԵՐԻ ԴԱՏԱՍՏԱՆՆԵՐԻ ՄԱՍԻՆ**

Մի գլանար ժամանակին տալ վարձերը տնանկի, կարիքավոր քո եղբայրների կամ քո քաղաքում եկվոր մարդկանց: Նույն օրն իսկ նրանց վարձերը հատուցես, քանի դեռ արեւը մայր չի մտել նրա վրա, քանի որ տնանկ է եւ իր վարձն ստանալն է հուշար նրա, որպեսզի բողոք չանի քեզնից Տիրոջ առաջ եւ այդ քեզ մեզք չլինի: / Բ Օրենք. ԻԴ 14-15/: Հայտնի է, որ այդ մարդը աղքատութեան պատճառով վարձկան եղավ օրվա կարիքն հոգալու: Որովհետեւ եթե օրվա նրա արած գործի դիմաց նույն օրը չհատուցես, հարկ է, որ դատաստանով ավելին վերցվի քեզնից, քան վարձն էր եւ այդպես լինի հատուցումը:

**ԳԼՈՒԽ ԾԻԷ
ԱՅՆ ՄԱՍԻՆ, ՈՐ ՀԱՅՐԵՐԸ ՊԱՐՏԱՎՈՐ ՉԵՆ ՄԵՌՆԵԼ ՈՐԴԻՆԵՐԻ ՓՈԽԱՐԵՆ ԵՎ ՈՉ ԷԼ ՈՐԴԻՆԵՐԸ՝ ՀԱՅՐԵՐԻ**

Թող հայրերը չմեռնեն իրենց որդիների փոխարեն եւ ոչ էլ որդիներն իրենց հայրերի: Յուրաքանչյուրը պիտի մեռնի իր գործած մահացու հանցանքի համար/ Բ Օրենքներ, ԻԴ 16/: Ըստ այս օրենքի է ասվել, որ եթե պատահի մահապարտ որդիների ասպրեցնել, նրանց փոխարեն մահն հանձն առնելով, չթույլատրվի, այլ թող մահապարտ որդին մեռնի եւ այս արդարութիւնը թող չթյուրվի: Նաեւ դատավորները, երբ չկարողանան մահապարտ որդուն բռնել, իրավունք չունենան հորը կալանել կամ նրան մահվան դատապարտել: Եվ այս օրինապահութիւնը մեր մեջ հաստատուն պահել:

**ԳԼՈՒԽ ԾԻԸ
ԻՐԱՎՈՒՆՔՆԵՐԸ ՊԱՀԵԼՈՒ ՄԱՍԻՆ**

Եկվորի, որքի եւ այրու իրավունքները մի՛ շեղիր /Բ Օրենքներ ԻԴ 17/: Դատավորների համար է օրենքը գրված, որ դատը չվարեն կաշառքներով եւ այլ պատրանքներով /ակնկալիքներով/ եւ օրինակ լինեն ուրիշների համար, իսկ ով իրավունքները շեղի, նա ընկնի իր պատվից:

**ԳԼՈՒԽ ԾԻԹ
ԱՅՐՈՒՑ ԻՐԵՐ ԳՐԱՎ ՎԵՐՅՆՈՂՆԵՐԻ ՄԱՍԻՆ**

Այրու հագուստները գրավ մի վերցնի: / Բ Օր. ԻԴ 17/: Թեպետ այլոց համար ներում է գրավի սահմաններում, սակայն այստեղ ցույց է տալիս, որ այրուց պիտի գրավ չվերցնել, այդպես իսկ խնամակալութիւն ուսուցանելով:

**ԳԼՈՒԽ ԾԼ
ԳԱՆԱՀԱՐՈՒԹՅԱՆ ԱՐԺԱՆԱՑԱԾՆԵՐԻ ՄԱՍԻՆ**

Դատաստանի ատյանում եթե գանահարութեան արժանին լինի, ըստ օրենքների մինչեւ քառասուն հարված ստանա, սակայն կյանքի համար անվնաս: Արժանի է, որ դատավորները դրանով խրատեն ստահակներին:

**ԳԼՈՒԽ ԾԼԱ
ԵՐԲ ԵՐԿՈՒ ԿՌՎՈՂՆԵՐԻՑ ՄԵԿԻ ԿԻՆԸ ԻՐ ԱՄՈՒՍՆՈՒՆ
ԱԶԱՏԵԼՈՒ ՀԱՄԱՐ ԲՈՆԻ ՄՅՈՒՍ ԱՅՐԻ ԱՄՈՐՁԻՆԵՐԻՑ**

Եթե կռվում են երկու այրեր, եւ մեկի կինը հանուն իր ամուսնուն ազատելու, ձեռքով ամուր սեղմում է հաղթող այրի ամորձիները, ըստ օրենքների այդ ձեռքը կտրում են: /Բ Օրենք.11-12/: Իսկ ըստ մեր դատաստանի, /հանցավորը/ ձեռքի գինը տալով՝ ազատում է ձեռքը կտրվելուց, իսկ գինը ցույց է տրված յուրաքանչյուր զգայութեան համար տրվող տուգանքի կանոններում: Տես գլուխ ԿԳ/:

ԳԼՈՒԽ ԾԼԲ

ՆՐԱՆՑ ՄԱՍԻՆ, ՈՎԷՔԵՐ ԳԵՐԵԶՄԱՆՆԵՐ ԵՆ ԲԱՑՈՒՄ ԵՎ ՄԵՌՅԱԼՆԵՐԻՆ ԵՆ ԿՈՂՈՊՏՈՒՄ

Դիակոդոպտոզները երբ բռնվեն, եւ իրենց կամքով խոստովանեն, նրանց մահվան չդատապարտել /Հայրերի կանոններ..., ԺԷ/ ... Ապաշխարութիւնը որոշվի ըստ կանոնների: /Մ.Թ. տուժը, փոխհատուցում ու պատիժը, բնականաբար, պիտի որոշվեն գողերին եւ ավազակներին վերաբերող Մատյանում դրված կանոնների համաձայն/:

ԳԼՈՒԽ ԾԼԳ

ԱԿԱՄԱ ՍՊԱՆՈՒԹՅՈՒՆՆԵՐԻ ՄԱՍԻՆ

Եթե մեկը անմեղորեն ճանապարհ է գնում եւ առաջ ոչ մի թշնամի չուներ եւ ամենքին թալանող գողերն ու ավազակները նրան կաշեն, եւ սա սպանի նրանց, եկեղեցին նրան չդատի որպէս սպանողի: Բայց նա թող սրբի իր անձը ապաշխարութեամբ սակավ օրեր: Մտածել է պետք, թե նրան ահամա կպան /ավազակները/, թեպետեւ Աստծո կողմից էր սրանց մատնութիւնը՝ իրենց իսկ սպանվելու համար, սակայն ապաշխարութեամբ մաքրման եւ սրբման անհրաժեշտութիւնը կա: /Հայրերի կանոններ, ԺԸ/:

ԳԼՈՒԽ ԾԼԴ

ԵԿԵՂԵՑՈՒ ՀԻՄՆԱՐԿԵՔԻ ՄԱՍԻՆ

Եկեղեցու հիմնարկերը միայն եպիսկոպոսը իշխանութիւն ունի ծրագրել՝ ուղղափառութեամբ, իսկ քորեպիսկոպոսը եւ պերտուտը՝ հրամանով եպիսկոպոսի: Ապա եթե առանց եպիսկոպոսի կամ քորեպիսկոպոսի որեւէ մեկն հանդգնի, այդ հիմքն հրաման է քանդել, իսկ եթե թողնվի, սահմանները կարգել են՝ երկրորդը: /Կանոններ հայրերին հետեւորդներին, ԻԵ/: Հայտնի է, որ քորեպիսկոպոս երկուսով են, մեկը՝ ձեռնադրված եւ մյուսը՝ ոչ, որ պերտուտ է անվանվում կամ բուտ: Եվ եթե պատահի, որ եպիսկոպոսը զեղչ անի եւ հիմքը վերստին քանդել չտա, ապա, կարգն հրամայում է՝ երկրորդը: Եվ այդ այս մասին դատաստան է հաստատուն:

ԳԼՈՒԽ ԾԼԵ

ԵՊԻՍԿՈՊՈՍՆԵՐ ԶԵՌՆԱԴՐԵԼՈՒ ՄԱՍԻՆ

Եպիսկոպոսները հարկ է, որ տրված երկրամասի եւ իրենց ընկած վիճակի համար արժանի լինեն, եւ ովքեր արժանի են՝ նրանց նստեցնել աթոռ: Ապա եթե շտապ նշանակելու կամ ընկերների հեռավորութեան պատճառով կարգել ուզենան, երեք եպիսկոպոսների, որոնք հեռվում են գտնվում, ուղարկած վկայութեան թղթերով նստեցնեն այդ աթոռին: Բայց պատիվն ու շնորհները տալը կաթողիկոսի ձեռքով է լինում կամ մեծ ժողովի կողմից: /Նիկիական կանոններ, Դ/:

Հրամայում է կարգավորապէս ձեռնադրութիւն կատարել, նախ ընտրութիւն անել շատերի միջից եւ ամենքի հավանութեամբ ձեռնադրութիւնը կատարվի կաթողիկոսի կողմից եւ կամ նրա հրամանով՝ երկու կամ երեք եպիսկոպոսների:

ԳԼՈՒԽ ԾԼԶ

ՆՐԱՆՑ ՄԱՍԻՆ, ՈՎԷՔԵՐ ՄԵՐԺՎԱԾ ԵՆ ԻՐԵՆՑ ԱՍՏԻՃԱՆԱԿԱՐԳԻՑ ԵՎ ԱՂՈԹՔԻ ՊԱՇՏՈՆԻՑ

Նա, ով իր կարգից եւ ազոթքի պաշտոնից մերժվել է, եթե ժողովրդից եղած լինի կամ թե՛ ըստ կարգի պաշտոնյա եւ գնա մեկ այլ տեղ եւ ուզենա կարգի մեջ մտնել, մի՛ ընդունեք:

Եվ եթե այլ մի վարդապետից մեկը բանադրված կամ մերժված է, մեկ այլ վարդապետ նրան չվերականգնի՝ կամ կարգի մեջ չմտցնի՝, մինչեւ որ հավաստի քննութիւն չկատարվի, եւ վարդապետութեան խոսքով մինչեւ չբժշկվի եւ մինչեւ բուն վարդապետութեանը չհնազանդվի:

Իսկ եթե մեղքերի եւ չար գործերի պատճառով է եկեղեցուց մերժվել, ապա սահմանված ապաշխարութեամբ թող բժշկումը գտնի:

Եվ այս բարեկարգութիւնը Աստվածային դատաստաններով է, որպէսզի ոչ մեկին անբխտութեամբ չնդունեն եւ որպէսզի նման պատճառներով վարդապետները չքամահրեն միմյանց, այլ որ անկարգները դարձի գալով իմաստութեամբ բժշկվեն:

ԳԼՈՒԽ ԾԼԷ
ԿԱԹՈՂԻԿՈՍՆԵՐԻ ԶԵՌՆԱԴՐՈՒԹՅՈՒՆՆԵՐԻ
ՄԱՍԻՆ

Եզրիպտոսում նախնիների սովորույթի համաձայն՝ Ալեքսանդրիայի եպիսկոպոսը ամենքի վրա է իշխում, Հռոմի եպիսկոպոսը նույն սովորույթյամբ է վարվում, նույնպես եւ Անտիոքացիներինը, իսկ այլ իշխանույթյուններ եկեղեցիների ունեցած պատիվն ու առավելությունն են պահպանում: Եվ ամենքին էլ թող հայտնի լինի, որ եթե մեկը ըստ կաթողիկոսի կամքի եպիսկոպոս չի, այնպիսիին մեծ ժողովը լուծարի, եւ այլեւս նա եպիսկոպոսություն չի կարող անել:

Իսկ եթե ժողովում, ամենքով միաբան, ըստ եկեղեցու կարգերի նրան ընտրելով արժանի գտնեն, եւ եթե երկու կամ երեք անձինք անգրամություն կամ հակառակություն դեմ լինեն, ապա ձայների մեծամասնությամբ ընտրությունը հաստատվի: /Նիկիական Կանոններ, Զ/: Եվ նախնիների կարգով սովորություն կար, որ Երուսաղեմի եպիսկոպոսը պատվվի, պատիվ ընդունի, եւ մայրաքաղաքների վրա իր արժանի պատիվը պահպանի:

Եվ կաթողիկոսն ինքն է եպիսկոպոս նշանակում ու հաստատում: Եվ ըստ չորս ավետարանիչների է նրանց /եպիսկոպոսներին/ նշանակում եւ հոգեւոր այլ իշխանություններին նույնպես, եւ առաքելական աթոռներ լինեն, թե ոչ՝ կաթողիկոսի հրամանով են լինում: Եվ Հովհաննեսի աթոռը Եփեսոսից Բյուզանդիա տեղափոխվեց առավել պատվի համար եւ ոչ թե կաթողիկոսության պատճառով:

Իսկ նրանք, ովքեր կաթողիկոսի կամքով /նրա կողմից/ չեն ձեռնադրվում, ապա նրա հրամանով են ձեռնադրվում կամ ընտրվում մեծ ժողովի միջոցով: Իսկ թե պատահում է, որ կաթողիկոսի կողմից չեն ձեռնադրվում, այլ շատերի ընտրությամբ, ապա ճշմարտությունը ընդունելի են, ինչպես որ կաթողիկոսի կողմից ձեռնադրվածները:

ԳԼՈՒԽ ԾԼԸ
ԱՅՆ ԵՊԻՍԿՈՊՈՍՆԵՐԻ ԵՎ ՔԱՀԱՆԱՆԵՐԻ ՄԱՍԻՆ, ՈՎՔԵՐ
ԱՅԼՈՑ ՎԻՃԱԿՆ ՈՒ ԺՈՂՈՎՈՒՐԴՆ ԵՆ ՄԻՄՅԱՆՅԻՑ
ՀԱՓՇՏԱԿՈՒՄ

Բազում հուզումներ եւ մեծաթիվ ամբոխներ, ահա այսպես է լինում, երբ եպիսկոպոսները ջանում են իրենց պաշտոնակիցների վիճակն հափշտակել եւ կամ նրանք, ովքեր երեցներ են, սակայն այլ քաղաքի ժողովրդին են ցանկանում հափշտակել: Նման պարագաներում, երբ մեծ ժողով լինի, այդժամ այնպիսիների գործունեությունը դադարեցնեն: Իսկ եթե նմանը բռնություն կամ կաշառքներով այդ գործը գործի, եւ ընդդեմ ելնի առաքելական կանոնին կամ մեծ ժողովին, այդպիսիին իր աթոռից եւ քահանայության կարգից հանեն եւ ամբողջությամբ մերժեն պաշտամունքներին նմանի մասնակցությունը եւ այդքանից հետո, նա քեզ համար լինի իբրեւ մեկը անզգամներից /Մատթ. ԺԳ 12/, որովհետեւ ում տրված է՝ նրան պիտի տրվի եւ ավելացվի, իսկ նա, որ՝ իրեն տրվածը, ըստ Տիրոջ կամքի չգործադրի՝ իր ունեցածն էլ պիտի վերցվի իրենից եւ տրվի ավելին ունեցողին...

ԳԼՈՒԽ ԾԼԹ
ԱՆԿԱՐԳԱԳՈՐԾ ԵԿԵՂԵՑԱԿԱՆՆԵՐԻ ՄԱՍԻՆ

Նրանք, ովքեր եկեղեցու ուխտի կարգի եւ կանոնների մեջ լինեն եւ ընկնեն ազահույթյան կամ կաշառակերության մեջ, վարձով արծաթ տան եւ տոկոսով ետ պահանջեն եւ մոռանան Աստվածային գրերի զգուշացումները, որ ասում է. արծաթը յուրայիններին հանուն վարձ ստանալու չտալ եւ այլն, եւ, մանավանդ պաշտամունքի մեջ մեղկ, ծույլ եւ պղերգ լինեն եւ աղոթքների մեջ թուլասիրտ, այնպիսիին գրվածքն ասում է՝ վա՛յ նրան, ով մանկության ուսումը թողնի եւ Աստվածեղեն ուխտը մոռանա /Առակներ, Բ 17/: Եվ երբ մեծ ժողովներ լինեն, այնպիսիներին մերժել՝ իրենց կարգերից հանելով եւ կամ բարեսեր կամքով ուղղության հրավիրեն: Լսեն թող քահանաները վճիռները կանոնական դատաստանների եւ զարհուրեն, ապա թե ոչ, նրանք պիտի դատվեն վերջին եւ անաչառ դատաստանի ժամանակ:

ԳԼՈՒԽ ԾԽ
ԵՐԲ ԱՐԴԵՆ ՆՇԱՆՎԱԾ ԱՂՋԻԿ ԵՆ ՀԱՓՇՏԱԿՈՒՄ

Նա, որ արդեն խոսված աղջիկ էր, եւ ավելին՝ արդեն նշանված, եւ այս բանից հետո, եթե այլոք նրան հափշտակեն, կամ լինի որ, հափշտակելուց հետո ետ տան նրան, ում կողմից, որ աղջիկը խոսված էր, թեեւ բռնութեան մեջ է աղջիկը գտնվել, սակայն նրան /աղջկան/ նշանածը չթողնի: /Անկյուրիայի կանոններ, ԺԲ/:

Արդեն նշանվածն ու խոսվածը նույնը չեն եւ հափշտակողից ետ դարձնել, թեեւ անգամ պսակված լինի հափշտակողի հետ:

ԳԼՈՒԽ ԾԽԱ
ԵԿԵՂԵՑԱԿԱՆՆԵՐԻ ՄՍԱԿԵՐՈՒԹՅԱՆ ՄԱՍԻՆ

Նրանք, որ եկեղեցու ուխտի մեջ լինեն՝ երեցներ կամ սարկավագներ կամ այլ ոք պաշտոնյաներից եւ հեռու լինեն մսակերութեանից եւ եթե նրանց մեջ միտք առաջանա միս ճաշակել, ապա համարձակութեամբ ուտեն եւ ոչ թե գաղտնիորեն եւ այնժամ, թե կամենան մսակերութեանից պահք պահել, այդժամ պահեն: Իսկ եթե որեւէ մեկը բանջարն ու հացը պիղծ համարի, որ մսի հետ խառն /այլոք եւ ոչ թե ինքը/ ուտում են, նրան չընդունել եկեղեցու կարգի մեջ: /Անկյուրիայի կանոններ, ԺԵ/:

...Արդ բարի է /միս/ չուտելը, քան ուտելը, բայց առանց բամբասանքի, ինչպես, որ մեզանում կան բազում /մսակերութեանից/ պահք պահողներ, որ բամբասում են ուտողներին: Եվ դատաստանի ենթակա է միմյանց դատելը:

ԳԼՈՒԽ ԾԽԲ
ԵԿԵՂԵՑԱԿԱՆ ԻՆՉՔԵՐԻ ՄԱՍԻՆ

Այն իրերը, որ եկեղեցական են, ինչ էլ որ լինեն, առանց եպիսկոպոսի իմացութեան, եթե երեցները վաճառեն, ապա իշխանութուն լինի ետ պահանջել, բայց եպիսկոպոսը կռի իրավն ու անիրավը, արժան է, որ որեւէ մեկն առնե, եթե ոչ, ապա ետ դարձնել վաճառվածը /Ան-

կյուրիայի կանոններ, ԺԶ/:

Կանոնական հրամանները կամենում են եկեղեցական ինչքերի անվաճեռելիութունը եւ իշխողն այս հարցում՝ եպիսկոպոսն է, եւ ոչ թե քահանան, եթե հարկ է վաճառքի գինը որոշել կամ ետ դարձնելը՝ եպիսկոպոսը որոշի... Ի դեպ, եկեղեցին ոչ քրիստոնյաներին որեւէ բան չի վաճառում, բայց եթե անպատշաճ բաներ վաճառի, այդ նույն գնով, թող անկարեւոր բաներ գնի... Այդ ընդունելի դատաստան է եկեղեցու համար:

ԳԼՈՒԽ ԾԽԳ
**ՆՐԱՆՑ ՄԱՍԻՆ, ՈՐ ԽՈՍՏԱՆՈՒՄ ԵՆ /ԱՍՏՄՈՒՆ/
ԿՈՒՅՍ ՄՆԱԼ, ԲԱՅՑ ՍՏՈՒՄ ԵՆ**

Նրանք, ովքեր արդեն չափահաս են եւ խոստանում են /Աստծուն/ կուսութիւնը պահել եւ դրժում են իրենց խոստումը եւ շնութեան մեջ են ընկնում, այնուհետեւ էլ չեն կարող կույս լինել, այլ համարվեն այն մարդկանց նման, ովքեր երկու կին են առել եւ նրանց համար սահմանված կարգերով էլ դիտվի նրանց ապաշխարութիւնը, երկու տարի լինեն եկեղեցու դռանը՝ հսկողութեան ձեռքի տակ եւ, այնուհետեւ, մեկ տարի թող մտնեն-եյնեն եկեղեցի՝ ընդհանուր ապաշխարողների հետ: Եվ նրանց ապաշխարութեան ջերմեռանդութիւնը, երբ տեսնվի, այդժամ հաղորդ դարձնեն սուրբ եկեղեցու օրենքներին, բայց նրանք քահանայութեան օծման թող չմտնան: /Անկյուրիայի կանոններ, Ի/:

Այլ մի կանոնում ասվում է, նա, ով ամուսնանա եւ շնանա, հայտնի է, որ իր շնութիւնն է ապաշխարելու, եւ քանի որ ամուսնութիւնն երկակյաց է, ուստի չի կարող քահանա լինել, իսկ երկրորդ անգամ ամուսնանալը, իբրեւ երրորդ է համարվում: Բայց թող տեսնեն խոստովանողի վկայութիւնները եւ այդպես դատեն: Այս բանն այսպես լինի: Այս մասին կգտնես նաեւ Լուսավորչի կանոնների երեսուներորդ գլխում:

ԳԼՈՒԽ ԾԽԴ
ՀՂԻ ԿԱՆԱՆՑ ՄԿՐՏԵԼՈՒ ՄԱՍԻՆ

Հղի կանանց արժան է մկրտել, երբ կամենան, որովհետեւ այսպիսի դեպքում ծնող լինելն ու մկրտութեամբ ծնունդը նույնահավասար չեն,

այլ արժան է մկրտութեան բոլոր կարգերի համաձայն եւ մկրտովորի հո-
ժար կամքով խոստովանութիւն իրականացնել՝ մկրտութիւն ընդունե-
լու համար: /Նիոկեսարիայի կանոններ, 9/: Եվ այս մահական երկյուզի
պատճառով, այն բանի համար, որ երկունքի ժամանակ կարող է լինել
եւ այս անելով մկրտվածն ու մկրտողը խղճմտանքի պարտքն են փա-
կում: ...Հավանելի է այս իրավունքը եկեղեցում:

**ԳԼՈՒԽ ԾԽԵ
ՊՈՌՆԻԿ ԿՆՈՋՆ ԱՐՁԱԿԵԼՈՒ ՄԱՍԻՆ**

Եթե մեկն իր կնոջն արձակի պոռնկութեան պատճառով եւ կամ այլ
չարագործութեան, որի մասին ոչ միայն այրը, այլեւ ուրիշ շատերն են
վկայում, թող արձակի կնոջը, կանոններով այդ ընդունելի է... եւ եթե
կամենա՝ կին առնի, իսկ կինն այլ այր իշխանութիւն չունենա առնել,
քանի դեռ նրա այրը կենդանի է: /Նիոկեսարիայի կանոններ/:

Եվ այս, թեպետ զբված է մեզ համար դատաստան անելու, երկրոր-
դեցինք, որովհետեւ ոչ միայն պոռնկութեան պատճառով, այլեւ այլ
չար գործերի համար էլ է հրամայվում կնոջը թողնել, ինչպես կախար-
դութեան, թույն տալու եւ նման այդպիսի դեպքերի...

**ԳԼՈՒԽ ԾԽԶ
ԿՆՈՋՆ ԱՏԵԼՈՒԹՅԱՄԲ ԱՐՁԱԿՈՂՆԵՐԻ ՄԱՍԻՆ**

Իսկ եթե պոռնկութեան պատճառով չէ, որ թողել են կնոջը եւ ոչ էլ
նրա չար գործերի պատճառով, այլ սակավ բարի լինելու համար, որ-
պես թե ուրիշ մեկի վրա աչքդ դրած լինի, այսպիսի բաժանութիւն
կանոնները չեն ընդունում, մինչեւ որ բաժանված տղամարդը ետ ըն-
դունի իր կնոջը եւ յոթ տարի ապաշխարութեան մեջ մնա, որից հին-
գը / եկեղեցու/ դրսում, երկուսը՝ ներսում: Իսկ եթե իր կնոջը չգառ-
նա, իր տան մեջ եղածը բաժանի, կեսը իր կնոջը տա եւ նաեւ՝ տու-
գանք՝ եկեղեցուն, որովհետեւ օրհնութեան պսակը, որ ամուսնութեամբ
ստացել էր եկեղեցում, անարգեց: Եվ ինքն իր կյանքի օրերում պոռ-
նիկ կոչվի եւ չմտնի Աստծո եկեղեցին, այլ եկեղեցու դրսում աղոթքի
կանգնի, եւ ողորմութիւն բաժանի տնանկներին, ջերմեռանդ արտա-
սուքներով, հետին պարգեւ առնելով: Եվ երբ կինը մեռնի եւ այրն էլ

կին չառնի եւ ապաշխարութեան դա, հինգ տարի /եկեղեցու/ դրսում
մնա եւ երեք տարի էլ հսկող ձեռքի տակ՝ աղոթքներով, եւ ապա նոր,
ողորմութեան ձեռքի քավութեամբ՝ հաղորդութիւն առնի:

**ԳԼՈՒԽ ԾԽԷ
ՍԱՐԿԱՎԱԳՆԵՐԻ ԿՈՂՄԻՅ ԻՐԵՆՅ ԿԱՆԱՆՅ ԱՐՁԱԿԵԼՈՒ ՄԱՍԻՆ**

Նա, որ պատրաստվել է քահանայութեան եւ կին ունի...թե կինը
չնանա, թող արձակի կնոջը, նրա այրը չիշխի լինել եւ ապա մտնի քա-
հանայութեան: Իսկ եթե կամենա կնոջ այրը մնալ, չի կարող քահանա
լինել, որովհետեւ նրան չի ընդունի եկեղեցին եւ ոչ էլ կանոնները
կթույլատրեն: Աշխարհական կանայք կարող են ամուսնանալ իրենց
մարդու մահվանից հետո, իսկ նման /չնացած/ կանայք՝ ոչ: Բայց ըն-
դունելի վիճակը կպարգաբանվի դատաստանի ժամանակ:

**ԳԼՈՒԽ ԾԽԸ
ՊՂԾՈՒԹՅԱՆ ՄԵՋ ԸՆԿԱԾ ՔԱՀԱՆԱՆԵՐԻ ՄԱՍԻՆ**

Քահանան եթե պղծութեան մեջ գտնվի եւ իրողութիւնը հայտնեն, եւ
եթե չխոստովանի, հայտնապես չեն կարող նրան հանդիմանել եւ նրա
կամքին թողնեն խոստովանելն ու չխոստովանելը, նաեւ՝ առաջին հերթին՝
նրա եպիսկոպոսի կամքին, նույն կանոնը նաեւ սարկավազներին է վերա-
բերվում:... Եպիսկոպոսներն են դատավորները քահանաների եւ սարկա-
վազների /Նիոկեսարիայի կանոններ/:

**ԳԼՈՒԽ ԾԽԹ
ԱՅՆ ՄԱՍԻՆ, ԹԵ ՔԱՆԻ՞ ՏԱՐԵԿԱՆՈՒՄ Է
ԱՐԺԱՆ ԵՐԵՅ ՁԵՌՆԱԴՐԵԼ**

Ինչպես բոլոր մեծ ժողովների ժամանակ է եղել՝ մինչ երեսուն տա-
րեկանը քահանա մի՛ օծեք, որ փորձվի եւ պղծի ու սրբի ընտրութիւն-
ը պարզ երեւա, քանի որ մեր Տերը երեսուն տարեկան էր, երբ մկր-
տութեան օծումն ստացավ եւ սկսեց նույն օրինակը ամենքին սովո-
րեցնել՝ մկրտել ութ օրականին, եւ քահանա օծել՝ երեսուն տարեկա-
նին /Նիոկեսարիայի կանոններ, ԺՁ/...:

ԳԼՈՒԽ ԾԾ
ՆՐԱՆՑ ՄԱՍԻՆ, ՈՎՔԵՐ ՀԱՐԿԱԴՐՎԱԾ
ԵՆ ԳԱԼԻՍ ՄԿՐՏՈՒԹՅԱՆ ԵՎ ԱՊԱՇԽԱՐՈՒԹՅԱՆ

Նրանք, որ նեղուծյան մեջ են ընկնում կամ ծանր հիվանդուծյան եւ կամ բռնավորներից գերվելով, եւ նեղուծյան պատճառով մկրտվեցին եւ կամ մեկն առաջ քրիստոնյա էր ու իր գործով վատթար եւ ապա նեղուծյան պատճառով հավատի մեջ է հաստատվում, այնպիսին ընդունի եւ կեղեցին ոչ թե կատարելապես, որովհետեւ հավատքն անկամայնուծյամբ է: Այսպիսի ներման միջնորդուծյան մասին գրվածքն ասում է /Սաղմոս, ԻԹ 10/: Միթե հո՞ղը խոստովանուծյան է կանգնում քո առաջ: Եվ այս մարդասիրուծյունը Տիրոջից է առակով ցույց տրվել /Ղուկաս, ԺԵ 11-32/, բայց անկատարը ըստ դատաստանի է ընդունվում:

ԳԼՈՒԽ ԾԾԱ
ԳԱՎԱՌԻ ԵՐԵՑՆԵՐԻ ՄԱՍԻՆ

Գավառի երեցները, երբ լինեն քաղաքի եկեղեցիներում, պատշաճ չէ, որ իրենք պատարագ մատուցեն կամ հաց /ազապի/ բաժանեն: Իսկ եթե քաղաքի երեցները զբաղված լինեն եւ գավառի երեցները հրաման ստանան, այդժամ թող ազապի տան, իսկ ինչ որ շահ լինի՝ թողնեն այդ եկեղեցուն /Նիոկեսարիայի կանոններ, ԺԸ/: Որովհետեւ եթե քաղաքի այրերն ավելի պատիվ ունեն գավառների այրերի նկատմամբ, որչափ եւս առավել քաղաքի եպիսկոպոսները եւ քահանաները: Եվ բնականաբար, երբ նրանք զբաղված լինեն, այդժամ, երբ գավառի երեցները հրաման ստանան քաղաքի եկեղեցում այս կամ այն գործն անել, անե՛ն:

ԳԼՈՒԽ ԾԾԲ
ՔՈՐԵՊԻՍԿՈՊՈՍՆԵՐԻ ՄԱՍԻՆ

Եվ քորեպիսկոպոսներն են, ըստ օրինակի եւ կարգի յոթանասուն /աշակերտների/ օրինակով, որ որպես լծակից ու գործակից էին՝ հանուն փրկուծյան, որ աղքատների համար է կատարվում /Նիոկեսարիայի կանոններ, ԺԹ/:

Գավառական տեսուչը՝ քորեպիսկոպոս է թարգմանվում եւ ձեռնադ-

րող է խոնարհագույն աստիճանների տվյալ քահանայուծյան վայրում: Հակառակ դատաստանի գրվածքների աշխարհականներին էլ կարող են քորեպիսկոպոս վերցնել եւ կամ տգետ քահանային, որպես աղքատներին կոփող, ամրացնող եւ ոչ թե տեսուչ, որովհետեւ եւ եպիսկոպոսն է տեսուչ թարգմանվում եւ թե նրա գործակիցները /քորեպիսկոպոսները/:

ԳԼՈՒԽ ԾԾԳ
ԵԿԵՂԵՑՈՒՆ ՊԱՏԿԱՆՈՂ ՊՏՂԻ ՄԱՍԻՆ

Նրանք, ովքեր եկեղեցուն հասանելիք պտուղը կամենում են եկեղեցուց դուրս վերցնել կամ տալ եւ ոչ թե կամքով եպիսկոպոսի կամ նրա կողմից այդ բանի համար ձեռնադրվածի, եւ նրա կամքով չվերցնեն կամ չգործեն՝ նզովյալ լինեն /Գանգրայի կանոններ, է/: Լսեն թող զլացողները եւ զարհուրեն, եւ, որպեսզի այլ մեկի չտան: Եվ թե այսքան բանի համար նզովք է հասնում, ապա որչա՞փ առավել՝ եկեղեցին միմյանցից հափշտակողներն են լինում նզովապարտ: Եվ այստեղ դատաստանով են նզովքները, որովհետեւ ով եկեղեցուց եկեղեցու պտուղն է օտարացնում, նա ինքն օտարանում է եկեղեցուց:

ԳԼՈՒԽ ԾԾԴ
ԱՅՆ ՀԱՅՐԵՐԻ ՄԱՍԻՆ, ՈՐ ԹՈՂՆՈՒՄ ԵՆ ԻՐԵՆՑ ՈՐԴԻՆԵՐԻՆ

Նրանք, ովքեր թողնում են իրենց որդիներին եւ նրանց չեն սնուցում, այնքան, որքան որ ձեռնհաս են եւ խրատ չեն առնում Աստծո կարգերից, այն է, սնունդ տալ մինչեւ պահեցողուծյան օրերը եւ վանական կյանքն են արհամարհում եւ դրան վերաբերվում անփութուծյամբ, այդպիսինները թող նզովյալ լինեն /Գանգրայի կանոններ, ԺԵ/: Եվ այս կանոնի սահմանը թեպետ աղանդի սաստելու համար է...Սակայն Աստվածային գրերի հրամանն է՝ ըստ Աստծո՝ կամքի որդիներին սնուցելը եւ այդպես նրանք Աստծո օրենքներից չէին հեռանա: Եվ թեպետ նմանները կարծում էին իրենց Աստծոն մերձավորներ, այդ բանը դատաստանով պիտի որոշվի, որովհետեւ պատճառ եղան, որպեսզի իրենցից ծնվածները իրենց իսկ անգթուծյան պատճառով՝ հեռանան Տիրոջից:

ԳԼՈՒԽ ԾԾԵ

ԱՅՆ ՈՐԴԻՆԵՐԻ ՄԱՍԻՆ, ՈՐ ԹՈՂՆՈՒՄ ԵՆ ԻՐԵՆՑ ՀԱՅՐԵՐԻՆ

Եթե որեւէ որդի, որի ծնողը առավել հավատացյալ է եւ առաքինի եւ Աստծո կարգերի մեջ, նրանից հեռանա աստվածապաշտութեան պատճառով եւ նրան արհամարհի եւ ծնողներին արժանի եւ իրավացի պատվի դիմաց չհատուցի, թող լինի նզովյալ: /Գանգրայի կանոններ, ԺԳ/: Եվ այս մասին կարեւոր պատվեր կա սուրբ Գրքերից, որ հիշյալ աղանդին առավել է վերաբերվում, նրանց, որ աստվածապաշտութեանը պատճառ բռնելով, արհամարհել էին տալիս իրենց ծնողին: Որովհետեւ Տերը աստվածապաշտութեանը խափանող ծնողներին հրամայեց թողնել, իսկ սրանք աստվածապաշտների՝ն են թողնում: Այդ բանի համար էլ, իրավացիորեն սրանց վրա նզովք կարգվեց:

ԳԼՈՒԽ ԾԾԶ

ԱՎԱԳ ՀԻՆԳՇԱԲԹԻ ՈՒՏՈՂՆԵՐԻ ՄԱՍԻՆ

Եթե ոմանք քառասուները սուրբ պահեն եւ զատկի հինգշաբթի օրը, օրենքներով հաղորդվելուց եւ սուրբ բաժակը խմելուց առաջ, ավել որեւէ բան համարձակվեն ուտել, պահքը, որ պահել էին, դառնում է ընդունայն եւ մեծ ժողովի կողմից նզովյալ լինի: /Գանգրայի կանոններ, ԻԱ/: Այս մասին Նիկիայի ժողովում էլ հանձնարարեցին սակավ ուտել եւ ուտել չոր ուտելիք...:

ԳԼՈՒԽ ԾԾԷ

ԵՊԻՍԿՈՊՈՍԵՐԻՒ ԿԱԹՈՂԻԿՈՍԻՆ ՀՆԱԶԱՆԴՎԵԼՈՒ ՄԱՍԻՆ

Յուրաքանչյուր իշխանութեան մեջ գտնվող եպիսկոպոսները իմանան, որ մայրաքաղաքների եպիսկոպոսները թիկունք են իրենց համար եւ հոգաբարձու, եւ յուրաքանչյուրը նրանցից, ինչ պատասխան, որ կամենում է ստանալ, նրա /մայրաքաղաքի եպիսկոպոսի/ մոտ գնա, թե արքունի հարկերի համար, թե իշխանների հետ կապված՝ եկեղեցու իրերի, թե հասարակական կարգերի համար: Եվ առանց մայրաքաղաքի եպիսկոպոսի իշխանութեան չունենան գործել, որպեսզի ամեն գործ

պատվով ընթանա, ինչպես որ մեր նախնայաց՝ հայրերի սովորութեամբ էր, որոնք կարգեցին կանոնները: Եվ իշխանութեան մեջ գտնվող եպիսկոպոսները իշխանութեան ունեն գործել իրենց իշխանութեան տակ գտնվող գյուղերում կամ գավառներում՝ քահանաներ օծել կամ իր գավառի եւ իշխանութեան վարքը բարելավել-բարձրացնել, իսկ արտաքո գործերում ձեռնամուխ պիտի լինեն միայն մայրաքաղաքի եպիսկոպոսի կամքով: Սակայն առանց կաթողիկոսի հավանութեան եպիսկոպոսները որեւէ ինչ չգործեն /Անկյուրիայի կանոններ, ԺԲ/: Հայտնի է այս հոգեւոր դատաստանը եւ այժմ էլ բնավ չի լուծարվել եւ եպիսկոպոսները թող չզայրանան մեզ վրա, /երբ մերժվեն/, քանի որ խնդրում են անարժանին ձեռնադրել եւ իրենց իսկ անձի կամքով շարժվելով՝ ախտ են սերմանում եւ նրանք գավառի ախտին /հետամուտ/, ընծայական թղթերով են վկայողներին դեմ գնում:

Թեպետ հայրապետներին հայտնի է, թե իրենց անձերից մղված ովքեր համարձակվեցին եւ իրենց կամքով պատրեցին: Եվ այդ պատճառով նրանց հակառակութեանը ընդդեմ հայրապետներին՝ «Ոչ Տիրոջից» կոչվեց...

ԳԼՈՒԽ ԾԾԸ

ԵՊԻՍԿՈՊՈՍԵՐԻ ԿՈՂՄԻՑ ԲԱՆԱԴՐՎԱԾՆԵՐԻ ՄԱՍԻՆ

Եթե որեւէ մեկն իր եպիսկոպոսի կողմից բանադրվի՝ երեց լինի, թե սարկավազ եւ եպիսկոպոսի արած դատաստանը հանձն չառնի եւ ժողովի մեջ իր հարցով շարունակ ձանձրացնի շատերին, որպես թե ինչ-ինչ իրավունքներ ինքն ունի, թող բազմաթիվ եպիսկոպոսների առջեւ իր խնդիրն ասի եւ նրանցից արդար դատաստանի վճիռ առնի: Իսկ եթե նրանցից էլ սրտնեղելով եւ նրանց անգոսնելով համարձակվի թագավորին դիմել եւ ձանձրացնել, այդպիսին արժանի չհամարել թողութեան կամ ընդունելութեան կամ որեւէ հույս տալու... /Անտիոքի կանոններ, ԺԲ/:

Արդար է այս դատաստանը, որովհետեւ մեկ-երկու անգամ հանդիմանվելուց հետո էլ հանդգնեց: Որովհետեւ եթե կարծում էր, թե իր եպիսկոպոսը նախանձից է հանել իրեն, մի՞թե բազում եպիսկոպոսներն եւս նախանձեցին: Այլ թող զղջա, եւ նրա զղջումն եւս տեսնեն:

ԳԼՈՒԽ ԾԾԹ
ԱՅԼՈՑ ԵՆԹԱԿԱՅՈՒԹՅԱՆ ՏԱԿ ԳՏԵՎՈՂՆԵՐԻՆ
ԵՊԻՍԿՈՊՈՍՆԵՐԻ ՉՁԵՌՆԱԴՐԵԼՈՒ ՄԱՍԻՆ

Եպիսկոպոսներից ոչ մեկը չհամարձակվի իշխանությունն զրոսեւորել մեկի իշխանություն տակից մեկ ուրիշի իշխանություն տակ մտնելով ձեռնադրություն անել եւ որեւէ մեկին այդպէս մերձեցնել աստիճանա- կարգի եւ ոչ էլ բազմություն մը այլ իշխանություն տակ մտնել, այլ միայն համարձակվի թղթով դիմել մայրաքաղաքի հոգեւոր իշխանությանը եւ եպիսկոպոսներին, որոնք էլ մուտքի իրավունք կարող են տալ նրան: Իսկ եթե ոչ այդպիսի թույլտվության իրավունքի դիմի ստահակություն՝ ձեռնադրություն անելով, ապա նրա ձեռնադրությունը չհաստատվի եւ նա պարտավոր լինի իր ստահակության դիմաց հատուցել եւ անմիտ իր ձեռնադրության համար արժանի դատաստանն ընդունի եւ սուրբ ժո- դովով իր տեղից /վարած պաշտոնից/ մերժվի /Անտիոքի կանոններ, ԺԳ/: Բազում կանոններում եւ գրեթե ամենքի կողմից այս դրվեց, թե նման արարքը չար է եւ անկարգություն: Ասում է՝ նման ձեռնադրու- թյունը անհաստատ լինի, որովհետեւ նրա կողմից ձեռնադրվածը եթե արժանավոր լինի եւ զղջացած, ապա այդժամ հաստատվի օրհնությունը՝ պատշաճ եպիսկոպոսի կողմից, եւ ըստ կարգերի ապաշխարություն ցույց տա, եթե ոչ՝ մերժված լինի ընդմիջտ:

ԳԼՈՒԽ ԾԿ
ԱՄԲԱՍՏԱՆՎԱԾ ԵՊԻՍԿՈՊՈՍՆԵՐԻ ՄԱՍԻՆ

Եթե մեկը եպիսկոպոսներից ինչ որ բանում հանցավորվել եւ մեղադ- րություն է դատապարտվում եւ ապա պատահի, որ նրա պատճառով ան- միաբանություն լինի...թող սուրբ ժողով լինի այն մայր քաղաքում, որտե- ղից եպիսկոպոսն է եւ մերձավոր գավառներից եւ իշխանություններից ուրիշներին էլ կանչելով, դատ անեն եւ կեղծավորությունն ու հակառակու- թյունը բացահայտեն...

Տես, թե որքան ստույգ է հրամայվում, որ կաթողիկոսները դատ անեն եւ ոչ թե պատրանքի ենթարկվեն ազահություն պատճառներով թյուրե- լով ճշմարիտ դատաստանները:

ԳԼՈՒԽ ԾԿԱ
ԵԿԵՂԵՑՈՒ ՀԻՆ ԵՎ ԲԱՐԻ ՍՈՎՈՐՈՒԹՅՈՒՆՆԵՐԸ
ՉՓՈԽԵԼՈՒ ՄԱՍԻՆ

Պարտավորությունն չէ գավառի եկեղեցու վաղնջական սովորու- թյունները նորաձեւել /Երկրորդ Նիկիական կանոններ, Զ/:

Եվ եթե հայրապետներից մեկը փոփոխություն կամենա անել, ապա պարտավոր է ժողովի միջոցով այդ անել, որ ըստ դատաստանների գր- վածքների՝ անվտանգ է:

ԳԼՈՒԽ ԾԿԲ
ԵԿԵՂԵՑՈՒ ՍՐԲՈՒԹՅՈՒՆԸ ԱՅԼ ԵԿԵՂԵՑՈՒ
ՆՎԵՐ ՉՏԱԼՈՒ ՄԱՍԻՆ

Պարտավորությունն չէ եկեղեցու օրհնության սրբությունները այլ եկեղեցի ուղարկել/ Երկրորդ Նիկիական կանոններ, ԶԹ/:

Այլ եկեղեցու նշխար տալը խափանի՛ր, որպեսզի ամբողջովու պատճառ չլինի, որովհետեւ ամենայն ուղիղ դատաստանի համար զգուշացնում են կանոնները:

ԳԼՈՒԽ ԾԿԳ
ՆՐԱՆՑ ՄԱՍԻՆ, ՈՐ ԱՅԼԱԶԳԻՆԵՐԻ ՀԵՏ
ԽԱՌՆԱԿՎՈՒՄ ԵՆ ԽՆԱՄՈՒԹՅԱՄԲ

Մեր եկեղեցուց չլինեն այնպիսիները, որ տեսակ-տեսակ ցոփ հար- սանիքներով այլազգիներին մերձեցնեն իրենց գավառներին, կին տան նրանց կամ կին առնեն նրանցից: /Լավողիկիայի կանոններ, Ժ/:

Նմանների դատաստանը ըստ կանոնների կամքի այսպիսին լինի, եթե /աղջկան/ հեթանոս այլազգիի տան եւ զրկվի հաղորդությունից, այդժամ հաղորդությունից զրկվեն նաեւ նրա ծնողները:

Եվ եթե հերձվածողներին տան, որոնց հետ մենք չենք հարաբեր- վում, դատաստանը թող ծնողների խղճին թողնվի, որպեսզի ծնողնե- րը հատուցեն:

ԳԼՈՒԽ ԾԿԴ

ԱՅՆ ԵՊԻՍԿՈՊՈՍՆԵՐԻ ՄԱՍԻՆ, ՈՎՔԵՐ ԱՅԼ ԵԿԵՂԵՑԻՆԵՐ ԵՆ ԿՈՂՈՊՏՈՒՄ ԻՐԵՆՑԸ ԶԱՐԴԱՐԵԼՈՒ ՀԱՄԱՐ

Եպիսկոպոսը, որ իշխանություն ունի բազմաթիվ գավառների վրա, իրավունք չունենա այլ եկեղեցիներից վերցնելով իր եկեղեցին զարդարել, որովհետեւ դրանով աչառություն արած կլինի՝ իր անձի դատապարտություն համար: Այդպիսին եթե չկամենա դարձ ապրել, լուծարվի իր պաշտոնից եւ այն եկեղեցիները, որոնցից կողոպտելով իր եկեղեցին կառուցեց, նրան չանվանեն որպես իրենց վարդապետ: /Կղեմիայի կանոններ/:

Հայտնի է այս հոգեւոր դատաստանը եւ հավաստիորեն պահելի եկեղեցու պատշաճությունը կարգավորելու համար:

ԳԼՈՒԽ ԾԿԵ

ՊԱԿԱՍԱՄԻՏԵՐԻ ՄԱՍԻՆ, ՈՐ ԻՆՔՆԱՍՊԱՆ ԵՆ ԼԻՆՈՒՄ

Հարցում- Նա, ով պակասամիտ է եւ գահավեժ լինի կամ մեկ այլ մահով եթե մեռնի, պարտավոր է նրա վրա պատարագ մատուցել, թե ոչ:

Պատասխան- Պարտավորություն է նախ իրավիճակը քննության առնել, արդյո՞ք իսկապես պակասամիտ էր եւ այդ պատճառով այդ քայլին դիմեց, որովհետեւ բազում անգամներ են եղել, որ մերձավորները ստում են, թե պակասամիտ էր, որպեսզի նրա վրա պատարագ մատուցվի: Հարկ է, ուրեմն քննել, գուցե բռնությունից՝ այդ քայլին դիմեց, որովհետեւ ինքնասպանի համար պատարագ չի մատուցվում: Եվ ամեն բան պարտավոր է ճշմարտությունը քննել, որպեսզի պատարագ մատուցողի վրա դատաստան չընկնի: /Աթանասի կանոններ, ԺԱ/:

Արդ թեպետ հայտնի է հարցումից ու պատասխանից, սակայն վերակացունները պարտապան են ապաշխարել, ըստ ոչ թե դատավորներին, այլ վարդապետների արած դատաստանի:

ԳԼՈՒԽ ԾԿԶ

ԴԻՎԱՀԱՐ ԿՆՈՋ ՄԱՍԻՆ

Հարցում- Եթե մեկի կինը այսահարվի եւ նրա այրը ասի, թե չեմ կարող ժուժկալել եւ կամենա այլ կին առնել, օրե՞նք է, թե ոչ:

Պատասխան- Շնուկություն է... Ի՞նչն է պարտավորություն կամ արժանին անել, այդ մասին չգիտեմ: /Աթանասի կանոններ, ԺԲ/:

Ներումից ելնելով այս գրեցինք. որպես որ կամենան, այդպես ընկալեն դատավորները եւ մեզ անպարսավ թողնեն այդ բանից:

ԳԼՈՒԽ ԾԿԷ

ՆՐԱ ՄԱՍԻՆ, ՈՐ ԱՅՐ ՉԼԻՆԻ

Հարցում- Եթե որեւէ այդ զուրկ լինի այրություն գործի մեջ եւ կինն իրենից հեռանա, եթե որեւէ մեկը նման դեպքում այլ կին առնի... Կամ եթե այրը կնոջը հարձակի եւ այսպես ասի՝ եթե ինձ Աստուծոց մաս է հասնում /դու ես/, մնա եւ պաշտիր ինձ, մենք ի՞նչ պատասխան տանք:

Պատասխան- Արժանի չէ արձակել եւ ոչ էլ թողնել:

Այսպես է եղել կանոնական դատաստանի մեջ. ներմամբ, յուրաքանչյուրին ապաստան տալն է հաճելին, նույն կերպ էլ եկեղեցու դատավորները դատեն:

ԳԼՈՒԽ ԾԿԸ

ԿԱՆԱՆՑ ՄԱՍԻՆ, ՈՐ ՀԱՇՄՎԱԾ ԵՆ

Հարցում- Եթե կինն հաշմվել եւ ասում է ամուսնուն, այլեւս արժան չէ ինձ կնուկություն անել, այլ կին առ քեզ, որ պիտանի է եւ քո տունը շին մնա, իսկ ինձ տարվեց տարի հաց ու հանդերձ հատկացրու եւ ես նստեմ եկեղեցու հովանու տակ, մինչեւ իմ ժամանակի վախճանը: Եվ այրն այս ամենը հանձն առնի, ինչպե՞ս վարվել, այլ կին առնի՞, թե վնասակար է:

Պատասխան- Վնասակար է, չի կարող այլ կին առնել, քանի դեռ իր կինը կենդանի է: /Աթանասի կանոններ, ԻԳ/:

ԳԼՈՒԽ ԾԿԹ

ԱՆԱՍՈՒՆԵՐԻ ՀԵՏ ՊՂԾՎՈՂՆԵՐԻ ՄԱՍԻՆ

Հարցում. Եթե մի այր պղծվել է անասունների հետ եւ պղծվելուց հետո գղձացել եւ ապաշխարել, որպես որ վարդապետներն են հրամայում եւ նրա կինը այդ պղծություն պատճառով, հանցանքից հետո

չկամենա նրան կնուծյան մնալ, եւ այրն այսպէս ուզի թե՛ կամ առաջին կինը կրկին դառնա եւ կամ այլ կին կամենա առնել:

Պատասխան- Կինն իրավունք ունի հեռանալ, իսկ այրը՝ նոր կին առնել: /Աթանասի կանոններ, ԻԶ/: Տես նաեւ հոգված ԺԱ:

ԳԼՈՒԽ ԾՀ
ԱՅՆ ՔԱՀԱՆԱՅԻ ՄԱՍԻՆ, ՈՐ
ՈՐԵՎԷ ՄԵԿԻՆ ՍՊԱՆԻ

Հարցում. Եթե պատահի, որ քահանաներից մեկին ավագակները վրատան եւ պատահի, որ քահանան նրանցից ոմանց սպանի իր եւ ընկերոջ անձը ապրեցնելու համար, պարտավոր է նրան քահանայության կարգի մեջ պահել, թե ոչ:

Պատասխան. Արժան չէ քահանայության կարգի մեջ մնալը, որովհետեւ արժան չէ, որ քահանան որեւէ մեկին սպանի, եթե անգամ իր անձն է կորցնում: Այս դատաստանից այս լսեցի. եթե իր անձի համար պարտավոր չէ որեւէ մեկին սպանել, այլ իր ընկերոջ անձի փրկության համար՝ լավ է, որ սպանի, սակայն այնժամ, եթե ավագակները այլազգիներ լինեն: Եվ մնա քահանայության մեջ, թե ոչ, ըստ դիպվածի քննության, թող վարդապետները տեսնեն: տես նաեւ հոգված ԾԼԳ եւ ԾՀԴ:

ԳԼՈՒԽ ԾՀԱ
ԴԻՎԱՀԱՐՆԵՐԻ ՄԱՍԻՆ, ՈՐ
ՄԱՐԴ ԵՆ ՍՊԱՆՈՒՄ

Հարցում. Եթե մեկը դիվահարվելիս մարդ է սպանում, այնժամ, երբ դեւից սրբվի, իբրեւ սպանող պարտավոր է ապաշխարել, թե ոչ:

Պատասխան. Փոքր-ինչ, որովհետեւ արածը չարից է եղել: /Աթանասի կանոններ, ԼԴ/:

Նույնը լինի նաեւ այլ մտախաբկանքների մեջ ընկածների համար: Եվ հոգեւոր դատաստանի համաձայն, եթե նմանները իրենք իրենց վնասեն եւ կամ այլոց, ապա առանց ապաշխարության չմնան: Սակայն այս դատաստանը մարմնավոր /աշխարհիկ/ դատավորների համար չէ:

ԳԼՈՒԽ ԾՀԲ
ԿԱՆԱՆՑ ԱՄԼՈՒԹՅԱՆ ՄԱՍԻՆ

Հարցում. Եթե մեկն իր կնոջ ամուսնական պատճառով նրան թողնի եւ ծննդկան կին առնի եւ ապաշխարություն խնդրի նոր կնոջ հետ, ի՞նչ է պարտավոր անել:

Պատասխան. Շնացող է: /Աթանասի կանոններ, ԾԹ/:

Այս դատաստանն եւս քննությամբ անել տես հոգված ԺԱ եւ ԾՂԶ/: Դատավորների համար պատշաճ է սրբությամբ պահել հրամանները եւ կամ կանխավ դատելը եւ մեզ բամբասանքներից, այդպէս, ազատ թողնել: Սուրբ Բարսեղն այս հարցը ներմամբ է դիտում /Բարսեղի կանոններ/:

ԳԼՈՒԽ ԾՀԳ
ՔԱՀԱՆԱՆԵՐԻ ԵՎ ԱՅԼՈՑ ԿՈՂՄԻՑ
ԱԿԱՄԱ ՍՊԱՆՈՒԹՅԱՆ ՄԱՍԻՆ

Հարցում. Եթե քահանաներից մեկն իր անդաստանը կամ պարտեզը մաքրելիս քարը դուրս նետի եւ քարը կպչելով որեւէ մեկին սպանի նրան, ի՞նչ է պարտավոր անել, արժա՞ն է մնա քահանայության կարգի եւ պաշտամունք մատուցելու մեջ: Կամ թե աշխարհականներից որեւէ մեկը նման ակամա սպանություն դիպվածով կատարի, որպէ՞ս է պարտավոր ապաշխարել:

Պատասխան. Սպանող է, ապաշխարի, իսկ եթե քահանա է՝ քահանայության ու պաշտամունք մատուցելուն մոտ չթողնել:

Նույնպէս եւ, երբ հայրը որդուն կամ վարդապետը իր աշակերտին խրատելու համար հարվածի նրան ու նա մեռնի եւ նմանօրինակ այդպիսի դեպքեր, որ ըստ սովորության կարող են լինել տես Աթանասի կանոններ, ՀԳ/: Նույն օրինակի դատաստանի է ենթակա, երբ քահանան փախած ծառայի ետեւից խստությամբ այլ ծառաներ ուղարկի /եւ սրանք մահվան վնաս տան/: Նույնպէս եւ, երբ ամբոխի միջով քահանան ձի վարելիս ձիու կողը հարվածով կպչի մեկին ու սպանի: Այդժամ դա ու խոստովանի եւ լուծարվի քահանայությունից, խոստովանի նաեւ նա, ով քահանա չէ եւ նույն բանն արեց: Սակայն եթե պարզվի,

որ ամբոխի պատճառով եղավ, ներում լինի: Այսօրինակ նման ակամա սպանությունների մասին դատեր են օրենքները ուսուցանում, օրինակ, երբ աշխատանքի պահին կացնի գլուխը թռչելով մեկին հարվածի ու սպանի, նմանօրինակ ակամա սպանությունների դեպքում օրենքով կային ապաստան քաղաքներ, եւ ակամա սպանություն գործածներից ով ընկնում էր նման քաղաք, ազատվում էր մահապատժով դատվելուց եւ ապրում էր, եւ այս օրինակը երկրորդ մահվան խորհուրդն ունի:

Կամքով եւ միեւնույն ժամանակ ակամա սպանություններ են համարվում, երբ որս անելիս նետ է արձակվում եւ նետը կպչելով մեկին՝ սպանում է, եւ ըստ այս օրինակի, երբ նետը կպչի արձակողի թշնամուն եւ նա այդ բանի համար ուրախանա՝ սպանությունը խառն է դիտվում՝ թե կամքով, թե ակամա: Իսկ թագավորների ձեռքով կատարվող դատաստանների մեջ կա, որ երբ այլազգին քրիստոնյայի է ակամա սպանում, դատվում է որպես կամավոր սպանություն, որովհետեւ նրանք իրենց բնությունը խնդում են մեր կորստյան վրա: ...Իսկ կամքով եւ ակամա սպանությունները տարբերելը /առավել/ սովորիք Բարսեղ Կեսարացու Ե կանոնից:

**ԳԼՈՒԽ ԾՀԴ
ՊԱՏԵՐԱԶՄԻ ԺԱՄԱՆԱԿ ՍՊԱՆՈՒԹՅԱՆ ՄԱՍԻՆ**

Իսկ նրանք, որ պատերազմների ժամանակ մահ են գործում, մեր հայրերը ամենեւին սպանություն չհամարեցին: Ըստ որի եւ մեզ եւս հաճելի է այդ նույն խորհրդին հետեւել: Բայց, որպեսզի /պատերազմից եկածի/ ձեռքը սրբվի, բարի է, որ այդպիսիները երեք տարիներ հաղորդությունից հեռու մնան /Բարսեղի կանոններ/: ...Եվ միայն ասում է, թե՛ հաղորդությունից հեռու մնան: Սրանից սովորեն դատավորները եւ չլինի թե վրիժառուություն լինի:

**ԳԼՈՒԽ ԾՀԵ
ՈՐԴԻՆԵՐԻՑ ԲԱԺԱՆՄԱՆ ՄԱՍԻՆ**

Որդիները, երբ չեն հնազանդվում իրենց ծնողներին, նրանք, ինչ իրենց ինչքերից որդիներին հասնում է՝ տալիս են սիրով՝ եւ առանձին

են նստեցնում նրանց...: Եվ երբ որդիները կանայք առնեն, ծնողները նույն կերպ անեն /առանձնացնեն/, քանի որ այդպես է հաճելի Աստծուն եւ Պողոս առաքյալն այդպես հրամայեց:

Թերեւս այն է հիշելի այստեղ, որ հայրերին է ասվում՝ Սիրեցե՛ք ձեր որդիներին... եւ այլն /Տիմոթեոսին Ե-31, Զ-4, Կող. Գ 21/: Եվ այս խոսքն ընտրելով, կամենում է ներմամբ մոտենալ խնդրին:

**ԳԼՈՒԽ ԾՀԶ
ՆԵՐՔԻՆԻ ԼԻՆԻ ՄԱՍԻՆ**

Եթե մեկը ներքինի լինի կամ անդամը հատած եւ կեղծավորությունը կին առնի, իշխանություն է թե քանդել այդ կապը, թե կապել: Եվ եթե քանդվի, ապա նրա կինը լինի նրան, ում որ կինը կամենա: Այդժամ այրի ինչքերի կեսը առնեն եւ որպես տուգանք վճարեն՝ պսակն ու եկեղեցին անարգելու համար եւ երեք տարի ապաշխարի պիղծ այդ այրը /Բարսեղի կանոններ, ԽԴ/:

**ԳԼՈՒԽ ԾՀԷ
ՈՐԵՎԷ ՏԵՂԻՑ ԿՈՂՈՊՏԵԼՈՎ ՈՒՏՈՂՆԵՐԻ ՄԱՍԻՆ**

Եթե մեկը որեւէ տեղից ուտի /Բարսեղի կանոններ, ԶԴ/, մեկին չորս հատուցի, ապա եթե ոչ՝ ըստ կանոնների ապաշխարի կամ աղքատներին բաժանի:

**ԳԼՈՒԽ ԾՀԸ
ՀՐԴԵՂՆԵՐԻ ՄԱՍԻՆ**

Եթե մեկը արդար վաստակ հրդեհի, մեկին երեք պիտի տուժի, եթե ոչ, ապաշխարի տաս տարի / Բարսեղի կանոններ, ԶԸ/: Այս դատաստանը ցուցանվեց եւ ըստ օրենքների է:

**ԳԼՈՒԽ ԾՀԹ
ՀԱՓՇՏԱԿՈՂ ԱՐՎԵՍՏԱՎՈՐՆԵՐԻ ՄԱՍԻՆ**

Արվեստավորները, որ այլոց ինչքերն են հափշտակում, մեկի դիմաց չորսն հատուցեն, ապա թե ոչ՝ ապաշխարեն, ըստ վարդապետի

հրամանի /Բարսեղի կանոններ, ձե/:

Հայտնի արվածի ու դատաստանի բերվածի համար, ասում է՝ հատուցում անել, եւ ովքեր որ կարող են՝ հատուցեն, իսկ ովքեր որ չունեն կարողություն հատուցում անելու, կամ իրենց արարքը ծածուկ է մնացել, թող ապաշխարեն:

ԳԼՈՒԽ ԺԶ

ՀԱՅՐԱԿԱՆ ՈՒՆԵՑՎԱԾՔԸ ՈՐԴԻՆԵՐԻՆ ԵՎ ԴՈՒՍՏՐԵՐԻՆ ԲԱԺԱՆԵԼՈՒ ՄԱՍԻՆ

Եթե մեկը վախճանվի եւ ունենա որդիներ ու դուստրեր, ապա ծնողների ինչքերը երկու քույրերին մեկ եղբոր բաժին տան՝ հավասարապես: Ըստ օրենքների նախօրոք գրեցինք այս դատաստանները եւ գրեցինք /Հողվածներ՝ ձԱ, ձԲ, ձԴ-ում/, տան մեջ գտնվող դուստրն առնում է մեկ եղբոր բաժին, իսկ տնից ելած դուստրերը՝ երկուսով մեկ եղբոր բաժին...

Եվ հոր տունը սովոր են կրտսեր որդուն տալ, բայց տեսնվի, որ տկարինը լինի, որի համար հոր բնակատեղին բավական է ունենալ: Իսկ անդրամիկներին պատիվ լինի, որպես որ ծանուցված է ձԺԱ հողվածում: Ըստ այդմ, եթե հավասար է բաժանվում որդիներին, ապա անդրամիկին, ըստ պատվի՝ առավելը լինի:

ԳԼՈՒԽ ԺԶԱ

ԱՅՆ ՄԱՍԻՆ, ԹԵ ՔԱՆԻ՞ ՏԱՐԵԿԱՆ ՊԻՏԻ ԼԻՆԻ ՏՂԱՆ, ՈՐ ԲԱԺԻՆ ԱՌՆԻ

Աստվածային օրենսդրությունն ու կանոնական հրամանները անգամ սաղմի փչացվելու դեպքում են արյան դատաստան պահանջում /տես Ելք, ԻԱ 22-23 եւ հողված ԿԲ/ եւ այն, որ առաջիկայում ծնվողը անվնաս լինի: Բայց ժառանգ լինելը թեպետ Մահմեդի աշակերտները սնտի իմաստասիրելով տեսնում են մանկան աստղի մեջ, սակայն մեզ համար հավատարիմ է մեր Տիրոջ խոսքը, որ ասում է՝ կինը չի հիշում ծննդյան ցավերի նեղությունները իր ուրախության պատճառով, որովհետեւ աշխարհի մեջ մարդ ծնեց /Հովհաննես, ԺԶ 21/ եւ դարձյալ՝

մարմնից ծնվածը մարմին է... /Հովհաննես, Գ 6/, եւ մարմնից ծնվածը մարմնի ժառանգ լինի, որպես որ Աստուծոց ծնվածը՝ Աստուծո ժառանգ:

Իսկ եթե կինը հղի է եւ պատահի, որ այրը մեռնի, դատավորները ծննդյանն ակնառեն եւ մանկան ծննդից հետո ժառանգությունն հաստատեն: Եվ թե նույն օրն իսկ, որ կինը ծնեց ու այրը մեռնի, մանուկը, որ ժառանգ է, ապա մանկանից /նրա բաժնից / ժառանգեն այլոք եւ ոչ թե հորից:

Եվ թե մայրը մանկան մեռնի թե ծննդյան ժամանակ, թե հետո եւ թե նույն օրը, մանուկը մոր ժառանգն է եւ մանկանից /նրա բաժնից/ հայրը ժառանգի:

Ինչպես ասվել է՝ որդիներն ու դուստրերը ժառանգներ լինեն, եւ եթե որդի եւ դուստր չլինեն, /հայրը/ ում որ կամենա՝ ժառանգեցնե՝ կամ ազգատոհմի կամ ծառայի. ինքնիշխան է այդպես ժառանգեցնել:

Այլ, եթե մահվան ժամանակ, մեկը չհաստատեց կտակը, ապա տոհմի մերձավորները /եւ ոչ հեռավորները/ ժառանգեն, որպես որ դատվել է, ըստ օրենքների /Թվեր, ԻԷ 1-11, հողված ձԱ/:

ԳԼՈՒԽ ԺԶԲ

ՀԱՇՄ ԶԱՎԱԿՆԵՐԻ ՄԱՍԻՆ

Եթե պատահի, որ զավակը հաշմ լինի, այնպիսին, որպես թե ամբողջովին անմիտ է, այդպիսին ժառանգ չի համարվում, որովհետեւ ոչինչ չգիտի, որով հայրական ժառանգությունը գործի մեջ դնի եւ ի ծնե է այդպես պատահել: Իսկ եթե հետագայում ախտը բժշկելի դիտվի, թե առողջանա, այդժամ ժառանգորդ դառնա, իսկ եթե ոչ, ովքեր որ ժառանգներն են, նրանք էլ հանձն առնեն նրա խնամքը մինչ ի մահ:

Իսկ թե այլազգին լինի կույր կամ կաղ կամ այսահար, կամ բորոտ, որ ամբողջովին ապականված չլինի, կամ լինի անդամալույծ, բայց իմաստուն եւ նման այսպիսի դեպքերում, իրենց սպասավորներն ունենալով՝ կարող են հայրականը ժառանգել, նմաններին չզրկեն իրենց ժառանգությունից, իսկ նրանց վիճակը, որ նշվածին չի բավարարում, ապա մյուս ժառանգների կողմից խնամվեն մինչեւ մահ, ինպես որ ցույց տրվեց:

Իսկ օրենքների դատաստանից այս գիտենք, որ անարատներն էին

իրավունք ստանում Աստծո պաշտամուտի սեղանին նվեր մատուցել, իսկ արատավորները միայն հասարակութայն մեջ կարող էին զոհ մատուցել: Այսպես. անարատները հոգով եւ մարմնով մարդկանցից ընծա եւ ժառանգորդ էին լինում Աստծուն, իսկ արատավորները՝ մարդկանց ժառանգորդներ:

**ԳԼՈՒԽ ԾՁԳ
ԿՏԱԿՆԵՐԻ ՄԱՍԻՆ**

Եվ կտակն այնպես լինի, ինչպես կանոններն են ուսուցանում. իր հիվանդութայն երրորդ օրը հիվանդը կանչել տա քահանային եւ եկեղեցու ժառանգավորներին եւ երեք վկաների ներկայութայն կտակն անի, եւ ամեն բան հոգալու, թաղման եւ տան մասին խոսի, ըստ իր կամքի: Եվ եթե պատահի, որ նույն օրը մեռնի, կտակը հաստատուն լինի, մեզանում այնպես չէ իսկութայնը, ինչպես Մահմեդի չեղած իմաստուններն են ասում, թե՛ քառասուն օր, եթե հիվանդն ապրի, այդ ժամ միայն նրա կտակը հաստատվի...

Եվ եթե պատահի, որ հիվանդն առողջանա եւ կամենա կտակը փոխել՝ իշխանութայն ունի փոխելու, որովհետեւ կտակը ետմահու է հաստատվում, ինչպես որ առաքյալն է ասում. տես Եբրայեցի Թ 17/...Եվ կտակում ինչ մահից առաջ գրել էր, մահից հետո կատարեն: Եվ եթե փոխելու լինի կտակը, իշխանութայն ունենա ավելացնել եւ ոչ նվազեցնել:

Եվ արդ, այսպես է այդ դատաստանը:

**ԳԼՈՒԽ ԾՁԴ
ՄԵՌՆՈՂԻ ԽՈՍՔՆ ԸՆԴՈՒՆԵԼՈՒ
ԱՐԺԱՆԱՎՈՐ ԵՂԱՆԱԿԻ ՄԱՍԻՆ**

Եթե միասին այրը եւ կինը երկար ժամանակ են ապրել եւ որդիներ են ծնել եւ իրենց մեջ ստացվածքների զանազանութայն չկա, այս ինչքերի միաբանութայնից մեռելուց շահագուստները եւ այլն/ լինի: Իսկ եթե հայտնապես ստացվածքը /մեռնող/ կնոջն է՝ /մեռելուց ժառանգավորներին լինի: Եթե կինը ձեռնհաս լինի այրին մեռելուց փո-

խանցի, եթե ոչ, յուրայիններինը լինի, այդ ժամ ամուսնուն ժառանգութայն չլինի:

Եվ թե ամուլ կին պատահի եւ երկար ժամանակներ միասին ապրած լինեն, մեռելուց լինի ամուսնուն, իսկ ժառանգութայնից այրը մաս չունենա, այլ կնոջ կողմից ժառանգեն: Երբ քիչ ժամանակ է կին եղել եւ առանց ամուսնութայն մեռել է, յուրայինները ժառանգեն եւ ոչ թե ամուսինը: Իսկ եթե որդի եւ դուստր է ծնել, եթե նրանք կենդանի լինեն կամ մահացած, այդ ժամ մեռելուց լինի եւ ժառանգութայն մաս լինի ամուսնուն:

Եվ այդ նույն եղանակով եւ օրինակով լինի առաջին եւ երկրորդ ամուսնութայն պարագաներում:

Իսկ երբ այրն է մեռնում, ինչ որ ասվեց /կնոջ իրավիճակում/, այդ ամենը յուրայիններինը լինի:

...Ամուլ կնոջից այրը, բացի սակավ նշան մասից, ժառանգութայն չի առնում, սակայն ամուլ կինը, թեպետ եւ սակավ ժամանակ տղամարդու կինը եղած լինի, ամուսնուց ժառանգութայն է ստանում՝ տնտեսութայնը վարելու համար: Եվ երբ վաղ է մահանում ամուսինը եւ կինը կույս է մնացած լինում, ամուսնուց ժառանգութայն չի առնում, իսկ այն կինը, որ զավակներ է ծնել, եւ նրանք կենդանի լինեն, թե մեռած ժառանգութայն է առնում տղամարդուց, թեկուզ եւ երկար ժամանակ չեն միասին ապրել:

Մաշված հանդերձները /ժառանգութայն/ բաժանման ժամանակ յուրաքանչյուր կողմից էլ՝ չհիշատակվեն, հիշատակվեն միայն գործածականները: Այլ պարգեւները, որ միմյանց են արել, եթե մաշված լինեն, չհիշատակվեն, այլ /հիշատակվեն/ ոսկին եւ ինչ որ կայուն մնացած լինեն, իսկ զբանք էլ /կամ զբանց դիմաց/ իրավական դատաստանով վճարում լինի:

Եվ հարսանիքի ծախսերը չհիշատակվեն...

Բայց ինչ որ արժան է, իրավամբ տեսնեն դատավորները, ըստ իրավիճակի եւ պատահման եւ ըստ զավառի սովորութայն, որովհետեւ դատաստանները, որ դրեցինք՝ իրավացի կարծիքներով են: Ապա եթե /մեր նշածներից բացի/ արտաքին այլ ճշմարիտ իրավունքներ լինեն, դրանցով ուղղութայն վերհաստատել, եւ այդ ժամ մեզ սիրով ներեն՝ մեր պակաս տվածի պատճառով եւ կորովի տեսութայն թերին լրացնեն:

ԳԼՈՒԽ ԺՁԵ

ՎԱՃԱՌՔԻ ՄԵՋ ԿԱՏԱՐԱԾ ՎԱՃԱՌՈՂԻ ՆԵՆԳՈՒԹՅԱՆ ՄԱՍԻՆ

Եթե որեւէ մեկն իր արատավոր իրը վաճառի ընկերոջը եւ նենգութեամբ ուղարկելով նրան խաբի սուտ երդմամբ եւ ինքն իրեն գովի ընկերոջը գրկելու համար՝ նզովյալ լինի /Բարսեղի կանոններ, ՄԲ/:

Եվ որպեսզի նզովքի տակ չընկնեն այդպիսի վաճառողները, այս խոսքից իմանան դատաստանները:

Արատավորը տալ նշանակում է, թե՛ հարվածող լինել... դատաստանով վաճառողը վնասները վճարի: Իսկ եթե այլ ազգ լինի, ու պարծենա, եւ վկաներ լինեն, վաճառքը ետ դարձվի, եւ որքան որ արժան է՝ ուղղութիւն արվի:

Վաճառելիս վաճառողը իրի ամենայն թերութիւնն ասի /չնչավոր կենդանիներինը՝ նույնպես/...այդպես կանոնական նզովքից ազատվի, ապա թե ոչ՝ գողերի եւ հափշտակողների հետ ապաշխարութիւնը լինի:

ԳԼՈՒԽ ԺՁԶ

ՍՈՒՏ ՎԿԱՅՈՒԹՅՈՒՆ ՏՎՈՂՆԵՐԻ ՄԱՍԻՆ

Եթե մեկը գնա եւ սուտ վկայութիւն տա եւ նրա սուտ վկայութիւն պատճառով որեւէ մեկն ընկնի մահվան որոգայթի կամ գանահարութիւն տակ, նմանը հինգ տարիներ ունկնդիրների հետ անցկացնի, ապա մեկ տարի ձեռքի /հրամանի/ տակ, աղքատներին տուրքեր բաժանելով ապրի, հետո թող միայն արժանի լինի հարաբերվելու օրենքներին /Բարսեղի կանոններ/:

Այս դատաստանը, ըստ օրենքների դրեցինք եւ երկրորդեցինք այժմ կանոնական իրավունքներով: Ասում է՝ մահվան որոգայթ կամ գանահարութիւն եւ ոչ թե մեռնելու կամ տուգանքով ազատվելու մասին է խոսքը, իսկ այսպիսի օրինակների դատաստանն այսպես լինի՝ որքան որ վնասեց, այդքանը հատուցի եւ ըստ այնմ, որ խորհեց անել, այդպիսի դատ լինի եւ նրան տես Բ օրենք. ԺԹ, 15-19, հոգւած՝ ձԸ/:

Կամ, եթե այստեղ տրված վիճակներից դուրս է, ապա, թող ըստ կանոնների ապաշխարի:

ԳԼՈՒԽ ԺՁԷ

ԿՈՒՅՍԻ ԵՎ ԵՐԿԱԿԻ ՄԱՍԻՆ

Եթե մեկը կույս մնալ խոստացած լինի, իսկ հետո ամուսնանա եւ կինը մեռնի եւ կրկին հանդգնի ամուսնանալ, ապաշխարութիւնը երեք կին ունենալուն լինի, իսկ պսակող քահանան լուծարվի:...Այս ուսուցումը ներմամբ այսպես ծանուցվեցինք հայտնել, որ՝ երկուսին էլ /քահանային եւ ամուսնացողին/ ապաշխարութիւն լինի:

Եվ քահանան պարտավոր է այս կանոնը ուսուցանել, որպեսզի դատապարտութիւն չլինի՝ աչառութիւն անելու պատճառով:

ԳԼՈՒԽ ԺՁԸ

ԽՈՍՎԱԾ ԿԱՆԱՆՑ ՄԱՍԻՆ

Եվ եթե կինը խոսված է եւ հաստատված քահանայի կողմից եւ երկու կամ երեք վկաների մասնակցութեամբ, մի համարձակվիր նրան թողնել եւ այլ կին առնել, բացի պոռնկութեան եւ մարմնախախտի պատճառներից /Բարսեղի կանոններ, ՄԹ/:

Քանի որ խոսված կինը արդեն քահանայի եւ վկաների միջոցով երաշխավորված է, եւ միայն պոռնկութեան պատճառով իշխանութիւն կա նրան թողնել եւ նոր կին առնել, երբ նրա՝ փեսայի տանը չէր, որ հանցանքը գործեց: Եվ մարմնախախտի դեպքում, երբ կինը մարմնով ապականված է, վերքեր ունի անբժշկելի, եւ ըստ այդմ, ըստ բժշկութեան հույսի իշխանութիւն է թողնել, մեկ ուրիշ կին առնել կամ ոչ: Իսկ այլ պատճառներով արժան չէ խոսվածին թողնել:

ԳԼՈՒԽ ԺՁԹ

ԱՆՏԱԺԵՏ ԱՅՐԵՐԻ ԵՎ ԿԱՆԱՆՑ ՄԱՍԻՆ

Կինը կամ այրը եթե ցավազար լինի կամ ախտաժետ կամ արվագետ, իշխանութիւն չունենա ամուսնանալով անարգել պսակն օրհնութեան եւ եթե նմաններից որեւէ մեկն հանդգնի, ապա ինչքերի կեսը եկեղեցուն տա եւ երեք տարի ապաշխարի:

Եվ այս նաեւ ծնկախոս ունեցողներին է վերաբերվում, որպեսզի

նախ առողջանան եւ հոգեւորով պարապեն, նույնը վերաբերվում է արվագետներին ու անասնագետներին, որպեսզի չլինի պատճառ ապաշխարութեան մոռացման, այլ որպեսզի սահմանված ժամանակամիջոցում մաքրվեն:

ԳԼՈՒԽ ԾՂ

**ԴՈՂԵՐԻ ԵՎ ՊԻՍԱԿՆԵՐԻ, ԽՈՒԼԵՐԻ ԵՎ ՀԱՄՐԵՐԻ ՄԱՍԻՆ,
ԹԵ ԿԱՐՈ՞Ղ ԵՆ ԱՐԴՅՈՒՔ ԿԻՆ ԱՌՆԵԼ**

Եվ սրանց մասին դատաստանն այսպես է դրվում. ամուսնանալ կամ ո՛չ: Շնորհից մասին դրված կանոններից ուսուցանվեցինք /Հայրերին հետեւորդների կանոններ/, որ նրանց ծնունդները ախտակիր են լինում, այս բանի պատճառով նրանց արգելեցին ամուսնանալ, որպեսզի ախտը ծնունդների վրա չտարածվի: Արգելեցին եւ բորոտներին... Իսկ ախտավորներին ոչ միայն արգելեցին ամուսնանալ, այլեւ բանակ գնալ՝ տես Ղեւտացի, ԺԴ 46/:

Իսկ կաղը կարող է եւ ուսում ստանալ եւ ամուսնանալ, այս օրենքը ինչպես այրերի, նույնպես եւ կանանց համար լինի: Իսկ կույրի դեպքում, կույր կինը չամուսնանա, որովհետեւ չի կարող իր երեխաներին սնուցանել, իսկ այրը, եթե ժուժկալ է, կարող է ամուսնանալ... Իսկ խուլ կինը, թե ուշիմ լինի եւ որեւէ մեկն հավան լինի առնել, ամուսնանա, նույնը եւ այրի համար լինի: Իսկ համրը՝ որ ասուն չէ, այր լինի, թե կին՝ անասունների շարքին է դասվում, չամուսնացնել...

ԳԼՈՒԽ ԾՂԱ

ՈՉ ՔՐԻՒՍՏՈՆՅԱ ԽՈՍՎԱԾ ԿԱՆԱՆՑ ՄԱՍԻՆ

Եթե մեկի կողմից կնոջից խոսք է առնված, աղջկա նախքան եկեղեցի մտնելը, նրա չար գործերը, երբ հայտնի լինեն, այրն իշխանություն ունի նրան եւ առնել եւ՝ ո՛չ: Իսկ եթե արդեն եկեղեցի է մտել /գարձել քրիստոնյա/ իշխանություն արդեն չունի կնոջն արձակելու, իսկ եթե արձակի՝ անկին մնա եւ երեք տարի ապաշխարի /Բարսեղի կանոններ, ՄԺԱ/:

Այլ մի գլխում հրամայում է՝ Խոսվածին թողնել պոռնկութեան

պատճառով, իսկ այստեղ՝ եկեղեցի է մտել, թե ոչ: Սակայն եթե որդիներ անգամ ծնած լինի, արժան է թողնել պոռնկութեան պատճառով /Բարսեղի կանոններ, ՄԺ/, իսկ այստեղ՝ եկեղեցին պատվելու համար է: Ուստի, ուրեմն եկեղեցուց դուրս պսակն այստեղ նկատի չի առնվում:

Եվ եթե տղամարդու տնից չսկսվեց իր արատավոր վարքը եւ հետո էլ չզգաստացավ, եւ նույնը շարունակեց, ապա տղամարդը իշխանություն ունի նրան թողնել:

ԳԼՈՒԽ ԾՂԲ

**ՏՂԱ ԵՐԵՒԱՆԵՐԻՆ ՄԻՆՁ ՀԱՍՈՒՆԱՆԱԼԸ
ՊՍԱԿ ՉԱՆԵԼՈՒ ՄԱՍԻՆ**

Ոչ ոք չհամարձակվի տղա երեխաներին պսակել, մինչեւ նրանց հասունանալը, եւ եթե որեւէ մեկն հանդգնի, քահանայական պաշտոնից լուծարվի եւ... տուգանք տա եկեղեցուն, իսկ տղան, որ չափահաս է, ամուսնանա՝ ում հետ որ կամենա:

Եվ այլ կանոններում էլ ասվում է, թե՛ չպսակել, քանի դեռ տղան ու աղջիկը միմյանց չեն տեսել, որովհետեւ հայտնի չէ, թե միմյանց հետ կուղենա՞ն ամուսնանալ: Եվ նաեւ, եթե չեն հավանում միմյանց, հրամայվում է չամուսնացնել:

Ապա եթե այդպես լինի եւ չափահաս դառնալ չկամենա, որպես ապամա /հանցանք գործածի/ կարգին դասել մեղավորին եւ այդպես դատել: Այս դատաստանը հավանելի լինի Աստծո եկեղեցում:

ԳԼՈՒԽ ԾՂԳ

**ՆՐԱՆՑ ՄԱՍԻՆ, ՈՎՔԵՐ ՈՐ ՄԵԿ
ՄՈՐ ԿԱԹՈՎ ԵՆ ՍՆՎԵԼ**

Հարցում. Նրանք, որ մեկ մոր կաթով են սնվել, բայց օտար են միմյանց, երբ արդեն հասուն հասակում լինեն, արժա՞ն է նրանց ամուսնանալ, թե՛ ոչ:

Պատասխան. Արժան չէ, քանի որ ծնողը եւ ստնտուն նույնն են /Թադեոս առաքյալի կանոններ, է/:

Հարցում. Նա, որ ընկերոջ սահմաններն է հափշտակում, ի՞նչ դատաստան լինի:

Պատասխան. Ինչպես որ Մովսեսը գրեց Աստծո հրամանով՝ թո՛ղ նշույթով լինի եւ իր կյանքի մեջ եւ մահվան /Թաղեոս առաքյալի կանոններ, ԼԲ/:

Լսեն թող սահմաններ հափշտակողները եւ զարհուրեն, որովհետեւ դատաստանն Աստվածային է: Եվ եթե լինի հակառակություն անդատանների համար, վկաների միջոցով հարցը լուծվի, որովհետեւ այս ավելի հավաստի է կարծեմ, քան մեկ խաչն ու մեկ Ավետարանը հանելը /երգվելու համար/, որովհետեւ բազում խաբեություններ են լինում, եւ որովհետեւ երդումն էլ է, ըստ այդ օրինակի, որ չհրամայվեց անել:

ԳԼՈՒԽ ԾՂԵ
ԻՐԵՆՑ ԿԱՆԱՆՑ ԴՈՒՐՍ ԱՆՈՂՆԵՐԻ ՄԱՍԻՆ

Եթե մեկն իր կնոջը թողնի, որ իր որդիների մայրն է եւ թողնի առանց պոռնկություն կամ կախարհություն պատճառի եւ կամ առանց կնոջ մարմնական արատի եւ անի այն բանի համար, որ շնաբար է եւ աչք ունի ուրիշի վրա, դատաստանը այս լինի, որ որդիներն ու ամենայն ինչք, որ ունի, բաժանեն ըստ օրենքների: ... Բաժանման ժամանակ արքունի հարկն եւս տան: Եվ այրը, որ կնոջը թողեց՝ յոթ տարի ապաշխարի եւ եկեղեցուն հարյուր դրամ տուգանք վճարի / Մ. Թ. Մեկ դրամը մոտ չորս ու կես դրամ ոսկի է հաշվվել/ եթե ազատ է երեք հարյուր դրամ, իսկ եթե շինական՝ գանահարվի եւ հարյուր դրամ տա եկեղեցուն, օրհնության պահը խոտելի դարձնելու պատճառով: Ապա եթե այս պատիժներից եւ տուգանքներից հետո, եթե որեւէ կին հանդգնի այս կնաթողին կին լինել, երբ հայտնի է, որ թողել է առաջին կնոջը եւ մի տարի անցած չլինի այդ պատիժներից եւ տուգանքներից, հանդգնող կինն եւս մեկ տարվա աշխատանքի ծառայությունը՝ աղախնություն պատժվի, իսկ եթե ազատ է եւ չկամենա աղախնություն հարյուր դրամ տուգանք տալով պատժվի:

Եթե մեկը կին առնի եւ կինն ամուլ լինի եւ այրը նրան հեռացնի ամուլության պատճառով, այդքամ ինչ որ կինն իր հետ բերել էր ամուսնու տուն՝ թե աղախին, թե հանդերձ, թե անասուն, թե արծաթ, իշխանություն ունի այդ ամենը իր հետ վերցնել-գնալ: Եվ եթե ամուլությունից բացի այլ արատ կինը չունենա, այրը նաեւ տուգանք տա կնոջը՝ նրան անարգելու համար. թե ազատ է՝ հազար երկու հարյուր դրամ, թե շինական է՝ վեց հարյուր դրամ: Եվ ապա, երբ այս դատաստանների եւ տուգանքների մեջ լինեն եւ մի տարի անցած չլինի եւ որեւէ կին հանդգնի կնաթողին կին լինել, ապա այս կնոջը մեկ տարի աղախնության տան, իսկ եկեղեցուն էլ հարյուր դրամ տուգանք վերցնեն, որովհետեւ բուն ամուսնությունը իր պատճառով խոտելի եղավ եւ նրա պատճառով այրն իր առաջին կնոջը թողեց:

Իսկ եթե կինն ազատ է եւ չկամենա աղախնության գնալ՝ այդ բանի համար էլ հարյուր դրամ տուգանք տա, ըստ հարկին: Իսկ թե առաջնային խորհուրդն այրինն էր, թե իմը թողնեմ քեզ առնեմ եւ կամ պոռնկություն խայծով եղած լինի, ապա այրը հարյուր դրամ տուգանք տա եկեղեցուն եւ ապաշխարի՝ երեք տարիներ ունկնդիրների հետ եւ հավելյալ մեկ տարի՝ հսկող ձեռքի տակ, ապա մտնի եկեղեցի: Եվ ով իր որդիների մորը թողնի առանց պոռնկության կամ այլ արատի պատճառի, ապա այր եւ կնոջ պատիժ տուգանքը լինի եւ ըստ կանոնների ապաշխարություն իրականացվի /Շահապիվանի կանոններ, կանոն Ե/:

Եվ որպես որ կար, նույն դատաստանը մենք եւս դրեցինք եւ որոնք որ ըստ կանոնների էին՝ այդ եւս դրոշմեցինք, որպեսզի դատավորները յուրաքանչյուրին իր արարքի համեմատ արժանի դատաստան եւ ուղղությունը վճիռ հանեն: Եվ որովհետեւ մենք չափավորապես դատաստան դրեցինք յուրաքանչյուրին, ապաշխարությունը թողեցինք կանոններին:

Եվ այս եւս ծանուցանենք, որպեսզի իմանաս, որ ամենայն դատաստան, ուր որ ապաշխարություն է անհրաժեշտ, ապաստան թողեցինք կանոններին:

ԳԼՈՒԽ ԾՂԷ
ԻՐԵՆՑ ԱՅՐԵՐԻՆ ԹՈՂՆՈՂ ԿԱՆԱՆՑ ՄԱՍԻՆ

Եթե որեւէ կին իր այրից հեռանա, վերադարձնեն իր այրին... Իսկ եթե այրը չարաբարո լինի կամ պոռնիկ կամ հարբեցող եւ կամ խեղահան վիճակի այլ ինչ ունեցող, դանահարությամբ եւ խրատով կշտամբեն նրան եւ հնազանդեցնեն, հաշտեցնելով երկուսին: Եթե ազատ է՝ տուգանքներով եւ խրատներով այրին կարգի հրավիրեն: Եվ եթե այրը բարությամբ չըլի, կինն այդժամ նրան ծառայի /Շահապիվանի կանոններ, Զ/: Եվ թե ինչ պատճառներից ելնելով է, որ կինը կարող է իր այրից հեռանալ, այդ մասին տես հոգված ԺԲ-ում, որն էլ իրագործվելու է մեծ երկյուղով եւ /ամուսինների համար/ մեծ էլ վնասով: Նաեւ այս գլխով էլ կամեցանք կանոնական հրամանները եւ սրբերի խոսքը դնել, թե՛ անզգամ կնոջը հրամայվում է խրատել, ինչպես եւ անզգամ այրին: Եվ հայտնի արեցինք, թե մեր կամքը կանոններին հակառակ չէ եւ դատավորները կամք ունենան վերցնել այն ինչ, որ տվեցինք /ԺԲ-ում/, իսկ եթե ոչ, ապա թող հաստատուն մնան կանոնների մեջ:

ԳԼՈՒԽ ԾՂԸ
ՆՐԱ ՄԱՍԻՆ, ՈՐ ԱՌԵՎԱՆԳՎԱԾԻՆ Է ԱՌՆՈՒՄ

Նրանք, որ առեւանգվածին են առնում, կին դարձնում եւ ապա ետ են դարձնում ծնողներին, անարգելու փոխան տուգանք տան, եթե անարգողն ազատ է՝ հազար երկու հարյուր դրամ, թե շինական է՝ վեց հարյուր դրամ: Նրանք, ովքեր հրոսակության գնան, որպես օգնականներ սուտ փեսային, նրանցից յուրաքանչյուրը հարյուր դրամ /մեկ դրամը՝ 4,5 գ. ոսկի/ տուգանք տա, որի կեսն եկեղեցուն լինի, կեսը՝ կարոտյալներին: Իսկ եթե սուտ փեսան աղջկա հետ պոռնկացավ առանց պսակ դնելու, եկեղեցին տուգանք առնի նմանից, որովհետեւ օրհնությունն ապակ չընդունեց, ուրեմն, այդժամ ապաշխարության մեջ մնա երեք տարի: Իսկ եթե երեքը դադարի պսակ դրած լինի, առանց աղջկա ծնողների, երեքը չկարողանա քահանայությունը շարունակել եւ հարյուր դրամ տուգանք տա, որ բաշխեն կարոտյալներին, եւ պսակը, որ դրեց՝ անվավեր լինի: Իսկ եթե այս խոսվություններից եւ տուգանքները

ըից հետո դարձյալ աղջկա եւ նրա ծնողների կամքով հավանություն լինի, առաջ ավելի, քան պոռնկելը, պսակը մի՛ օրհնիր, այլ իբրեւ երկու կին ունեցածի՝ տյառնագրված ուռ դնեն նրանց գլխին, իսկ եթե կույս են մնացել, այդժամ միայն ըստ օրենքի օրհնվեն: Եվ թե ազատի, թե շինականի համար կանոնը նույնը լինի /Տես հոգված ԾԳ/:...Եվ ուսուցվեն եպիսկոպոսները, որպեսզի պոռնկացողների տուգանքները աղքատներին տան, որ է հրաման...

ԳԼՈՒԽ ԾՂԹ
ԱՎԱԳԵՐԵՑՆԵՐԻ ՄԱՍԻՆ

Քահանաները գահասիրությամբ չլինի թե միմյանց հակառակեն, որովհետեւ, ում որ Աստծո շնորհն ընտրեց նախ քահանայության համար, նա է ուրեմն նախագահը եկեղեցու / Ներսեսի... կանոններ, Ժ/: Եվ այս ասում է նրանց, որ առաջինը լինելու պատիվն են կամենում: Եվ ուղիղ դատաստանով է, որ առաջինն, եթե առաջադեմ է, օծվեց առաջին լինել, ապա եթե այլոց կողմից ընտրված չլինի, եպիսկոպոսի կամքով առաջին դարձնեն, որպեսզի բարեկարգությունը լցվի եկեղեցին, մանավանդ, այնպիսին ընտրել, որ հյուրասիրության կողմից վկայված անձ լինի:

ԳԼՈՒԽ Մ
ՔԱՀԱՆԱՆԵՐԻ ԵՎ ԺՈՂՈՎՐԴԻՑ
ԱՐՎՈՂ ՄՈՒՏՔԵՐԻ ՄԱՍԻՆ

Ժողովրդականներից որեւէ մեկը չհրապուրվի եկեղեցուն արված մուտքերն իր կամքով բաժանել, որ դառնում է խոսվության պատճառ, այլ պտուղներն ու այլ մուտքերը ժողովրդականները միաբանությունում եկեղեցուն հատուցեն ամենայն հոժարությամբ եւ անխափան եւ առանձին դասերի համար բաժին չպատրաստեն, վնաս է այդպես վարվելը: Եվ քահանաները սուրբ եկեղեցուն մատուցվածները բաժանեն հետեւյալ կարգով, որ եւ օրենք է. գլխավոր քահանային երկու եւ կես մաս տան, այլ քահանաներին՝ երկու մաս, սարկավագներին՝ մեկ-մեկ մաս, դպիրներին՝ կես մաս եւ այրի կանանց, եթե պարկեշտ են՝

մեկ մաս, առանց որեւէ հակառակության: Իսկ եթե մեկը լինի, որ հակառակի եւ խոտովություն անի, այնպիսին դատապարտյալ լինի իր կարգի կողմից եւ նրա ընկերները իշխանություն չունենան նմանի հետ հաղորդվել եւ ոչ էլ ժողովրդականները նրան իրենց որպես քահանա վերցնեն:

ԳԼՈՒԽ ՄԱ
ԵԿԵՂԵՑՈՒՆ ՍՊԱՍԱՎՈՐԵԼՈՒ ՄԱՍԻՆ

Պաշտոն վարելու եւ պատարագի պիտույքները եւ եկեղեցու սպասքները գլխավոր քահանայի տանը լինեն, որպես որ առաջուց կարգվել է /Սահակ Պարթևի կանոններ, ԺԸ/: Գլխավոր քահանան չհամարձակվի եկեղեցին թողնել իր տան գործերով պարապելու համար, այլ մշտնջենավոր եւ սուրբ եկեղեցում մնա, որովհետեւ պաշտոնն ու աղոթքները եւ ցերեկվա եւ գիշերվա ժամերի պիտի իրականացնի անխափան եւ տեսչությունը ժողովրդականների վրա չխափանի...Քահանաները միակամ լինեն օրհնել միաբանությամբ եւ միաբանությամբ հանել սուրբ եկեղեցուց /անարժանի/ /Ներսեսի կանոններ, ԺԴ/:

Բարեկարգությամբ ցույց տրվեց հասու դատաստանները եւ սպասավորությունը քահանաների՝ սուրբ կանոններով, նրան, ով կամենում է ճշմարտությամբ լինել քահանայության գործում, ապա եթե ոչ, անպարտ են դատաստանները եկեղեցու եւ հեղգացածներից սպասավորությունը վերցնեն:

ԳԼՈՒԽ ՄԲ
ՎԱՆՔԵՐԻ ԵՎ ՆՐԱՆՑ ԵԿԵՂԵՑԻՆԵՐԻ ՄԱՍԻՆ

Հակառակություններ են լինում աշխարհական քահանաների եւ վանքերի քահանաների միջեւ: Այս առումով հարկ է խորհրդածել սուրբ Սահակի կանոնների համաձայն /Սահակի կանոններ, ԼԶ -ԽԲ/, թե որքան գեղեցիկ եւ ըստ արժանավոր կարգի է բաժանում վանքերը եւ եկեղեցիները, որ աշխարհում են, եւ պարտականությունների, եւ իրավունքների եւ տոների մասին հրահանգում, որ այժմ շփոթված եւ ապականված է ամեն բան՝ այդ զրվածքներից հեռանալու պատճառով:

ուով: Այն բանի համար լուսինք այսպիսի դատաստանների վերաբերյալ, որովհետեւ սրբերի խոսքերից չեն պատկառում, որքա՞ն առավել մեր խոսքից /չեն պատկառելու/: Եվ եթե այս առնչությամբ որեւէ մեկը դատաստան անել կամենա, նրանց է արժան վարել /ըստ Սահակի կանոնների/ եւ ոչ այլազգիներին:

ԳԼՈՒԽ ՄԳ
ՆՆՋԵՑՅԱԼՆԵՐԻ ՀԻՇՍԱԿԻ ՄԱՍԻՆ

Ննջեցյալների հիշատակը նրանց ընտանիքներում կատարելու համար, ըստ քրիստոնեական կարգի օրենքների, հրամայեցին սուրբ հայրերը, դրանք կատարել ի մխիթարություն ննջեցյալների հոգիների հանգստյան, եւ կամ քառասունքն ու ազապին նրանց հանգստյան, կամ հոգու տուրքերը, որ հրամայել է վախճանվածը, այս արարողությունները իշխանություն չլինի այլ եկեղեցիների կամ այլ կրոնավորների կողմից անել, այլ այդ գյուղի երեցն ու վանականները իրականացնեն, որովհետեւ այդ կարգերը նրանց կամ իրենց տան երեցին է հասնում կատարել, քանի որ այդտեղ է ննջեցյալը սուրբ ավագանի շնորհներով վերստին ծնվել, պսակվել, կենաց հացով կերակրվել, ուստի եւ այդտեղից էլ, հուղարկավորվելով՝ առ Աստված երթա:

Իսկ այն ժամանակ, երբ իր /ննջեցյալի/ եկեղեցու հարկավոր բաները կատարյալ հատուցեն, եւ /ընտանիքում/ կամենան ավելորդ այլ բաներ էլ այլ եկեղեցիների կամ կրոնավորների, կամ աղքատների տալ, ապա համարձակություն ունենան այդպես անելու /Պարտավի կանոններ, ԺԸ/:

Այս դատաստանը ուղղիղ է, որ նախ իր /ննջեցյալի/ եկեղեցու հարկավոր բաները տալուց հետո է միայն, այլոց կամ այլ կրոնավորների տալը: Կամ եթե պատահի, որ անձեռնհասության պատճառով եւ կամ հեռավորների հանդեպ հույսի համար հարկավորը տրվի /այլոց/, ապա այդ լինի տան երեցի հավանությամբ եւ տեղավայրի վանքի առաջնորդի հրամանով, նախ սրանց ըստ կարողության շահելով, եւ այդժամ ներելի են եւ այլ ձեռնարկումները, իհարկե, երբ դրանք չլինեն տեղավայրի /եկեղեցուն/ արհամարհելու հետեւանք:

ԳԼՈՒԽ ՄԴ
ԲԱՆԱԴՐԱՆՔԻ ՄԱՍԻՆ

Եթե ժողովրդականներից մեկը տարբեր սխալների պատճառով բանադրված լինի եպիսկոպոսներից, եւ այդպէս թե մեռնի, քահանան նրան թող չթաղի եւ եթե բանադրվածը երեխա լինի՝ նրան չմկրտի: Իսկ եթե այդպիսիին երեխա հասնի եւ կամ մեռել ունենա, ապա քահանան մկրտի երեխային եւ թաղի մեռելին եւ այլ կարգերը կատարի, սակայն բանադրանքի պնդութիւնը թողնելով չլուծարված /Պարտավի կանոններ, ԺԹ/: Իրեն՝ բանադրվածին հրամայում է չթաղել, եթե մեռնի, կամ եթե երեխա է՝ չմկրտել, սակայն տան մեջ եղած մեռելին թաղել եւ երեխային մկրտելը՝ հրաման է: Ուրեմն բանադրվածի տան մեջ գտնվողները ազատ են բանադրանքից եւ դրա հետեւանքներից:

ԳԼՈՒԽ ՄԵ
ԵԿԵՂԵՑԻ ՓԱԿՈՂՆԵՐԻ ՄԱՍԻՆ

Քորեպիսկոպոսները իշխանութիւն չունենան աստվածային աղոթքի ժամը խափանել, որեւէ մի հանցանքի համար, նման մեղք գործողները կբանադրվեն /Պարտավի կանոններ, ԻԱ/: Կարծվում է, թե այլ հանցանքների պատճառով հրամայվում է եկեղեցին փակել, սակայն ասվում է, որ որեւէ մի հանցանքի համար ոչ թե փակել եկեղեցին, այլ սաստել հանցավոր սպասավորներին, եթե նրանք փակել կամենան եկեղեցին կամ առանց հրամանի այդ եկեղեցուն հակառակ մի եկեղեցի կառուցեն... Նույն սաստը դրվում է նաեւ գյուղական ավագանու վրա՝ հանդերձ նպոլքներով:

ԳԼՈՒԽ ՄԶ
ԳԵՐԻ ՏԱՐՎԱԾ ԱՅՐԵՐԻ ԵՎ ԿԱՆԱՅ ՄԱՍԻՆ

Եվ մեր մեղքերի պատճառով, բազում այրեր եւ կանայք, երբ գերութեան մեջ էին, նրանց ամուսիններն այստեղ առանց վարդապետների հրամանների իրենց համար կանայք առան եւ կանայք այլ այրերինը եղան: Այդպիսիների համար այսպէս սահմանեցինք: Մինչ գու-

գակիցը գերութեան մեջ է, նա, ով յոթ տարուց ավելի վաղ այլ մեկին առնի, այնպիսիին պոռնկութիւն գործող համարեն եւ նմանները գան ու իրենց պատուհասը կրեն ինքնակամ եւ նրանց ինչքերից եւ ստացվածներին առնեն ու աղքատներին տան եւ նոր զուգավորվածներին գատեն միմյանցից եւ նրանք ապաշխարեն յոթ տարի: Եվ յոթ տարուց հետո, եթե նրանց ամուսինները դառնան գերութիւնից, յուրաքանչյուր ոք իր ամուսնուն առնի, ապա եթե չդառնան, այդժամ կարող են առնել նրան, ում առել էին: Իսկ նրանք, որ յոթ տարուց հետո վերադառնան, ամուսնանան այլ կանանց ու այրերի հետ, սակայն կրկնակի ամուսնութեան պատճառով՝ ապաշխարութիւն լինի: Իսկ նա, որ համբերեց յոթ տարի եւ ավելին, ուրիշին առնի՝ առանց տուգանքի եւ պատուհասի, սակայն կրկնակի ամուսնութեան համար՝ նրանց վրա ապաշխարութիւն լինի: Նույնպէս եւ նրանք, ովքեր յոթ տարի հետո գերութիւնից դառնան, եթե կամենան, այլ կին առնեն կամ այլ այր առնեն, եւ նույնպէս, կրկնակի ամուսնութեան համար՝ նրանց վրա ապաշխարութիւն լինի:

Այս իսկ վերցրած է վերջին կանոնների հրամանների համաձայն, որ մենք չափավորապէս, ըստ զանազանութեան, դրեցինք մեր /գրքում/:

ԳԼՈՒԽ ՄԷ
ԵԿԵՂԵՑՈՒ ԺԱՌԱՆԳԱՎՈՐՆԵՐԻ ՄԱՍԻՆ

Որեւէ այր կամ կին, որ սուրբ եկեղեցուց է, եթե անորդի մեռնի, ապա, երբ իր կենդանութեան օրոք իշխանութիւն ունեւ ամենայն ինչի, իր անցնելուց հետոյի համար իշխանութիւն չունենա մերձավորներից հեռացնել հողը, ջուրը եւ ժողովուրդը: Եվ եթե մերձավորները բազում են եւ կամենա նրանցից մեկից որդի վերցնել, իշխանութիւն ունենա վերցնելու...: Իսկ եթե որդեգիրներից քահանայութեան ձեռնադրի՝ կամ գյուղի վկայութեամբ կամ անձից ելնելով, որին դեռ քահանայութիւն չէր հասնում, այդժամ ինքը կես շնորհով մնա իր պաշտոնին եւ իր ձեռնադրված լինելու պատճառով հարկերից ազատ լինի: Իսկ մյուս կես-շնորհի հողն ու ջուրը սուրբ եկեղեցու ծառայողներին թողնի: Եվ մեռյալ քահանայի եւ նրա կնոջ ամենայն շնորհները ողջ եկեղեցու ծառայողներինը լինեն, որովհետեւ չի վայելում սուրբ եկե-

ղեցու ժառանգությունը ծառայողներից հեռացնել եւ տալ հեռավորներին եւ օտարներին: Բայց եթե ծառայողների կամավոր համաձայնությունը լինի, շնորհները /հող, ջուր/ մեռնողը կարող է թողնել մի շինականի, որը սուրբ եկեղեցու ուխտից լինի, որ թեպետ հեռավորներից էլ լինի, իշխանություն ունենա նրան մերձավորեցնել: Իսկ եթե գյուղը կամենա երեցի ժառանգությունը վերցնել, ապա իմանան, որ երեցի ժառանգությունը սուրբ աթոռինն է, եւ որին որ /սուրբ աթոռի/ վարդապետը կամենա ժառանգորդ դարձնել՝ իշխանություն ունի այդ անել: Եվ այս սահմանադրությունը Հերակլի եւ Խոսրովի կողմից դրված լինելով, այժմ էլ լինի: ...Եվ նրանց /Հերակլի եւ Խոսրովի/ ժամանակից մինչեւ այժմ եւ հավիտյան՝ այս գիրը հաստատուն մնա, եւ ոչ ոք այս սահմաններից չանցնի /Դունայի կանոններ, Ը/:

Տեսնենք եւ այս հոգեւոր դատաստանը, որովհետեւ իշխանություն ունի յուրայիններին տալ՝ ում որ կամենա, իսկ եկեղեցու ծառայողներից չհեռացնել, իսկ եթե պատահի, որ տա հեռավոր ծառայողներին կամ օտարների, որոնցից որդեգիր վերցրեց, եւ նա /որդեգիրը/ քահանայացավ, ապա պատվիրի, որ իր մերձավոր ծառայողների հետ լինի, եւ եթե պատահի, որ մերձավորներից կամենան քահանայանալ, թող քահանայանան, ապա թե ոչ, առաջնորդը երեցությունը օտարին տալու իշխանություն ունի, որը, սակայն, քահանայություն տնից է, որպես սուրբ եկեղեցու ժառանգորդ:

Այս բաների մասին հավելում անելը անհրաժեշտ էր, որովհետեւ ոչ միայն ժառանգավորները, որ հանվում են եկեղեցու /պաշտոնից եւ սուրբ աթոռի կողմից է այդ ուղղությունն անելը/, այլեւ պատահում են ծառայողներ, որ անարժան են լինում, եթե քահանա լինեն կամ ոչ, որովհետեւ իշխանություն է քահանաներից արժանավորին /երեց/ կարգել: Եվ այդ ըստ ճշմարտության է:

ԳԼՈՒԽ ՄԸ
ՔԱՀԱՆԱՆԵՐԻ ԱԶԱՏՆԵՐ ԼԻՆԵԼՈՒ ՄԱՍԻՆ

Ազատները, երբ իրենց համար մարդ են բաժանում, չարակամության հոլովույթով վերցնում են եկեղեցու մանուկներին եւ փափագում նրանց ծառա դարձնել եւ ստրկության կարգի մեջ պահել, արարք, որ

անվայել է քրիստոնյաների համար: Որովհետեւ երիցս երանելի Տրդատ թագավորը սուրբ եկեղեցու ժառանգությունը այլ ազատների տների դասին է կարգել, եւ ազատներ էին որդիները սուրբ եկեղեցու, ազատ էին նրանց հողն ու ջուրը: Եվ Պարսից թագավորության ժամանակում, թեպետ եւ հարկ էին վերցնում, բայց դիվանի տանն հայտնի էր եկեղեցու որդիների ազատությունը եւ չէին խառնվում շինականների գործերին, բացի արքունիքին հարկ առնել տալուց:

Արդ, եթե որեւէ մեկը ազահոլությամբ աչք դնի եկեղեցու ազատ մանուկների վրա եւ ծառայության բաժնի եւ վիճակի մեջ գցի նրանց, այնպիսին մեր ժողովի օրհնությունից հեռու լինի եւ վարդապետն ու քահանան իշխանություն չունեն այդպիսիին պատարագներին օրհնել: Այլեւ ոմանք Ողիայի ախտով են վարակվում /Բ Մնացորդ. ԻԶ/, եւ ըստ յուրաքանչյուրն իր կամքի եւ ձեւի՝ բաժանում են սուրբ եկեղեցու շնորհները եւ որպես կամենում են, մատակարարում են, եւ վարդապետի հրամանին եւ օրենքներին ուշադրություն չեն դարձնում, այդպիսիները նույնպես մեր օրհնությունից հեռու լինեն, նրանք, որ հանդգնեն այդպիսի բաներ գործել /Դունայի կանոններ, Թ/:

Լսեն թող ազատները, որովհետեւ այսպես են լուծվում ուղիղ եւ կանոնական դատաստանները:

ԳԼՈՒԽ ՄԹ
ՎԱՆՔԵՐԻ ՄԱՍԻՆ

Տանուտերից եւ ազատներից ոմանք վանքերի վրա իշխանություն են սահմանում եւ վանականներից ում կամենան՝ հանում են, ում կամենան՝ նշանակում, եւ այդ անում են՝ ժլատությունից ելնելով: Այլ կան նրանցից ոմանք էլ, որ վանքերում են նստում, որպես թե տանը հաց չունեն ուտելու եւ Աստծո եկեղեցին են արհամարհում իրենց անպատկառ անամոթությամբ: Այդպիսիներն եթե ուղղության գան եւ թողնեն, որ եպիսկոպոսները ուղղությամբ տեսչություն անեն սրբերի լույսով եւ պաշտամունքներն ու դպրոցը կարգավորեն, այնպիսիներին մեղքերի թողության շնորհում լինի եւ ժողովի մեջ օրհնյալ լինեն: Եվ ժողովրդով, եւ օրհնությամբ, եւ պտղաբերությամբ, եւ ուխտադրությամբ ընթանան եւ աղոթեն վանքի համար, որպես որ պարտավոր է՝

իրենց հայրերի վաստակների եւ աղոթքների նման լինելով, բայց ժա-
տանալով որեւէ մեկին պաշտոնից հանելու իշխանություն չունենան:
Ապա եթե որեւէ բանում հակառակ մնան իրենց հայրերի հրամաննե-
րին, եւ մեր պատվերներին, այդպիսիք մեր օրհնությունից հետո մնան
եւ սուրբ վկաներից հատուցումն ստանան /Դունայի կանոններ, Ժ/:

Որպես որ գրված է, սրանց համար վրեժխնդրություն լինի ազգի
մեջ եւ հանդիմանություն լինի ժողովրդի կողմից /Միքիա, Ե 14.../:

ԳԼՈՒԽ ՄԺ
ՏԿԱՐԱՆՈՅՆԵՐԻ ՄԱՍԻՆ

Ոմանք տկարանոցներից իշխանություն են վերապահում հարկեր
գանձել եւ հագուստ, կերակուր ու ըմպելիք են պահանջում բռնու-
թյամբ եւ իրենց գործակալներին էլ են այդ ամեն անօրենության վրա
գումարում եւ կոռուվ կամ հսկողությամբ նեղում են եւ ողորմելի եղ-
բայրներին, այդպես, չարչարում են՝ անխղճաբար, որոնց առավել հար-
կավոր էր դարձանել, երբ ամենայն քրիստոնյաներն են պարտավոր վի-
րակապել նրանց վերքերը /Դունայի կանոններ, ԺԱ/։ Արդ եթե որեւէ
մեկը հանդգնի ինչքեր վերցնել տկարանոցներից, անողորմ դատաս-
տանով պիտի դատել նրանց, քանի որ իրենք ողորմություն չեն անում:

ԳԼՈՒԽ ՄԺԱ
ԲՈՆՈՒԹՅԱՄԲ ՎԱՆՔԵՐՈՒՄ ԻՋԵՎԱՆՈՂՆԵՐԻ ՄԱՍԻՆ

Ոմանք՝ ազատներից, որ հեծյալ են, եւ գյուղերի մոտ հասնելով,
ուր վանքեր կան, փոխանակ գյուղերում իջեւանելու, իրենց կանան-
ցով ու նաժիշտներով իջեւանում են վանքերում, այդպես ոտքի կո-
խան անելով սուրբ հայրերի կանոնները եւ, գուսաններ վարձելով սր-
բության եւ պաշտամունքի վայրերում, ընթրիք են անում, բան, որ
սոսկալի է քրիստոնյաների համար լսելն անգամ, ուր մնաց տեսնել
նման անօրենություն: Արդ, վերում գրված կանոնները լսելով, այդպի-
սիների հետ այդպես՝ ըստ կանոնների խոսեն վանքերի երեցները. եթե
լսող լինեն եւ գնան գյուղերն իջեւանեն՝ բարի վարված կլինեն, ապա
եթե անհնազանդության մեջ մնան, այդպիսիները եւ մեր օրհնու-

թյուններից հետո լինեն եւ սրբերի վրեժխնդրությանն արժանանան:
Որովհետեւ վանքերը սրբերի հանգստարան են կոչվում եւ օթեւան
եպիսկոպոսների, քահանաների, աբեղաների եւ աղքատների համար:
Եվ ազատները, եւ կանայք, եւ հեծյալները հարկ է, որ մեծ երկյուղով
պարտավորված աղոթեն եւ հաղորդվեն պաշտամունքներին, որպես որ
վայել է Աստծո Տանը /Դունայի կանոններ, ԺԲ/:

Այս առնչությամբ օրենսդրական դատաստանները հայտնի են
ամենքին էլ:

ԳԼՈՒԽ ՄԺԲ

ԱՅՆ ՄԱՍԻՆ, ԹԵ ՔԱՆԻ ՍԵՐՈՒՆԴ /ՉԱՐՄ, ԱԶԳ/ ՀԵՌԱՎՈՐՈՒ-
ԹՅԱՆ ԴԵՊՔՈՒՄ ԿԱՐՈՂ ԵՆ ՊՍԱԿՎԵԼ ՄԻՄՅԱՆՑ ՀԵՏ

Որովհետեւ բոլոր մեր աթոռակիցներին հարկ եղավ գրել նույն
նյութի շուրջ, Որմիզդի որդի Խոսրովի տերության տասներորդ տա-
րում, եւ այժմ սրբությունդ պահելու համար հարկադրվեցինք /քեզ
համար էլ/ գրել՝ պինդ պահելու համար պատվերը Սուրբ Հոգու, որ
եղավ ձեռքով Օրենքների եւ Մարգարեների, որոնք առաքելական կա-
նոններով հաստատեցին նաեւ սուրբ եւ ուղղափառ վարդապետները:
Որպեսզի առավելագույնս զգուշանանք մերձավորների, որոնք ազ-
գակցությամբ մոտ են. անիծյալ ամուսնությունից, որոնք այնքա՛ն են
կործանաբեր այդ չարության պատճառով, քանի որ այդպիսիք ոչ
միայն խառնակություն են գործում տոհմածառի հաշվի մեջ, այլեւ
ազահություն, որ ամենայն չարի արմատն է /Ա Տիմոթեոս, Զ 10/
ասում է առաքյալը, Անաստված են հեթանոսների օրենքները... որով-
հետեւ երբ բերանն Աստվածային անիծում է այն մարդկանց, որոնք
փոխում են իրենց ընկերոջ դրած սահմանները /Բ Օրենք, ԺԹ 14/
ապա Արարչի բոլորին տրված սահմաններն ու պատվերները ոտնա-
կոխ անողներն ու բռնատիրոջները, բոլոր արհամարողները, մեծ բար-
կուրթյամբ պիտի դատվեն: Եվ հնուց հայտնի է, որ ըստ ելքի, Աստված
այսպես ասաց. թե եզիպտացիների եւ քանանացիների կրոններով մի՛
ընթացեք, Ե՛ս եմ ձեր Տեր Աստվածը: Եվ խայտառակություն անվա-
նեց մերձավորների /խառնակման/ անկողիները /Ղեւտ, ԺԸ 6-18/
որով ամբարիշտներն էին ընթանում: Աստված Հրաժարեցրեց առաջին

ազգակցից, ապա երկրորդից եւ հասավ այնտեղ, որ մենք խորթ ենք կոչուած եւ ասում է, մի գուգակցվիր, որովհետեւ մեկ մորից է, քույր է: Նաեւ ասաց՝ քո որդին քո կնոջ դստեր /խորթ դստեր/ ամոթուլքը չբանա: Նույն օրենքը վերաբերվում է հորաքույրերին ու մորաքույրերին, նաեւ նրանց երեխաներին...

Ապա վերնագուլին է նշանակում, քան այս, որ մեզանում երրորդ զարմ է կարծվում, ասելով՝ ամոթուլքը քո դստեր որդու, քո դստեր՝ դստեր մի բանա: Բայց չլինի թե, որեւէ մեկը ասվածը կարծի թե միայն ծնողին է վերաբերվում, այլ նաեւ նրանց, որ ծնողի արյունակիցներն են՝ մինչեւ չորրորդ զարմ, որովհետեւ չկա եղբայր, առանց հոր կամ քրոջ, այլ եթե հորաքրոջ կամ մորաքրոջ որդի է, այդժամ էլ է նույն ազգակցութիւնը, նույն է նաեւ նրանց որդիների համար: Որովհետեւ, երբ առաջին, երկրորդ կամ երրորդ զարմ են ասում, եղբորորդիների կամ այլոց համար միմյանց հանդեպ առաջին զարմ են, եւ երկրորդը, եւ երրորդը, եւ քառորդը նույնպէս ազգ / զարմ/ են ասում: Եվ մեծ աստվածային Օրենքներն ուսուցանում են, թե նրանք միմյանց ամոթուլքը չբացեն եւ դստեր դստերը եւ դստեր որդուն՝ մի՛ առնիր /Ղեւտացի, ԺԸ 15/: Եվ այս օրինակն է ցուցանվում. Որպէս թե մեկի որդին մեռել է եւ նույն այրը մեկ այլ կնոջից որդի է ունեցել եւ նրա /առաջին/ կինը ամուսնանալով այլ այրի հետ՝ դուստր է ծնել: Այս որդին եւ դուստրը ամուսնանալ չեն կարող, այդ, քանի որ անբարշտութիւն գործել կլինի... Իսկ Սուրբ Հոգին Օվսե Մարգարեի միջոցով ամենայն չարաչար մեղքերը փոքր համարեց /արյան խառնման/ հանցանքի հանդեպ... որովհետեւ ճշմարտութիւնը հեռանում է /մարդկանցից/ եւ դատաստան է Աստծո մնում աշխարհի բնակիչների վրա, եւ ողորմութեան, եւ Աստծո գիտութեան փոխարեն՝ երկրի վրա իշխում են անեծքներն ու ստութիւնը, գողութիւնն ու շնութիւնը, եւ սպանութիւնը, որոնք հեղեղված են երկրի վրա: Իսկ ավելի ամբարշտութիւնն ու կսկծալի մեղք է, երբ արյունը արյանն են խառնում, որ ազգականների ամուսնութիւնն է: Եվ հատուցմանն այդ հանցանքի, պատմվում է, որ երկրին սուգ է պատում եւ նվազում են ամենայն բնակիչները, անգամ գազաններն անապատի, նվազում են եւ սողունները, եւ թռչուններն երկնքի, որովհետեւ ոչ ոք չկար, որ հանդիմաներ կամ դատեր /այդ անօրենութիւնը/: Եվ այդպիսիների վերաբերյալ է Բանն հանդիմանութեան եւ

դատաստանի, որ ձեզ հավատացվեց, վստահորեն հենվի՛ր այդ խոսքին եւ դատապարտի՛ր: Եվ եթե արյունը արյանը թույլ չտաս խառնեն, մինչեւ այն զարմը, երբ արյան մերձավորութիւնն սպառվի, այդժամ արդարութեամբ կատարյալ՝ կզարդարես քո վիճակը: Իսկ Սուրբ Հոգուն ընդդեմ հանդգնողների եւ այս Բանի դեմ պատերազմել սիրողների համար կանոնի խոսքն է դրված, որ երանելի հայրերին Քրիստոսով է տրվել ու հաստատվել, նրա, որ մինչեւ այժմ արդարութիւնը որպէս անշեջ արեգակ է պահում:

Ավանդի՛ր ուրեմն այս, որ արյան մերձավորութեան սպառման սկիզբը հինգերորդ զարմին նախորդողն է... քանի որ անասունների բնութեան մեջ էին սովոր ընկնել, նրանց համար ողորմութիւն արարվեց սահմանումներով մեղմացնող, բայց ամենալավը բուն /Օրենքներով ու կանոններով/ է, որին տեղյակ է քո սրբութիւնը:

Ամենայն կանոններով դրանց մասին սահմաններ դրվեց, իսկ լիովին սահմանները մենք վերցրեցինք Օրենքից եւ Մարգարեներից: Եվ մեզ համար սրանցով քննելի է դառնում, թե ո՞ր հավելվածն եղավ ըստ Նորի՝ կանոնների ձեռքով: Քանզի Օրենքն հրաժարեցրեց հոր, մոր, մոր դստեր ամոթուլքները ի հայտ անել... Իսկ կանոնները հրամայում են նաեւ, թե՛ մի տուր խորթերին միմյանց եւ չլինի թե նրանց ամոթուլքից ծնունդներ լինեն՝ մինչեւ երրորդ զարմը, ապա խորթ ծնողներից ծնվածները մինչեւ որդիների թողան որդիները, որոնցով լինում է հինգերորդ զարմ, այդժամ կարելի է ամուսնութիւն թույլ տալ:

Իսկ միմյանց խորթերի եւ խորթակիցների համար հրամայում է մինչեւ երրորդ զարմը, հայտնի է, որ երրորդ զարմ ասելով՝ չորրորդին ի նկատի ունի, քանի որ խորթ ծնողներից ծնվածների համար՝ մինչեւ որդին է երրորդ ասում, այդժամ խորթերը լինում են չորրորդ, իսկ ծնողները՝ հինգերորդ: Եվ այս ասում է այսպէս՝ եթե պատահի, որ մեկը խորթ լինի եւ մեկը ծնողներից խորթ, եւ կամ խորթ ծնողներից եւ չորրորդը լինեն, եւ ծնողները հինգերորդը, ապա այդժամ ամուսնանան:

Օրենքները հորաքրոջն ու մորաքրոջն են հիշում, իսկ կանոնները նրանց ծնունդներին եւ ծնունդը եղբոր մոր եւ այլոց, որոնց միապէս հրաժարեցնում է: Խորթերից եւ թոռներից, որ որդուց են կամ դուստրից եւ եղբորից ծնունդ, կանոնները եւ օրենքները միօրինակ հրաժարեցնում են ամուսնանալ:

ԳԼՈՒԽ ՄԺԳ
ԴԱՐՁՅԱԼ ՆՈՒՅՆ ԽՈՐՀՐԴԻ ՄԱՍԻՆ

Գիտենք, որ կանոնները հրամայում են, թե՛ ո՛չ ոք իշխանություն չունենա խնամություն անել մինչև չորրորդ եւ հինգերորդ զարմը: Նույնն օրենքներն են ասում. երբ երրորդ ծնունդի հարազատությունը հրամայում է չառնել, նշանակում է՝ չորրորդին հրամայում է առնել, սակայն, որն առնում է, ինքը լինում է հինգերորդ: Եվ այս ամենայն ընտանիքներին է պարտավոր իմանալ, որ այս էր չորրորդն ու հինգերորդը...

Եվ դարձյալ, խոնարհագույն մի բան ասենք, որ չորրորդ զարմը /ծնունդը/ մեկ կողմի համար է ասում, իսկ եթե մյուս կողմին մեկ ծնունդ պակաս լինի՝ վերստին կարելի է... Երրորդին հրաման չի տալիս, չորրորդն է առնում, հինգերորդը առնողն է: Նույնն է եւ ըստ կանոնների: Եվ որքան մեկ կողմից է, մյուսինը եթե նույնն է, այդ առավելություն է:

Եվ արդ, ըստ օրենքների եւ կանոնների այսպես ամուսնանան նրանք, ովքեր թե եղբայրների ծնունդ են եւ թե այլոց, հիշենք, որ որպես առաջին զարմ՝ ծնողները հաշվի մեջ չեն մտնում, այլ իրենցից է հաշվվում չորրորդ եւ հինգերորդ զարմերը:

...Եվ եթե պատահի, որ հինգ զարմ լինի արյան հեռավորությունը՝ բարի է. եւ որքան որ մեկ կողմում է, մյուսում եւս նույնը լինի՝ առավելություն է: Ապա, եթե ոչ, այնպես լինի, ինչպես որ ցուցանվեց:

Եվ եթե երեք մեկ կողմից լինի, երկուսը մեկ, այս եւս լինելի է, որովհետեւ, որպես որ օրենքները հրամայեցին՝ չորրորդն առնի հինգերորդին, որ երբ առնի, մնում է որպես երրորդ: Նույնը լինի նրանց որդիների համար էլ, որովհետեւ հեռավորության նույն օրինակով պիտի դիտվի:

Նույնպես, եթե երեք մեկ կողմից լինի եւ երեք մյուս կողմից, ամուսնանալով՝ չորրորդ զարմն է լինում, գույզն իսկ դառնալով հինգերորդ զարմ:

Այսպես. ամեն խնամություն ըստ այս ցուցումների լինի՝ առնվազն երեք կամ չորս զարմի տարբերությամբ: Բայց հինգերորդ զարմի հեռավորություն լինի միայն քահանաների համար, իսկ չորրորդը բոլոր աշխարհականներին:

Իսկ եթե երեք մեկ կողմից է, մեկ՝ մյուս, լինելի է նման ամուսնությունը: Նույնպես, երբ երկու մեկ կողմից է, երկու՝ մյուս, կրկին լինելի է: Եթե որեւէ մեկն հանդգնի խախտել, ապա ապաշխարությունը ուղղության բերվի:

...Միայն չլինեն կաշառքներով կուրացածներ, հայտնի է, որ օրենքները վրեժխնդիր են նմանների նկատմամբ եւ որքան որ ձեռքերը լի լինեն կաշառքով, այնքան սաստիկ դատաստանով պիտի հատուցում ստանան:

ԳԼՈՒԽ ՄԺԴ
ԽՈՐՏԱԿՎԱԾ ՆԱՎԻ ՄԱՍԻՆ

Խորտակվող նավը մերձակայքում գտնվող քաղաքի օգնությամբ փրկվի, որովհետեւ որ նախկինում վայելում էր նավի բերած օգուտներից, իսկ օտար նավի դեպքում նրանից ավար առնելը՝ դատաստանի է ենթակա: Եվ եթե ձրի կամենան փրկել, այդ դեպքում, /փրկվածները/ որքան հնարավոր է, այդքան վարձ տան, նաեւ օրենքի մասին խորհրդածելով եւ այն խորհուրդը նկատի ունենալով, որ ասում է՝ ընկած գրաստը հասցնել իր տիրոջը /Բ Օրենք, ԻԲ 1-4/: Այլ ազահությունների եւ հափշտակումների համար կամ ավարը թափելու դեպքում այսպիսի դատաստան լինի, տասանորդ կամ մեկին հինգ վճար տրվի:

Եվ այս մասին սակավ դատաստան դրեցինք, որովհետեւ հռոմեացիները իրավունքների դեմ խստորեն են գործում նման հարցերում, եւ որ չլինի թե մեր ավագները /ավագակությունը/ ծովին տիրանան:

ԳԼՈՒԽ ՄԺԵ
ԽԱԲԵԲԱՆԵՐԻ ՄԱՍԻՆ

Եվ բազում են նրանք, որ խաբեբայություններով շրջում են սուրբ եկեղեցու եւ վանքերի անվան տակ եւ շատերին են պատրանքների մեջ գցում, երբ դյուրին է հսկողություն սահմանել չարի պատրվակների վրա, քանզի սրանք սովոր են ընծայական թղթեր առնել եւ այլ ձեռք ստանալ կեղծավորությամբ: Արդ, երբ պատահի, իշխելով հսկել սրանց վրա եւ գտնել խաբեբությունը, եւ այլ մի եկեղեցու անունով սրանց ժողոված ինչքերը առնել եւ թե կարողանաս, յուրաքանչյուր

եկեղեցու առաքիր այն, որոնցից խաբեբաները վերցրել են: Եվ թե այս հնարավոր չլինի, հավաքվածը ուղարկիր եպիսկոպոսներին կամ նրանց փոխարինողներին: Եթե /խաբեբայության/ դրդապատճառը եկեղեցի կառուցելը լինի եւ գումարը բավական լինի, կառուցեն, իսկ եթե բավական չլինի, օգտագործեն եկեղեցու պետքերի համար: Եթե դրդապատճառը գերությունն է եղել, գումարի օգտագործումը այդ առումով վարել: Եվ ըստ այն օրինակի լինի, եթե դրդապատճառները այլ լինեն:

ԳԼՈՒԽ ՄԺԶ
ՆՈՐ ԳՅՈՒՂ ԿԱՌՈՒՑՈՂՆԵՐԻ ՄԱՍԻՆ

Եվ երբ նոր գյուղ սարքեք, արժան չէ առանց բավականաչափ բնակչության հավաքվելու հողի եւ ջրի եւ այլ այսպիսի բաների սահմանների հաստատուն բաժանումն անել, եւ երբ բնակիչներն հավաքվեն, այդժամ բաժանումն հաստատեն:

Իսկ եթե ավերակ գյուղ է վերակառուցվում եւ շատ հին չէ, ապա, յուրաքանչյուրին անդաստանի սահմաններ հատկացնելուց առաջ, դիտել արդեն եղած սահմանները եւ ըստ առաջին բնակիչների դրած սահմանների, բաժանումն անել: Իսկ եթե վերակառուցվող գյուղը հին ժամանակների է եւ անդաստանների բաժանման սահմանները չեն երեւում, եւ տերերի փոփոխություն է եղել, ապա նոր բաժանումը հավասարադատությամբ անել՝ նախ եկեղեցունը եւ ապա մյուսներինը, իսկ նրան, ով որ գյուղի գլխավորը լինի՝ մի մաս ավելի տալ, այն բանի համար, որ հոգում է մյուսներին էլ:

ԳԼՈՒԽ ՄԺԷ
ՆՐԱՆՑ ՄԱՍԻՆ, ՈՎՔԵՐ ՄԵՏԱՔՍ ԿԱՄ ԱՅԼ
ԻՆՉՔ ԵՆ ԳՆՈՒՄ ՈՒ ԾԱԽՈՒՄ

Վաճառքներն այն ժամանակ հաստատվեն, երբ վաճառողի մերձավորները համաձայնվեն, որ մերձավորների կամքով եւս լինի:

Ըստ այս բանի, եթե հայրը վաճառի, պարտավոր է իր որդիներին եւ դուստրերին կամքը հարցնել, համաձայնություն առնել եւ նաեւ եղ-

բայրների, որոնք ժառանգներ են: Նույնը լինի, երբ որդիները վաճառեն՝ հոր, եղբայրների եւ քույրերի կամքն հարցնեն: Ապա եթե մերձավորների կամքի համաձայնությունն առանց ստանալու վաճառեն, իշխանություն լինի թե վաճառքը, թե գրավը ետ վերադարձնել: Եվ երբ միասին, գրով, վկաներով վաճառեն եւ աղքատության պատճառով եթե լինի, եւ սահմանով, որ վաճառողը դնի կամ, ինչպես որ նախօրոք ցույց տրվեց /տես հոդվածներ՝ Ղ, ՂԱ/, եւ եթե փոշմանեն, ապա իշխանություն ունեն վաճառածը վերադարձնել, իսկ եթե անպատճառ լինի վաճառելը, այդժամ հաստատուն լինի:

Արդ այդպես, արժանվույն կամ վերադարձնեն, կամ հավանության արժանացնեն: Իսկ հաստատության գիրը եպիսկոպոսի կամ ճշմարիտ դատավորի նշանով /կնիքով/ լինի... Եվ թեպետ գիրն այլոց ձեռքով գրեն, սակայն եպիսկոպոսի եւ ճշմարիտ դատավորի ձեռքով վաճառքի գրերն հաստատվեն, նրանց նշաններով, որպես որ թագավորական տներում են անում, գիրը գրում են, սակայն հաստատում արքունի կնիքով: Նույն կերպ էլ՝ այստեղ լինի:

ԳԼՈՒԽ ՄԺԸ
ԱՅՆ ՄԱՍԻՆ, ԹԵ ՏՆԻՑ ԻՆՉ ԲԱԺԻՆ Է ՀԱՄՆՈՒՄ ՀԱՐՍԻՆ

Եվ երբ եղբայրները միմյանցից բաժանվեն, նախ հարսների բաժինները առանձնացնեն՝ յուրաքանչյուրինը իրեն հատկացնելով, ապա սկսեն բաժանել հայրական ժառանգության իրենց հասանելիքը: Իսկ եթե եղբայրների կողմից մյուսի բաժնից ինչ չափով որ ծախված լինի, ապա ամբողջությունը վերականգնի, քանի որ յուրաքանչյուրն իր բաժնի տերն է: Այս հասարակ դատաստանն է խորհուրդ տրվում քաղաքակիրթ աշխարհում:

ԳԼՈՒԽ ՄԺԹ
ՆՐԱՆՑ ՄԱՍԻՆ, ՈՐ ԾԱՌԻՑ ԿԱՄ
ԵԿԵՂԵՑՈՒՑ ՎԱՅՐ ԵՆ ԸՆԿՆՈՒՄ

Ծառից ընկնելով մեռածի մասին էիր հարցրել: Եվ կամ ծառից կախված-խեղդվածի: Մեղանչում չունեն տնկիները, որովհետեւ անչունչ են

եւ անզգա եւ ոչնչով չհեղան նրանց մահվան պատճառը, որ իբր այդպես պատահեր: Այլ եթե վերցնեն օրենքները Մովսեսի, որտեղ Աստված անասունների մասին ասում է՝ եթե նրանց մեջ պղծության ոգուց բռնվածներ լինեն՝ անասնազես մարդկանց մարմիններից վարակված, նրանց կաթից մի՛ կերեք, եւ եթե այլազգիի կենդանի լինի եւ անասունին քարկոծ անեն, միսը թող չները ուտեն /Ելք, ԻԲ 31/: Նույնպես եւ երբ եղջերավոր անասունները հարվածեն մարդուն եւ մարդը մեռնի, նրա միսը մի՛ կերեք /Ելք, ԻԱ 28/: Ոչ այն բանի համար, որ մեղավոր է, այլ որովհետեւ մեղքերով պղծության եւ սպանության անոթ եղավ:

Ըստ այս օրինակին հետեւելով՝ այդ տունը կտրում են, որպեսզի նրա պտղից չուտեն, բայց եթե նրա արմատից այլ մեկը բուսնի եւ պտուղ տա՝ այդժամ անխորական ուտեն /Դավիթ Սլավկա որդու կանոններ, ՂԶ/:

Ըստ օրենքների, նույն հավաստումները նույնպես եւ եկեղեցին է ընդունել:

Այլ, երբ մեկն եկեղեցուց վայր ընկնի եւ մեռնի եւ կամ խոնարհված եկեղեցուց քար ընկնի մեկի գլխին ու սպանի, անվնաս է եկեղեցին եւ նրա մեջ պատարագ մատուցվի, որպես որ Տերն է կամենում /Ղուկ. Գ 12- 13/: Եվ նման դեպքում, պատահարի օրերին, եկեղեցին, ինչպես մայրն իր մահացած ծնունդների վրա, սուգ պահի եւ այս, որպես որ կամենան, այդպես անեն:

ԳԼՈՒԽ ՄԻ

ԳՈՂԵՐԻՆ ՓԱՅՏԻ ՎՐԱ ՀԱՆԵԼՈՎ՝ ՄԱՀԱՊԱՏԺԻ ՄԱՍԻՆ

Գողերին փայտի վրա հանելով մահապատժի մասին էիբ հարցրել: Եթե այլազգի լինի եւ կամ քրիստոնյա եւ քրիստոնյային հրամայեն փայտի վրա հանել՝ մահապատժի: Եթե հնար ունենա, քրիստոնյան թող խույս տա այդ տեղից, ապա թե ոչ՝ դրամ տալով ազատվի: Իսկ եթե այդ բաները չօգնեն, ապա տերերի հրամանը հարկադրաբար պարտավոր է կատարել, եւ ոչ թե առավելությամբ, որպես որ Հովհաննեսն է հրամայում զինվորներին, թե ձեզ հրամայվածից ավելին մի՛ արեք, քանզի Աստված սրտերին է նայում, իսկ մարդն՝ երեսին, որպես որ հրամայեց Տերը Սամվելին:

ԳԼՈՒԽ ՄԻԱ

ԱՅՆ ԿԵՆԴԱՆԻՆԵՐԻ ՄԱՍԻՆ, ՈՐ ՄԱՐԴ ԵՆ ՍՊԱՆՈՒՄ

Եթե մարդը ջորի ունենա, որ խումար լինի եւ կամ ձի ունենա, որ աքացի է տալիս կամ մարդակեր է, ինչպես որ Ալեքսանդրի ձին է եղել, կամ հարվածող եզ ունենա, եւ մարդն իմանա այդ մասին եւ ազգակիցներն էլ ցույց տան կենդանու բերած վնասները, եւ մարդն անհոգ մնա եւ չհնազանդվի նրանց՝ անելու որպես արժան էր, եւ կենդանին, որ կծի կամ խփի մեկին եւ նա մահանա, նրա տերը մահապարտ է, իսկ անասունն՝ սպանվի: Իսկ եթե տերը չգիտեր, որ իր անասունը այդպիսին է, անպարտ է դատաստանում: Եթե անասունը անսուրբ լինի՝ ձի կամ ջորի, կամ թե էջ, մեռածի տիրոջը տան, որպեսզի իրենց պետքերը հոգալու համար ծախեն /Դավիթ Սլավկա որդու կանոններ/, սակայն պատճառը հայտնեն ու նոր վաճառեն:

Եվ այս դատաստանը մի ժամանակ դրվել է, ըստ օրենքների /Դավիթ Սլավկա որդու կանոններ, ԽԲ/ եւ այդ կանոնները վերստին հաստատել կամեցանք, մասամբ ավելացնելով /Մ.Թ. Խոսքն արյան գինը տալու, խեղած անդամի համար վճարելու, բժշկության ծախսերի, խրատի պատժի եւ ապաշխարության մասին է, որոնց դատաստանների մասին հրահանգված են Դատաստանագրքում/:

ԳԼՈՒԽ ՄԻԲ

ԱՅՆ ՄԱՍԻՆ, ԵՐԲ ՄԵԿԸ ՄԱՐԴՈՒ ՃԱՆԱՊԱՐՀ Է

ՈՒՂԱՐԿՈՒՄ ԵՎ ՆԱ ՄԵՌՆՈՒՄ Է

Երբ մեկը մեկ ուրիշի ճանապարհ է ուղարկում, այս առումով բազում օրինակներ կան, որ պիտի տեսնվի խղճի եւ անխղճության տեսակետից: Որովհետեւ կան ոմանք, որ մշակության գործին են կարգված իրենց տերերի կողմից, կան, որ՝ այգեգործության, կան, որ՝ զինվորության, այլոք էլ՝ այլ գործերի, որպես որ մեր հասարակության կյանքի համար օրենքով պատրաստված է: Սրանք, եթե իրենց գործի ժամանակ մահվան որոգայթի հանդիպեն, նրանց տերերը անպարտ են մնում, մահավանդ նրանք, ովքեր պատրաստվածության պատվերը նախօրոք են կատարել իրենց առաքած ենթակաների համար: Իսկ եթե մեր հասար-

րակական միաբանություն սիրո եւ խաղաղության ընդդեմ տերերը հրամայեն ծառաներին գործել եւ այնտեղ նրանցից որեւէ մեկի մահը լինի, կամ սպանություն, նրա տերը մահապարտ է: Դարձյալ. եթե մեկը ծանուցանի տիրոջը սպասվող վնասի մասին, եւ տերը անհոգ մնա եւ ծառաներին անպատրաստ ուղարկի գործի, եւ մահ լինի, այնժամ ուղարկողը արյան պարտական է: Դատաստանը լինի ըստ համապատասխան կանոնների:

**ԳԼՈՒԽ ՄԻԳ
ՄԱՆՈՒԿԵՐՐԻՆ ՈՒՍՈՒՅԱՆՈՂՆԵՐԻ ՄԱՍԻՆ**

Ըստ կանոնների հրամանի, հարկ չէ երեխաներին վարձով ուսուցանել: Եթե երեխաները որբ լինեն, ըստ անհրաժեշտության ամենայն խնամք տանեն նրանց վրա: Իսկ եթե որբ չեն, ապա երեխաների յուրայինները միայն նրանց ուտելիքի եւ հագուստի համար հոգան: Իսկ եթե /ծնողները/ կարողություն ունենան եւ իրենց իսկ հոժարությունը ուսուցանողներին ընծաներ տան, արժանի է, որովհետեւ արժան է հոգեւորը սերմանողներին մարմնավորը հնձել, իսկ եթե ծնողներն աղքատ են, նրանցից ընծա չի պահանջվում: Այլ եթե որեւէ մեկն հակառակի, նման արարքի դատաստանը այսպես է՝ ուսուցանողը մանկան վրա ինչ որ ծախսել է, այդ միայն հատուցվի եւ ոչ հոգեւոր շնորհների համար /Դավիթ Սլավկա որդու կանոններ/: Նման հարցերի համար դատավորների մոտ գնալը հոգեւորապես արժան է:

**ԳԼՈՒԽ ՄԻԴ
ՀԱՐԲԵՑՈՂՈՒԹՅԱՆ ՄԱՍԻՆ**

Եվ հարբեցողությունից շատերն են անգիտանում առաջնորդների դրած սահմանների եւ եկեղեցու սպասավորության մեջ: Արդ, հարկ է սահման դնել նրանց համար: Հարբեցումը, ըստ ստուգաբանության, մարմնի հագեցումն է, իսկ ժայթքումը /փսխելը/ բազում անգամ է մարմնին պատահում: Իսկ եթե սահմանը հարբեցողության հագեցումն է, ապա սահմանը ոչ հարբելու՝ անհագեցումն

է: Որ դարձյալ նշան է, թե հարբեցողությունը մարմնավորի եւ բանականի միջեւ տարուբերումն է: /Մ. Թ. Սուրբ Հայրերի կանոններում հարբեցողների մասին նաեւ այսպիսի մի կանոն կա, որ նրանք դատվելու են մարդասպանների կարգում, Իսկ Տերն Ավետարանում, նկատի ունենալով իր հանկարծակի գալուստը, զգուշացնում է, որ եթե իր ծառաներին գտնի ուտել-խմելու մեջ, իրենց սուրբ ծառայական վարքից ընկած, ապա՝ մեջտեղից երկու կես է անելու/:

**ԳԼՈՒԽ ՄԻԵ
ԵԿԵՂԵՑՈՒ ԿԱՐԳԵՐԻ ԵՎ ԹԱԳԱՎՈՐԻ ՏԱՆ ՄԱՍԻՆ**

Ի՞նչ գործի է մարդուն Աստվածապաշտությունը ծանուցում: Այն, որ արժան է մարդուն քննել իր պաշտոնակիցներին, նրանց նայելով ջանալ լինել մաքուր եւ զվարթ եւ այդպես հասու դառնալով, ապա մոտենալ եկեղեցու եւ թագավորների կարգերին: Եվ ահա, ինչպես հայտնի է, երկու արարծներ եղան բանավոր եւ խորհրդածոց՝ հրեշտակներն ու մարդիկ, մեկը պարզ եւ անխառն բնությունից, իսկ մյուսը շատերից գոյացված: Եվ Մովսեսն ի սկզբանե հրեշտակների մասին չգրեց, այլ պատմեց մարդկանց մասին, ասելով. Աստված մարդուն երկրի հողից ստեղծեց եւ նրա երեսին, կենդանության շունչ փչեց եւ եղավ մարդը հոգի կենդանի /Մնունդ, Բ 7/: Ապուշները, այսինքն՝ տգետները կարծում են, թե Աստված իր բերանով եւ այլ գործերով վարվեց /մարդ ստեղծելիս/ եւ անբովանդակելին զգայությունների մեջ բովանդակեց, այլ հայտնի է, որ՝ փչելով կենդանացրեց եւ հոգիացրեց: Նույնպես եւ դիտի՛ր հողը երկրի, եւ ոչ մեկին հայտնի չէ հողը, /թե ինչ է/, այլ բովանդակ է չորս բնություն ունենալով՝ ցամաքն ու խոնավը, ջերմությունն ու սառնությունը՝ հողմի հետ խառն: Որպես որ բժիշկ մանուկներն են բաժանում՝ հողի ցամաքությունից /մարդու/ ոսկորները, խոնավության ջրերից՝ մարմինը եւ ջրից՝ երակների արյունը, ցրտության հողմից՝ շնչառությունը, որ հրի ջերմությամբ խառնվում են այդ ամենքով իրար: Այլ նաեւ մարմինը արականի եւ իգականի են բաժանում՝ միսն ու մորթը՝ իգական է ասելով: Իսկ այս ամենի մասին Մովսեսը ոչինչ չասաց եւ չա-

սաց նաեւ Հրեշտակների բնության մասին, սակայն այդ ամենը կան:

Իսկ արդ՝ անե՞ղ են /հրեշտակները/ կամ ինքնե՞ղ / իրե՞նք իրենց ստեղծեցին/ կամ ավելի՞ առաջ էին, քան արարածների ստեղծվելը, որի մասին նույնպես Մովսեսը չասաց, թե՛ Աստված արարեց հրեշտակներին, այլ ասաց, թե՛ հրամայեց սերովբեներին՝ բոցեղեն սրով պահպանել ճանապարհը կենաց ծառի: Թե այդ այդպես է, ապա պարտավոր ենք իմանալ եւ նույնը ջրի մասին, որովհետեւ ասաց. ի սկզբանե Աստված արարեց երկինքն ու երկիրը եւ չասաց, թե ջուրը, այլ ասաց, թե՛ երկիրն էր աներեւույթ ու անգարգ եւ Աստծո չորհրդով շրջվում էր ջրերի վրա /Մնուշու, Ա 1-2/:

Այլ իմանալի է մեզ ասելը, թե մինչեւ Աստված արարեց երկինքն ու երկիրը, նրանց հետ արարեց նաեւ երկնքի ամենայն գորությունները, նաեւ ջուրը, նաեւ՝ քարը, եւ ամենայն ինչ, որով երկիրն էր, որովհետեւ երկիրը միայն ընդհանրական հող բառով է ասում, ըստ եբրայեցիների բարբառի: Նույնպես եւ ջրերը, ուրեմն, երկրի հետ արարվեցին, որպես որ 'Դավիթն է ասում՝ Նրանն է ծովը եւ Նա արարեց նրան եւ ցամաքը՝ նրա ձեռքերով ստեղծվեցին: Եվ երկնի հրեշտակների արարվելու մասին ասում է՝ ո՞վ արարեց հրեշտակներին իր Հոգով եւ պաշտոնյաներին իր կրակի բոցից /Սաղմոս, ՃԳ 4/: Բայց Մովսեսը, այսպես, ծածկաբար, ոչ միայն հրեշտակների դասերը չհայտնեց, այլեւ նրանց անգամ ի սկզբանե չհիշեց, այլ հետո ասաց, որ եկան Աբրահամի մոտ եւ նաեւ թե՛ հրեշտակը Հագարին գտավ անապատում եւ դարձյալ ասում է՝ հրեշտակները Սողոմ եկան: Եվ նրանց կերպարանքի մասին այլ բան չասաց, քան, որ նրանք երեւացին այրերի տեսքով: Եվ ոչ միայն սրանց, այլ քերովբեների եւ սերովբեների կերպարանքների մասին ոչինչ չասաց: Իսկ Հակոբն իր տեսիլքի մեջ տեսած հրեշտակների կերպարանքի մասին ասում է այնպես, ինչպես Ակյուղասն է ցուցանում, եւ ասում է՝ տեսնում էր մի սանդուղք, որ հաստատված էր երկրի վրա եւ որի գլուխը հասնում էր երկինք եւ թեւավոր մարդկանց բազմությունը այդ սանդուղքով ելնում էր ու իջնում: Թվում է ինձ, թե յոթանասուն էին... եւ այդքանն իսկ բավական համարելով՝ կերպարանքները չեն հիշում:

Նույնը լսում ենք քերովբեների մասին, որոնց կերպարանքը նոճու փայտից շինեց Սողոմոնը եւ ոսկով պատեց եւ դրեց տաճարում, եւ

Մովսեսը, որպես վկայություն տապանակին հովանի՝ ոսկուց կոփած երկու երկթեւ քերովբեներ դրեց: Նաեւ Սողոմոնը տաճարում քերովբեները պատկերել տվեց առյուծների, եզների հետ միասին: Նաեւ կառքի նմանվող անիվներ պատկերել տվեց, եւ մարդու ուսի նմանությունամբ ձուլածո պատկերներ եւ ընդհանուր քանդակի վրա, շուրջանակի, միմյանց դիմաց կանգնած քերովբեներ, առյուծներ եւ արմավենիներ: Եվ ստույգ քերովբեների դասերի մասին չեն խոսում, այլ միայն նմանությունն են պատկերում...

Իսկ Միքիան երկնքի գորքերի մասին ասում է, որ հավաքվել էին Աստծո աթոռի շուրջ եւ ոչ նրանց դասի թիվը եւ ոչ էլ անուններն է անվանում: Բայց Եսային անվանում է սերովբեներին, որոնք վեցթեւյան էին եւ փառաբանում էին Արարչին: Իսկ Եզեկիելը այլ դասերի մասին է հայտնում, անվանելով նրանց չորս կերպարանքներ եւ չորս թեւեր ունեցողներ եւ նրա հայտնածը նման է մեքենավթյան տաճարում պատկերվածին, բայց այնտեղի արմավենիների փոխարեն, այստեղ արծիվներ են, եւ թեպետ նույն խորհուրդն է հիշեցնում, բայց արտահայտման կերպով տարբերվում է: Եզեկիելը տեսնում է նաեւ անիվներ, սայլեր, եւ ոչ մեքենավթյան տաճարինի նման, այլ՝ անիվն անիվի մեջ, նորոգ եւ հրաշալի /Եզեկիել, Ժ 10/: Այս այլ դաս է ինձ թվում, որովհետեւ անիվներն անձնականացնում է, որովհետեւ կենդանի ոգի կա նրանց մեջ: Եվ այլ դասերի մասին էլ է ասում, որ բազմաթիվ աչքեր ունեն եւ մեկ այլ տեղ՝ քերովբեների մեջտեղում կրակ կար բորբոքված...:

Թեպետ այս ամենի մասին ասացին մարգարեները, սակայն ծածկատեսություններ եւ ոչ յուրաքանչյուր դասի մասին հայտնապես: Նաեւ Ավետարանի Տերը /Ավետարանում/ այլ բան չհայտնեց, բացի միայն հրեշտակների գնդերից /Մատթեոս, ԻԶ 53: Հովհաննես, Ա 51/:

Բայց սուրբ առաքյալ Հուդան պարզ եւ հայտնի ցույց է տալիս մեզ յոթ դասեր՝ յուրաքանչյուր դասին անվանելով՝ Հրեշտակներ, Հրեշտակապետեր, Իշխանություններ, Տերություններ, Սերովբեներ, Քերովբեներ, Պետություններ /Թուղթ Հուդայի/:

Իսկ սուրբ Դիոնեսիոս Արիսպագացին՝ պարծանքն աթենացիների, Պողոս առաքյալի աշակերտն ու հետեւորդը, ինը դասերի մասին ասաց եւ թվեց ինը դասերն ստուգություններ եւ այսպիսի կարգավորու-

թյամբ, որից եւ մենք ուսանելով, պատմենք քեզ՝ Հարցասիրությանդ բավարարելով.

Ներքին դասերը հրեշտակների, սրանք են պատգամավորներ եւ հրամանատարներ, որոնք փառաբանում էին՝ փառք բարձունքներին Աստծո, եւ որը /փառաբանությունը/ հովիվները լսեցին /Ղուկաս, Բ 14/:

Երկրորդ դասը հրեշտակատերինն է եւ նրանց փառաբանությունն այս է՝ Տե՛ր, ողորմի՛ր քո արարածներին, որ Ձաքարիասը լսեց /երբ հարցրեց թե/. մինչեւ ե՞րբ չպիտի ողորմես Երուսաղեմին եւ Հուդայի քաղաքներին /Ձաքարիա, Ա 12/:

Երրորդ դասը իշխանություններինն է, նրանք են, որոնք Աստծո իշխանությունն են փառաբանում, ասելով՝ հեթանոսներին տվեց քեզ, որպես ժառանգություն եւ քեզ իշխանություն տվեց երկրի բոլոր ծագերի վրա /Սաղմոս, Բ 8/:

Չորրորդ դասը Չորություններինն է, նրանք են, որոնք Աստծո զորություններին են փառաբանողներ, ասելով. Տերը Հզոր է պատերազմում /Սաղմոս, ԻԲ 9/:

Հինգերորդ դասն Աթոռինն է, նրանք են, որոնք փառաբանողներն են Աստծո Աթոռի, ասելով՝ Աթոռը Քո, Աստված, Հավիտյանս Հավիտենից է /Սաղմոս, ԽԴ 8, Եբբ. Ա 8/:

Վեցերորդ դասը Պետությանն է, նրանք են, որոնք փառաբանում են քահանայությանն Աստծո, ասելով՝ Դո՛ւ ես քահանա Հավիտյան /Սաղմոս, ձԹ 4/:

Յոթերորդ դասը՝ Տերությանն է, այդ նրանք են, որոնք փառաբանում են Տերությունն Աստծո, ասելով՝ Արքայությունը Քո Արքայություն է Հավիտենից /Սաղմոս, ձՊԽԴ 13/:

Ութերորդ դասը՝ Սերովբեներն են, այդ նրանք են, որոնք հրեղեն բերաններով սուրբ երրորդությանն են փառաբանում, որոնց լսեց Եսայի մարգարեն, որ ասում էին՝ սու՛րբ, սու՛րբ, սու՛րբ /Եսայի, Զ- 3, Հայտն. Հովհաննեսի, Դ 8/:

Իններորդ դասը Քերովբեներն են, որոնք գովում են մեծությունն Աստծո, ասելով՝ Տե՛ր զորությունների, լի՛ են երկիրք ու երկիրը փառքով Քո /Եսայի, Զ 3/:

...եվ արդ ինչ երկնային դասերի մասին էր հարկ իմանալ, այսչափը բավական լինի:

Իսկ եկեղեցին, որպես հարս մի գեղեցիկ, որ պահպանվում է՝ ըստ իր մեծ փեսայի՝ Թագավորի որդու եւ իր սենյակն է ստեղծում կարգավորությամբ, որպեսզի արքունական կարգերի նմանագույն միջոցներով հարդարի այն, որպես պատիվը Թագավորի որդու: Նույնպես եւ երկնային եկեղեցու դասերին Թագավորն իր ընտանության նմանությամբ կարգեց՝ ինը թվով դասեր, քանզի խորանին ծառայող ղեկավարների եւ պաշտոնյաների ինը դաս ենք տեսնում, որովհետեւ ամենքը մեկ բանում արժանավոր չէին ծառայել, այլ ըստ իրենց արժանավորության չափով միայն սպասավորության իրավունք ստացան:

Առաջին դաս՝ Մովսեսն ու Ահարոնը եւ նրա որդիները /Թիվ, Գ 19, 27/:

Երրորդը՝ գուևդը Ամրամի /Թիվ, Գ 19, 27/:

Չորրորդը՝ գուևդը Քերովնի:

Հինգերորդը՝ գուևդը Ոզիելի:

Վեցերորդը՝ դասը Ռուբենի /Ծնունդ, ԽԶ 9/:

Յոթերորդը՝ դասը Սեմեի /Թիվ, Գ 21...:

Ութերորդը՝ գուևդը Մոողի /Թիվ, Գ 20, 33/:

Իններորդը՝ գուևդը Մոուսայի:

... Սուրբ Հոգու պարգեւները առաքյալը հիշատակում է նույնպես ինը կարգերի՝ իմաստնության խոսք, գիտության խոսք, հավատ, բժշկության շնորհներ, զորությունների մեջ հաջողության, մարգարեություն, հոգիների զանազանություն, ազգերի լեզուների իմացության շնորհ, լեզուների թարգմանության:

Դարձյալ Պողոս առաքյալը ցույց է տալիս եկեղեցու ինը դասերը, ասելով. Նրանց, որ Աստված կարգեց եկեղեցում. սրանք են.

- Նախ՝ առաքյալներ,
- Երկրորդ՝ մարգարեներ,
- Երրորդ՝ վարդապետներ,
- Չորրորդ՝ զորություններ,
- Հինգերորդ՝ բժշկության շնորհներ,
- Վեցերորդ՝ օգնություններ,
- Յոթերորդ՝ վարչության,
- Ութերորդ՝ լեզուներ խոսելու,
- Իններորդ՝ լեզուների թարգմանության,

Որոնք եկեղեցում սրանք են՝

Առաջին դասը՝ եկեղեցու պատրիարքն է, որ հայրապետ է թարգմանվում, նրան է տրվում չորս ավետարանիչների աթոռը:

Եվ արդ, տես խորհուրդների գորությունը, որովհետեւ Հովհաննեսի Հայտնություն եւ Եզեկիելի մարգարեություն մեջ նշված չորս կենդանիների փոխարեն՝ չորս ավետարանիչներին է նշանակում: Այսպես: Մատթեոս նշանակում է Մարդու դեմք: Որովհետեւ, որպես մարդ ծնվեց Հիսուս՝ Բեթղեհեմից:

Մարկոս՝ նշանակում է առյուծի դեմք, քանզի նա է ասում, թե ելավ Քրիստոսը Հորդանանից՝ որպես առյուծ: Եվ Սատանային նույնպես առյուծ է ասում, նրա գազանություն եւ մյուս կենդանիներին հոշոտելու պատճառով: Իսկ մեր Փրկչին առյուծ է անվանում՝ իր գորության եւ բոլոր կենդանիների վրա թագավորելու համար: Նույն բանն է Մարկոսն ասում՝ Ելավ Քրիստոսը Հորդանանից, ինչպես առյուծ: Այսինքն՝ ելավ թագավորելու:

Ղուկաս՝ նշանակում է՝ եզի դեմք, որովհետեւ նա է ասում, որ Քրիստոսը աշխարհի փոխարեն մորթվեց:

Իսկ Հովհաննեսը՝ արծվի դեմք, որպես որ Քրիստոսի համար ասում է՝ ոչ երկրից եւ մարմնից սկսվեց... այլ երկնքից էր, նման էր արագաթեւ արծվի եւ նրա նման սրընթաց էր: Եվ ասում է՝ Նա սկզբից էր. Սկզբից էր Բանը եւ Բանը Աստծո մոտ էր եւ Բանը Աստված էր, որով եղավ ամենայն ինչ, որ եղան... Հիրավի, անվանում է Փրկչին՝ արծվի նման բարձրաթուիչ, որպես երկնային թռչուն /արքան թռչունների/:

Արդ, ահա ցույց տրվեց երկնքի փոխարեն՝ եկեղեցին եւ չորս կերպարանքներով կենդանիների փոխարեն՝ չորս ավետարանիչները. եւ նրանց փոխարեն՝ հայրապետների դասն ու նրանց աթոռները: Ավագ ու մեծ աթոռն Անտիոքի՝ Մատթեոսինն է, Ալեքսանդրիայինը՝ Մարկոսինը, Հռոմինը՝ Ղուկասինը, Եփեսոսինը՝ Հովհաննեսինը:

Այս կարգավորությունը վարվեց եկեղեցին մինչեւ Հուստիանոս թագավորի օրերը, ըստ չորս կերպարանքներով կենդանիների եւ ըստ Եզեմից չորս գետերի բխման, եւ ըստ տիեզերքի չորս ծագերի աշխարհը բաժանվեց չորս ավետարանիչներին: Իսկ երբ թագավորեց Հուստիանոսը, այդժամ աթոռների փոփոխություն եղավ եւ սուրբ Հովհաննեսի աթոռը Եփեսոսից տեղափոխվեց Կոստանդուպոլիս: Եվ ժո-

ղովի հավանությունը սուրբ Մատթեոսի աթոռը Անտիոքից տեղափոխվեց Երուսաղեմ... Եվ քանի որ Երուսաղեմը քաղաքն է երկնային թագավորի, սուրբ Հայրերը ժողովում հրամայեցին, որ Երուսաղեմի եպիսկոպոսը իր դերով ավելի վեր նստի մյուսներից:

Ահա ասացինք, որ եկեղեցու առաջին դասը՝ հայրապետներն են, որոնք ունեն առաքելական զգեստ եւ եմիփորոն /ուսնոց/, որ զարդարված է հինգերկրյա խաչերով: Եվ Հայրապետների գործն է արքեպիսկոպոսներ ձեռնադրելը, որոնք վիճակվել են տիեզերքի չորս բաժիններին: Եվ Հայրապետներն են հրաման տալիս ժողով անելու:

Եկեղեցու երկրորդ դասը՝ արքեպիսկոպոսներն են: Նրանց համար կարգ է սպիտակ հանդերձները, որ ծածկում է մինչեւ կրունկները, կրում են նաեւ ժամաշապիկ եւ շուրջառ եւ չորեքկրկին խաչերով զարդարված եմիփորոն: Նրանց գործն է մետրոպոլիտներ ձեռնադրելը, այսինքն՝ մայրաքաղաքի համար եպիսկոպոսներ եւ նաեւ օրհնում են կնունքի ձեթը եւ ունեն նաեւ իշխանություն պատրիարքներ ձեռնադրելու:

Եկեղեցու երրորդ դասը՝ Մետրոպոլիտներն են, այդպես են կոչում մայրաքաղաքների եպիսկոպոսներին, որոնք ունեն նույն սպիտակ հանդերձները՝ մինչեւ կրունկները, նաեւ շուրջառ եւ եմիփորոն, որ զարդարված է երեքկրկին խաչերով: Նրանց գործն է եպիսկոպոսներ ձեռնադրելը բերդերի եւ գյուղերի վրա եւ օրհնել կնունքի ձեթը՝ առաքելական ձեթին ավելացնելու համար, որ պահում է եկեղեցին առաքելական ժամանակներից՝ վրան ավելացնելով: Եվ երեք Մետրոպոլիտներ միասին իրավունք ունեն իրենց վերագաս արքեպիսկոպոս ձեռնադրել:

Չորրորդ դասը եկեղեցու՝ եպիսկոպոսներն են, որ նույն կարգն ունեն: Նրանց գործն է ձեռնադրել /մնացած/ ամենայն վիճակավորներին: Եվ երեք եպիսկոպոս միասին կարող են իրենց վրա Մետրոպոլիտ ձեռնադրել: Եվ /եպիսկոպոսների/ գործն է՝ սեղան, ավագան եւ օծվելու յուղ օրհնելը:

Հինգերորդ դասը եկեղեցու՝ քահանաներն ու երեցներն են: Քահանաները քաղաքներում են լինում, իսկ երեցները՝ գյուղերում եւ ագարակներում: Երկուսն էլ նույն կարգն են, սակայն անուններով զանազանվում են՝ պատվի տարբերության պատճառով: Սրանք միայն ուրար են գցում իրենց վրա, երկկողմանի ուսնոցներ, նրանք թիկնո-

ցով էլ իշխանություն ունեն բեմում լինել: Եվ նրանց գործն է պատարագ մատուցելը, մկրտություն, պսակ կատարելը, եւ այնտեղ, ուր եպիսկոպոս չլինի, նրանք իշխանություն ունեն իրենք օրհնելու խաչն ու մատաղը: Եվ եթե հրաման առած լինեն եպիսկոպոսից, այդժամ իրավունք ունեն նաեւ օծելու յուզն օրհնել եւ ձեռնադրել դպիրներ, գրակարգացներ եւ կրոնավորներ:

Վեցերորդ դասն եկեղեցու՝ սարկավագներն են: Եվ նրանց կարգը նույնն է, բայց նրանք գլխաբաց են լինում, գոտիները հանած, ուրարը գցում են ձախ ուսին: Նրանց գործն է Ավետարան կարդալը եւ քարոզելը, սկիհներն ու քշոցը բերելը՝ սենյակից դեպի սեղանը եւ սեղանից արտաքին մաս՝ բաշխումն անելու, նաեւ նրանց պարտականության մեջ է մտնում՝ խոնկ ծխել ու առնելու սպասավորությունը եւ չեն նստելու, մինչեւ արարողությունների ավարտը /ժամի արձակումը/, այնժամ, երբ որ քահանաների հրամանը լինի:

Կանանցից նույնպես սարկավագուհիներ կան, ձեռնադրված են կանանց քարոզելու եւ նրանց Ավետարան կարդալու համար, եւ նրանց մեջ այր չի մտնում, եւ նրանք էլ վանքից դուրս չեն գալիս, եւ երանի է տրվում վանքերի կանանց: Սակայն այն ժամանակ, երբ քահանաները մկրտելու լինեն կանանց, կանայք ավագան գան եւ /քահանաները/ ջրով լվանան նրանց եւ վարագույրի ներքո օծեն: Եվ սարկավագուհիների համար կարգ է այն ամենը, ինչ հավատավորների համար, սակայն սարկավագուհիները ավելի ամուր վարքերով լինեն, խաչ ունենան իրենց ճակատին եւ կիսաթիկնոց հագնեն, աջ ուսին՝ ուսնոց ունենան: Եվ նոր կամ, անկարգ բան չհամարեք այս, ո՛վ սուրբ եղբայրներ, այլ այս ամենը սուրբ առաքյալներից մեզ հասած ավանդությունից ենք ուսանել, քանզի ասում է, թե՝ հանձնում եմ ձեզ Փեբե քրոջը մեր, որ սպասավոր է եկեղեցում /Հոռմ. ԺԶ 1/:

Յոթերորդ դասը եկեղեցու՝ այն եպիսկոպոսներն են, որ կոչվում են քորեպիսկոպոսներ, որոնք գլխավորներն են սարկավագների: Եվ նրանց կարգը նույնն է, ուրարը երկու ուսերին են կրում եւ գոտելույժ են ու գլխաբաց եւ իշխանությամբ եպիսկոպոսի՝ օրհնում են եկեղեցին եւ հրամանատարություն ունեն քահանաների եւ եկեղեցականների վրա:

Ութերորդ դասն եկեղեցու՝ եպիսկոպոսների գլխավորներն են, որ

կաթողիկոսներն են, որոնք ունեն պատվականագույն աթոռները՝ նման սերովբեներին: Եվ նրանց համար նույնպես կարգ է գլխաբաց եւ գոտելույժ լինել եւ ուրարը կրել երկու ուսերին: Եվ նրանց գործն է ձեռնադրել եպիսկոպոսներին եւ ինքնակամ օրհնել օծության յուզը:

Իններորդ դասը վերնագույնն է, քան մյուս բոլորը՝ Պապիոսն է, որին Փրանկները պապ են ասում, որ նման են քերովբեներին: Նրանց համար կարգ է լինել գլխաբաց եւ գոտելույժ: Եվ նրանց գործն է կարգել դասերը թագավորների, որովհետեւ, երբ մարդը պատկերն ու փառքն է Աստծո, ապա ուրեմն, ովքեր որ ի Քրիստոս են մկրտվում, Քրիստոս են հագնում, որչափ առավել եւս, ովքեր հավատացյալ թագավորներ են եւ իրենց գլխին կրում են Տերունական նշանը: Պարտավոր են նրանք նմանվել Քրիստոսին՝ ոչ միայն խոնարհ մտածումներով Քրիստոսի չարչարանքները իրենց մարմինների վրա կրեն, այլ նմանվեն Նրա Փառքերին, որոնք քաղցրությունն են ցույց տալիս մեր Տիրոջ ու Փրկչի, որպեսզի հեթանոս թագավորները լսելով՝ հոժարությամբ գան երկրպագելու մեր Տեր Աստծուն:

Եվ այս են նմանությունները երկնավոր դասերի.
Հրեշտակները՝ առաքելական զգեստներով աղոթելիս,
Հրեշտակապետները՝ քղանցքների մոտ,
Իշխանությունները զնդերով եւ առաքելական զգեստներով,
Զորությունները՝ առաքելական զգեստներով,
Աթոռները...

Պետությունները՝ առաքելական զգեստներով,
Տերությունները՝ առաքելական զգեստների պսակներով,
Սերովբեները՝ վեցթեւանի,
Քերովբեները՝ ութթեւանի եւ բազմաչյա:

Այս ամենայնը հաշվի առնելով, սուրբ Կոստանդինոս թագավորը ...երկնային եւ եկեղեցական դասերի կարգը հարմարեցրեց ի պատիվ թագավորության համար եւ /հեթանոսների/ մեջ էլ, յուրաքանչյուր տեղում նույնը հայտնեց, որ սրանք են.

Առաջին դասը պալատի՝ դարպասն է, դարպասում պահապաններն են ոսկե վեղարի: Նրանք հագնում են ոսկեթել կազմով դիպակե զգեստներ եւ ունեն ոսկե գավազաններ: Եվ նրանց գործն է թագավորի առջեւ առաջնորդել նրանց, ում նա պատվիրի:

Երկրորդ դասը՝ արքայի պսակակալներն են: Նրանց զգեստները արծաթաթեղ դիպակից են, նրանք գաղտնի, զգեստի տակից զենք են կրում /կիսաթրեր/:

Երրորդ դասը նրանք են, որ ոսկե տեգեր ունեն: Նրանց զգեստները ծիրանի դիպակ են ճամկավոր եւ ոսկե մանյակներ են կրում իրենց պարանոցներին:

Եվ այն ժամանակ, երբ արքան ճանապարհ է ելնում, նրանք են սուրբ խաչը վերցնում: Եվ նրանց միջից է, որ չորս այրեր թագավորի զենքերն են կրում /զինակիրներն են/:

Չորրորդ դասը վեղարներ են կրում եւ երկաթե ասպարներ: Եվ նրանք դիպակներ են հագնում, որ աբրեշումից են: Եվ այն ժամանակ, որ արքան վախճանվում է, նրանք են դագաղը վերցնում...

Հինգերորդ դասում մեծ հասակ ունեցողներն են, որ ունեն վահաններ եւ փոքր ասպարներ եւ նրանց զգեստը ողորկ կտավից է եւ վարչամակներ են կրում, ոտքերին՝ կարթապաճույճներ եւ կրկնակի ոսկե գոտիներ եւ նրանցից է, որ լինում են գրագիրները եւ հանձնարարություններ տվողները:

Վեցերորդ դասում ձիապաններն են, որ ձի են թամբում արքայի համար եւ նրան հեծցնում են ձիուն եւ նրանց զգեստը՝ կապա է /կարճ պարեգոտ/, ձեռքերին միասայր թուր ունեն եւ փոքր ասպարներ:

Յոթերորդ դասը՝ պալատի վահանակիրներն են: Զգեստը նրանց կտավից է.. Ունեն նիզակներ եւ սեւ ասպարներ: Եվ նրանցից է, որ լինում են դրոշներ, խորհրդանշաններ եւ զինանշաններ կրողները:

Ութերորդ դասը՝ աղեղնավորներն են... Ասպարներ ունեն: Նրանց զգեստն է՝ այծենի կարմիր եւ հագնում են մուճակներ: Եվ այն ժամանակ, երբ արքան շրջելու ելնի, նրանք են ամբոխին կարգավորում:

Իններորդ դասը՝ հետեւակ սուրհանդակներն են: Եվ զգեստները նրանց բամբակից են... զանգապաններ են կրում, հագնում են հողաթափեր: Եվ սրանք սպասավորներ են, կոչվում են նաեւ նետողներ: Եվ ամենքը գլխաբաց են եւ ունեն ոսկե գոտիներ, բացի սրանցից, միայն սրանք է, որ գոտի չեն կրում:

Այս են դասերը թագավորության պահապանների եւ զինվորների...

Իսկ սրանք իրենց թվով արձակ են, ոչ դաս ունեն, ոչ էլ չափ ու քանակ, ոչ էլ որեւէ տեղում մշտական են մնում, երբեմն շատ են,

երբեմն՝ սակավ.

Պատգամավորներ,

Թագավորի առջեւ կարգացողներ,

Թագավորի ձեռքերին ջուր լցնողներ,

Բաղնիք պատրաստողներ, որ լվանում են արքային,

Տաճարապետներ, որ արքայի առջեւ հաց են մատուցում,

Նշանագիրներ,

Եկեղեցու կողմից արքային սպասավորողներ,

Դասերի կցորդներ կամ արձակ պաշտոնյաներ,

Քաղաքի կրոնավորներ, որոնց գործն է հոգեւոր պաշտոն մատուցելը եւ ըստ կանոնների երգելը,

Իսկ աբեղաներն ու կուսակրոնները, որոնք իրենց վարքով խարազանազգեստ են՝ իրենց կամքով են գալիս պալատական պաշտոնի,

Նաեւ՝ մենակյացներ եւ ապաշխարողներ,

Հավատադիրք ունեցողներ, որոնք աստվածաբանություն են սովորում եւ վարժվում եկեղեցական կարգերի մեջ,

Սրանք ամենքը, ըստ եկեղեցու ինը դասերի չեն... ոչ ամբիոն են բարձրանում, ոչ բեմ, այլ ամենքով փառաբանողներ են, որ կարգված են Տիրոջ տանը:

Եվ սրանց խառնորեն չհիշեցինք այս գրքում, նաեւ կուզենայինք, որ իմանաք, թե արքայատան այս կարգավորումների համար պարտ ենք հռոմեացիներին եւ ֆրանկներին եւ հիշեցինք այնպես, որպես որ աղվաններին են պատմությունը եւ այլոք, այս մասին ուսուցանել: Այս կարգերը եկեղեցում հարկ է, որ հայրապետները կարգեն, եւ եթե անփույթ անեն, միշտ պարտավորություն լինի այդ ամենը ցույց տալը դատաստանի տալանում: Քանի որ՝ մեր Լուսավորչից սկսած եկեղեցում պաշտամունքի այս դասերը կան, ընդ որում, Եղիշեի Պատմության մեջ էլ են այս դասերը հիշվում, ասելով. ձեր մեջ կան գրակարգացներ եւ սաղմոսասացներ: Նմանապես եւ կանոններում սարկավազներն են հիշվում անուաներով եւ այլ տեղերում:

Արդ, կարեւոր է եկեղեցու ավերումները խափանել այս կարգերը եւ այլոք էլ գործադրելով, որոնք ուղղում, ազատում են ամենայն հեղգությունից: Որոնց /ավերումների եւ հեղգությունների/ մասին ինչ պատճառներ էլ հորինվեն, սակայն արդարացնել չեն կարողանա:

Եվ եթե այլ ազգերի համար է այս ամենի մասին հիշատակվում սուրբ Դիոնեսիոսի գրվածքներում..., ուր ամբողջության թիվը պահում են, ուստի եւ երկբայելի չեն: Արդ, ըստ ճշմարիտ դատաստանի՝ եկեղեցին վարելի է այսպիսի կարգով՝ ըստ երկնայինների, որովհետեւ, եթե տունը երկրավոր թագավորի, ըստ այս օրինակի է ստեղծվում, որչա՞փ եւս երկնավոր թագավորի՝ Բրիստոսի: Եվ Նրան փառք հավիտյանս. ամեն:՛ն:

ԳԼՈՒԽ ՄԻԶ
ՆՐԱ ՄԱՍԻՆ, ՈՐ ՕՏԱՐ ՄԱՐԴՈՒ Է ՈՒՂԱՐԿՈՒՄ
ԳՈՐԾԻ ԵՎ ՆԱ ՄԵՌՆՈՒՄ Է

Եվ եթե մեկը գործ անելու է առաքում իրեն ոչ յուրային մեկին եւ այնտեղ ուղարկվածը որոգայթի է հանդիպում՝ արյան պարտավորութուն ունի /Դավիթ Սլավկա որդու կանոններ, ԽԳ/:

Կանոնները հրամայում են զգուշութուն, որ որեւէ մեկը վայրապարորեն իրեն ոչ յուրայինին գործ անելու չառաքի, որովհետեւ առաքվածի մահվամբ վնասվելու զեպքում արյան դատաստան կա:

Եվ այդ ցույց է տրված թե հոգեւոր եւ թե մարմնավոր դատաստանով: Սակայն քննություն լինի, առաքողի երախտիքները հիշվի եւ մահվան պատահմունքի կամավոր եւ ակամա հանցապարտությունը որոշվի:

ԳԼՈՒԽ ՄԻԷ
ՆՐԱ ՄԱՍԻՆ, ՈՐ ՎԱՐՁՈՎ ՈՐԵՎԷ ՄԱՐԴՈՒ
ՈՒՂԱՐԿՈՒՄ Է ԳՈՐԾԵԼՈՒ

Իսկ երբ մեկը վարձկան լինի եւ իր տանտիրոջն ասի, թե ինձ գործ տուր կամ գործի ուղարկիր, իսկ տանտերը առաջուց ծանուցանի, որ այդ գործին գնալուց կարող է մահվան որոգայթի հանդիպել, իսկ վարձկանը իր կարողությունից ելնելով հանձն առնի, այդժամ, եթե մահ պատահի, նա՝ տանտերը անպարտ է: Իսկ եթե չզգուշացնի եւ բազում վկաների զգուշացնող պնդումներից հետո էլ կրկին հրամայի վարձկանին այդ գործը գործել, եւ մահվան որոգայթ լինի, ապա տան-

տերը արյան դատաստանի է պարտավոր /Դավիթ Սլավկա որդու կանոններ, ԽԳ/:

Այս կանոնական դատաստաններով հայտնի է: Եվ վարձկանի կամքով, եթե նա գործ անելու գնա եւ մահվան հանդիպի, անպարտ է մնում առաքողը, իսկ երբ հարկադրաբար ուղարկի կամ սպասվող վնասի մասին վկայություններ ուչ չզննելով ուղարկի, արյան դատաստանի է պարտավոր, թեպետ եւ վարձկան է մեռնողը:

ԳԼՈՒԽ ՄԻԸ
ԵԿԵՂԵՑՈՒՆ ՀԱԿԱՌԱԿ ԵԿԵՂԵՑԻ ԿԱՌՈՒՑՈՂԻ ՄԱՍԻՆ

Եվ եկեղեցուն հակառակ եկեղեցի կառուցողի մասին էիր հարցրել /Դավիթ Սլավկա որդու կանոններ, ԽԳ/, այս մասին գրված է, ով հայրական ցանկն է քանդում, օձն է հարձակվում նրա վրա եւ սպանում /Ժողովող, Ժ 8/, այսինքն հրաման ու կարգ է, որ մարգարեները դրեցին, նաեւ առաքյալները եւ վարդապետները եկեղեցու: Արդ, եթե մեկը մեր հայրերի դրած կարգն է խափանում, եւ եկեղեցուն հակառակ եկեղեցի է կառուցում, նրանք եպիսկոպոսներից եւ երեցներից նզովվում են թե իրենց կյանքի մեջ եւ թե մահվան եւ ամենայն քահանայական կարգից լուծարվում են, իսկ նրանց կամակիցները նրանց նույն պատիժը կրեն, իսկ կառուցած եկեղեցին իրավամբ թողնեն տեղի ժառանգավորներին: Իսկ եթե մարդասիրությամբ վարվեն, նրանց աշխատության գինը տան նրանց, իսկ եթե այս չլինի, քանզի եկեղեցին հանդարտությամբ, բայց չայրեն: Իսկ եթե ողջ բազմությունը եպիսկոպոսների, քահանաների՝ ժողովրդի հետ միաբան կառույցը կամենան, որեւէ մեկը չվիճաբանի միաբանության հրամաններին: Իսկ եթե մեկն հանգզնի եւ կրակ գցի եկեղեցին կամ ավազների կաշառքով բռնություն մեջտեղ բերի եւ քանդի եկեղեցին, այդպիսիք աստվածամարտ են եւ /Փրկչին/ խաչը հանողների թվին դասվեն, իսկ եթե զղջան, մինչ ի մահ ապաշխարեն /Դավիթ Սլավկա որդու կանոններ, ԿԱ/ եւ իրենց մահվան վերջին օրը հաղորդվեն:

Ամենայն ճշմարտությամբ է դրված այս կանոնական դատաստանը, որովհետեւ հակառակ եկեղեցի կառուցելը՝ ազահոթյունից դրված է լինում եւ խափանելի է, սակայն կարող է հաստատվել եպիսկոպոսի

եւ այլոց միաբան կամքով, որպեսզի չլինի թե որեւէ մեկը եկեղեցին որպես ժառանգություն վերցնի / տես Հոգվածներ, Գ, Ե, ՄԷ/... եւ եպիսկոպոսներինն է ժառանգությունը եկեղեցու եւ ոչ քահանաներինը, ըստ նրանց իսկ կամքի հաճոյության:

ԳԼՈՒԽ ՄԻԹ
ԵԿԵՂԵՑՈՒՅ ԱՔՍՈՐՎԱԾՆԵՐԻ ՄԱՍԻՆ

Եվ եթե արժանավորներից մեկն աքսորվելու ենթակա լինի, նրանց համար, որ արդեն եկեղեցական կարգի մեջ են, ըստ իրավունքների այսպես լինի. սարկավազները կամ քահանաները լուծարվեն եպիսկոպոսի կողմից, որովհետեւ նա է նրանց ձեռնադրել, սարկավազուհիները՝ սարկավազներից են /ձեռնադրվել/ եւ աշխարհականները, եւ հավատավորները եւ կրոնավորները եւ նրանք, որ քահանայից են ձեռնադրվել՝ քահանայի կողմից էլ լուծարվեն, եպիսկոպոսները՝ իրենց ձեռնադրողից /լուծարվեն/, կաթողիկոսը՝ կաթողիկոսի ձեռքով կամ իրեն ձեռնադրող եպիսկոպոսների կողմից, իսկ վարդապետները իրենց հրաման տված վարդապետներից: Այլ վարդապետների համար ըստ իրավունքների չէ քահանաների աքսորել կամ նրանց կարգից հանել, բայց կարող են որոշում հանել, յուրաքանչյուրին խրատել, հանդիմանել, եւ ուղղության հրավիրելու իշխանություն դրսեւորել, իսկ աքսորելու իրավունքը նրանց իշխանավորներին է պատկանում, այսինքն՝ ձեռնադրողներին, որ խոսքով իշխում են սրանց՝ ամենքին: Իսկ հայրապետները ամենքին են իշխում եւ ոչ թե ամենքով նրան, բացի նրան ձեռնադրողներից / Տես Հոգված Դ/:

ԳԼՈՒԽ ՄԼ
ԹԱԳԱՎՈՐՆԵՐԻՆ ԱՔՍՈՐԵԼՈՒ ՄԱՍԻՆ

Թագավորները, որ Աստուծոց են կարգված, որպես որ Իսրայելում էր, Աստուծոց էլ հանվում են կամ աքսորվում, իսկ եթե մարդկանցից են նշանակված, ապա նրանց կողմից էլ աքսորվում են: Եթե իշխանի թագավորեցնեն եւ ոչ ըստ արժանվույն վարի թագավորությունը, կարգողների կողմից էլ աքսորվի...

Իսկ թագավորությունը սեփական լինի՝ հորից անցնելով որդուն: Իսկ իշխանը, որին թագավորն է իշխան կարգում, նրա կողմից էլ աքսորվի կամ խրատվի: Իսկ թագավորին խրատելը, եթե դրանով է հարկ լինում խաղաղությունը պահպանել, այլ մի թագավորի կամքով լինի եւ հայրապետի եւ ամենքի հավասար հավանությամբ: Իսկ եթե իշխաններն ու ազատները իրենք իշխան կարգեն, նրանց միաբան կամքով էլ աքսորվի կամ խրատվի: Իսկ թագավորից կարգված իշխանը՝ թագավորից աքսորվի կամ խրատվի:

Իսկ իշխանների իշխանը՝ իշխանին կարող է խրատել կամ աքսորել եւ ազատը, թե նրանց կողմից է կարգված, նրանց միաբանությամբ էլ վարվի, իսկ թե թագավորի կամքով է ազատ, ապա թագավորի կամքով էլ վարվի:

Իսկ ազատները գինավորներին խրատել չեն կարող, այլ կարող են իրենց միջից հեռացնել: Զինավորներին կարող են իշխանները խրատել:

Նույնպես եւ գինավորները շինականներին չեն կարող խրատել կամ աքսորել, այլ կարող են նրանց աքսորել ազատները, իսկ խրատել՝ իշխանները:

Այս ամենը որպես իրավացի կարգ գիտեմ թագավորական տներում դատաստան անելու համար:

ԳԼՈՒԽ ՄԼԱ
ԱՆԱՍՈՒՆԻՆ ՎՆԱՍՈՂԻ ԵՎ ՍՊԱՆՈՂԻ ՄԱՍԻՆ

Եթե կենդանիներ, սրանք սուրբ լինեն, թե անսուրբ, մտած լինեն մեկի անդաստանը կամ այգին, այլ այսպիսի տեղեր, կամ խոտի դեզից ուտեն, եւ տերը չարությամբ զարկի եւ սպանի, դատաստան լինի եւ եղած վնասը վճարմամբ հատուցվի... Իսկ եթե խրտնեցրել էր եւ փախչելիս ընկավ եւ մեռավ, այդ ակամա սպանություն է, որովհետեւ մեռնելը չէր կամենում, այլ փախցնելը. նման դեպքերը, որ ակամայից են՝ կես գնով հատուցվեն: Ըստ հարվածի տեսնեն հարվածողի դիտավորությունը: Իսկ եթե հարվածը բժշկելի լինի, ապա խափանվածի համար եւ բժշկության համար հարվածողը վճարի, իսկ եթե անբժշկելի լինի/ ոտը կամ այլ անդամներ/, այդժամ ամբողջ գինը տա: Եթե սուրբ կենդանի լինի՝ գինը լրիվ տա եւ կենդանին էլ մնա կենդանու տիրո-

Չը, իսկ եթե անսուրբ կենդանիներից լինի, միայն գինը հատուցի: Եթե կուրացրել է, կամ ատամն է ջարդել կամ կողը կամ եղջյուրը, թեպետ եւ սրանք բժշկվում են, սակայն ամբողջ կեղանու գինը չորսի բաժանելով, մեկ մասը որպես վնասի հատուցում տա: Եվ այդ լինի թե ուտելի անասունների, թե անուտելիների համար: Իսկ թե պոչը կտրած լինի, ապա մեկ քառորդ գնի մասը որպես վնաս հատուցի:

Իսկ եթե անասունի տիրոջը բազում անգամ ասել են վնասների մասին, բայց նա անփութություն է մատնում, այդժամ հաշվի առնելով այդ, ըստ այդմ դատեն: Իսկ եթե ոտի կաղուկությունը մնա, տուգանքը ամբողջ գնի մեկ չորրորդ մասը լինի: Իսկ վայրապար սպանողների համար առավելապես տուգանքը լինի, բոլոր այս քննարկված ընդունելի սահմաններից:

ԳԼՈՒԽ ՄԼԲ

ՆՐԱ ՄԱՍԻՆ, ՈՐ ԳՐԱՍՏԻՆ ԽՐՏՆԵՑՆՈՒՄ Է ԵՎ ՄԱՐԴՆ ԸՆԿՆՈՒՄ Է ԵՎ ՎՆԱՍՎՈՒՄ

Եթե մեկը չար կամքով այդ բանն անի, եւ ընկնող մարդը մեռնի, ապա արյան դատաստան լինի եւ հատուցի, ինչպես որ գրված է հոգևածներ Կե եւ ՀԲ -ում, իսկ կոտորվածքներ ունեցողի բժշկության ու դարմանման բոլոր ծախքերը խրտնեցնողը հոգա՝ մինչեւ առողջանալը, իսկ զգայությունների վնասվելու դեպքում, ինչպես որ գրված է, այդպես հատուցի /հոգվածներ Բ եւ ԿԳ/, իսկ բժշկությանը ոչ լիակատար առողջացման դեպքում, զգայությունների վնասման կեսի չափով հատուցի:

Իսկ եթե խաղի ժամանակ լինի, դատաստանը եւս նույնն է, որովհետեւ նման արարքը ոչ թե խաղի, այլ գարհուրանքի էր արժան, սակայն ներվի, ըստ սովորության աշխարհի եւ վնասի կեսն հատուցի կամ երեքից մեկը: Նույն օրինակով եւ ապաշխարություն լինի, եթե դատաստանի տակ գործը չմտնի: Իսկ եթե երեխա լինի, նախ տեսնվի հասակը, ինչպես ավելի առաջ գրել ենք հոգված ԻԲ-ում եւ ըստ այդմ դատվի, թե չարակամությունը արվածը, թե խաղի մեջ: Ընդարտությունը տեսնվի կամա եւ ակամա հանցանքի տարբերությունը: Ակամայի դեպքում զեղչ լինի:

Այլ, եթե գրաստն ինքը, մեկին տեսնելով խրտնած լինի եւ մահվան վնաս լինի, եթե գրաստը այլազգի թշնամիներինը լինի, որովհետեւ որ նրանք իրենց բնությունը ուրախանում են մեր կորուստների համար, ապա ուրեմն՝ կես արյան դատաստան լինի, իսկ եթե քրիստոնյա թշնամի է տերը, ապա արյան դատաստանի կեսի կեսը, իսկ, ըստ ապաշխարություն կեսը լինի, որի դեպքում՝ ընկնելու, զգայությունների վնասվածքների համար դատաստան լինի:

Իսկ եթե /գրաստի տերը/ թշնամի չլինի եւ /գրաստը/ իր ահից վնաս հասցրած լինի, չլինի թե տերն անպարտ մնա դատաստանից, որպեսզի հետո զգուշություն պահպանի: Իսկ եթե գրաստը ըստ կարգի, համեստ ընթացքով, գնալիս է եղել, տուգանքների դատաստան չլինի, բայց տիրոջ խղճմտանքի եւ կամքի համաձայն էլ որոշվի նրա ապաշխարությունը:

ԳԼՈՒԽ ՄԼԳ

ԿԱՄԱ ԵՎ ԱԿԱՄԱ ՍՊԱՆՈՒԹՅՈՒՆՆԵՐԻ ՄԱՍԻՆ

Ակամա սպանությունները բազմաթիվ օրինակներով են լինում, եւ ակամա լինելը ըմբռնելու համար բերում ենք նշան օրինակները:

Եթե մեկը փայտ է կտրում եւ կացինը ձեռքից դուրս թռչելով կպչում է մեկին ու սպանում: Եվ կամ փոքր բարձունքներից կամ լեռներից երբ փայտ կամ քար է ցած գլորում եւ կպչում է մեկին ու սպանում: Եվ կամ այգուց կամ բանջարանոցից քար է դուրս գցում, կպչելով մեկին սպանում է:

Կամ մեկը ծառից պտուղ վար գցելու համար քար է նետում եւ քարը մեկին կպչելով սպանում է: Կամ ծառից պտուղ թափ տալու ժամանակ, ծառի վրա քար լինի մնացած եւ ընկնելով մեկին սպանում է: Եվ կամ /ծառը թափ տվողի/ գավազանն է ընկնում որեւէ մեկի գլխին ու սպանում եւ նման այսպիսի բաներ, որի պատճառով մահ է լինում:

Կամ երբ վարդապետը աշակերտին ըստ թույլատրելի չափի խրատում է ծեծով, կամ հայրը որդուն կամ մայրը դստերը, կամ սկեսուրը հարսին, կամ եղբայրը եղբորը եւ կամ տերը ծառային եւ կամ տիկինը աղախնուն եւ այլ ոք, նման դեպքերում, երբ վնասը մահ է լինում:

Եվ կամ՝ եթե մեկը հրապարակում երիվարն է վարում կամ այլ մի

կենդանի կամ սայլ եւ ոտի տակ ընկնելով մահ է լինում:

Եվ կամ որսի վրա նետ է արձակում եւ պատահամբ դիպչում է մեկին ու սպանում: Եվ կամ մեկը քար նետի, կարծելով թե քար չէ ու մահ է լինի:

Եվ այլազգիների մեջ ակամա է, երբ եղբայրն եղբորը կամենում է սպանել եւ սա դառնալով նրան է սպանում կամ նման այդպիսի դեպքեր:

Կամ մեկն ավազակների մեջ ընկնելով հարկադրաբար սպանում է եւ սրանք եւ ակամա են լինում, եւ կամավոր: Իսկ պատերազմի ժամանակ սպանելը եւ ակամա է լինում, եւ կամավոր: Եվ եթե մեկը գիշերվա պատճառով, կարծելով, թե թշնամուն է սպանում, բայց հարվածում է բարեկամին ու սպանում, սա նույնպես եւ ակամա է, եւ կամավոր: Եվ եթե մեկը նետն արձակի եւ թշնամուն կպչի ու սպանի, սա նույնպես եւ ակամա է, եւ կամավոր: Իսկ կամավոր է, եթե մեկը գավազանով խստու-
թյամբ ծեծում է մարդուն, կարծելով այդպես կարող է ուղղել չարագործին, եւ ծեծում է մինչեւ արյուն հանելը, որից ծեծվողը մեռնում է:

Նույնպես, եթե մեկը քարով կամ փայտով մեկին առավել է չարչարում, քան վերջինս կարող է տանել, նման դեպքերում համարվում է, թե՛ սրով սպանեց: Նման այլ այսպիսի դեպքերն եւս նույն կարգի են դիտվում /Օրենքներ/:

Եվ այն կանայք, որ դեղ խմեցնելով այրերին սովոր են սպանել, նույնպես եւ երբ նախանձի պատճառով մահացու դեղ են տալիս մերձավորին, սրանք /սպանողները/ մահապարտ են համարվում:

Արդ սրանք եւ սրանց նմաններն են կամավոր սպանությունները եւ ակամաները եւ երկուսի խառնությունը, եւ ինչպես ցույց տրվեց՝ բժշկելը /հայտնի անելը/ խոստովանություններ է:

Այլ դատաստան անելու օրինակ տանք: Որովհետեւ ինչպես թագավորների կողմից արվող դատաստաններում է գրվել, որ եթե այլազգին ակամա քրիստոնյա սպանի, ըստ կամավորի կարգի դատվի արյան գինը: Եվ երբ քրիստոնյան քրիստոնյայի /ակամա/ սպանի, դատաստանը կամավորի է:

Եվ կամավոր է, երբ կնոջ նախանձի կամ ինչքերի, կամ փառքի համար, կամ մեկ այլ նման պատճառով սպանում են: Եվ ինչպես գրված է՝ լրիվ դատաստան արվի: Իսկ եթե ակամա թշնամի է սպանվածը, որի վրա /սպանողը իր սպանման համար/ ուրախանում է, այդ-

ժամ՝ իբրեւ կամավոր սպանող դատվի, կամ ըստ ներման՝ կես պատժով, որպես որ թագավորների կողմից արվող դատաստանների մեջ գրեցինք:

Իսկ եթե ամբողջապես ակամա լինի սպանությունը, ըստ այդմ էլ լինի դատաստանը եւ եթե խառն՝ որ եւ կամավոր է եւ ակամա, ըստ այդմ լինի:

ԳԼՈՒԽ ՄԼԴ
ՋՐՈՎ ՎՆԱՍ ՏՎՈՂՆԵՐԻ ՄԱՍԻՆ

Եթե պատահի, որ մեկը առվով ջուր բերի որեւէ գործի կամ այգին ոռոգելու համար, իսկ այդ պատճառով ջուրը վնասի ընկերոջ այգին կամ անդաստանը, կամ նրա բնակություն մեջ որեւէ այլ բան, ապա, եթե նախապես զգուշացրեց, որ ընկերն ուշադիր լինի, եւ ինքն էլ իր հերթին ուշադիր եղավ, եւ ակամա ինչ վնաս որ գործեց, այդժամ վնասի կեսը հատուցի: Իսկ եթե ծուլացավ, անփույթ եղավ եւ չզգուշացրեց, ողջ վնասը վճարի, մանավանդ, եթե թշնամուցյամբ է արել: Սակայն քննվի՝ ի՞նչ պատճառով էր, թե վարձկանների, մասնակի՞ էր, թե ամբողջությամբ, գիշերո՞վ էր, թե՞ ցերեկով եւ այլն. այդպես դատեն:

ԳԼՈՒԽ ՄԼԵ
ԲԺԻՇԿՆԵՐԻ ՄԱՍԻՆ

Բժիշկներից շատերն են բազմաթիվ վնասներ գործում, կամ փորձում են դեղն այլոց վրա, կամ չարակամությամբ սպանում են դեղերով, կամ անգիտության պատճառով վնասակար դեղեր են տալիս, կամ անվարժության պատճառով ցավերը չեն հասկանում, կամ հեղգանում են, երբ իրենց վարձը չեն տալիս, կամ իրենց աշակերտներին նախանձելով՝ ուղիղը չեն սովորեցնում, իսկ նրանք էլ իրենց հերթին, անգիտանալով՝ բազում վնասներ են բերում: Եվ այս ամենը գիտենք, որ կամավոր հանցանքներ են:

Իսկ ակամա հանցանքներ են, երբ հիվանդին տեսնելով, որ անվճարունակ է, հեղգությունով են գործում, կամ որ նրա հրամանի համաձայն, հիվանդին չեն դարմանում, կամ, երբ մեծ անհրաժեշտություն էր, բժիշկը չի գալիս հիվանդի մոտ: Կամ գիտությունը տված դեղը

Հիվանդի կենաց եւ մահու պատճառ է դառնում: Նույնպես եւ անդամահատությունը կամ խարանելը, երբ սխալ ախտորոշմամբ է արվում կամ վատ ավարտով է վերջանում, նույն դատաստանով են դատվում:

Կամավոր Հանցանքներով մահերի դեպքում՝ արյան դատաստան լինի, երբ վնասը Հայտնի լինի, իսկ թե խոստովանությամբ ի Հայտ լինի, այդժամ կամավորի ապաշխարություն լինի:

Իսկ ակամայի դեպքում, կողմերը անպարտ մնան: Իսկ եթե վնասը կամավորի եւ ակամայի միասնությամբ է եղել, այդժամ անպարտ չլինեն յուրաքանչյուրն իր յուրայիններով:

ԳԼՈՒԽ ՄԼԶ
ՆՐԱ ՄԱՍԻՆ, ԵՐԲ ՄԵԿԸ ՄԵԿԻՆ ԳՈՐԾԻ
ԴՆԻ ԵՎ ԱՅԴ ՄԱՐԴԸ ՄԵՌՆԻ

Եթե մեկը մեկին անհրաժեշտ մի գործի ուղարկի եւ մահվան վնաս լինի կամ նման, այլ մի բան, եթե ծառից պտուղ թափելուց լինի, կամ գետն անցնելիս կամ գինովցած ձի նստելու, կամ նման այլ դեպքեր, նման պարագաներում արյան դատաստան լինի եւ կամա եւ ակամա դրույթներով, առավել դատ լինի բռնադատողների համար... /տես Հոգվածներ ԼԵ, ՄԻԲ, ՄԻԶ, ՄԻԷ/:

ԳԼՈՒԽ ՄԼԷ
ՄՇԱԿՆԵՐԻ ՄԱՍԻՆ

...Արդ չլինի թե որեւէ մեկը անիրավությամբ զրկանք գործի, այլ իրավունքով բաժանումն անի ընկերոջ հետ: Իսկ եթե նրանց մեջ գող գտնվի, ապա, կրկնակի տույժ կրի, իսկ, ըստ օրենքների՝ քառակի է տույժը /Ելք, ԻԲ 1/, որովհետեւ ինքն իր վաստակը եւ ոչ թե ուրիշինն է անիրավում: Իսկ վարձով աշխատող մշակները եղանակից կախված առատության եւ նվազության չափով դատվեն:

Առավելի դեպքում՝ նվազ դատաստան լինի, պակասի դեպքում՝ առավել: Նույն կերպ եւ տարբեր չափով /բերրի/ տեղավայրերի համար լինի:

ԳԼՈՒԽ ՄԼԸ
ՀՈՎԻՎՆԵՐԻ ԵՎ ՀԱՆԴԱՊԱՀՆԵՐԻ ՄԱՍԻՆ

Եվ, հովիվները, եւ հանդապահներն ըստ գավառների սովորության, տարբերվում են իրենց ստացած վարձերով, սակայն ճշմարտությունն այն է, որ ինչպես նրանց համար կարգել են արդեն, այդպես լինի նրանց համար:

Քաջությամբ լինեն եւ զգոն ու զգույշ: Եվ եթե պատահի հոտի մեջ գազանաբեկ լինի, երբ հովիվի ծուլությունից այդ չլինի, որպես վկայություն գազանաբեկի դին ներկայացնի եւ ինքը անպարտ լինի դատաստանից: Եվ եթե ինքը մոտակայքում չէր եւ անհոգությունն էր պատճառը կամ նման այլ մի բան, որ եթե մոտակայքում լիներ, վնաս չէր լինի, այդժամ դատաստան լինի վճարել գազանաբեկի համար կամ ամբողջապես կամ կիսով չափ: Ամբողջապես, եթե վնասը անփութությունից եղավ եւ կիսով չափ, եթե խառը հանգամանք կար: Եթե վնասն ակամայից է եղել, իրենց վարձերից չզրկվեն:

Իսկ եթե ծուլությունից եւ նման այլ պատճառներից է, որ գողանան, դատաստանով պարտավոր են վճարել: Իսկ գողացվածը եթե ի Հայտ է արվել, հարկ է ըստ օրենքների՝ մեկին չորս եւ հինգ վճարել /Ելք, ԻԲ 4/: Հարվածով սպանվածների համար վճարվի՝ քարով եղած լինի, թե գավազանով, նաեւ պակասորդի պատճառով վճարվի, նաեւ, եթե այդ վայրում եղած ծնունդը մեռնի եւ ինքն՝ հովիվն անփութ էր ու մոտակայքում չէր: Նույն այս դատաստանը լինի նրանց համար, ովքեր ձի եւ ջորիներ են արածեցնում:

Իսկ եթե անասունները միմյանց հարվածելով սպանել են, դատաստանը ըստ օրենքների լինի:/ Տես Ելք, ԻԱ 35-36, նաեւ Հոգված ԿԶ/:

ԳԼՈՒԽ ՄԼԹ
ՆՐԱՆՑ ՄԱՍԻՆ, ՈՐ ԵԿԵՂԵՑՈՒՆ ՏՈՒՆ,
ԱՅԳԻ ԵՎ ԱՅԼ ԻՐԵՐ ԵՆ ՏԱԼԻՍ

Եթե պատահի, որ ավեր եկեղեցուն նվիրատվություն անեն /վերականգնելու/ եւ թե վանկաններ, թե աշխարհականներ վերցնեն եւ ուտեն տրվածը, նվիրողներին իշխանություն լինի, որ ետ վերցնեն ինչ

տվել էին եւ այլ եկեղեցու տան եւ իրենք էլ սպասավորեն մինչեւ կառուցվի եկեղեցին, ավարտվի եւ ավարտ կառույցը նվիրեն, որովհետեւ Աստծո բաժինն է:

Իսկ եթե պատահի, որ ավեր եկեղեցու ժողովուրդը վերցվի եւ մեկ այլ եկեղեցու տրվի, այնժամ, երբ ավեր եկեղեցին կառուցվի, եպիսկոպոսը ժողովրդին ետ դարձնի իր նախկին եկեղեցուն:

Իսկ եթե ժողովրդի միջից մեկը կամենա հակառակվելով եկեղեցի կառուցել, եպիսկոպոսը թույլ չտա, իսկ եթե /ժողովրդով/ ըստ /եկեղեցի ունենալու կարիքի/ պահանջեն, ապա եպիսկոպոսի հրամանով թող կառուցվի:

**ԳԼՈՒԽ ՄԽ
ՎԱՃԱՌՔՆԵՐԻ ՄԱՍԻՆ**

Եվ վաճառքը քաղաքներում, ըստ թագավորի հրամանի կարգեն եւ կամ իշխանների՝ թագավորի հրամանի համաձայն՝ թե քաղաքներում, թե ավաններում եւ գավառներում: Եվ նախադրուկով չափն ու կշիռը, զույգը՝ նրանք հաստատեն՝ տեսնելով գորուծյունը վաճառքի: Նաեւ հսկիչներ կարգեն, որպեսզի չլինի թե նենգութուն լինի վաճառքում:

Խնարդախների խրատը իշխանների հրամանով լինի:

Գողին դատաստանով ստիպեն գողացածի մեկ չափ ու կշռի դիմաց չորսն հատուցել եւ նաեւ հանդիմանությամբ նշավակեն նրան՝ մյուսների համար որպես խրատ ու զարհուրանք:

Անօրեն դրամ հատողների կամ ձուլողների ձեռքը կտրեն՝ իշխանների հրամանով:

Մաքսը իրավամբ վերցնել, երբ քաղաք կամ գավառ գան վաճառքի: Եվ չլինի, թե հանցավոր ճանապարհով մաքս լինի, եթե ոչ՝ վաճառքի իրավունք չունենան... Եվ մաքսը թագավորի հրամանով լինի կամ թագավորի հրամանի համաձայն՝ իշխանների հրամանով:

Եվ վաճառքում խաբողները, որ տգետներին են խաբում, հատուցում ստանան, ըստ գողերի՝ մեկի դիմաց՝ չորս կարգի եւ նշավակաման հետ:

Իսկ հացի եւ գինու եւ այլ այսպիսի բաների գինը, ըստ տարվա ա-

ռատության կամ այլ պատճառներից, կամ, ըստ տարվա նվազության եւ այդպիսի պատճառներից ելնելով, փոփոխվի՝ վեր կամ վար: Եվ այդ, ըստ թագավորի հրամանի լինի եւ իշխանների՝ հայտարարվելով գավառապետներին ու ժողովրդապետներին...

**ԳԼՈՒԽ ՄԽԱ
ԳՈՂ ԱՐՎԵՍՏԱՎՈՐՆԵՐԻ ՄԱՍԻՆ**

Արվեստավորները եթե նյութն ապականեն, ապականվածը, ըստ իր արժանվույն դնով լրացնելուց հետո միայն հասու լինեն իրենց վարձին, իսկ եթե ոչ, իրենց վարձից պակաս ստանան, եւ դատավորները ինչպես որ տեսնեն, վճիռն այդպես իրագործեն:

Իսկ գողերն, ըստ օրենքների հատուցեն ու կորուստների դիմաց էլ վճարեն: Իսկ եթե նյութը վնասած լինեն այն երկար ժամանակ պահելու պատճառով կամ մի այլ վնասով, դատաստանով հատուցեն, որովհետեւ նյութը գործելու եւ ոչ թե ապականելու համար տվեցին:

Այլ եթե նրանցից տվածը գողանան եւ իրենց ունեցածներն էլ գողացած լինեն, եւ եթե այդ բանը ճշմարտությամբ հավատարմվի, թե այդպես էր, այդժամ անպարտ լինեն...

Ավարի ենթարկվելու դեպքում՝ անպարտ լինեն դատաստանում:

Գրավ դրված եւ կորցրածի համար վճարեն:

Իսկ հասարակաց թշնամու ձեռքով հրով այրվածի համար հատուցում չանեն...

**ԳԼՈՒԽ ՄԽԲ
ԳՈՐԾ ԱՆԵԼՈՒ ՀԱՄԱՐ ՈՐԵՎԷ ԱՆՈԹ ՎԵՐՑՆԵԼՈՎ
ՎՆԱՍՈՂԻ ՄԱՍԻՆ**

Վարձկանները, որ իրենց տերերի գործերն են վարում, որպես երկրագործներ, գործիքների վնասվելու դեպքում, ըստ սովորության՝ անպարտ են, իսկ եթե իրենց գործն են վնասում, ապա տերերին դիմացը պիտի վճարեն: Իսկ երբ իրենք իրենց գործերն են վարում որպես հնձողներ /եւ վնասեն/, վնասն իրենցն է լինում, իսկ եթե տիրոջից գործը վարձու վերցնեն եւ վնասեն, վնասը տիրոջն է լինում / եւ պիտի

Հատուցեն/։ Եվ այլ մի բան տիրոջից երբ վերցնեն եւ վնասեն, դիմացը վճար լինի եւ եթե չար կամքով /միտուամնավոր/ վնասեն, այդժամ լիարժեք վճարեն։

ԳԼՈՒԽ ՄԽԳ
ԴԱՏԱՍՏԱՆՆԵՐԻ ԴԱՏԱՍՏԱՆԻ ՄԱՍԻՆ

Դատաստանների դատաստանի մասին այսպես ենք պարտավոր իմանալ։ Որովհետեւ այն ժամանակ երբ սպանողի կամ չարագործի պատիժը կրկին հարկ լինի ցուցանել, այդժամ արժան է քննել եւ երբ արյան գին վերցնեն, ապաշխարություն եւս լինի։ Թեպետ արյան գին վերցնելը առանց ապաշխարության չանես, որովհետեւ մարդու համար որեւէ գին գոյություն չունի /տես հոգված Բ/, բացի փոխարենը սպանողի մեռնելը, ըստ օրենքների /Ելք, ԻԱ 12, Ղեւտ., ԻԳ 17/ նաեւ՝ ըստ կանոնների տես հոգված Բ/։ Եվ թեպետ արյան գին է վերցվում, սակայն չկա գին մարդու համար, ուստի եւ ապաշխարությամբ է լրացվում պակասը, քանի որ գինը, ըստ կարողության եղավ եւ ոչ ըստ արժանվույն։ Այդ բավական լինի, որ չլինի թե չարն ըստ իր սովորության գործի եւ հետո կրկին նույնպիսի վնասներ անի, ապա այդժամ խրատի համար նրա ձեռքը թող հատեն։ Իսկ եթե աղքատ լինի, բավական լինի խրատը /ձեռքը հատելը/։

Իսկ տուգանքները արքունիքի համար դրվեց՝ ըստ կարողության, իսկ ավարը լինի տուգանքի փոխարեն եւ արյան գինը յուրայիններին տրվի։ Այս դատաստանները հայտնի եղածների վերաբերյալ լինեն, իսկ անհայտները խոստովանությամբ ուղղվեն իրենց դատաստանների սահմաններով։

Միանգամայն, ամենայն դատաստան, ըստ իր քննության լինի։

Իսկ պատիժը վնասի համեմատ լինի, որպես որ չարագործներին խրատի համար անդամներ հատելը, նմանվելով աստվածային դատաստանին, ըստ այնմ, յուրաքանչյուրն հատուցի ըստ իր գործերի, որպես որ մեծատան օրինակում /Ղուկաս, ԺԶ 19-31/, ջուր չխմեցվեց պահքում, եւ չար ցանկացողները հրին մատնվեցին /Մատթեոս, Ե 22, ԺԳ 40-42, ԺԸ 8-9.../։ Եվ անողորմները դրվեցին տանջանքների մեջ /Մատթեոս, ԻԵ 46/, եւ լույսի գիտության ատողներին նետեցին խա-

վարի մեջ /Հովհաննես, Գ 19/ եւ էլ որ է, ըստ այս դատաստանների դրվեց։ Սրանց նման լինեն եւ մեր դրած դատաստանները։

ԳԼՈՒԽ ՄԽԴ
ՋՐԱՂԱՅՆԵՐԻ ՄԱՍԻՆ

Ջաղացականները իրենց արհեստի մեջ փորձառու լինեն, երկյուղ ունենան, որ հանկարծ չլինի թե կերակուրը ապականեն։ Այդպիսի վնասարարների դատաստանն այս է. «Լույսն աշխարհ եկավ, սակայն մարդիկ խավարը սիրեցին...» /Հովհաննես, Գ 19/։ Եվ նմանների ոչ միայն վարձը չպիտի տալ, այլ նաեւ պիտի տուժեն տված վնասի համար։ Իսկ եթե պատճառը աղուների խոնավությունից լինի, ջաղացականները անպարտ մնան, սակայն ջուր քաշած ալյուրի դիմաց վճարեն։ Գողացածի համար մեկին չորս վճարեն...

ԳԼՈՒԽ ՄԽԵ
ԱՅՆ ՄԱՍԻՆ, ԵՐԲ ՄԵԿԸ ԳՐԱՍՏ ԷՆ ՏԱԼԻՍ ԱՐՈՏԻ,
ԳՈՐԾԻ ԵՎ ՎՆԱՍՎՈՒՄ Է

Բազում անգամներ են պատահում, երբ երիվար կամ այլ գրաստ են տալիս որեւէ գործի համար, որոնք վնասվում են կամ ջուրն ընկնելով, կամ արոտատեղում, կամ ընթանալու ժամանակ։ Եթե գրաստը խիստ բնույթ ունեւ եւ տերը չզգուշացրեց կամ բռնադատելով ստիպեց իր գրաստը վերցնել, եւ հեծնողը նրա վրայից ընկավ եւ մեռավ, կամավոր սպանության դատաստան լինի, իսկ եթե խիստ բնույթ չուներ եւ տերն էլ չբռնադատեց, այդժամ՝ ակամա սպանության դատաստան լինի։

...Եթե հեծնողը հասուն տարիքով էր, ակամայի դեպքում գրաստի տերը անպարտ լինի, իսկ եթե երեխա էր՝ անպարտ չլինի։ Իսկ եթե ընկավ ու չմեռավ, ապա բժշկության եւ նման բաների ծախսերի համար դատ լինի, նաեւ առողջության տկարանալու եւ զգայության վնասի դեպքում դատ լինի։ Իսկ եթե երիվար կամ այլ մի հեծնելու կենդանի հեծյալները վնասեն՝ կամ նրանց ոսկորը ջարդելով կամ սպանելով։ Եթե կենդանուն հեծյալը վարել է սովորական հրահանգներով կամ

պատվիրատու առաքողի հրահանգի համաձայն, այդժամ հեծյալն անպարտ լինի, երբ հավաստիացնի, թե այդպես էր: Իսկ եթե արչավել է եւ ոչ ըստ պատվիրանի է վարել եւ վնասել, այդժամ հեծյալը տոժի: Եվ տույժը մեկ մասից պակաս լինի, իսկ կամավոր մեղքի դեպքում՝ ամբողջ տույժ լինի:

ԳԼՈՒԽ ՄԽԶ
ՔԱՀԱՆԱՆԵՐԻ ՀՈՂԱԴՐԱՄԻ ՄԱՍԻՆ

Հողադրամ, ըստ կանոնական հրամանների՝ չկա: Արդ, դրամ են վճարում կապալավոր քահանային՝ գերեզմանատեղերի համար, նաեւ Ավետարանին հաղորդվելիս են դրամ վերցնում:

Բայց քրիստոնյաները հույսի համար են հողի համար դրամ վճարում, իսկ նրանք, որ այս հարցով բռնադատում են կամ գայթակղեցնում, պիտի եւ հաշիվ տան Աստծուն, եւ ինչպես որ այլ քահանաների սովորեցին վճարել, ապա սովորեցին նաեւ վճարի դիմաց պահանջել: Հարկ չէ, որ քահանան առանց կանչվելու, զնա մեկի մահվան դեպքում մահացածի ինչքերից վերցնելու, իսկ եթե սիրելի մարդ լինի մեռնողը կամ աղքատ, ապա առանց կանչվելու թող զնա, սգի է գնում եւ ոչինչ չվերցնի:

Իսկ քահանան, որ մեռավ եւ չունի ժառանգ, նրա ինչքերը եպիսկոպոսներին լինի, եւ եպիսկոպոսն իր հասույթն առնի՝ հանդերձներ, անկողին, որովհետեւ ինքն է ձեռնադրել քահանային, իսկ ժողովուրդն ըստ իրենց կամքի տրվի այլ քահանայի, իսկ եթե /մեռած/ քահանայից հետո արժանի ժառանգորդ քահանա կա, այլ քահանայի չտան /ժողովրդին/... Յուրաքանչյուրն իր ձեռնադրողի իրավասության տակ մնա: Իսկ հայրապետները, որ բազմաց կողմից են ձեռնադրվում, բազմաց իրավասության տակ լինեն...

Իսկ խաչը, գիրքը, շուրջառը, որ հայրապետը տալիս է եպիսկոպոսին, նրա մահից հետո նույն բաները ետ վերցնի, իսկ երբ ինչքեր եւ հոգեւոր գործածության այլ բաներ էլ լինեն, որ եպիսկոպոսն ինքն է ստեղծել, եպիսկոպոսարանը ում որ կամենա՝ նրան շնորհի: Նույնպես եւ ժառանգավոր քահանայի նկատմամբ եպիսկոպոսը նույնն անի:

ԳԼՈՒԽ ՄԽԷ
ՍԻՆՈՒԻ ՄԱՍԻՆ, ՈՐ ՍԱՀՄԱՆՆԵՐՆ ԵՆ

Սահմանները գավառների՝ լեռների, գետերով եւ արձաններով հաստատվեն, նույնպես հաստատվեն գյուղերի սահմանները: Եվ գյուղերը, որ կառուցված են երկու կամ երեք գավառների սահմանների վրա, զույգ բաժանվեն՝ առավելությունը կամ նվազությունը, նույնպես եւ անդաստանները եւ այլն, որ գյուղերի սահմաններում են, նույնպես եւ ծառերը, որ անդաստանների սահմաններում են: Եվ այդու ցանկը զույգ՝ երկու կողմին տան... Ըստ այդմ լինի տների, որմերի եւ այդպիսի բաների համար էլ:

ԳԼՈՒԽ ՄԽԸ
ԴԻՎԱՀԱՐ ԱՆԱՍՈՒՆՆԵՐԻ ՄԱՍԻՆ

Կենդանիների այսահարությունը գտնված է արդեն, որ իրենցից չէ, որովհետեւ մեղքի հետեւանք է, իսկ նրանք իրենք իրենցից ոչինչ չեն մեղանչում: Եվ կենդանիների այսահարությունն եղավ հանուն մեզ խրատելու, ինչպես որ Ավետարանում հիշատակված գերգետնայինների խոզերի երամակը /երբ Տերը թույլ տվեց, որ դեւերը մտնեն խոզերի մեջ ու ամբողջ երամակը խրտնելով ծովը նետվեց եւ խեղդվեց/: Որովհետեւ դեւերը ուխտ դրեցին՝ մեր Տիրոջը չտեսնել: Արդ, հայտնի է, որ անասունների վրա դեւն իշխանություն չունի, այլ այդ Աստված է թույլ տալիս՝ նրանց տերերի զարհուրելու համար: Արդ, եթե անասունների դիվահարության դեպքեր լինեն, հարկավոր է, որ նրանց տերերը զգուշանան, որովհետեւ տերերին խնայելով բարեգուլթն Աստված թողել է, որ նրանց կենդանիները այսահարվեն, ապա եթե տերերը անփույթ մնան, գուցե եւ դեւերը նրանց մեջ մտնեն: Անասնոց դիվահարության դեպքեր, երբ ի հայտ լինեն, նրանց տերերը խոստովանեն միմյանց իրենց մեղքերը, լինեն տեւական աղոթքի եւ պահքերի մեջ, ըստ կարողության՝ երեք տարի շարունակաբար քառասնորյա պահքը պահելով եւ խաչով ու Ավետարանով խաչակնքվելով, թերեւս հաճենա Աստված եւ հալածի դեւերին եւ բանականները ազատվեն չքոտիներից:

Իսկ թե անասունները դիվահարությունից չբժշկվեն, մորթեն եւ այ-

լազգիներին վաճառեն: Իսկ եթե բժշկվեն, ապա երեք տարիների հարկն այլեւս չկա եւ եթե մորթեն ուտեն կամ քրիստոնյաներին վաճառեն՝ Տիրոջ կամքով անվնաս լինի: Այս, երբ դեպքը տիրոջ տնից է լինում: Իսկ եթե կենդանուն գնած եղած լինեն, հարկ է վկաներով հավատարմեցնել, թե ու՞մ տանն է անասունը դիվահարվել՝ վաճառողի՞, թե գնողի: Եթե վաճառողի տանը, ապա անասունը ետ վերադարձնեն:

Իսկ թե գնելուց հետո դեպքը լինի՝ չվերադարձնեն: Նույն դատաստանը խելագար անասունների համար լինի:

Իսկ չուտվողներն ու չբժշկվածները այլազգիներին վաճառեն, բժշկվածները՝ քրիստոնյաներին; Ետ դարձնելը նույն պայմանով լինի, որ հիշատակվեց: Այս դատաստանը կանոնական է /Բարսեղի կանոններ, ՄԽԴ-ՄԿԵ/: Երբ հաճո երեւա, այդպես հաստատուն մնա...:

ԳԼՈՒԽ ՄԽԹ

ՓՈՔՐ ԱՂՋԿԱՆ ՄԵԾ ՄԱՐԴԿԱՆՑ ՀԵՏ ՊՍԱԿՈՂՆԵՐԻ ՄԱՍԻՆ

Կանոնական հրաման է տղա երեխաների պսակը չօրհնել՝ բնությամբ նրանց դեռեւս անկարող լինելու պատճառով: /Սահակ Պարթեւի կանոններ, ԻԷ, ԻԸ/: Իսկ եթե պատահի, որ կինն է իր հասունությամբ անկատար, իսկ այրը կատարյալ, կրկին չար է, որովհետեւ ինչպես ուսուցանվեցիք խոստովանությունից, ամուսնանալը կապ միջոց է, որով հատվում են երկու վտակներ, որից այս պարագայում մահ է լինում: Արդ, այդպիսի վնասի համար էլ կանոնական դատաստան լինի եւ կամավոր սպանողի կարգում երեցը դնի հարսի եւ փեսայի ծնողներին, իսկ պսակող քահանային հարկ է իր կարգից լուծարել եւ խնամախոսներին եւս անպարտ չթողնել, այլ ակամա սպանության կարգով դատաստան անել: Եվ պարտավորություն է եպիսկոպոսներին այդպիսիներին ժամանակին սաստել: /Տես հոգևած ՃՂԲ/:

ԳԼՈՒԽ ՄԾ

ՈՒԽՏԵՐԻ ՄԱՍԻՆ

Ուխտատեղիները, եթե վկայարաններ են, եւ այլ տեղեր էլ՝ աստվածային շնորհների վայրեր եւ կամ տեղ, ուր խաչի նշանն է հաստատ-

ված, սրանք եպիսկոպոսի վիճակի մեջ են մտնում եւ որ գյուղին որ մոտ են՝ եպիսկոպոսը այդ գյուղի երեցին տա, որի սահմանում, որ ուխտագնացությունը կատարվում է, որպեսզի /երեցը/ զգուշավորությամբ սպասավորություն անի, եթե մանավանդ ուխտագնացները հեռավոր տեղից լինեն: Իսկ եթե ուխտատեղին երկու գյուղերի սահմանում լինի, ապա երկու կողմերի քահանաներն էլ սպասավորություն անեն եւ շնորհի հասանելիք վարձերը սպասավորության գործին ծառայեցնեն, սակայն իրենք եւս վայելեն՝ առանց որեւէ հակառակության: Եվ ընծաների համար, որ բժշկությունների համար է լինում՝ չպատերազմեն, իսկ եպիսկոպոսի ժառանգությունը այն բանում լինի, որ բարվոք սպասավորությունն իրականացնի:

Իսկ եթե /քահանաները/ սուրբ տեղերից հարկ վերցնեն եւ եպիսկոպոսի խրատները հաշվի չառնեն, աստվածային շնորհներն ունայնանալով, այդժամ պարտական լինեն այն ամենի համար, որ պակասեցրել են շնորհներից եւ որի համար հաշիվ պիտի տան, իբրեւ իրենց կողմից գործված հակառակություն Աստծո եւ սրբերի բարի կամքի հանդեպ, որոնք ձրի բարեխոս են լինում միշտ աշխարհում: Այսպիսի /քահանաներին/ արժան է, որ եպիսկոպոսները քարոզ կարդան, որպեսզի տրված ընծաները չտանեն, այլ որպեսզի ընծաները իրենց շեների աղքատներին բաժանեն եւ իրենք էլ զնալով աղոթեն, որպեսզի եկեղեցու շնորհները այլազգիներին չանցնի: Քանզի խորհուրդներ են կրում ամեն տեսակի ընծաները, դահեկանն, օրինակ՝ անախտ բնության համար է եւ խորհուրդն է աստվածությանը՝ Քրիստոսի, իսկ փրկչական պատկերի խորհուրդը, այդ մեր պատկերն է, որով եւ առաջնագուշին /Ադամին/ իր պատկերը տվեց, ըստ այսմ էլ՝ տվեք կայսրինը կայսրին, իսկ Աստծունը՝ Աստծուն:

Իսկ վեց դանգը խորհուրդն է Քրիստոսի գալստյան ժամանակի, իսկ չորս թասուն, խորհուրդն է չորս տարրերի եւ չորս ավետարանիչների, դանգից տրված տասներկու գարին խորհուրդն է տասներկու առաքյալների, իսկ դահեկանից յոթանասուներկու գարին, խորհուրդն է յոթանասուներկու առաքյալների, իսկ դրամը, խորհուրդն է մեր բնության, որովհետեւ ՄԱՐԴ տառերի անդրադարձությամբ է արտահայտությունն ստացել:

Իսկ այլ նյութերը, որպես որ խորանի նվերներն են եւ տաճարին


ընծայվածները, սրանց մասին տես Գ թագավորների Զ եւ է գլուխներում: Իսկ սրանցից ինչ որ ընծա չէ, անխորհուրդ է մնում:

Արդ, խորհրդի համար եկածները չլինի թե անխորհուրդ մնան այլազգիների հետ, ապա եթե նման քահանաները հանդգնեն անխորհուրդ համարել խորհուրդները, եպիսկոպոսի կողմից լուծարվեն իրենց կարգերից:

Իսկ խաբեբաներին ամբողջովին հալածել, որոնք գալիս են կրոնավորներին նմանվելով, ապրում են ուխտատեղիների վայրերում եւ բազում գայթակղություններ են գործել տալիս պարզամիտներին, սրանք՝ որոտովայնամոլներ եւ այլ ախտակիրներ են, որ ստույթյամբ երազների պատմիչներ են ձեւանում եւ շատ շատերին են մոլորեցնում:

**ԳԼՈՒԽ ՄԾԱ
ԱՎԱՐ ՎԱՃԱՌՈՂՆԵՐԻ ՄԱՍԻՆ**

Վաճառված եւ գնված ավարը ետ չվերադարձվի, որպես գողացվածի դեպքում է արվում, եւ այդ օրինավոր գործը թագավորներինն է եւ իշխաններինը, ուստի եւ /ավարը/ կանոններն ընդունում են որպես պատարագի ընծա, իսկ գողացվածն ու հափշտակվածը չեն ընդունում: Տես հոգված Բ:



ԴԱՏԱՍՏԱՆՆԵՐԻ ԳԼՈՒԽՆԵՐԸ

ԳԼՈՒԽ ԺԹ - ԹԵ ԿԻՆԸ ԻՆՉ ՊԱՏՃԱՌՆԵՐԻՑ ԵԼՆԵԼՈՎ
ԿԱՐՈՂ Է ԻՐ ԱՅՐԻՑ ՀԵՌԱՆԱԼ 51

ԳԼՈՒԽ ԺԳ - ԱՏԵԼՈՒԹՅԱՆ ՊԱՏՃԱՌՈՎ ԱՅՐ ԵՎ ԿԵՈՋ ՄԻՄՅԱՆՑ
ԹՈՂՆԵԼՈՒ ԵՎ ՎԵՐՍՏԻՆ ՄԻԱՆԱԼՈՒ ՄԱՍԻՆ 52

ԳԼՈՒԽ ԺԴ-ԵՐԲ ԱՅՐԸ ՎԱՃԱՌԱԿԱՆՈՒԹՅԱՄԲ ԿԱՄ ՄԵԿ
ԱՅԼ ՊԱՏՃԱՌՈՎ ՃԱՆԱՊԱՐՀՈՐԴ Է ԵՎ ԵՐԲ ԵՏ Է ԴԱՌՆՈՒՄ
ԿԻՆՆ ԱՅԼ ԱՅՐ Է ԱՌԱՄ ԼԻՆՈՒՄ 52

ԳԼՈՒԽ ԺԵ - ԵՐԲ ԱՅՐԸ ԿՌՎՈՒՄ Է ԿԵՈՋ ՀԵՏ ԵՎ ՎՆԱՍՈՒՄ Է ՆՐԱՆ 53

ԳԼՈՒԽ ԺԶ - ԱՅՐ ԵՎ ԿԵՈՋ ՄԱՍԻՆ, ՈՐ ՀԻՄԱՐՈՒԹՅԱՄԲ
ԹՈՂՆՈՒՄ ԵՆ ՄԻՄՅԱՆՑ 54

ԳԼՈՒԽ ԺԷ - ՈՒՐԱՅՈՂ ԱՅՐԵՐԻ ԵՎ ԿԱՆԱՆՑ ՄԱՍԻՆ 54

ԳԼՈՒԽ ԺԸ - ԵՐԲ ԱՅՐԸ ՈՒ ԿԻՆԸ ՄԻՄՅԱՆՑ ՀԵՏ ԿՌՎՈՒՄ ԵՆ
ԵՎ ՈՒՐԱՆՈՒՄ ՔՐԻՍՏՈՍԻՆ ԵՎ ՀԱՎԱՏՔԸ 54

ԳԼՈՒԽ ԺԹ - ԱՅՐ ԵՎ ԿԵՈՋ ՄԱՍԻՆ, ՈՐ ՍՊԱՆՈՒՄ ԵՆ ՄԻՄՅԱՆՑ 55

ԳԼՈՒԽ Ի - ԱՅՆ ԻՇԽԱՆՆԵՐԻ ՄԱՍԻՆ, ՈՐ ԻՐԵՆՑ ԹԱԳԱՎՈՐԻ
ԵՎ ԱՅԼՈՑ ԱՌՋԵՎ ՀԱՆՑԱՎՈՐ ԵՆ 55

ԳԼՈՒԽ ԻԱ - ՇԻՆԱԿԱՆՆԵՐԻ ՄԱՍԻՆ 55

ԳԼՈՒԽ ԻԲ - ՄԱՆԿԱՆՑ ՍՊԱՆՈՒԹՅԱՆ ՄԱՍԻՆ 56

ԳԼՈՒԽ ԻԳ - ԱՅՆ ՄԱՆՈՒԿՆԵՐԻ ՄԱՍԻՆ, ՈՐՈՆՔ ԽԱՂԻ
ԺԱՄԱՆԱԿ ՎՆԱՍՈՒՄ ԵՆ ՄԻՄՅԱՆՑ 56

ԳԼՈՒԽ ԻԴ - ԱՅՆ ՄԱՆԿԱՆՑ ՄԱՍԻՆ, ՈՎՔԵՐ ՋՐՈՒՄ ԽԵՂԴՈՒՄ
ԵՆ ՄԻՄՅԱՆՑ 56

ԳԼՈՒԽ ԻԵ - ԱՅՆ ՄԱՐԴԿԱՆՑ ՄԱՍԻՆ, ՈՐ ԳՐԱՎԻ ՊԱՏՃԱՌՈՎ
ՍՊԱՆՈՒՄ ԵՆ ՄԻՄՅԱՆՑ 57

ԳԼՈՒԽ ԻԶ - ԱՅՆ ԵՐԻՏԱՍԱՐԴՆԵՐԻ ՄԱՍԻՆ, ՈՎՔԵՐ
ՎԱՅՐԱՊԱՐ ԳՐԱՎ ԵՆ ԴԵՌՈՒՄ 57

ԳԼՈՒԽ ԻԷ - ԳԻՆԻՈՎ ՀԱՐԲԵՑՈՂՆԵՐԻ ԵՎ ՆՐԱՆՑ ՎՆԱՍՆԵՐԻ ՄԱՍԻՆ ... 57

ԳԼՈՒԽ ԻԸ - ՇՆԱՑՈՂՆԵՐԻ ԵՎ ԱՅԼ ԶԱՐԱԳՈՐԾՆԵՐԻ ՄԱՍԻՆ 58

ԳԼՈՒԽ ԻԹ - ԱՅՆ ԿՈՒՅՍԵՐԻ ԴԱՏԱՍՏԱՆԻ ՄԱՍԻՆ,
ՈՐՈՆՑԻՑ ԽՈՍՔ ՉԻ ԱՌՆՎԵԼ 59

ԳԼՈՒԽ Լ - ՆՐԱՆՑ ՄԱՍԻՆ, ՈՎՔԵՐ ԲԱՄԲԱՍՈՒՄ ԵՆ ԻՐԵՆՑ ԿԱՆԱՆՑ,
ԹԵ ԿՈՒՅՍ ՉԵՆ ԳՏԵԼ 59

ԳԼՈՒԽ ԼԱ - ԳԱՎԱՌՆԵՐԻ, ԳՅՈՒՂԵՐԻ ԵՎ ՆՐԱՆՑ	
ՌԻՆԵՑՎԱԾՔԻ ՄԱՍԻՆ	60
ԳԼՈՒԽ ԼԲ - ԳԱՆՁ ԳՏԵԼՈՒ ԴԱՏԱՍՏԱՆՆԵՐԻ ՄԱՍԻՆ	61
ԳԼՈՒԽ ԼԳ - ՆՐԱՆՑ ՄԱՍԻՆ, ՈՎՔԵՐ ԿՌՎՈՒՄ ԵՎ ՄԻՄՅԱՆՑ	
ՄՈՐՈՒՔ ԵՆ ՓԵՏՈՒՄ	61
ԳԼՈՒԽ ԼԴ - ՍԵՐՄԱՑՈՒ ՊԱՀՎՈՂ ՀՈՐԵՐԻ ՄԱՍԻՆ	61
ԳԼՈՒԽ ԼԵ - ՏԵՐԵՐԻ ԿՈՂՄԻՑ ՇԻՆԱԿԱՆՆԵՐԻ ՎՆԱՍՎԵԼՈՒ ՄԱՍԻՆ	62
ԳԼՈՒԽ ԼԶ - ՍՈՒՏ ՔԱՀԱՆԱՆՆԵՐԻ ԵՎ ՆՐԱՆՑ ԱՆԻՐԱՎ	
ԳՈՐԾԵՐԻ ՄԱՍԻՆ	62
ԳԼՈՒԽ ԼԷ - ՆՐԱՆՑ ՄԱՍԻՆ, ՈՎՔԵՐ ՔԱՀԱՆԱՆՆԵՐԻՆ ԵՆ ԱՆԱՐԳՈՒՄ	63
ԳԼՈՒԽ ԼԸ - ԴԱՏԱՎՈՐՆԵՐԻ ՄԱՍԻՆ	63
ԳԼՈՒԽ ԼԹ - ԵԿԵՂԵՑԻՆԵՐԻ ԵՎ ԵՊԻՍԿՈՊՈՍԻ ԻՆՉՔԵՐԻ ՄԱՍԻՆ	64
ԳԼՈՒԽ Խ - ԵԿԵՂԵՑԱԿԱՆ ԻՐԵՐԻ ՎՐԱ ԵՊԻՍԿՈՊՈՍԻ ԻՇԽԱՆՈՒԹՅՈՒՆ	
ՌԻՆԵՆԱԼՈՒ ՄԱՍԻՆ	64
ԳԼՈՒԽ ԽԱ - ԱՅՆ ԵՊԻՍԿՈՊՈՍՆԵՐԻ ԵՎ ՔԱՀԱՆԱՆՆԵՐԻ ՄԱՍԻՆ,	
ՈՎՔԵՐ ԺԱՌԱՆԳԱՎՈՐՆԵՐԻՆ ԱՆՀՐԱԺԵՇՏ ԲԱՆԵՐԸ ՁԵՆ ՏԱԼԻՍ	65
ԳԼՈՒԽ ԽԲ - ԱՅՆ ԺԱՌԱՆԳԱՎՈՐՆԵՐԻ ՄԱՍԻՆ, ՈՐ ԿՌՎԻ	
ՄԵՋ ՍՊԱՆՈՒՄ ԵՆ ԿԱՄ ՎՆԱՍՈՒՄ	65
ԳԼՈՒԽ ԽԳ - ԵՐԿՐՈՐԴ ԱՆԳԱՄ ՁԵՌՆԱԴՐՎԵԼՈՒ ՄԱՍԻՆ	65
ԳԼՈՒԽ ԽԴ - ԵԿԵՂԵՑՈՒՑ ԳՈՂԱՅՈՂՆԵՐԻ ՄԱՍԻՆ	66
ԳԼՈՒԽ ԽԵ - ԱՄԲԱՍՏԱՆՎԱԾ ԵՊԻՍԿՈՊՈՍՆԵՐԻ ՄԱՍԻՆ	66
ԳԼՈՒԽ ԽԶ - ԵՊԻՍԿՈՊՈՍՆԵՐԻ ՎԿԱՆԵՐԻ ՄԱՍԻՆ	67
ԳԼՈՒԽ ԽԷ - ԱՅՆ ՄԱՍԻՆ, ՈՐ ԵՊԻՍԿՈՊՈՍՆԵՐԸ ԻՐԵՆՑ ՅՈՒՐԱՅԻՆՆԵՐԻՆ	
ՁՁԵՌՆԱԴՐԵՆ ԱՌԱՆՑ ԵԿԵՂԵՑԱԿԱՆՆԵՐԻ ԿԱՄՔԻ	67
ԳԼՈՒԽ ԽԸ - ԱՅՆ ԵՊԻՍԿՈՊՈՍՆԵՐԻ ՄԱՍԻՆ, ՈՐ ԻՐ ԱՆՁԸ ԳՅՈՒՄ Է	
ԵՐԿՐԱՎՈՐ ՀՈԳՍԵՐԻ ՄԵՋ	67
ԳԼՈՒԽ ԽԹ - ԵՐԵՑՆԵՐԻ ԿԱՄ ՍԱՐԿԱՎԱԳՆԵՐԻ ԿՈՂՄԻՑ	
ԾԱՌԱՆԵՐԻՆ ՕՐՀՆԵԼՈՒ ՄԱՍԻՆ	68
ԳԼՈՒԽ Ծ - ԹԱԳԱՎՈՐՆԵՐԻՆ ԵՎ ԻՇԽԱՆՆԵՐԻՆ ԱՆԱՐԳՈՂՆԵՐԻ	
ՄԱՍԻՆ	68
ԳԼՈՒԽ ԾԱ - ԱՅՆ ԿԱՆԱՆՑ ՄԱՍԻՆ, ՈՐ ԵՐԵԽԱ ԵՆ ԿՈՐՑՆՈՒՄ	69
ԳԼՈՒԽ ԾԲ - ԳՈՂԵՐԻ ԵՎ ՆՐԱՆՑ ՀԱՐՈՂՆԵՐԻ ՄԱՍԻՆ	69
ԳԼՈՒԽ ԾԳ - ԱՂՋԿՆԵՐԻՆ ԱՌԵՎԱՆԳԵԼՈՎ ՆՐԱՆՑ ՀԵՏ	
ՊՍԱԿՎՈՂՆԵՐԻ ՄԱՍԻՆ	69

ԳԼՈՒԽ ԾԴ - ԾԱՌԱՆԵՐԻՆ ԸՍՏ ՕՐԵՆՔԻ ԱԶԱՏԵԼՈՒ ՄԱՍԻՆ	70
ԳԼՈՒԽ ԾԵ - ԴՍՏԵՐԸ ԱՂԱԽԵՆՈՒԹՅԱՆ ՎԱՃԱՌՈՂԻ ՄԱՍԻՆ	70
ԳԼՈՒԽ ԾԶ - ԱՅԼԱԶԳԻ ԾԱՌԱՆԵՐԻ ԵՎ ԱՂԱԽԵՆՆԵՐԻ ՄԱՍԻՆ	71
ԳԼՈՒԽ ԾԷ - ԻՐԵՆՑ ՀՈՐԸ ՈՒ ՄՈՐԸ ԱՆԱՐԳՈՂՆԵՐԻ ՄԱՍԻՆ	71
ԳԼՈՒԽ ԾԸ - ՏՂԱՆԵՐ ԳՈՂԱՅՈՂՆԵՐԻ ՄԱՍԻՆ	71
ԳԼՈՒԽ ԾԹ - ԻՐԵՆՑ ՀՈՐԸ ՈՒ ՄՈՐԸ ԲԱՄԲԱՍՈՂՆԵՐԻ ՄԱՍԻՆ	72
ԳԼՈՒԽ Կ - ԿԱՏԱԿՈՎ ՄԻՄՅԱՆՑ ՎՆԱՍՈՂՆԵՐԻ ՄԱՍԻՆ	72
ԳԼՈՒԽ ԿԱ - ԱՅՆ ՏԵՐԵՐԻ ՄԱՍԻՆ, ՈՎՔԵՐ ԻՐԵՆՑ ԾԱՌԱՆԵՐԻՆ	
ԵՆ ՍՊԱՆՈՒՄ	72
ԳԼՈՒԽ ԿԲ - ԱՅՐԵՐԻ ԿՌՎԵԼՈՒ ԺԱՄԱՆԱԿ ՀՂԻ ԿԱՆԱՆՑ	
ՀԱՐՎԱԾԻ ԵՆԹԱՐԿՎԵԼՈՒ ՄԱՍԻՆ	73
ԳԼՈՒԽ ԿԳ - ՀԱՐՎԱԾՆԵՐԻ ՄԱՍԻՆ	73
ԳԼՈՒԽ ԿԴ - ՏԵՐԵՐԻ ԿՈՂՄԻՑ ՀԱՐՎԱԾԻ ԵՆԹԱՐԿՎԱԾ	
ԾԱՌԱՆԵՐԻ ՄԱՍԻՆ	74
ԳԼՈՒԽ ԿԵ - ԵՐԲ ՅՈՒԼԸ ՀԱՐՎԱԾԻ ՏՂԱՄԱՐԴՈՒ ԿԱՄ ԿՆՈՋ	74
ԳԼՈՒԽ ԿԶ - ԵՐԲ ՅՈՒԼԸ Է ՅՈՒԼԻՆ ՀԱՐՎԱԾՈՒՄ	75
ԳԼՈՒԽ ԿԷ - ՀՈՐԵՐԻ ԵՎ ՋՐՀՈՐՆԵՐԻ ՄԱՍԻՆ, ԵՐԲ ՆՐԱՆՑ	
ՄԵՋ ԿԵՆԴԱՆԻ ԸՆԿՆԻ	75
ԳԼՈՒԽ ԿԸ - ՀՈՐԵՐԻ ԵՎ ՋՐՀՈՐՆԵՐԻ ՄԱՍԻՆ, ԵՐԲ	
ՆՐԱՆՑ ՄԵՋ ՄԱՐԴ ԸՆԿՆԻ	76
ԳԼՈՒԽ ԿԹ - ԵԹԵ ՅՈՒԼԸ ԱՆԱՍՈՒՆՆԵՐԻ Է ՀԱՐՎԱԾՈՒՄ	76
ԳԼՈՒԽ Հ - ԳՐԱՍՏԵՐԻ ՄԱՍԻՆ, ՈՐ ՄԻՄՅԱՆՑ ՀԱՐՎԱԾՈՒՄ ԵՆ	76
ԳԼՈՒԽ ՀԱ - ԱՅՆ ԳՐԱՍՏԵՐԻ ՄԱՍԻՆ, ՈՐ ՀԱՐՎԱԾՈՒՄ ԵՎ	
ՎՆԱՍՈՒՄ ԵՆ ՄԱՐԴՈՒՆ	77
ԳԼՈՒԽ ՀԲ - ԱՅՆ ԳՐԱՍՏԵՐԻ ՄԱՍԻՆ, ՈՐ ՆՐԱ ՏԻՐՈՋ	
ՅՈՒՐԱՅԻՆՆԵՐԻՑ ՈՐԵՎԷ ՄԵԿԻՆ ՀԱՐՎԱԾՈՒՄ ԵՆ	77
ԳԼՈՒԽ ՀԳ - ԱՅՆ ԳՈՂԵՐԻ ՄԱՍԻՆ, ՈՎՔԵՐ ՈՁԽԱՐՆԵՐ	
ԵՎ ԱՅԼ ԱՆԱՍՈՒՆԵՐ ԵՆ ԳՈՂԱՆՈՒՄ	77
ԳԼՈՒԽ ՀԴ - ԱՅՆ ԳՈՂԵՐԻ ՄԱՍԻՆ, ՈՎՔԵՐ ՏՈՒՆ ԵՆ ԿՏՐՈՒՄ	78
ԳԼՈՒԽ ՀԵ - ԵԿԵՂԵՑՈՒՑ ԳՈՂԱՅՈՂՆԵՐԻ ՄԱՍԻՆ	78
ԳԼՈՒԽ ՀԶ - ՆՐԱՆՑ ՄԱՍԻՆ, ՈՎՔԵՐ ԱՐՏԵՐՈՒՄ ՈՒ	
ԱՅԳԻՆԵՐՈՒՄ ԵՆ ԱՆԱՍՈՒՆՆԵՐ ԱՐԱԾԵՑՆՈՒՄ	78
ԳԼՈՒԽ ՀԷ - ՆՐԱՆՑ ՄԱՍԻՆ, ՈՎՔԵՐ ՀՐԴԵՀԵԼՈՎ ՎԱՍՏԱԿՆԵՐ	
ԵՆ ԱՅՐՈՒՄ	78

ԳԼՈՒԽ ՀԸ - ԵՐԲ ԻՐ ԵՆ ՊԱՀ ՏԱԼԻՍ ՄԱՐԴՈՒՆ, ԻՍԿ	
ՆԱ ԿՈՐՑՆՈՒՄ Է ԿԱՄ ԳՈՂԱՆԱԼ Է ՏԱԼԻՍ	79
ԳԼՈՒԽ ՀԹ - ՉՈՐՔՈՏԱՆԻՆԵՐԻՆ ՊԱՀԵԼՈՒ ՄԱՍԻՆ	79
ԳԼՈՒԽ Զ - ՆՐԱ ՄԱՍԻՆ, ՈՐ ՈՐԵՎԷ ԲԱՆ, ՈՐԵՎԷ ԻՆՉՔ	
ՎԵՐՑՆԵԼՈՎ՝ ՎՆԱՍՈՒՄ Է	80
ԳԼՈՒԽ ԶԱ - ԽՈՍՔ ԱՌԵՎԱԾ ԿՈՒՅՄԻՆ ԽԱԲՈՂԻ ՄԱՍԻՆ	80
ԳԼՈՒԽ ԶԲ - ՆՐԱՆՑ ՄԱՍԻՆ, ՈՐ ԻՐԵՐ ԵՆ ՓՈԽ ՏԱԼԻՍ	80
ԳԼՈՒԽ ԶԳ - ԳՐԱՎՆԵՐԻ ՄԱՍԻՆ	81
ԳԼՈՒԽ ԶԴ - ՏՈՒՆ ԱՅՐՈՂՆԵՐԻ ՄԱՍԻՆ	81
ԳԼՈՒԽ ԶԵ - ՏՆԿԻՆԵՐ ՀԱՏՈՂՆԵՐԻ ՄԱՍԻՆ	82
ԳԼՈՒԽ ԶԶ - ԱՎԱՆԴՆԵՐԻ ԴԱՏԱՍՏԱՆԵՐԻ ՄԱՍԻՆ	82
ԳԼՈՒԽ ԶԷ - ԵԿԵՂԵՑՈՒՑ ՊՏՈՒՂՆ ԱՐԳԵԼՈՂՆԵՐԻ ԿԱՄ	
ԵԿԵՂԵՑՈՒՆ ՊՏՈՒՂ ԶՏՎՈՂՆԵՐԻ ՄԱՍԻՆ	83
ԳԼՈՒԽ ԶԸ - ՀԱՅՀՈՅԱՆՔ ՏՎՈՂՆԵՐԻ ՄԱՍԻՆ	83
ԳԼՈՒԽ ԶԹ - ԱՆԱՍՈՒՆԵՐԻՆ ՍՊԱՆՈՂՆԵՐԻ ՄԱՍԻՆ	84
ԳԼՈՒԽ Ղ - ՀՈՂԸ ՎԱՃԱՌՈՂՆԵՐԻ ԵՎ ԳՆՈՂՆԵՐԻ ՄԱՍԻՆ	85
ԳԼՈՒԽ ՂԱ - ՏՈՒՆ ՎԱՃԱՌՈՂՆԵՐԻ ԵՎ ԳՆՈՂՆԵՐԻ ՄԱՍԻՆ	85
ԳԼՈՒԽ ՂԲ - ՏՈՒՆ ԳՆՈՂ ՈՒ ՎԱՃԱՌՈՂ ՔԱՀԱՆԱՆԵՐԻ ՄԱՍԻՆ	86
ԳԼՈՒԽ ՂԳ - ԶՐԱՂԱՑՆԵՐԻ ՄԱՍԻՆ	86
ԳԼՈՒԽ ՂԴ - ԱՆԱՍՈՒՆ ԳՆՈՂ ԵՎ ԾԱԽՈՂՆԵՐԻ ՄԱՍԻՆ	86
ԳԼՈՒԽ ՂԵ - ԵԶՆԵՐ ԾԱԽՈՂՆԵՐԻ ՄԱՍԻՆ	87
ԳԼՈՒԽ ՂԶ - ԿՈՎ ԾԱԽՈՂՆԵՐԻ ՄԱՍԻՆ	87
ԳԼՈՒԽ ՂԷ - ՓԵԹԱԿՈՎ ՄԵՂՈՒՆԵՐ ԾԱԽՈՂՆԵՐԻ ՄԱՍԻՆ	87
ԳԼՈՒԽ ՂԸ - ԿԱՐԱՍ ԿԱՄ ԱՅԼ ՏԵՍԱԿԻ ԱՆՈԹՆԵՐ	
ԾԱԽՈՂՆԵՐԻ ՄԱՍԻՆ	88
ԳԼՈՒԽ ՂԹ - ԱՅԳԻ ԵՎ ԴՐԱԽՏ ԿԱՊԱԼ ՎԵՐՑՆՈՂՆԵՐԻ ՄԱՍԻՆ	88
ԳԼՈՒԽ Ճ - ԶՐԱՂԱՑՆԵՐ ՎԱՐՁԵԼՈՒ ՄԱՍԻՆ	89
ԳԼՈՒԽ ՃԱ - ՀԱՅՐԱԿԱՆ ԺԱՌԱՆԳՈՒԹՅՈՒՆԸ ՈՐԴԻՆԵՐԻ	
ՄԻՋԵՎ ԲԱԺԱՆՈՂՆԵՐԻ ՄԱՍԻՆ	89
ԳԼՈՒԽ ՃԲ - ՈՐԴԻՆԵՐԻՆ ԵՎ ԴՈՒՍՏՐԵՐԻՆ	
/ԺԱՌԱՆԳՈՒԹՅԱՆ/ ԲԱԺԱՆՄԱՆ ՄԱՍԻՆ	91
ԳԼՈՒԽ ՃԳ - ԿԱՆԱՆՑ ԻՐԵՐԸ ՈՐԴԻՆԵՐԻ ՄԻՋԵՎ ԲԱԺԱՆԵԼՈՒ	
ՄԱՍԻՆ	93
ԳԼՈՒԽ ՃԴ - ՄԵՏԱՔՍԸ ՏՂԱՆԵՐԻ ԵՎ ԴՈՒՍՏՐԵՐԻ ՄԻՋԵՎ	

ԲԱԺԱՆԵԼՈՒ ՄԱՍԻՆ	94
ԳԼՈՒԽ ՃԵ - ՔԱՀԱՆԱ ԿԱՄ ԴԱՏԱՎՈՐ ԱՆԱՐԳՈՂԻ ՄԱՍԻՆ	95
ԳԼՈՒԽ ՃԶ - ԺՈՂՈՎՐԴԻ ԿՈՂՄԻՑ ՔԱՀԱՆԱՅԻՆ ՏՐՎՈՂ ՊՏՂԻ ՄԱՍԻՆ	96
ԳԼՈՒԽ ՃԷ - ՍԱՀՄԱՆԵՐԻ ՄԱՍԻՆ, ԹԵ ՈՐՊԵՍ Է ԴՐՎՈՒՄ	96
ԳԼՈՒԽ ՃԸ - ԴԱՏԱՍՏԱՆԻ ԺԱՄԱՆԱԿ ՍՈՒՏ ՎԿԱՅՈՒԹՅՈՒՆ	
ՏՎՈՂՆԵՐԻ ՄԱՍԻՆ	97
ԳԼՈՒԽ ՃԹ - ԱՅՆ ՄԱՍԻՆ, ԵՐԲ ՍՊԱՆՎԱԾ Է ԳՏՆՎՈՒՄ ԴԱՇՏԻ ՄԵՋ ...	97
ԳԼՈՒԽ ՃԺ - ԳԵՐՎԱԾ ԿԱՆԱՆՑ ՄԱՍԻՆ	97
ԳԼՈՒԽ ՃԻԱ - ՀԱՅՐԵՐԻ ԿՈՂՄԻՑ ՈՐԴԻՆԵՐԻ	
ԱՆԴՐԱՆԻԿՈՒԹՅՈՒՆԸ ՅՈՒՅՑ ՏԱԼՈՒ ՄԱՍԻՆ	98
ԳԼՈՒԽ ՃԻԲ - ԱՆՋԳԱՄ ՈՐԴԻՆԵՐԻ ՄԱՍԻՆ	99
ԳԼՈՒԽ ՃԻԳ - ՄԱՀԱՊԱՐՏ ՄԵՌԵԼՆԵՐԻ ՄԱՍԻՆ	99
ԳԼՈՒԽ ՃԻԴ - ԿՈՐՈՒՍՏՆԵՐԻ ՄԱՍԻՆ	100
ԳԼՈՒԽ ՃԻԵ - ԸՆԿԱԾ ՉՈՐՔՈՏԱՆԻՆԵՐԻՆ ՎԵՐ ՀԱՆԵԼՈՒ ՄԱՍԻՆ	100
ԳԼՈՒԽ ՃԻԶ - ՀԱԳՈՒՍՏՆԵՐԻ ՄԱՍԻՆ	101
ԳԼՈՒԽ ՃԻԷ - ԹՈՉՈՒՆԵՐԻ ԲՆԵՐԻ ՄԱՍԻՆ	101
ԳԼՈՒԽ ՃԻԸ - ՆՈՐԱԿԱՌՈՒՅՑ ՏԱՆ ՄԱՍԻՆ	101
ԳԼՈՒԽ ՃԻԹ - ՓԱԽԱԾ ԾԱՌԱՆԵՐԻ ՄԱՍԻՆ	102
ԳԼՈՒԽ ՃԻԺ - ՀՆՁԻ ԱՐՏ ՄՏՆՈՂՆԵՐԻ ՄԱՍԻՆ	102
ԳԼՈՒԽ ՃԻԱ - ԸՆԿԵՐՈՋ ԱՅԳԻՆ ՄՏՆՈՂՆԵՐԻ ՄԱՍԻՆ	102
ԳԼՈՒԽ ՃԻԲ - ԿԱՆԱՆՑ ԱՐՁԱԿՈՂՆԵՐԻ ՄԱՍԻՆ	103
ԳԼՈՒԽ ՃԻԳ - ԱՅՆ ՄԱՍԻՆ, ՈՐ ՆՈՐ ԿԻՆ ԱՌԵՆՈՂԸ ՊԱՐՏԱՎՈՐ	
ՉԷ ՊԱՏԵՐԱԶՄ ԳՆԱԼ	103
ԳԼՈՒԽ ՃԻԴ - ՆՐԱՆՑ ՄԱՍԻՆ, ՈՎՔԵՐ ԳՐԱՎ ԵՆ ԴՆՈՒՄ	
ԿԱՄ ԳՐԱՎ ԵՆ ՎԵՐՑՆՈՒՄ ԱՂՈՐԻՔԸ	104
ԳԼՈՒԽ ՃԻԵ - ՊԱՐՏՔԵՐԻ ԵՎ ԳՐԱՎՆԵՐԻ ՄԱՍԻՆ	104
ԳԼՈՒԽ ՃԻԶ - ՎԱՐՁԿԱՆԵՐԻ ԴԱՏԱՍՏԱՆԵՐԻ ՄԱՍԻՆ	105
ԳԼՈՒԽ ՃԻԷ - ԱՅՆ ՄԱՍԻՆ, ՈՐ ՀԱՅՐԵՐԸ ՊԱՐՏԱՎՈՐ ՉԵՆ	
ՄԵՌԵԼ ՈՐԴԻՆԵՐԻ ՓՈԽԱՐԵՆ ԵՎ ՈՉ ԷԼ ՈՐԴԻՆԵՐԸ՝ ՀԱՅՐԵՐԻ	105
ԳԼՈՒԽ ՃԻԸ - ԻՐԱՎՈՒՆՔՆԵՐԸ ՊԱՀԵԼՈՒ ՄԱՍԻՆ	106
ԳԼՈՒԽ ՃԻԹ - ԱՅՐՈՒՑ ԻՐԵՐ ԳՐԱՎ ՎԵՐՑՆՈՂՆԵՐԻ ՄԱՍԻՆ	106
ԳԼՈՒԽ ՃԻԺ - ԳԱՆԱՀԱՐՈՒԹՅԱՆ ԱՐԺԱՆԱՑԱԾՆԵՐԻ ՄԱՍԻՆ	106
ԳԼՈՒԽ ՃԻԱ - ԵՐԲ ԵՐԿՈՒ ԿՈՎՈՂՆԵՐԻՑ ՄԵԿԻ ԿԻՆԸ ԻՐ ԱՄՈՒՄԵՆՈՒՆ	
ԱՋԱՏԵԼՈՒ ՀԱՄԱՐ ԲՈՆԻ ՄՅՈՒՍ ԱՅՐԻ ԱՄՈՐՁԻՆԵՐԻՑ	106

ԳԼՈՒԽ ԾԼԲ - ՆՐԱՆՑ ՄԱՍԻՆ, ՈՎՔԵՐ ԳԵՐԵԶՄԱՆՆԵՐ ԵՆ	
ԲԱՅՈՒՄ ԵՎ ՄԵՌՅԱԼՆԵՐԻՆ ԵՆ ԿՈՂՈՊՏՈՒՄ	107
ԳԼՈՒԽ ԾԼԳ - ԱԿԱՄԱ ՍՊԱՆՈՒԹՅՈՒՆՆԵՐԻ ՄԱՍԻՆ	107
ԳԼՈՒԽ ԾԼԴ - ԵԿԵՂԵՑՈՒ ՀԻՄՆԱՐԿԵՔԻ ՄԱՍԻՆ	107
ԳԼՈՒԽ ԾԼԵ - ԵՊԻՍԿՈՊՈՍՆԵՐԻ ԶԵՌՆԱԴՐԵԼՈՒ ՄԱՍԻՆ	108
ԳԼՈՒԽ ԾԼԶ - ՆՐԱՆՑ ՄԱՍԻՆ, ՈՎՔԵՐ ՄԵՐԺՎԱԾ ԵՆ ԻՐԵՆՑ	
ԱՍՏԻՃԱՆԱԿԱՐԳԻՑ ԵՎ ԱՂՈԹՔԻ ՊԱՇՏՈՆԻՑ	108
ԳԼՈՒԽ ԾԼԵ - ԿԱԹՈՂԻԿՈՍՆԵՐԻ	
ԶԵՌՆԱԴՐՈՒԹՅՈՒՆՆԵՐԻ ՄԱՍԻՆ	109
ԳԼՈՒԽ ԾԼԸ - ԱՅՆ ԵՊԻՍԿՈՊՈՍՆԵՐԻ ԵՎ ՔԱՀԱՆԱՆԵՐԻ	
ՄԱՍԻՆ, ՈՎՔԵՐ ԱՅԼՈՑ ՎԻՃԱԿՆ ՈՒ ԺՈՂՈՎՈՒՐԴՆ ԵՆ	
ՄԻՄՅԱՆՑԻՑ ՀԱՓՇՏԱԿՈՒՄ	110
ԳԼՈՒԽ ԾԼԹ - ԱՆԿԱՐԳԱԳՈՐԾ ԵԿԵՂԵՑԱԿԱՆՆԵՐԻ ՄԱՍԻՆ	110
ԳԼՈՒԽ ԾԽ - ԵՐԲ ԱՐԴԵՆ ՆՇԱՆՎԱԾ ԱՂՋԻԿ ԵՆ ՀԱՓՇՏԱԿՈՒՄ	111
ԳԼՈՒԽ ԾԽԱ - ԵԿԵՂԵՑԱԿԱՆՆԵՐԻ ՄՍԱԿԵՐՈՒԹՅԱՆ ՄԱՍԻՆ	111
ԳԼՈՒԽ ԾԽԲ - ԵԿԵՂԵՑԱԿԱՆ ԻՆԶՔԵՐԻ ՄԱՍԻՆ	111
ԳԼՈՒԽ ԾԽԳ - ՆՐԱՆՑ ՄԱՍԻՆ, ՈՐ ԽՈՍՏԱՆՈՒՄ ԵՆ /ԱՍՏԾՈՒՆ/	
ԿՈՒՅՍ ՄՆԱԼ, ԲԱՅՑ ՍՏՈՒՄ ԵՆ	112
ԳԼՈՒԽ ԾԽԴ - ՀՂԻ ԿԱՆԱՆՑ ՄԿՐՏԵԼՈՒ ՄԱՍԻՆ	112
ԳԼՈՒԽ ԾԽԵ - ՊՈՌՆԻԿ ԿԵՈՋԻ ԱՐՁԱԿԵԼՈՒ ՄԱՍԻՆ	113
ԳԼՈՒԽ ԾԽԶ - ԿԵՈՋԻ ԱՏԵԼՈՒԹՅԱՄԲ ԱՐՁԱԿՈՂՆԵՐԻ ՄԱՍԻՆ	113
ԳԼՈՒԽ ԾԽԷ - ՍԱՐԿԱՎԱԳՆԵՐԻ ԿՈՂՄԻՑ ԻՐԵՆՑ ԿԱՆԱՆՑ	
ԱՐՁԱԿԵԼՈՒ ՄԱՍԻՆ	114
ԳԼՈՒԽ ԾԽԸ - ՊՂԾՈՒԹՅԱՆ ՄԵՋ ԸՆԿԱԾ ՔԱՀԱՆԱՆԵՐԻ ՄԱՍԻՆ	114
ԳԼՈՒԽ ԾԽԹ - ԱՅՆ ՄԱՍԻՆ, ԹԵ ՔԱՆԻՐ՝ ՏԱՐԵԿԱՆՈՒՄ Է՛	
ԱՐԺԱՆ ԵՐԵՑ ԶԵՌՆԱԴՐԵԼ	114
ԳԼՈՒԽ ԾԾ - ՆՐԱՆՑ ՄԱՍԻՆ, ՈՎՔԵՐ ՀԱՐԿԱԴՐՎԱԾ	
ԵՆ ԳԱԼԻՍ ՄԿՐՏՈՒԹՅԱՆ ԵՎ ԱՊԱՇԽԱՐՈՒԹՅԱՆ	115
ԳԼՈՒԽ ԾԾԱ - ԳԱՎԱՌԻ ԵՐԵՑՆԵՐԻ ՄԱՍԻՆ	115
ԳԼՈՒԽ ԾԾԲ - ՔՈՐԵՊԻՍԿՈՊՈՍՆԵՐԻ ՄԱՍԻՆ	115
ԳԼՈՒԽ ԾԾԳ - ԵԿԵՂԵՑՈՒՆ ՊԱՏԿԱՆՈՂ ՊՏՂԻ ՄԱՍԻՆ	116
ԳԼՈՒԽ ԾԾԴ - ԱՅՆ ՀԱՅՐԵՐԻ ՄԱՍԻՆ, ՈՐ ԹՈՂՆՈՒՄ ԵՆ	
ԻՐԵՆՑ ՈՐԴԻՆԵՐԻՆ	116
ԳԼՈՒԽ ԾԾԵ - ԱՅՆ ՈՐԴԻՆԵՐԻ ՄԱՍԻՆ, ՈՐ ԹՈՂՆՈՒՄ ԵՆ	

ԻՐԵՆՑ ՀԱՅՐԵՐԻՆ	117
ԳԼՈՒԽ ԾԾԶ - ԱՎԱԳ ՀԻՆԳՇԱԲԹԻ ՈՒՏՈՂՆԵՐԻ ՄԱՍԻՆ	117
ԳԼՈՒԽ ԾԾԷ - ԵՊԻՍԿՈՊՈՍՆԵՐԻ՝ ԿԱԹՈՂԻԿՈՍԻՆ	
ՀՆԱԶԱՆԴՎԵԼՈՒ ՄԱՍԻՆ	117
ԳԼՈՒԽ ԾԾԸ - ԵՊԻՍԿՈՊՈՍՆԵՐԻ ԿՈՂՄԻՑ ԲԱՆԱԴՐՎԱԾՆԵՐԻ ՄԱՍԻՆ	118
ԳԼՈՒԽ ԾԾԹ - ԱՅԼՈՑ ԵՆԹԱԿԱՑՈՒԹՅԱՆ ՏԱԿ ԳՏՆՎՈՂՆԵՐԻՆ	
ԵՊԻՍԿՈՊՈՍՆԵՐԻ ԶՁԵՌՆԱԴՐԵԼՈՒ ՄԱՍԻՆ	119
ԳԼՈՒԽ ԾԿ - ԱՄԲԱՍՏԱՆՎԱԾ ԵՊԻՍԿՈՊՈՍՆԵՐԻ ՄԱՍԻՆ	119
ԳԼՈՒԽ ԾԿԱ - ԵԿԵՂԵՑՈՒ ՀԻՆ ԵՎ ԲԱՐԻ ՍՈՎՈՐՈՒԹՅՈՒՆՆԵՐԸ	
ԶՓՈԽԵԼՈՒ ՄԱՍԻՆ	120
ԳԼՈՒԽ ԾԿԲ - ԵԿԵՂԵՑՈՒ ՍՐԲՈՒԹՅՈՒՆԸ ԱՅԼ ԵԿԵՂԵՑՈՒ	
ՆՎԵՐ ՉՏԱԼՈՒ ՄԱՍԻՆ	120
ԳԼՈՒԽ ԾԿԳ - ՆՐԱՆՑ ՄԱՍԻՆ, ՈՐ ԱՅԼԱԶԳԻՆԵՐԻ	
ՀԵՏ ԽԱՌՆԱԿՎՈՒՄ ԵՆ ԽՆԱՄՈՒԹՅԱՄԲ	120
ԳԼՈՒԽ ԾԿԴ - ԱՅՆ ԵՊԻՍԿՈՊՈՍՆԵՐԻ ՄԱՍԻՆ, ՈՎՔԵՐ ԱՅԼ	
ԵԿԵՂԵՑԻՆԵՐ ԵՆ ԿՈՂՈՊՏՈՒՄ ԻՐԵՆՑԸ ԶԱՐԴԱՐԵԼՈՒ ՀԱՄԱՐ	121
ԳԼՈՒԽ ԾԿԵ - ՊԱԿԱՍԱՄԻՏՆԵՐԻ ՄԱՍԻՆ, ՈՐ ԻՆՔՆԱՍՊԱՆ	
ԵՆ ԼԻՆՈՒՄ	121
ԳԼՈՒԽ ԾԿԶ - ԴԻՎԱՀԱՐ ԿԵՈՋ ՄԱՍԻՆ	121
ԳԼՈՒԽ ԾԿԷ - ՆՐԱ ՄԱՍԻՆ, ՈՐ ԱՅՐ ՉԼԻՆԻ	122
ԳԼՈՒԽ ԾԿԸ - ԿԱՆԱՆՑ ՄԱՍԻՆ, ՈՐ ՀԱՇՄՎԱԾ ԵՆ	122
ԳԼՈՒԽ ԾԿԹ - ԱՆԱՍՈՒՆՆԵՐԻ ՀԵՏ ՊՂԾՎՈՂՆԵՐԻ ՄԱՍԻՆ	122
ԳԼՈՒԽ ԾՀ - ԱՅՆ ՔԱՀԱՆԱՅԻ ՄԱՍԻՆ, ՈՐ ՈՐԵՎԷ ՄԵԿԻՆ ՍՊԱՆԻ	123
ԳԼՈՒԽ ԾՀԱ - ԴԻՎԱՀԱՐՆԵՐԻ ՄԱՍԻՆ, ՈՐ ՄԱՐԴ ԵՆ ՍՊԱՆՈՒՄ	123
ԳԼՈՒԽ ԾՀԲ - ԿԱՆԱՆՑ ԱՄԼՈՒԹՅԱՆ ՄԱՍԻՆ	124
ԳԼՈՒԽ ԾՀԳ - ՔԱՀԱՆԱՆԵՐԻ ԵՎ ԱՅԼՈՑ ԿՈՂՄԻՑ	
ԱԿԱՄԱ ՍՊԱՆՈՒԹՅԱՆ ՄԱՍԻՆ	124
ԳԼՈՒԽ ԾՀԴ - ՊԱՏԵՐԱԶՄԻ ԺԱՄԱՆԱԿ ՍՊԱՆՈՒԹՅԱՆ ՄԱՍԻՆ	125
ԳԼՈՒԽ ԾՀԵ - ՈՐԴԻՆԵՐԻՑ ԲԱԺԱՆՄԱՆ ՄԱՍԻՆ	125
ԳԼՈՒԽ ԾՀԶ - ՆԵՐՔԻՆԻՆԵՐԻ ՄԱՍԻՆ	126
ԳԼՈՒԽ ԾՀԷ - ՈՐԵՎԷ ՏԵՂԻՑ ԿՈՂՈՊՏԵԼՈՎ ՈՒՏՈՂՆԵՐԻ ՄԱՍԻՆ	126
ԳԼՈՒԽ ԾՀԸ - ՀՐԴԵՀՆԵՐԻ ՄԱՍԻՆ	126
ԳԼՈՒԽ ԾՀԹ - ՀԱՓՇՏԱԿՈՂ ԱՐՎԵՍՏԱՎՈՐՆԵՐԻ ՄԱՍԻՆ	126
ԳԼՈՒԽ ԾՁ - ՀԱՅՐԱԿԱՆ ՈՒՆԵՑՎԱԾՔԸ ՈՐԴԻՆԵՐԻՆ ԵՎ	

<i>ԴՈՒՍՏՐԵՐԻՆ ԲԱԺԱՆԵԼՈՒ ՄԱՍԻՆ</i>	127
<i>ԳԼՈՒԽ ձՁԱ - ԱՅՆ ՄԱՍԻՆ, ԹԵ ՔԱՆԻ՞ ՏԱՐԵԿԱՆ</i>	
<i>ՊԻՏԻ ԼԻՆԻ ՏՂԱՆ, ՈՐ ԲԱԺԻՆ ԱՌՆԻ</i>	127
<i>ԳԼՈՒԽ ձՁԲ - ՀԱՇՄ ԶԱՎԱԿՆԵՐԻ ՄԱՍԻՆ</i>	128
<i>ԳԼՈՒԽ ձՁԳ - ԿՏԱԿՆԵՐԻ ՄԱՍԻՆ</i>	129
<i>ԳԼՈՒԽ ձՁԴ - ՄԵՌՆՈՂԻ ԽՈՍՔԸ ԸՆԴՈՒՆԵԼՈՒ ԱՐԺԱՆԱՎՈՐ</i>	
<i>ԵՂԱՆԱԿԻ ՄԱՍԻՆ</i>	129
<i>ԳԼՈՒԽ ձՁԵ - ՎԱՃԱՌՔԻ ՄԵՋ ԿԱՏԱՐԱԾ ՎԱՃԱՌՈՂԻ</i>	
<i>ՆԵՆԳՈՒԹՅԱՆ ՄԱՍԻՆ</i>	131
<i>ԳԼՈՒԽ ձՁԶ - ՍՈՒՏ ՎԿԱՅՈՒԹՅՈՒՆ ՏՎՈՂՆԵՐԻ ՄԱՍԻՆ</i>	131
<i>ԳԼՈՒԽ ձՁԷ - ԿՈՒՅՍԻ ԵՎ ԵՐԿԱԿԻ ՄԱՍԻՆ</i>	132
<i>ԳԼՈՒԽ ձՁԸ - ԽՈՍՎԱԾ ԿԱՆԱՆՑ ՄԱՍԻՆ</i>	132
<i>ԳԼՈՒԽ ձՁԹ - ԱԽՏԱԺԵՏ ԱՅՐԵՐԻ ԵՎ ԿԱՆԱՆՑ ՄԱՍԻՆ</i>	132
<i>ԳԼՈՒԽ ձՁՂ - ԴՈՂԵՐԻ ԵՎ ՊԻՍԱԿՆԵՐԻ, ԽՈՒԼԵՐԻ ԵՎ ՀԱՄՐԵՐԻ</i>	
<i>ՄԱՍԻՆ, ԹԵ ԿԱՐՈ՞Ղ ԵՆ ԱՐԴՅՈՒՔ ԿԻՆ ԱՌՆԵԼ</i>	133
<i>ԳԼՈՒԽ ձՁԱ - ՈՉ ՔՐԻՍՏՈՆՅԱ ԽՈՍՎԱԾ ԿԱՆԱՆՑ ՄԱՍԻՆ</i>	133
<i>ԳԼՈՒԽ ձՁԲ - ՏՂԱ ԵՐԵԽԱՆԵՐԻՆ ՄԻՆՉ ՀԱՍՈՒՆԱՆԱԼԸ</i>	
<i>ՊՍԱԿ ԶԱՆԵԼՈՒ ՄԱՍԻՆ</i>	134
<i>ԳԼՈՒԽ ձՁԳ - ՆՐԱՆՑ ՄԱՍԻՆ, ՈՎՔԵՐ ՈՐ ՄԵԿ ՄՈՐ</i>	
<i>ԿԱԹՈՎ ԵՆ ՄԵՎԵԼ</i>	134
<i>ԳԼՈՒԽ ձՁԴ - ՍԱՀՄԱՆ ՓՈՓՈԽՈՂՆԵՐԻ ՄԱՍԻՆ</i>	135
<i>ԳԼՈՒԽ ձՁԵ - ԻՐԵՆՑ ԿԱՆԱՆՑ ԴՈՒՐՍ ԱՆՈՂՆԵՐԻ ՄԱՍԻՆ</i>	135
<i>ԳԼՈՒԽ ձՁԶ - ԱՄՈՒԼ ԿԱՆԱՆՑ ՄԱՍԻՆ</i>	136
<i>ԳԼՈՒԽ ձՁԷ - ԻՐԵՆՑ ԱՅՐԵՐԻՆ ԹՈՂՆՈՂ ԿԱՆԱՆՑ ՄԱՍԻՆ</i>	137
<i>ԳԼՈՒԽ ձՁԸ - ՆՐԱ ՄԱՍԻՆ, ՈՐ ԱՌԵՎԱՆԳՎԱԾԻՆ Է ԱՌՆՈՒՄ</i>	137
<i>ԳԼՈՒԽ ձՁԹ - ԱՎԱԳԵՐԵՑՆԵՐԻ ՄԱՍԻՆ</i>	138
<i>ԳԼՈՒԽ Մ - ՔԱՀԱՆԱՆԵՐԻ ԵՎ ԺՈՂՈՎՐԴԻՑ ԱՐՎՈՂ</i>	
<i>ՄՈՒՏՔԵՐԻ ՄԱՍԻՆ</i>	138
<i>ԳԼՈՒԽ ՄԱ - ԵԿԵՂԵՑՈՒՆ ՍՊԱՍԱՎՈՐԵԼՈՒ ՄԱՍԻՆ</i>	139
<i>ԳԼՈՒԽ ՄԲ - ՎԱՆՔԵՐԻ ԵՎ ՆՐԱՆՑ ԵԿԵՂԵՑՆԵՐԻ ՄԱՍԻՆ</i>	139
<i>ԳԼՈՒԽ ՄԳ - ՆԵՋԵՑՅԱԼՆԵՐԻ ՀԻՇԱՏԱԿԻ ՄԱՍԻՆ</i>	140
<i>ԳԼՈՒԽ ՄԴ - ԲԱՆԱԴՐԱՆՔԻ ՄԱՍԻՆ</i>	141
<i>ԳԼՈՒԽ ՄԵ - ԵԿԵՂԵՑԻ ՓԱԿՈՂՆԵՐԻ ՄԱՍԻՆ</i>	141
<i>ԳԼՈՒԽ ՄԶ - ԳԵՐԻ ՏԱՐՎԱԾ ԱՅՐԵՐԻ ԵՎ ԿԱՆԱՆՑ ՄԱՍԻՆ</i>	141

<i>ԳԼՈՒԽ ՄԷ - ԵԿԵՂԵՑՈՒ ԺԱՌԱՆԳԱՎՈՐՆԵՐԻ ՄԱՍԻՆ</i>	142
<i>ԳԼՈՒԽ ՄԸ - ՔԱՀԱՆԱՆԵՐԻ ԱԶԱՏՆԵՐ ԼԻՆԵԼՈՒ ՄԱՍԻՆ</i>	143
<i>ԳԼՈՒԽ ՄԹ - ՎԱՆՔԵՐԻ ՄԱՍԻՆ</i>	144
<i>ԳԼՈՒԽ ՄԺ - ՏԿԱՐԱՆՈՑՆԵՐԻ ՄԱՍԻՆ</i>	145
<i>ԳԼՈՒԽ ՄԺԱ - ԲՈՆՈՒԹՅԱՄԲ ՎԱՆՔԵՐՈՒՄ ԻՋԵՎԱՆՈՂՆԵՐԻ</i>	
<i>ՄԱՍԻՆ</i>	145
<i>ԳԼՈՒԽ ՄԺԲ - ԱՅՆ ՄԱՍԻՆ, ԹԵ ՔԱՆԻ ՍԵՐՈՒՆԴ /ԶԱՐՄ, ԱԶԳ/</i>	
<i>ՀԵՌԱՎՈՐՈՒԹՅԱՆ ԴԵՊՔՈՒՄ ԿԱՐՈՂ ԵՆ ՊՍԱԿՎԵԼ</i>	
<i>ՄԻՄՅԱՆՑ ՀԵՏ</i>	146
<i>ԳԼՈՒԽ ՄԺԳ - ԴԱՐՁՅԱԼ ՆՈՒՅՆ ԽՈՐՀՐԴԻ ՄԱՍԻՆ</i>	149
<i>ԳԼՈՒԽ ՄԺԴ - ԽՈՐՏԱԿՎԱԾ ՆԱՎԻ ՄԱՍԻՆ</i>	150
<i>ԳԼՈՒԽ ՄԺԵ - ԽԱՐԵՔԱՆԵՐԻ ՄԱՍԻՆ</i>	150
<i>ԳԼՈՒԽ ՄԺԶ - ՆՈՐ ԳՅՈՒՂ ԿԱՌՈՒՑՈՂՆԵՐԻ ՄԱՍԻՆ</i>	151
<i>ԳԼՈՒԽ ՄԺԷ - ՆՐԱՆՑ ՄԱՍԻՆ, ՈՎՔԵՐ ՄԵՏԱՔՍ ԿԱՄ ԱՅԼ</i>	
<i>ԻՆՉՔ ԵՆ ԳՆՈՒՄ ՈՒ ԾԱԽՈՒՄ</i>	151
<i>ԳԼՈՒԽ ՄԺԸ - ԱՅՆ ՄԱՍԻՆ, ԹԵ ՏՆԻՑ ԻՆՉ ԲԱԺԻՆ Է ՀԱՄՆՈՒՄ</i>	
<i>ՀԱՐՍԻՆ</i>	152
<i>ԳԼՈՒԽ ՄԺԹ - ՆՐԱՆՑ ՄԱՍԻՆ, ՈՐ ԾԱՌԻՑ ԿԱՄ ԵԿԵՂԵՑՈՒՑ</i>	
<i>ՎԱՅՐ ԵՆ ԸՆԿՆՈՒՄ</i>	152
<i>ԳԼՈՒԽ ՄԻ - ԳՈՂԵՐԻՆ ՓԱՅՏԻ ՎՐԱ ՀԱՆԵԼՈՎ</i>	
<i>ՄԱՀԱՊԱՏԺԻ ՄԱՍԻՆ</i>	153
<i>ԳԼՈՒԽ ՄԻԱ - ԱՅՆ ԿԵՆԴԱՆԻՆԵՐԻ ՄԱՍԻՆ, ՈՐ ՄԱՐԴ</i>	
<i>ԵՆ ՍՊԱՆՈՒՄ</i>	154
<i>ԳԼՈՒԽ ՄԻԲ - ԱՅՆ ՄԱՍԻՆ, ԵՐԲ ՄԵԿԸ ՄԱՐԴՈՒ ՃԱՆԱՊԱՐՀ</i>	
<i>Է ՈՒՂԱՐԿՈՒՄ ԵՎ ՆԱ ՄԵՌՆՈՒՄ Է</i>	154
<i>ԳԼՈՒԽ ՄԻԳ - ՄԱՆՈՒԿՆԵՐԻՆ ՈՒՍՈՒՑԱՆՈՂՆԵՐԻ ՄԱՍԻՆ</i>	155
<i>ԳԼՈՒԽ ՄԻԴ - ՀԱՐԲԵՑՈՂՈՒԹՅԱՆ ՄԱՍԻՆ</i>	155
<i>ԳԼՈՒԽ ՄԻԵ - ԵԿԵՂԵՑՈՒ ԿԱՐԳԵՐԻ ԵՎ ԹԱԳԱՎՈՐԻ ՏԱՆ ՄԱՍԻՆ</i>	156
<i>ԳԼՈՒԽ ՄԻԶ - ՆՐԱ ՄԱՍԻՆ, ՈՐ ՕՏԱՐ ՄԱՐԴՈՒ Է</i>	
<i>ՈՒՂԱՐԿՈՒՄ ԳՈՐԾԻ ԵՎ ՆԱ ՄԵՌՆՈՒՄ Է</i>	167
<i>ԳԼՈՒԽ ՄԻԷ - ՆՐԱ ՄԱՍԻՆ, ՈՐ ՎԱՐՁՈՎ ՈՐԵՎԷ ՄԱՐԴՈՒ</i>	
<i>ՈՒՂԱՐԿՈՒՄ Է ԳՈՐԾԵԼՈՒ</i>	167
<i>ԳԼՈՒԽ ՄԻԸ - ԵԿԵՂԵՑՈՒՆ ՀԱԿԱՌԱԿ ԵԿԵՂԵՑԻ</i>	
<i>ԿԱՌՈՒՑՈՂԻ ՄԱՍԻՆ</i>	168

ԳԼՈՒԽ ՄԻԹ - ԵԿԵՂԵՑՈՒՑ ԱՔՍՈՐՎԱԾՆԵՐԻ ՄԱՍԻՆ	169
ԳԼՈՒԽ ՄԼ - ԹԱԳԱՎՈՐՆԵՐԻՆ ԱՔՍՈՐԵԼՈՒ ՄԱՍԻՆ	169
ԳԼՈՒԽ ՄԼԱ - ԱՆԱՍՈՒՆԻՆ ՎՆԱՍՈՂԻ ԵՎ ՍՊԱՆՈՂԻ ՄԱՍԻՆ	170
ԳԼՈՒԽ ՄԼԲ - ՆՐԱ ՄԱՍԻՆ, ՈՐ ԳՐԱՍՏԻՆ ԽՐՏԵՑՆՈՒՄ Է	
ԵՎ ՄԱՐԴՆ ԸՆԿՆՈՒՄ Է ԵՎ ՎՆԱՍՎՈՒՄ	171
ԳԼՈՒԽ ՄԼԳ - ԿԱՄԱ ԵՎ ԱԿԱՄԱ ՍՊԱՆՈՒԹՅՈՒՆՆԵՐԻ ՄԱՍԻՆ	172
ԳԼՈՒԽ ՄԼԴ - ՋՐՈՎ ՎՆԱՍ ՏՎՈՂՆԵՐԻ ՄԱՍԻՆ	174
ԳԼՈՒԽ ՄԼԵ - ԲԺԻՇԿՆԵՐԻ ՄԱՍԻՆ	174
ԳԼՈՒԽ ՄԼԶ - ՆՐԱ ՄԱՍԻՆ, ԵՐԲ ՄԵԿԸ ՄԵԿԻՆ ԳՈՐԾԻ	
ԴՆԻ ԵՎ ԱՅԴ ՄԱՐԴԸ ՄԵՌՆԻ	175
ԳԼՈՒԽ ՄԼԾ - ՄՇԱԿՆԵՐԻ ՄԱՍԻՆ	175
ԳԼՈՒԽ ՄԼԸ - ՀՈՎԻՎՆԵՐԻ ԵՎ ՀԱՆԴԱՊԱՀՆԵՐԻ ՄԱՍԻՆ	176
ԳԼՈՒԽ ՄԼԹ - ՆՐԱՆՑ ՄԱՍԻՆ, ՈՐ ԵԿԵՂԵՑՈՒՆ ՏՈՒՆ, ԱՅԳԻ	
ԵՎ ԱՅԼ ԻՐԵՐ ԵՆ ՏԱԼԻՍ	176
ԳԼՈՒԽ ՄԽ - ՎԱՃԱՌՔՆԵՐԻ ՄԱՍԻՆ	177
ԳԼՈՒԽ ՄԽԱ - ԳՈՂ ԱՐՎԵՍՏԱՎՈՐՆԵՐԻ ՄԱՍԻՆ	178
ԳԼՈՒԽ ՄԽԲ - ԳՈՐԾ ԱՆԵԼՈՒ ՀԱՄԱՐ ՈՐԵՎԷ ԱՆՈԹ	
ՎԵՐՑՆԵԼՈՎ ՎՆԱՍՈՂԻ ՄԱՍԻՆ	178
ԳԼՈՒԽ ՄԽԳ - ԴԱՏԱՍՏԱՆԵՐԻ ԴԱՏԱՍՏԱՆԻ ՄԱՍԻՆ	179
ԳԼՈՒԽ ՄԽԴ - ՋՐԱՂԱՅՆԵՐԻ ՄԱՍԻՆ	180
ԳԼՈՒԽ ՄԽԵ - ԱՅՆ ՄԱՍԻՆ, ԵՐԲ ՄԵԿԸ ԳՐԱՍՏ Է ՏԱԼԻՍ	
ԱՐՈՏԻ, ԳՈՐԾԻ ԵՎ ՎՆԱՍՎՈՒՄ Է	180
ԳԼՈՒԽ ՄԽԶ - ՔԱՀԱՆԱՆԵՐԻ ՀՈՂԱԴՐԱՄԻ ՄԱՍԻՆ	181
ԳԼՈՒԽ ՄԽԷ - ՍԻՆՈՌԻ ՄԱՍԻՆ, ՈՐ ՍԱՀՄԱՆՆԵՐՆ ԵՆ	182
ԳԼՈՒԽ ՄԽԸ - ԴԻՎԱՀԱՐ ԱՆԱՍՈՒՆՆԵՐԻ ՄԱՍԻՆ	182
ԳԼՈՒԽ ՄԽԹ - ՓՈՔՐ ԱՂՋԿԱՆ ՄԵՎ ՄԱՐԴԿԱՆՑ ՀԵՏ	
ՊՍԱԿՈՂՆԵՐԻ ՄԱՍԻՆ	183
ԳԼՈՒԽ ՄԾ - ՈՒԽՏԵՐԻ ՄԱՍԻՆ	183
ԳԼՈՒԽ ՄԾԱ - ԱՎԱՐ ՎԱՃԱՌՈՂՆԵՐԻ ՄԱՍԻՆ	185